



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



MLb 48.33

**HARVARD COLLEGE
LIBRARY**




**FROM THE FUND OF
FREDERICK ATHEARN LANE
OF NEW YORK**

Class of 1849

—







Jacobus Balde Vates Buorum.

①

JACOBI BALDE

SOC. JES.

CARMINA LYRICA.

HARVARD
UNIVERSITY

RECOGNOVIT

ANNOTATIONIBUSQUE

ILLUSTRAVIT

P. BENNO MÜLLER O. S. B.


**PHIL. ET SS. THEOL. DOCTOR, H. T. GYM. PROF. ET
RECTOR.**

PRÆFIXA EST POETAE IMAGO.

MONACHII, 1844.

ML 648.33

~~TV 6021~~



Lane fund

Permittente Superiore.

594

Herder

an den deutschen Leser.

Balde war ein Deutscher, der im siebenzehnten Jahrhundert lebte und für sein Vaterland mit Begeisterung als Dichter kämpfte. Mögen seine Gesänge auch in unserer Zeit die Wirkung thun, dazu die Kraft in ihnen liegt. Der lyrische Dichter ist ein Seher, der nicht in eigenem Namen, sondern aus Kraft des ihn begeisternden Gottes den Sterblichen Lehre und Trost ans Herz legt und Wahrheit verkündigt.

Balde thut dieses in einer grossen Art. Starke Gesinnungen, erhabene Gedanken, goldne Lehren, vermischt mit zarten Empfindungen fürs Wohl der Menschheit und für das Glück seines Vaterlandes strömen aus seiner vollen Brust, aus seiner innig bewegten Seele. Nirgend buhlt er um Beifall; ein strenger Umriss bezeichnet seine Denkart, auch wo er am sanftesten redet. Er lebte in den Zeiten des dreissigjährigen Krieges, und sah die jammervollen Scenen desselben. Mit verwundetem Herzen tröstete er die Vertriebe-

IV

nen, richtete die Gesunkenen auf; indem das Schicksal Deutschlands beweinte, suchte er Deutschlands bessern Geist zu wecken, und es zur Tapferkeit, Redlichkeit, Eintracht ermahnen. Wie ergrimmt ist er gegen falschen Staatskünstler! wie entbrannt für gesunkene Ehre und Tugend seines Land. Allenthalben in seinen Gedichten sieht man seine ausgebreitete, tiefe, schneidende Wirkkenntniss, bei einer ächtphilosophischen Grössteswürde. In diesem und in mehrerem Betracht ist er ein Dichter Deutschlands *für alle Zeiten*: manche seiner Oden sind von so lebhafter Farbe, als wären sie in den neuesten Jahren geschrieben.

Und diesen Schatz von Empfindungen bietet er uns in einer Form dar, die unstreitig zu den glücklichsten gehört, deren sich die menschliche Sprache bedienen darf; ich meine die *lyrische Weise*. Sie bricht die Blume der schönsten Gesinnungen und ordnet sie mit der Grazienhand zum Kranze. Ueber den gemeinen Gang der Dinge erhoben, gibt die lyrische Muse uns eine höhere Ansicht dieser Dinge, und weiss uns in wenigen Strophen mehr zu sagen, als lange Abhandlungen sagen könnten: denn sie gibt reine Resultate; Resultate langer Erfahrung, tiefer Betrachtun-

inniger Gefühle. Durch Wohlklang spricht sie zu unserm Ohr, durch eine geordnete Reihe von Bildern und Empfindungen zu unserer Seele, bis sie ihr kleines, in allen Theilen durchdachtes Kunstwerk, so bald es seyn kann, oft unvermuthet, immer aber auf eine befriedigende Weise vollendet.

Gleich dem Horaz hat Balde seine lyrischen Gedichte in vier Bücher und Ein Buch Epoden geordnet. An Zahl der Gesänge übertrifft er den Römer bei weitem, vielleicht auch an Reichthum *eigenthümlicher Wendungen* und an dem, was man genialische Composition nennen könnte: natürlich aber konnte er in Anpreisung eines heidnischen Lebensgenusses mit dem Venusiner nicht wetteifern wollen; am wenigsten durfte und wollte er sich in Epoden erlauben, was sich der Römer erlaubte. Dem Libertinismus des Horaz in der Denkart war nicht nur seine Regel, sondern auch sein Charakter zuwider. Dagegen, was moralisch gross und schön, oder heiliglieblich und wohllautend ist, deutsche Stärke, stoische Tugend, christliche Sittlichkeit, andächtige oder thätige Liebe hat er in jeder ihm nahen Situation angepriesen. Muthiger aber noch und stärker hat er die Laster angegriffen, den Frevel entschleiert, die Heu-

VI

chelei und Tyrannei gebändigt. Er umfaßt viele, grosse, merkwürdige Gegenstände mit einer grossen Seele; und an Formen der Composition, an lyrischen Abwechselungen und Einkleidungen ist er so reich, als irgend kaum ein anderer Dichter. Bringt man hiezu noch die hohe Bedeutsamkeit seiner Gesänge für die christliche Ueberzeugung in Anschlag, so stehen sie eben so wenig an Grösse des Inhalts, als an Genie und Kunst, den Römischen nach, wenn gleich er sein München nicht in die Hauptstadt der Welt, *Rom*, seinen grossen Maximilian nicht in einen Cäsar-Augustus umschaffen konnte. Wie manche süsse Stunde der Mitternacht, ja ich darf sagen wie manche tiefere Furche der innern Cultur habe ich unserem Dichter zu danken! Er kann und soll uns Allen Stimme und Vorbild seyn, wie auch wir, in und ausser Horazens Weise, für unsere Zeit werden, was an uns unsere Zeit bedarf.

Index Odarum

JACOBI BALDE.

LYRICORUM LIB. I.

Ode I. Commendatio frugalis vitae et quieti animi.

Abdolonymi felicitas.

Ode II. Moderatoribus esse obtemperandum.

Ode III. Thomae Mori constantia.

Ode IV. Seni cantum non convenire.

Ode V. Coelum liquidum.

Ode VI. Animi generosi libertas.

Ode VII. Pravi amoris indoles.

Ode VIII. Germania suis cupiditatibus periens.

Ode IX. Nosce teipsum.

Ode X. Samso resipiscens; sive viduus de vitae statu deliberans.

Ode XI. Commendat Flavii Leonis vinum.

Ode XII. Parodia et Palinodia ad amphoram cerevisiarum.

Ode XIII. Iacturam divitiarum sapienti non aestimandam esse.

Ode XIV. Pyladis hortus, seu symbolum amicitiae.

- Ode XV. Iocus saturnalius.
Ode XVI. Laus P. Hieremiae Drexelii.
Ode XVII. In Monarchis quid mirandum et optandum.
Ode XVIII. Gratulatio coelibem vitam agere destinanti facta.
Ode XIX. Gotefridi Henrici Pappenheimii inclyta mors in pugna Lycia.
Ode XX. Solatúr egentis desideria.
Ode XXI. Suspiciosum et querulum demulcet.
Ode XXII. Circulus Platonius sive mens humana.
Ode XXIII. Batrachomyomachiam editurus etc.
Ode XXIV. Incorruptae mentis aequitatem commendat ad Iurisperitum etc.
Ode XXV. Futura per entusiasmum praedicat.
Ode XXVI. Gaudium bonae mentis.
Ode XXVII. Ut senex prompto animo mortem admittat.
Ode XXVIII. Narcissum dehortatur a philautia.
Ode XXIX. Non delectari se fracto et molliari cantu.
Ode XXX. Tectum et multiplicem agendi modum reprehendit.
Ode XXXI. Quaedam sapienter tacenda fortiter esse dissimulanda.
Ode XXXII. Aetatem factis, non annis extendi.
Ode XXXIII. Iephtham tragoediam exhibiturus In-golstadii.
Ode XXXIV. Ad maciem in die natali.
Ode XXXV. In funere filii primogeniti, consolatio stoica.
Ode XXXVI. Melancholia, cum occuparetur sacum a Winmario.

- Ode XXXVII. Ad Germanos cum sub ipsa Bacchanalia
Sæcus Germaniam vastaret et Turca irruptu-
rus timeretur.
- Ode XXXVIII. Ad Aquilam Romani Imperii.
- Ode XXXIX. Tres Heroes. Georgius Castriotus
Scanderbegus Princeps Epiri.
- Ode XL. Ioannes, Austriacus navali pugna ad Echi-
nadas contra Selimum II. Turc. Imp. celebra-
rimus.
- Ode XLI. Ioannes Hunniades terror Turcarum dictus.
- Ode XLII. Se deinceps D. Virginis vatem et en-
comiasten fore.
- Ode XLIII. Se delectari laudibus D. Virginis ca-
nendis.

LYRICORUM LIB. II.

- Ode I. Celeusma Marianum, sive laudes D. Vir-
ginis ex ss. Litt.
- Ode II. Milo Crotoniates senex, humane imbecil-
litis monitor.
- Ode III. Pæan Boicus, cum Monachii victoriae
Pragensis memoria iteraretur.
- Ode IV. Ad Matrem amabilem.
- Ode V. De posteris primi Adami.
- Ode VI. Ad Carolum Wetteravium in magni Prin-
cipis obsequia transiturum, Protrepicon.
- Ode VII. Votum Parthenii sodalis ex formula Pro-
pono firmiter etc.
- Ode VIII. In funere divitis, cum sepeliretur.
- Ode IX. De quinquies viduo Suevo.
- Ode X. De moribus et natura sapientia.
- Ode XI. Ad D. Virginem in sylva quietis etc.

- Ode XII. Fuge dilecte mi et assimilare capreae etc.
- Ode XIII. Alberti Wallensteinii fatalis exitus.
- Ode XIV. Ad D. Virginem, propempticon venatorium.
- Ode XV. Urna Minois, sive iustum iudicium.
- Ode XVI. Maria Aegyptiaca poenitens.
- Ode XVII. Paeon Parthenius, Boiarum Virginum defensa castitas.
- Ode XVIII. Ad D. Matrem Puerum Iesum in sinu tenentem.
- Ode XIX. Pecunia serpens.
- Ode XX. Pensiles horti serenissimi Alberti.
- Ode XXI. Lyra Pythagorae, animus temperatis affectibus concors.
- Ode XXII. Artificiosum simulacrum pusionis in aditu horti Albertini.
- Ode XXIII. Mortem aequo animo subeundam esse.
- Ode XXIV. Ad D. Virginem. *Multae Altae congregaverunt divitias etc.*
- Ode XXV. Exclamatio adversus Octavianum Caesarem cum Schleissheimii M. Tullii Ciceronis effigies marmoream auctor contempleretur.
- Ode XXVI. Ad senatum populumque Monacensem de statua in foro erecta etc.
- Ode XXVII. Epistola Lyrica ad amicum Brisachensem et exulem etc.
- Ode XXVIII. Enthusiasmus auctoris in antiquariis sereniss. Electoris Maximiliani. (Sylv. Lyr. v, 5.
- Ode XXIX. Ad Matrem Virginem, cum Praeside decederet officio etc.
- Ode XXX. Magistratus Romanus ad Maximum Campanum.
- Ode XXXI. Oleum thaumaturgum D. Iginii Loiolae in templo S. Michaelis Monachii.

- Ode XXXII. Ad D. Virginem Auxilium Christianorum.
- Ode XXXIII. Choreae mortuales.
- Ode XXXIV. Gaudium sapientis, ad Stoicum.
- Ode XXXV. Dirae in catarrhum.
- Ode XXXVI. Ad Somnum, cum insomniis laboraret.
- Ode XXXVII. Malo viro nil prodesse, cum de funesto exitu Wallensteinii verba fecisset.
- Ode XXXVIII. Panegyris de B. Virgine sine macula concepta. Carmen votivum.
- Ode XXXIX. Enthusiasmus in coemeterio considerantis mortem ac functorum ossa.
- Ode XL. Quomodo sperandum.
- Ode XLI. Ad D. Virginem salutem infirmorum, cum tentaretur auctor.
- Ode XLII. Irridet genethliacos; ad Henricum Brandium.
- Ode XLIII. Q. Horatium imitari se nonnunquam non imitando. (Sylv. Lyr. v, 4.)
- Ode XLIV. Ad D. Virginem Carmen Votivum pro serenissimis Principibus.
- Ode XLV. Ad Mauritium Rosam tribunum belli.
- Ode XLVI. Non iactandam prosapiae nobilitatem, sed eius causam virtutem retinendam esse.
- Ode XLVII. De more ungendorum cadaverum.
- Ode XLVIII. Moriendum esse.
- Ode XLIX. Cum amico Scyzones suos ad Saturnalia mitteret.
- Ode L. Laus posthuma R. P. Jacobi Kellers S. I. rectoris colleg. Monac.

LYRICORUM LIB. III.

- Ode I. Invitatur ad contemplationem rerum coelestium Sab. Fuscus.
- Ode II. Ad D. Virginem Aetalensem.
- Ode III. Ad Pyrrhum Feudium.
- Ode IV. Genovefa S. Virgo Parisiensis Mortem sponsum suum appellare solita.
- Ode V. Ad Virginem Matrem.
- Ode VI. Ut patriae calamitatem moderate ferat Rud. Vogtius.
- Ode VII. Ad D. Virginem assumptam in eiusdem pervigilio.
- Ode VIII. Vehemens concio de aeternitate habita Oeniponti, cum Oenus hybernis nivibus restagnavit.
- Ode IX. Se in excolenda macie mirum in modum proficere.
- Ode X. Symbola Pythagorae.
- Ode XI. Ad D. Virginem iturus Ebersbergam.
- Ode XII. Auctor a celeberrima secta Stoicorum desciscit.
- Ode XIII. Ludus Palamedis sive latrunculorum, vulgo Scacchus. Invitat auctor Stanislaum ad contemptum rerum terrenarum, sub fortunae ludibriis etc. vanescentium.
- Ode XIV. Argonautae.
- Ode XV. Ad Reginam coeli, cum eam Serenissima Electrix Maria Anna veneraretur symphoniaco apparatu in foro Monacensi etc.
- Ode XVI. Cur a Stoicis secesserit.
- Ode XVII. Inconstantia rerum humanarum.
- Ode XVIII. Ad D. Virginem.

- Ode XIX. Commendat Florentio Cedro sua Lyrica.
- Ode XX. Ad Alsatam sub Sueco exulem in Helvetia.
- Ode XXI. Sueco devastante Germaniam admonet Ludovicum IIbium periculi. Allegoria.
- Ode XXII. Ad D. Virginem, cum sub vernum tempus lues timeretur.
- Ode XXIII. Adspiranti ad Cynico-Stoicorum sectam difficillimae rei summam dignitatem proponit.
- Ode XXIV. Oculorum custodia.
- Ode XXV. Terrenis opibus neminem beatum fieri.
- Ode XXVI. Panegyris rusticanae puellae Bavarae miro stratagemate pudicitiam suam adversus Suecos defendentis.
- Ode XXVII. Lyrica sua in sylvis amissa indicio volantis spinuli sub arbore populo reperta esse laetatur.
- Ode XXVIII. Ad D. Virginem Matrem in foro Monacensi.
- Ode XXIX. Ad infantem Iesum in Bethlemitico specu.
- Ode XXX. Dies Alcyonii, sive laeta vita.
- Ode XXXI. Ad Phil. Brevanum, cum auctori antiqua numismata monstraret.
- Ode XXXII. Iuvenem se scribendis Satyris operam dedisse.
- Ode XXXIII. Humana vita laboriosa navigatio. Delicatum et timidum senem irridet.
- Ode XXXIV. Ad exules Alsatas, mala quaevis fortiter ferenda esse.

- Ode XXXV. Utopia sive Somnium de felicitate mundi.
- Ode XXXVI. Amnestia.
- Ode XXXVII. Cum milites abditam Pauli pecuniam indicio virgulae magicae repertam effodissent
- Ode XXXVIII. Sollicitudo auctoris de nomine B Mariae Virg. suis Lyricis inferendo, postquam in eius sodalitate Salve Regina decantari audierat.
- Ode XXXIX. Considerationes de tranquillitate animi, doctrina S. Pauli firmatas praefert Stoicorum verbosis sententiis.
- Ode XL. In Puerum Iesum et eius Virg. Matrem, carmen seculare cantatum Calend. Ian.
- Ode XLI. In funere serenissimi Principis Ioannis Franc. Caroli primogeniti Seren. Alberti.
- Ode XLII. Ad exercitum, ut D. Ignatium Loiolam in auxiliarem Patronum militiae eligat.
- Ode XLIII. De spinulo suo.
- Ode XLIV. Ephebo aulae conditionem et officia sectanti animi demissionem commendat.
- Ode XLV. Cum Seren. Princeps Albertus Sigismundus etc. electus Coadiutor in Episcopatu Frisingensi renunciaretur.
- Ode XLVI. Fastidire se, quae vulgus appetit.
- Ode XLVII. Enthusiasmus. Auctor prope Cairum consensa primae magnitudinis pyramide veterem novamque Aegyptum contemplatur.
- Ode XLIII. Illusio poetica.

LYRICORUM LIB. IV.

- Ode I. Omnia a Divina providentia pendere et gubernari.



- Ode II. Ad Martem. De serenissimi Electoris aula et munitione excitata Monachii.
- Ode III. Auctor sententiam politicam (quid est Monarchia, nisi tria suspiria obtinendi, retinendi, amittendi) in aula ser. El. Maximiliani superne tabulato inscriptam expendit.
- Ode IV. Ad D. Virginem Dominam auxiliatricem in campo Augiae Monac. propitiam, cum sub vernos dies inviseret auctor.
- Ode V. Regis et tyranni discrimen,
- Ode VI. Etiam minima curanda esse,
- Ode VII. Hodie vivendum.
- Ode VIII. Ad Thomam Marinum a Suecis vulneratum et spoliatum.
- Ode IX. Omniparentis naturae querela ad ingratos mortales.
- Ode X. Queritur auctor fertilissimum regnum Aegypti Turcis servire.
- Ode XI. Disciplina castrensis,
- Ode XII. Amor Marianus.
- Ode XIII. Dialogus de forma B. Virginis, cum contemplarentur auctor et Michael Anguilla aram in aula Monacensi.
- Ode XIV. Pugio Traiani sive orator politicus.
- Ode XV. Ad virginem Matrem Dunthenhusanam.
- Ode XVI. Deterret amicum a more huius seculi.
- Ode XVII. Ad Sabinum Fuscum in Indias profecturum.
- Ode XVIII. Ad eundem, auctoris vaticinium.
- Ode XIX. Malae conscientiae poena.
- Ode XX. Laus Adami Firmionis caeci.
- Ode XXI. Ad Adam. Altorf. In funere f. Edmundi.

- Ode XXII. Cur prisca crediderint, Venerem ex mari procreatam.
- Ode XXIII. Rectius dici, Venerem ex limo terra originem traxisse.
- Ode XXIV. Equus a S. Iobo descriptus, comparatur cum gratia Dei, iuxta illud *Suaviter equitat, quem gratia Dei portat. etc.*
- Ode XXV. Ad seren. Principem Ferd. Carol. Archiducem Austriae etc.
- Ode XXVI. Virtutis genius.
- Ode XXVII. De laudibus B. Virginis.
- Ode XXVIII. De Pompeio Magno, Iulio Caesare. Catone Uticensi in tabula depictis ab Alberto Durero.
- Ode XXIX. Palinodia, non abhorreere se a quibusdam Stoicae sectae scitis.
- Ode XXX. Praecepta vivendi Stoica.
- Ode XXXI. Ad Stoicum de seipso.
- Ode XXXII. Speculum sine macula.
- Ode XXXIII. Verae divitiae, ad Stoicum.
- Ode XXXIV. Ad D. Virginem incrypta Monacensi.
- Ode XXXV. Vaticinium de Augia Monacensi.
- Ode XXXVI. Melancholia.
- Ode XXXVII. Constantinopolim perlustrat, Enthusiasmus.
- Ode XXXVIII. Cum in foro Constantinopolitano multa indigna videret.
- Ode XXXIX. Constantinopolim relinquit indigna. bandus et ad Boios revertitur.
- Ode XL. Ad D. Virginem Cal. Mai.
- Ode XLI. Ambitionis ingenium et tormentum.
- Ode XLII. Examen conscientiae. Marci T. Ciceronis orationum Philippicarum usus.

- Ode XLIII. Ad D. Virginem ex orichalco ante palatium serenissimi Electoris.
- Ode XLIV. Quid redux e Turcia viderit: detestatur Germaniae bella.
- Ode XLV. Atheos huius seculi sub larva nomini politici latentes detestatur. Enthusiasmus.
- Ode XLVI. Triumphus B. Mariae Virginis refugii peccatorum.
- Ode XLVII. Scripturus historiam sui temporis Veritati nudam aram ponit.
- Ode XLVIII. Heliotropium sive mens hominis ad Deum versa.
- Ode XLIX. Ad Virginem Matrem pro euthanasia sive felici morte, carmen votivum.

LIBER EPODON.

- Ode I. Ad Ordines S. R. Imperii, ut intestini belli sedem e patria in Turciam transferant.
- Ode II. Nemesis sancta, sive modus vindicandi se Christianus.
- Ode III. Ad iuvenem secundum natalitia festa migraturum ad sacram familiam.
- Ode IV. Aulam esse scholam patientiae.
- Ode V. Cum ad D. Virginem supplex inviseret Oetingae.
- Ode VI. De veneranda icone B. V. et sacrario Oetingano.
- Ode VII. Origo arboris tiliae ante sacellum Oetingae stantis.
- Ode VIII. Fons Parthenius ante sacellum Virginis, ad socios.
- Ode IX. Propempticon amico datum deserto melioris vitae proposito ad profanam redeunti.

- Ode X. Corona regia, tegumentum humanae miseriae, cum ex diversis regnis diversae seditio-
nes nuntiarentur.
- Ode XI. Propempticon Peripateticum amico Alsatae philosophiam praelecturo datum.
- Ode XII. Testudo nuptialis, sive exemplar optimae coniugis.
- Ode XIII. Ad Matrem Iesu sub cruce.
- Ode XIV. Dirae; detestatur auctor sanguinarium facinus Iudaeorum in morte Christiani pueri peractum.
- Ode XV. Descriptio Virginis, qualem in mentis excessu viderat.
- Ode XVI. Dialogus Voluptatis et Continentiae sive lucta carnis et sanguinis etc.
- Ode XVII. Ad Andream Garstium Mariaemastigam.
- Ode XVIII. De Gymnosophistis Indorum, quos Brachmanas vocant.
- Ode XIX. Ad N. in celeberrimam congregationem Macilentorum admissum. Servanda tyroni.
- Ode XX. Ataxia nostri seculi sive mundi ad occasum vergentis signa.
- Ode XXI. Carmen Seculare de Societate Iesu.
-

JACOBI BALDE S. J.
LYRICORUM LIBER I.

O D E · I.

Abdolonymus,

Regii sanguinis olitor.

Sive

Commendatio frugalis vitae et quieti animi.

In gratiam cl. viri

Maximiliani Pacieci

**Ex negotiorum foro ad sacrum otium
aspirantis.**

Horto me solitus pascere villici
Ultra quid cupiam? plus neque Iuppiter
In cornu Libyae possidet aridae.
Tota est summa satis. Me cichorea, me
Malvarum foliis addita mollibus **5**
Haud paullo satiant gratius intyba,
Quam lautis avibus Phasis Achaemenem.
Hic fons gramineo labitur ubere
Et, cum viva manu tempero pocula,

Iucundo residem murmure praeterit.
Hanc, sub qua recubo languidus arbore,
Commisi tepidis ipse Favoniis
Parvum semen agri, cuius origine
Vitae certa meae tempora metior.
Non stellis Arabum nec Babyloniiis
Intentus numeris computo secula.
Adiectum toties frugibus indicat
Annum fida Ceres horaque buxea
In quascunque notas forfice tonsilis.
Natura fruimur. Quotquot eunt dies,
Puro sole micant. Somnus agrestium
Lenis sponte casas intrat et affluit,
Irrepat Tyriis parciur urbibus.
Pax et blanda quies rura perambulat.
Quid sit cura ducis, nescio laetius.
Isto continui pullulat otii
Radix alma solo. Purpura vestiat
Infelix alios; me iuvet unice
Quamvis Sidoniis regibus editum
Privatis tenuem vivere censibus.
Haud ignota loquor. Pauperies mei
Regnum maius habet. Ditior omnibus
Rex est, degeneres qui posuit metus,
Qui, cum possideat pauca, cupit minus
Apponitque lucro. Non bibo Caecubum:
Nec porrecta scyphis toxica gemmeis.
Non subter niveis velleribus cubo:

Nec moestus vigilo. Terreo neminem
 A nullis pavidus. De solio tonat
 Fatum: tuta salix fulminis integram 40
 Sedem praebet humi nec violabilem.
 Semper celsa tremunt et capita ardua
 Toto praecipitant saepius impetu,
 Ut nunc summa meto colla papaverum.
 Ne me, ne genitis vellite floribus, 45
 Pellaei proceres. Hic moriar senex,
 Hic vixi iuvenis: linquite iugera
 Gaudentem placitis findere sarculis.

Ad Gullielmum Lasum,

Guelphi Lasi f.

Moderatoribus obtemperandum esse.

O D E II.

Ne tibi, Guelphi Lase, sit pudori,
 Quod seni pares iuvenis magistro:
 Paruit primos vetulae sub annos
 Romulus Accae;
 Paruit cani monitis Acoetae 5
 Clarus Evandro genitore Pallas;
 Saeva mandantem veritus colebat
 Hoplea Tydeus.

Nulla non aetas moderante cursum
Indiget freno: socianda vis est.
Tutius navis gemino per undas
Remige currit.

Parvus et nondum variare solers
Juppiter formas timuisse matrem
Fertur et caesa rudis ausa culpae
Pelle luisse.

Tunc soror, tantum soror esse visa,
Serta nectebat placitura fratri,
Facta, custodem simul axe movit,
Denique coniux.

Si Iovi semper vigilasset Argus,
Inter aprorum fruticeta, nunquam
Turpe peccasset vetitus ferarum
Ducere vultus.

Rex sui iuris prohibente nullo
Aureus fluxit, sibi sumpsit alas,
Arsit Europen mediisque taurus
Mugit undis;

Quo per aestivos puerile soleis
Luserat telo, vir adultus atrum
Vertit in fulmen proprioque fecit
Fulmine digna.

Nempe festinat puer interire
Pronus in lapsum, nisi fulciatur.
Altius serpunt hederæ marita
Illice nixæ.

Bacchus Indorum domitor flagellis
 Ante Sileni domitus sedebat
 Ad senis limen gravido Tonantis
 Poplite natus.

40

Horridae leges! equitante Fauno
 Iussus in campos pedes ibat Evan,
 Iussus urgebat remeare lentum
 Patris asellum:

Donec inventis redimitus uvis
 Marcidum thyrso populante Gangem
 Victor effregit maculis nitentem
 Nebrida cinctus.

45

Thessalae debes tua fata rupi,
 Hector everso resupine curru:
 Inde vastator Priamo timendus
 Venit Achilles.

50

Ille calcatis Asiae sepulcris
 Signa fixurus puer imperantis
 Sub Capri barba ferulaque vixit,
 Credite Teucric!

55

Lustra maiorem nemorum coegit
 Et specus foetas penetrare Chiron,
 Quo cubans praedam catulis leaena
 Dividit antro.

60

Tela Centaurus docuit rotare,
 Saxa moliri, superare fossas,
 Stare Sperchium glaciemque contra et
 Sistere flumen.

Fessus ex sylvis quoties redibat,	65
Censor inspectis rigidus sagittis	
Semifer sparsum tigridis cruore in	
Colla levavit:	
Sic meus nosci cupias, alumne	
Fortis, aiebat; posita pharetra	70
Disce nunc cantus etiam lyraeque	
Fila sonorae.	
Et fuit quidam lepor intueri	
Ante ludentem cithara bicorni,	
Pone motantem Satyrum sequacis	75
Pendula caudae.	

O D E III.

Thomae Mori constantia.

H ic ille Morus, quo melius nihil	
Titan Britanno vidit ab aethere.	
Funesta cum regem Bolena	
Illicito furiasset aestu,	
Audax iniquas spernere nuptias	5
Amore veri propositum minis	
Obvertit Henrici tyranno	
Fortior indocilisque flecti.	

Non carcer illum, non Aloysia
Dimovit uxor, nec trepidus gener, 10
Nec ante patrem Margarita
Foemineo lacrymosa questu.

Fertur monentem mitia coniugem,
Sed non et isto digna viro, procul
Abs se remotam cum feroci 15
Ut fatuam pepulisse risu.

Mox, qua fluentem se Thamesis rotat,
Ad destinatum funeribus locum
Casto coronandus triumpho
Per medios properavit Anglos. 20

Ductum secuta flente Britannia
Non flevit unus marmore durior
Et certa despectante vultu
Fata tuens hilarisque torvum.

Atqui sciebat, quid sibi regius 25
Tortor parasset; non aliter tamen
Quam laureatos Sulla fasceis,
Ipse suam petiit securim.

Plenus futuri quo tumulo stetit,
Postquam paventem carnificis manum 30
Mercede firmasset, cruento
Colla dedit ferienda ferro.

Ad Bennonem Cossam.*Seni cantum non convenire.***O D E IV.**

Non, si quid iuvenem fingere Lascarum,
Et te, Cossa, decet; cui rigidus sedet
Hirta fronte December,
Nix incana tegit caput.

Illum multa sinas ludere seu lyra,
Seu malit crotalo: te refugit senem
Calvum flavus Apollo,
Te putrem, quia putris es.

Non dens, non oculus, non cerebrum sapit,
Infans nasus hebet dimidio minor, 10
Multo mucidus imbri,
Nullo gratus acumine.

Ut rugas taceam, scrobs hiat unicus
In vultu; quid habes illius, illius
Clamantis, pater Evan! 15
Clamantis, pater Evius?

Frustra sollicitas, frigide, Cynthium:
Odit flamma gelu, nec vetulus bene
Certas cum Tegeaeis
Vervex currere capreis. 20

Eheu desine diffindere tibia,
 Terres funereo Melpomenen sono :
 Psallit suavius ales,
 Noctem quí mediam fugat.

Ad Petrum Hildebrandam S. J.

Professorem matheseos.

Quum soliditatem coelestium orbium propugnaret.

Exemplo Christophori Columbi se novum immen-
 sae vastitatis Oceanum perlustrasse.

O D E V.

Coelum liquidum.

Arcana mundi numine percitus
 Proferre cogor: credite vatibus!
 Non omne coelum rupis instar
 Aut solido riget aere fustum.

Datur natari. Nuper inivimus
 Campos aquarum, sed radiantium
 Campos liquenteis: totus aether
 Irrigui madet ignis imbri.

Crispata claris vidimus aequora
Ardere squamis; vidimus aureis 1
Delphina luctari sub undis
Et nitidos vomere ore rivos.

Sunt stagna coelum mollia, navibus
Sulcanda veris; vidimus alteram
Argo coruscantem secunda 1
Aetherio dare vela ponto.

Castorque et ovo natus adulterae
Pollux eodem per pelagi minas
Nixi procellosumque lumen
Astrigeris secuire remis. 2

Regno secundi caeruleo Iovis
Vix aula primi distat in aere.
Quod nos opinamur trisulcum
Fulmen, habet faciem tridentis.

Quassata cuius spicula fulgura, 2
Aestus marinos rauca tonitrua
Vocamus ignari locorum
Eminus impediēte nube.

In ludibundo gurgite mobilem
Fulvi per aethram Solis equi movent 3
Se more phocarum; priore
Parte sui Pyroisque et Aethon

Phlegonque tollunt altius ungulas;
Membris flagrantem posterioribus
Solvuntur in piscem et fluentis
Signa fugae rutilante cauda 35

Impressa delent. Heic et Aquarius
Triton recurva lampade personat;
Heic Luna Tethys, Pleias Ino,
Erigone Galatea visa 40

Martisque Siren puniceas Venus
Tranare lymphas. Nereidum choro
Hinc inde stellarum meante
Perspicui micuere fluctus.

Incensa splendent omnia; luteus
Scintillat humor; se penetrabilem
Crystallus indulget carinis
Et manibus liquefacta cedit. 45

Vero profundo Cancer et igneis
Inserpit undis veraque flumina
Manant Olympo: testis arva
Eridanus per aprica torrens; 50

Dum concitati vortice luminis
In axe late vibrat et insulas
Molitur illustreis pyropis,
Post croceum subit haustus aequor. 55

At nec serēni monstra maris truces
Desunt cometae, parva quibus procul
Venire conspectis rubentem
Sidera diffugiunt in algam:

6

Quanquam hos et ipsi terrigenae pavent
Longe remoti, larva simul polo
Illuxit et barbata cete
Terribilem variant figuram.

Balaena flammas non aliter secat
Quam mullus Istrum: nam rapidum iubar
A fronte spumosaequae lucis
Exiliens iaculatur amnem.

6

Haec Hildebrando, Musa, refer meo.
Fortasse nolit credere: candidam
Tum lactis intritique magna
In patera cita panis offam,

7

Bis terve gyra turbine pollicis:
Sic astra, dices, in liquido natant
Permista coelo: credet ille
Protinus Alsatae Columbo.

7

Ad Mathiam Rasonem.*Animi generosi libertas.***O D E VI.**

Si circumspicias te, Raso, non tua,
Paucis dives eris. Quae data pertinax
Fortunae fragilis munera respuis,

A te plenius impetras.

Gaudet diva quidem mobilis appeti 5

Servilemque trahit vulgus ad ambitum ;

Ut, quas caeca nuces spargit, aventibus

Turbis diripiant manus.

Sed tu pelle procul, neu tremulum velis

Incurvare genu, neu laribus vagam 10

Dignatus dominam suppliciter pedes

Turpi stringere basio.

Sin fractis humilem cunque subiverit

Portis ipsa domum, seu trabeas ferat

Seu caestum, pariter cedere nescius 15

Dic ad limina ianuae:

Quas promittis opes, iam teneo: meum est,

Quidquid sperno tui. Nil cupientibus

Et nil deesse potest; ex solido bona

Mens semper sibi sufficit. 20

Ad Simonem Issum.*Pravi Amoris indoles.***O D E VII.**

Res Amor mira est: videt, Isse, caecus;
 Caecus est, quamvis oculo vidente
 Natus; absenteis Amor urit absens,
 Proximus exsul.

Siccus in venis madidusque vultu,
 Siccus humectat madidusque flagrat;
 Fervidus tectae gelidusque flammae
 Ardet et alget.

Quando festivas quatit igne taedas,
 Lumen extinguit: niveique floris 1
 Praedo pallenti violas vicissim
 Pingit in ore.

Non habet frontem: tamen est venustus;
 Navigat terras, volat absque pennis.
 Vilis ac parvus puer heu feroceis 1
 Sternit Atreidas!

Qui caret peilis, metuenda vibrat
 Tela; non longas iaculatur hastas:
 Pectori plagis acus inferendis
 Sufficit una. 2

Missilem linguam capit ex pharetra
Oris et figit iecur ulcerosum.
Stulta plebs arcu putat et sagittis
Grandibus uti.

Ille (sic monstrat Cytherea mater)
Non boum tendit sinuare cornu:
Sed manus iunctas utriusque amantis
Curvat in arcum.

25

Equus Troianus.

Ad Andream Alcimum.

Germaniam suis cupiditatibus perire.

O D E VIII.

Sic est: peritur non sine sumptibus.
Funesta multo Marte pericula
Quaeruntur et curis; labore
Damna suo pretioque constant.

Nostris volentes usque doloribus
Favemus ipsi. Quanta sub Hectore
Felix et inconcussa Troia
Staret adhuc Priamique regnum,

5

Si noluisset crimine decipi!
Ingens Epei machina sistitur,
Mons foetus armis et latenti
Myrmidonum Dolopumque nube.

10

Equum iuventus Dardana ligneum
Visura longo protinus agmine
Divisit emovitque portas
Laeta malo propiore muris.

1

Urgente Fato fata quis arceat?
Praesagiebat Laocoon dolum:
Sed in cavernas nempe frustra
Impulerat moniturus hastam.

2

Iamque omnis aetas mista senum ruit
Virumque diris fervere gaudiis;
Utrimque ludentes puellae
Ingeminant puerique carmen.

Pars vincla nectunt stupea; pars iubas
Formidolosi plaudere roboris
Nituntur in scalis: ovanti
Pars similis pedibusque lapsus

2

Et provehenteis subiiciunt rotas:
Fatale donec constitit ardua
Lateque despexit catervas
Palladium super urbe monstrum.

3

Heu digna perdi Dardaniae domus,
Captis Ulyssem moenibus invehis!
Sic notus, o cives, dolosi
Vultus et ingenium Sinonis?

3



Hinc versa fumant Pergama funditus.

At, si fateri non pudet, Alcime,

Insana plureis culpa tangit.

Sero Phryges sapuere quondam:

40

Nunc noster orbis sero nimis sapit,

Aequanda stultae patria Teucryae.

Non solus aut primus nepotes

Rex fatuos generavit illos.

Europa nullum non habet Ilion.

45

Ubique Xanthus sanguine decolor;

Ubique Germanos videbis

In fluvios Simoenta volvi.

Nutrimus hosteis in medio sinu:

Suecos fovemus. Rex Alemanniam

50

Vastator intravit vocatus.

Splendidius periisse lucrum est.

Ad Leontium Crinallum.

Nosce teipsum.

ODE IX.

Te magnum volo consulem

Non urbis Latiae vel Lacedaemonum

Caussas noscere, sed tuas.

Te, Crinalle, tibi lynceus insere,
Dum tecti latebras sinus

Omneis excutias, nec sinat amplius
Thule pectoris ultima,

Et natura suis obvia Gadibus
Iussum sistere navitam

Plus ultra vetet. Hinc ducat in otium
Purae mentis et insulam

Clamoso populi sepositam freto.

Quid vicinus agat Ligur,

Quid Serranus aret, quid seratac metat,
Quot naevis facies Titi

Signetur, quoties Pantolabus bibat,
Securus bene nescias.

Prudens multa domi crimina transilit.
Lictores sine tetricos

Verrucas populi figere tristium

Ad subsellia iudicum

Plebeisque diem dicere moribus:

Tu noctem vigila tuam,

Indignumque puta flagitio frui.

Delator, licet utilis

Credatur vitiis tendere retia,

Semper se magis inquinat.

Sit belli ducibus proditio bona;

Nunquam proditor optimus.

Odit posteritas nunc quoque Tantalum.

Illo deterius nihil,
Qui se ferre malum, non alios potest.

Ad Generosum Dominum

Andream Maronium,
Viduum de statu vitae deliberantem.
Samsa resipiscens.

ODE X.

Per fretum Scyllae Libycasve syrteis
Fide fallaci, fugitive, vento;
Fide, quantumvis fremat unda: sed ne
Fide puellae. 5
Illa non uno sinuosa tractu
Mille natura variante fraudeis
Circinat retro totidemque in orbem
Damna retorquet.
Larga verborum, sed avara veri, 10
Emicat quovis dubitanda nictu;
Vultus ut mendax, ita quae sequuntur
Gaudia vultum.
Turget in dotem reseransque spondet
Candido plenas animo mamillas: 15
Interim fallax et iniqua putri
Ubere lactat.

Urit et flammae cinerem dolosum
Versat in venis; etiam pudica
Iniicit curas, etiam modesta
Fallit amantem.

2

Cum ratum credes geniale pactum,
Spes tuae toto thalamo dehiscent.
Nupta vicinum propiore taeda
Saevius urit.

In sua felix sibi visa culpa
Crimen obliquat; quod amare iurat,
Odit et iuris sibi peierati
Conscia ridet.

2

Huius inprimis oculos caveto,
Sed magis laevum; nocet illud astrum
Plurimum menti, tacitumque fulgur
Palpebra condit.

3

Quidquid autumnus croceique flora
Veris aspirat, nihil heu colori
Anguium distat; decor ille blandis
Sibilat hydris.

3

Supplicem formam fuge, quae capillos
Sparsa procumbit; tenero peritur
Flentis a questu lacrymaeque pondus
Fortius addunt.

4

Hic labant turres, etiam virile
Pectus his tandem precibus liquescit.
Hic suas vireis, sua novit arma
Sexus inermis.

Dum tacet, clamat facies venusta; 45

Dum negat, poscit; dolor est disertus.

Ah loqui frustra prohibebis ullam:

Muta perorat.

Mollior cera mulier fluente,

Durior saxis eadem marinis 50

Flectit aut frangit: violenta durum,

Lubrica mollem.

Donec optata potiatur hora,

Donec arcanum penetret mariti,

Nec sibi parcit nec in orbe quidquam 55

Linqvit inausum.

Ni vetes tangi, moriere caecus.

Quot tibi crineis malesana demit,

Fila tot vitae, gemina tot annos

. Forfice tondet. 60

Faeminae certum sinus est pheretrum;

Funis amplexus, tumulus cubile;

Verba sunt lessus, glaciale letum

Insana voluptas.

Testor expertus mala; testis horum 65

Nostra Thamnitis; properate Dirae

Vindices! Samsø, geme; testis ehèu

Dalila nostra!

O D E XI.

Commendat Flavii Leonis vinum.

Vinum Falerno nectare dulcius
Et quale nunquam protulerit Rhodos,
Assuesce crystallum subire
Lene fluens phialaque fundi.

Velis solutum compede dolii
Mensam Leonis visere crebrius,
Hoc Castor et Pollux amici,
Hoc avidi Lupiceius orat

Comes Melichi; tu neque nubila
Fundo minaris, nec capiti graveis
Inducis umbras, nec feroci
Bella geris metuenda thyrsos.

Sed mite duci prolicis hospitem
Quamvis paventem; te penes et ioci
Castaque Musarum camoenae
Et teneri sine lite risus.

Te Iuno furtim, forsitan et inscia
Iunone laetus Iuppiter hauserit;
Malitque Bacchus se relicto
Te bibere et suus hinc renasci.



Ad Amphoram Cerevisiarum.

Parodia et Palinodia

Ex Q. Horat. Flacc. Carm. I. 3. Od. 21.

O D E XII.

- ① nata Capri sidere frigido,
Seu tu querelam sive geris minas
Seu ventris insanum tumultum et
Difficilem, mala testa, somnum;
Quocunque servas nomine toxicum, 5
Nunquam moveri digna bono die,
Averte nolenti poetae
Promere languidius venenum.
- Non ille, quanquam Gorgoneis madet
Assuetus undis, te bibet horridus. 10
Narratur et Boius Menalcas
Saepe tuo doluisse aceto.
- Tu triste tormentum ingenio admoves
Plerumque leni; tu sapientium
Et pectus oblimas et ora, 15
Ne retegant animum fidelem.
- Te pestilentem negligit anxius
Dives; sed addis cornua pauperi
Post te neque iratos trementi
Regum apices neque militum arma. 20

Te messor et, quae cocta aderit, Ceres
 Segnesque nodum solvere rustici
 Unctaeque producent lucernae,
 Dum rediens fugat astra Phoebus.

Ad Linum Wilsonethum.

Iacturam divitiarum sapienti non aestimandam esse.

O D E XIII.

Si quid perdideris, veto
 Turpi cum gemitu dicere Perdidi;
 Sed, Fortuna suas aves
 . Noctu, nescio quo, transtulit: avolent.
 Nec moestum facit haec fuga, 5
 Nec, si divitiae mox revolaverint,
 Inventis ero laetior;
 Iamque ipsum abiiciam cum grege perfido
 Nidum degeneris spei.
 Frustra est ampla domus, si capit incolam 10
 Totum quilibet angulus.
 Haec tellus, ubi sto, subiicitur mihi,
 Non quam nomine metior
 Absens vel digitis eminus indico.
 Curarum impatiens casa 15
 Virtutisque capax, exiguo licet

Circum limite finiat,

Dicetur stadiis maior Olympieis
Tarpeioque Palatio,

Quod tantum vitiis est habitabile. 20
Aulam regia, liberam

Urbem quaeque sibi libera mens facit,
Quaeque obnoxia carcerem.

Longe nobilior vocibus his, Line,
Quam si mollis Arabs tibi 25

Regnantique duplex pareat India,
Et fulvi glaciem Tagi

Confundat rutilis Lydia fontibus.

Pyladis hortus.

Symbolum amicitiae.

O D E XIV.

Exuli cum se Pylades Oresti
lungeret caris geminandus annis,
Duxit haec fatus per amoeniorem
Phocidos hortum :

Frater, o flagrans animi medulla, 5
Pars sacri maior meliorque veris,
Ex meo discas utinam vireto,
Quid sit amicus.

Fraudis expertes violæ leguntur,
Candidum pectus reserant ligustra, 11
Germinant nigrae, tamen optimae vac-
cinia famae.

Flos amor, flos est iuvenilis horti,
Quem creat virtus, redolet sereno
Pulcer aspectu placidusque longum 12
Durat in aevum.

Ecce fons mersos penitus lapillos
Pervio veri reteggit liquore.
Quidquid in fundo latet amnis imo, 20
Prodere garrit.

Fontis in morem penetrare nuda;
Neuter arcanum tacitus recondat;
Corde crystallus fluat ex aprico
Clara videri.

Cur diu celes animi dolorem? 21
Prome, dispersus minuetur extra.
Qui tibi luget, tibi gaudet, hic est
Verus amicus.

Jocus Saturnalius

Ad Hieronymum Nautam.*Cum illi Agathyrsum sive Oden inscriptam*

Solatium macilentorum

Ipsis Bacchanalibus mitteret.

ODE XV.

At tu supino crassus in otio
Curas nitentem, Nauta, cuticulam,
Gravare non segnis vehendum
Ventris aqualiculum saburra.

Conviviorum perpetuus fluit 5
Euripus et te portat in amphora
Velut phaselo strata primum
Littora depositis legentem

Noctu culullis. Mane frequentius
Rursus ciebit remigium dies 10
Spumantis in vini procellas
Et pelagus geniale Bacchi.

Non vultus idem, non eadem mihi,
Amice, mens est. Ut palearibus
Distentus armenti maritos 15
Helvetici bovis instar aequem?

Nativa longi linea corporis
Et umbra nobis, qualis imaginum
Prima colorandam figura
Proiicitur rudis in tabellam, 20

Suffecit olim; nunc quoque sufficit.
Tantum opto pulpae, quantum oculus potest
Obtusus ad lunae lucernam
Auxilio vitreo tueri.

Pingueis tabernas par animus subit 25
Et ipse pinguis. Mens bona sepibus
Vel osseis contenta vivit
Et modicos statuit penateis

Frugalis hospes; quanto habitet loco,
Nil interest; mox se speculabitur 30
Immensam et aeternos in orbeis
Non humileis feret alta curas.

Sed tu sagina perge Sabellicum
Aequare porcum; perge capacius
Dolere Troianumque magnis 35
Sumtibus aedificare corpus.

Me, me hirta pellis, me facies iuvet
Paphnutianis horrida vallibus
Multumque sidens et vel ipsis,
Ni fugiant, metuenda Faunis. 40

O D E XVI.

Laus R. P. Ieremiae Drexelli

E Societate Iesu.

I lle et secundis flavit etesiis Facturus orbi delicias dies Grataque tempestate florum Vindelicos madefecit agros,	
Quo te ligustris alba cadentibus Augusta, pulcræ filia Gratiae, De matre, Drexeli, cadentem Sidereis bene pressit ulnis.	5
A fonte lucis non pueriliter Iam tum petebas lac sapientiae, Nutricis Astraëae liquorem Et niveum pietatis uber	10
Suxisse certus. Diceris influens Hausisse nectar Castalidum puer Lyræque et arguto camoenas Pollice sollicitasse nostras,	15
Iam tum fragrantis mella scientiæ Legisse felix, qualis adhuc olens Pregnantis involucri ceræ Præta tamen genioque gratum	20

Aestate prima quaerit amaracum
Rosasque flanteis ac Zephyri crocum,
Ut delibatas rere flavo
Stipet apis reditura cellas.

Hinc ille libris dulcis inest thymus; 25
Hinc tot replentis pocula, quem tuae
Favum propinavere pennae,
Virgineo bibit ore charta

Sitimque plenis copia paginis
Extinxit orbi. Quis potior viam 30
Virtutis astrorumque plebi
Purpureas aperire valvas?

Mulcent paventem non soliti metus,
Formidolosae quum sonitu tubae
Aeterna profers; ad susurros 35
Lene Dei trepidare prona

Mox omnis aetas subsilit, et dolos
Fortunae et altae fulgura gloriae et
Famae tonitru et fulmen irae
Et pluvias pede calcat hastas; 40

Fatumque casumque et retinacula
Molesta curarum et dubias vices
Transvecta, qua late corusco
Seraphicos equitantis igneis

Quadriga Solis fertur in aethere. 45

Qui sole tanto clarior altero
Per Christiani signa tendit
Zodiaci duodena cursum

Olim beandis nobile mentibus
Metatus aevum. Talia plurimus 50
Tecum volutabas in umbra
Pacis amans placidaeque scenae.

Hic et theatrum solus eras tuum
Et actor et spectator in intimo
Tui recessu. Vita purae 55
Instar aquae sine labe fluxit.

Os vero Delphis relligiosius
Vultusque pallens et macie sacer;
Imago tam dulcis videnti
Quam gracili veneranda metro. 60

Eheu! cinis nunc sub tumulo iaces,
Quo, Musa, stulte flebilis? improbam
Compesce chordam! Cuius impor-
tuna necem gemis, ille dormit.

Monenda iam nunc, ut tacito pede 65
Iuxta sepulchrum molliter ambules.
Senis fatigati quietum
Parce sono violare somnum.

Ad Cl. Virum Christophorum Carum.*Cum ad regendi principis curam evocaretur.***O D E XVII.***In monarchis quid miretur et optet.*

Nil vulgare canam regibus. In munere publico
 Frons privata placet, mensque potens ferre po-
 tentiam.

Mirabor iuvenem non avidum, non nimium sui,
 Dum suadet segetes sternere falcata licentia et
 Igni vena calet. Quod rubeat sanguine piscium,
 Gemmis vina bibat, sub Tyria dormiat iride,
 Tanti non mihi sit. Scire peto, Care, quid imperet
 Regnans Ascanius; num reliquis omnia, nil sibi.

Ad Valerium Lorcam.*Coelibem vitam agere destinanti gratulatur.***O D E XVIII.**

Ingens, Lorca, periculum
 Evasisse puta te bene nuptias
 Mutantem sterili toro.
 Mentem tam solidam Di dederunt tibi.



His felix monitoribus 5
Praefers taedifero pulcra Cupidini
Cerae lumina virginis.
Sic caecum per iter noctis et horrida
Ventis tristibus aequora
Fixis sideribus fidere certior 10
Errantem Venerem fugis,
Quod pridem tabula debuit aenea
Testari paries sacer:
Vitasti scopulos ac Cyprii maris
Fescennina sonantia. 15
Ut nullo metuas naufragio mori;
Delectent age coniugem
Appendix thalamis fixa iugalibus,
Proles, cura, labor, metus?
Et quam sola queat reddere mors putri 20
Libertas oculo, quies.
Eheu perpetuis vendita iurgiis?
Cunae cum tibi vagient
Et res dotis egens coeperit atteri,
Pullis grana petentibus 25
Qua vellas capitis parte miser pilos?
Sin et tigridis e specu
Uxor prodierit non sine clavibus,
Malis tunc Scythicas sequi.
Infelix acies castraque Bistonum 30
Aut frangi laqueo gulam.
Non est obsidio militis arctior

Moesti coniugio viri

Optantisque fugam et brachia Daedali:
Non victoria laetior, 31

Quam cum rupta trucidis vincula foeminae
Solvunt munia comparis.

Ortus Westphalica stirpe Tigestio
Desponsae Eumenidis satur,

Postquam Tisiphonen expulerat foras, 40
Victor ter recinens io

Quernis implicuit tempora frondibus,
Ceus servasset atrocium

A flammis Senonum moenia Romuli.

Gotefridi Henrici Pappenheimi,

Celeberrimi Herois Germani

Inclita mors in pugna Lyctia.

O D E XIX.

Fama, quid narras? Cecidit nec ultra
Se feret campo; fuit ille vester
Hercules Suevus, fuit et triumphos
Intulit umbris.

Pone plus iusto, mulier, loquaci
Pessulum linguae; mala Fama, fastum
Pone; quid vanis aliena verbis
Fata laccessis?

Heu pudor! semper meritos honores

Deterit vulgus neque bella iusta

10

Lance metitur ducibusque Livor

Digna rependit.

Gloriae nullo minuenda casu,

Alta sublimi manet ore Virtus;

Sola percussis labefacta nervis

15

Corpora sidunt.

Stare si quondam vetat in duello

Sors virum, non et vetet incubare

Grandibus factis; situs hic iacentem

Altius effert.

20

Qualis Alpino ruit icta ferro

Quercus et, postquam pedibus solutis

Colla deiecit, medio fragore

Provocat Austros.

Sic Alexander Libyci Tonantis,

25

Sic humi Tydeus Danaum quievit

Strage Thebana nimioque leti

Pondere fessus.

Rebus adversis animus probatur,

Num sibi constet. Fremat hostis arma,

30

Vera libertas medios per igneis

Vadit et enseis.

Nil moror plebem: iacet ille magnus,

Qui cadit magnus; celebrat ruina,

Non premit fortem, titubatque pulcra

35

Truncus in ira.

Vulnus armatum decorat cadaver,
Comit hoc rupti sacer oris horror
Et cicatrices et adhuc ferocis

Rudera vultus.

40

Fracta labenti senio vetustas
Saepe maiorem titulum meretur,
Quam recens murus; monumenta priscae

Consule Romae,

Crebra famosam faciunt sepulcra.
Arduam vento quatiente molem
Cum mare et littus Rhodii replerent

45

Fragmina monstri,

Solis in sese recidens colossus
Advenis aequae iacuit stupendus,
Donec impostum grave funus ave-
xere cameli.

50

Transiens illac aliquis viator
Dixerit visa digiti columna:
Hic vir erectus feriebat astra
Maior Olympo.

55

Carmen Saturnalitium.

Ad Edmundum Raguslum.**O D E XX.***Solatur egentis desideria.*

**Quid fles, Ragusi? cur madidum fricas
Tergisque lumen, quod trieterida
Emensus octavam triennem
Ore tenus referas puellam?**

**Tantumne credis numen inutili
Subesse barbae? Vilis opinio
Accendit immatura vota, ut
Pica puerperiis molesta est.**

**Desiste nudo quaerere pensilem
Ab ore lanam, quam manus involans
Obliquet obliquamque tractim
Mulceat ac decies repectat.**

**An non tremendum se Bromius deum
Glaber probavit tristibus Indiis?
Glaber laboratoque vitro
Laevior est Patareus Apollo.**

**Castas sorori Iuppiter Anxurus
Et non pudendas elicit faces,
Barbatus idem semper ira,
Semper adulteriis flagravat.**

Imberbe molles sunt Zephyri genus,
Mystax severum degravat Africum,
Appensa labris Caurus atro
Vellera fert glaciata nimbo.

Tritona totum paene tegunt pili, 25
Tamen reluctant Cymodoce fugit.
Sed Acis et glaucus Palaemon,
Quod pueri, placuere nymphis.

Desiderabis dic age floridi
Vultus latronem? gratior hac nive 30
Luces et ostro, qualis ibat
Non tibi Pärthenopaeus impar.

Hirsuta buccae Sisypheus, ah sine,
Faunisque iactent et Satyrum chorus
Vel si quis alter fronte portat 35
Grandem oculi Polyphemus orbem.

Quaenam illa tandem gloria, depilis
Edmunde, mento ferre, quod omnium
Foetens capellarum maritus
Gestat in opprobrium virorum 40

Peculiari non sine nomine?
Aruncus omnis caussa tragoediae.
Nec rex Ahenobarbus hircum
Setigero superabit ore.

Sin dira saevae rixa cupidinis 45
Prurire pergit, — spes patitur moras —
Substringe saltem triste curis
Pectus et in meliora differ.

Nondum videmus secula Nestoris;
Adhuc in ipso limine vivitur; 50
Adhuc in ipsa messis herba
Lactis eget tenerique roris.

Perrumpet olim flos virideis genas;
Quae nunc pruinas atque hyemem timet,
Pleno superfundetur agro 55
Flava seges, iuvenilis aestas.

Non parva tantum se fruticatio
Trudet; sed ingens sylva frequentibus
Fortasse ramis sparget umbram
Inferius resonante luco. 60

Nunquam antevertit planta diem; suas
Dodona sensim surrigit ilices;
Immissa paullatim tenacem
Mordet humum solidanda radix.

Et Barbarossis tempora destinat 65
Natura rerum. Fortiter interim
Implume prorita labellum
Mite ferox digitisque mulge.

Immane quantus mox caper effluet,
 Tondenda crebrae cura novaculae 70
 Undabit: audacique vultu
 Tota soror genitrixque cedent.

Ibis sonantis magna Panaetii
 Aequare setas; ibis et aemulum
 Canae vetustatis saligna 75
 Porticus excipiet Cleanthen.

Iuvate, Musae! quod video repens
 Monstrum? anne ludor? quam mea fertilis
 Testudo! si barbas vel incan-
 tare potest vel inertiores 80

Promique tardas elicere ex scrobe.
 Flores, Ragusi; iam fatui micant
 Ignes pilorum; bella iam la-
 nugo tepet faciemque fuscant.

Ad Balthasarem Melonium.

Suspiciosum et querulum demulcet.

O D E XXI.

Si quando mihi lubricus
 Inter verba iocus melle madentia

Aut salsus lepor excidit;

Vae quam terribilem simus agis caprum!

Quam morosus obambulas! 5

Flavent ictericis ora coloribus;

Frons nimbose fugit retro,

Et sparsum maculis sanguineis iubar

Lugubres oculi rotant.

Sin pergam tribulos inserere et piper, 10

Toto corpore subsilis

Tabentique natus moestus in ulcere et,

Belli signa domestici,

Limaces calidis naribus excoquis.

Atqui non ego te, Pepo, 15

Admorsu tigridis frangere persequor.

Cur nasi cinis igneus

Transfumat tacitis suspicionibus?

Non, me si satis audias,

Crispari renues; prostituis virum 20

Imbelli querimonia.

Sarcasmos clypeo pectoris excipe.

Verbo nil levius volat;

Cursu, ni retrahas, praeterit alite

lactatumque per aera 25

Ventorum patriam cum Borea subit.

Ad Trebatium Ferolettiam

Quaestiones philosophicas de anima propugnaturum.

Circulus Platonis

sive

Humana Mens.

O D E XXII.

Quid vero prodest aureus in suis
Humi cubantis naribus annulus?

Utamur, utamur, Trebati,
Mente data; Superumque munus,

Non foeda strati membra sub ilice et 5
Glandeis avari frangere Chaonum

Nec in volutabro vomentis
Illecebras olidaeque Circes,

Exerceamus; vescimur aethere
Et hospitalem particulam De i 10
Habemus immensi capacem.

Illius, unde fuit sub ortum

Desecta, gyros et iubar, illius
Quaeramus orbeis. Mira potentiae
Figura mens in se reflexae 15
Praepetibus super astra pennis

Non poenitendo nititur impetu
Et circumactum Numinis alveum

Micante natura capessit

Sidereos imitata tractus.

20

Mens curiosas lucis imagines
Venatur extra: quasque capit, sinu
Complexa lustratque et quieto
Interius subigit sereno.

Hinc et colores atque carentia
Colore novit. *Novit* et hoc suum
Novisse, et istud *nosse* rursus
Circuit ac meminisse gaudet.

25

Curvum reductae spira scientiae
A fronte lumen spargit et alterum
Fulgoris expandit theatrum
Terga tuens graditurque retro,

30

Panthera qualis, cum catulos eques
Abegit antro, se rotat obviam
Vestigio praedonis et ve-
stigia per sua scit reverti.

35

Hic ille magni Cecropidum sophi
Platonis ambit circulus omnia;

Sagacis exporrecta Iani

Mensque biceps animusque bifrons,

40

Incerta certis atraque candidis
 Conferre solers, *praeteriti* memor,
Euntis actor et *futurum*
 Praeripuisse dolosus aevum.

Ad Anselmum Masiū.

*Novam Batrachomyomachiam tuba Romana cantu-
 tam editurus in lucem anno Christi
 M. DC. XXXVII.*

O D E XXIII.

Non, quod Mnesthea et Anthëum
 Sergestumque Lycumque et validum Gyan
 Et Sarpedona Dardanum
 Atque Anchisiaden ingeminet Maro,
 Butenque et Bytiam et Capyn 5
 Immanique trucem corpore Pandarum,
 Culmen Phocidos occupat:
 Sed quod semideos captaque Pergama
 Aequarit parili tuba,
 Surgit Pieriae gloria Mantuae. 10
 Non quae quisque canat, Masi,
 Sed quo bella modo ducat ad exitum,
 Refert; sesquipedalia
 Et nostro resonant nomina classico.

Quantis littoribus fremunt , 15

Audax Hypsiboas et Calaminthius!

Vallum Pelobates luto

Munitus subitis obiicit hostibus,

Vastum Limnocharis lacum.

Tristem ne metuant castra famem, meus 20

In spicas Cereris ruens

Toti Sitologus providet agmini.

Si nox insidias struit,

Monstrabit tacitas Troglodytes vias.

Subvertenda cuniculis 25

Obstant sollicito moenia militi?

Monteis Tyroglyphus cavat

Metas Helvetiae rumpere fervidus.

Quid prosint celeres doli,

Cui furtum noceat, quod spolium iuvet; 30

Discas ex Meridarpage,

Quo dux nobilior nec Sthenelus fuit.

A parvis animantibus

Magna exempla capi posse, Davidides

Olim de specula monet. 35

Hinc formica pigros ducit ad horreum.

Terrarum dominos apum

Rex regnare docet: Civibus imperat

Nulla saevus aculeo.

Ipsis tuta movet signa Quiritibus, 40

Et Cannense piaculum

Dissensu gēmini Consulis editum

Varronis rapidi memor
 Uno se duce, se Consule corrigit.
 Nunquam tenuia spreveris. 45
 Num barris minor est musca Philostrati?
 Cygno Virgilii culex?
 Multum debet adhuc Lesbia passeri;
 Quaedam noctua fert diem;
 Nonnulli favet et Pallas araneae. 50
 At tu Phoebe pater, pater,
 Quo tandem rapies? desine vilium
 Bellorum stimulos tui
 Vatis magnanimo subdere pectori.
 Da, si quid placeo, Phryges 55
 Dignos his animis aut Agamemnona.

Ad Philippum Aramandam.

Animum a militia ad iurisprudentiae studium transferenti incorrupta mentis aequitatem commendat.

O D E XXIV.

Ergo revolves vasta volumina
 Iustiniani? sed placitam Themis
 Ducturus uxorem cavebis,
 Ne pluvio violetur auro.

Maiore cura, quam Danaen pater,
Include sponsam turribus; intimo
Nummatus illam quisque claustro
Forsitan eliciet colonus. 5

Quicumque castum *ius* violaverit
Lenocinantis fraude pecuniae,
Legum est adulter. Non et auri
Esse velis, Aramanda, magnes, 10

Ut te decebat, dum cecinit tuba,
Traxisse ferrum. Propositi tenax
Urgebis indagare *punctum*,
Quod reperit celebratus Ivo. 15

Non in crumena Caesarei latent
Arcana iuris; dignius *utili*
Praesens *honestum* mentis arcem,
Non loculos habitat rapaceis. 20

Urunt videntem dona potentius;
Obiecta primis nutibus amove.
Si miles in campo fuisti,
Iustitiae gladio probabis.

Ut aere totum rus spolies, time
In longa litem ducere secula
Malumque, quod Praetore coram
Una dies poterat levare, 25

Exasperandum tradere mensibus.	
Festina mulcet gratia; si dolo	36
Longas in ambages reductus	
Mille fluas refluxasque technis,	
Nec Zasii nec scrinia Bartholi,	
Reum iuvabunt quaeque tumentibus	
Buccis ad horrorem citabis	35
Sacra tui monumenta Baldi.	
Amat forenseis lis Podalyrios,	
Qui, cum laborat vena calumniis,	
Sermone pertentant, ut aegrum	
Ausoniis medicentur herbis.	40
Vidi eloquentem saepe Machaona	
Prodesse caussis iam capularibus,	
Phthisinque ieiunique febrim et	
Pauperiem pepulisse Codri.	

Enthusiasmus.

Anno M. DC. XXXVIII.

Exauditum se a Phoebō multa futura didicisse.

O D E XXV.

Evan! quam feror in specum?
 Audivit mea vota Aonidum deus,

Audivit: feror in specum
 Plenam fatidicis fluctibus, Evoe!
 Toto numine turgidus 5
 Incumbente tremo; quod patior novum est
 Iucundusque dolor; iuvat
 Insanire, iuvat cum Furiis novem
 Et Musis tribus, Evoe!
 Latonae soboles me mihi surpuit: 10
 Immensum tamen in chaos
 Rapto fata Pater praescius indidit.
 I pubes Alemannica,
 I felix aciem sternere Balthicam.
 Eheu tarda venis; subit 15
 Collectis potior Suecia viribus.
 Quis Lunae residis procus
 Turcas Odrysiis finibus evocat?
 Hostis tendit in Austriam:
 Cursum belligeri sistite Pannones. 20
 Vastantur Babylonii;
 Thraces Susa premunt: cur refluit Tagus,
 Aurum trudere debilis?
 Spumosos agitat Sequana vortices
 Torrens ire superbior 25
 Et permista tubis arma minax vomit:
 Iam Rheni trepidant aquae.
 Victum, ni properes, dux, cave Saxonem.
 Martis vertitur alea:
 Tu captus traheris visere Franciam. 30

At famosa quis Italus
Villae praevehitur septa Theoniae?
Forti res geritur manu:
Vindex Caesarei strenuus agminis
Mactatas super hostias 35
Infecit gladios sanguine Gallico.
Trunci cum iugulis cadunt;
Sectis sparsa iacent Lilia crinibus
Mensis densa cadaverum.
Dunquercana natat classis in aequore 40
Hollandosque fugat, fugat.
At non Cattigenae prociduum mari
Submisere genu neque
Despondent animos; damna Britannico
Compensant sua littore. 45
Vos Tartessiaci currite remiges,
Dum clemens favet Aeolus.
Sed cur negligitur flebilis Alsata?
Qui salvum cupis Imperi
Immotumque caput, protege patria 50
Urbem in rupe sitam: fames
Expugnat; sed et o tristibus Anglia
Moerens fluctibus innatas!
Quo te corripiet Scotia turbine?
Belli, credite Teutones, 55
Nullus finis adhuc: nam Catalaunia.



Gaudium bonae mentis.*Carmen geniale decantatum Warenbergae.***ODE XXVI.**

Nullo notari crimine, nil sibi
Conscire, Dis est ante diem frui,
Potare totis plena ripis
Gaudia non modica phaselo.

Illum Syene torrida frigidis
Obnubit umbris et Meroe tegit
Luco migraturumque vernus
Trans Scythiam comitatur aer. 5

Frons laeta semper puraque nubium
Gratique risus et decor et sales 10
Docto verecundi Falerno
Et facili lyra tacta nervo

Suadent amicum dicere Cynthium.
Seu fracta coeli porta tonet super
Cervice seu subsidat orbis, 15
Stat tamen in media ruina.

Mandante Sulla qui subit innocens
Curvi volanteis aequoris insulas,
Mutabit Aegaeum Lucrino
Iam patriae melioris hospes. 20

De pane furvo scinditur attagen;
Manant lutosi vina paludibus.
Civis sui sorbebit exul
Socraticas hilaris cicutas.

Ad Isidorum Schmirckium.

Ut senex prompto animo mortem admittat.

ODE XXVII.

Sexagesima iam Ceres
Maturum capulo vidit et Aeaco;
Autumnus toties novus,
Isidore, tuam fluxit in amphoram;
Nondum pulsa tamen sitis, 5
Plus aetatis adhuc, plus cupis aeris,
Nec vitae satiat quies
Optantem vapido de senii cado
Heu faecem bibere ultimam!
Centum annis inhies, ut doleas diu. 10
Quae te intemperies agit?
Cerritus manifestum helleborum furis.
Multae ludibrium necis,
Quanto plura tuo tempora funeri
Et fastidia praeparas, 15
Tanto supplicium longius extrahis.

Iam felicior aurea

Aetas terga dedit; quae super, hispidam
Tormentis faciem gerit.

Restagnant oculi; turpe manus tremunt; 20
Nasus vergiliis madet

Et, quam dissecuit ruga, binominis
Totum frons caput occupat.

Restat febris adhuc continuae gelu et
Talpis addita surditas. 25

Post grando, pluviae, nix, tonitru, vapor
Et quidquid miserabilis

Limoso veniens e stomachi lacu
Tempestas coquit imbrium:

Eheu quae cerebri fulmina senties! 30

Ad Paulum Waltenhofium.

Narcissum dehortatur a philantia.

O D E XXVIII.

Mater venustas plena ferociae
Crinita flavi verticis annulis

Suas honoratura doteis

Quam fragili male fidit aeo!

Dum floret, omneis despicit altior 5
Quocunque morbo, seque licentius

Procatur et vivo renidens

In speculo sibi nubit ipsi.

Sed stulta formae copia mutuae
Quid praeter umbras gignere mutuas 10
 Posset? quid Iphis ex Ianthe
 Nupta sua generavit olim?

Utcunque soli, Paulle, tibi places,
Amas amantem, non tamen alterum.
 Errore quam grato iuventae 15
 Tam sterili vacuoque laudis.

Proli creandae sint duo coniuges;
Sexum requirit mas sibi disparem.
 Ne pulcer eunuchus vocere,
 Sideream paritura famam 20

Ducenda Virtus: huic thalamo tuos
Committe vultus; huius in aureis
 Optanda nascetur lacertis
 Gloria et indubiam secutus

Honor sororem; tunc adeo meo 25
Dicere versu nobilis, et canam
 Fuisse tanti, non fuisse
 Degenerem facieque turpem.

Virtutis expers forma quid impetrat?
Qua spe superbit post breve lilium 30
 Perire vel languere iussa
 Triste gravis spoliū senectae?

Haec bruma vernas, haec subigit rosas.

Ledaea certe Tyndaris angitur

Et moeret intricata rugis 35

Bisque rapi potuisse secum

Miratur eheu multa putans anus.

Famosa quondam, dum steterant genae,

Et flamma venalis Corinthi

Ingemuit nive sparsa Lais. 40

Ad Iulium Thamesinum.

Non delectari se fracto et molliore cantu.

O D E XXIX.

Oscines sectos, Thamesine, laudas,

Colla torquatos, oleo nitentis

Guttur ac vocem, numerosque stricta

Concipis aure.

Utque te credam minus imperitum 5

Iudicem, iuras: nihil eviratis

Dulcius cygnis etiam Caystri

Reddere ripas.

Non ego mollis cathedrae patronus;

Viva naturae placet et virilis 10

Vox mihi, non quae Phrygis usta ferro

Fractaque tinnit.

Illa seu nostras imitata chordas
 Seu tuam, solers philomela, musam
 Implicet questus et amoena flens su- 15
 spira libret;
 Praefero verae gemitum columbae,
 Oris imberbes citharas et emptum
 Carmen argento teneri spadonis
 Mollius odi. 20

Ad Canum Virniam.

*Tectum et multiplicem agendi modum reprehendit
 auctor damnato exemplo Guillelmi Orangii
 Nassavii. Ex Hist. Belg. Fam. Stradae S. I.
 Dec. I. lib. 2.*

O D E XXX.

Tu plaudis tibi, Virnia,
 Arcano taciti pectoris in sinu,
 Introrsumque reconderis,
 Et gaudes habitare in cochleae modum.
 Sermo, quem timide iacis, 5
 Secretum redolet triste cuniculi
 Talparumque cubilia.
 Fors dici cupies alter Orangius,
 Stradae portio nobilis;
 Namque illum penitus sepositam ferunt 10

Mentem telaque consili
 Celavisse decem cratibus abdita.
Vasto navis in aequore
 Persulcantis aquas et volucrum via
Reptatumque iugis iter 15
 Deprendi poterat certius anguim:
Nili et Nassavii caput
 Eiusdem populis impenetrabile
Credebatur originis.
 Haerebant latebris verba tegentibus 20
Et, ceu Phidiaca manu
 Cordi insculpta forent, praeter Orangium
Nemo gutture moverat.
 Virtus haec nimia est et vitium prope.
Malis in medio situs 25
 Dispensare tuum, Cane, silentium
Ut nunquam muliebriter
 Pertuso liquidus currere dolio,
Sic nec pectoris aenei
 Custodire tenax omnia moenibus. 30
Nullam mens bona ianuam,
 Nullum limen habet; publica regibus
Spectari metuat nihil
 Audax in medio stare satellitum.

Ad Nicolaum Feronium.

*Quaedam sapienter tacenda fortiter esse dist-
mulanda.*

O D E XXXI.

Bacchus probetur vitreus inspicī,
Non tu, Feroni. Provida nobili .

Natura non frustra negavit
Perspicuas animo fenestras.

Velanda quaedam nube silentii

5

¶ Intra senatum. Putria fervido

Secura sunt sub dente verba,
Lubrica destituunt loquenteis.

Miscere sermonem est popularia

Miscere telis praelia tinnulis.

10

Periculosum crede saevi

Alloquium genus esse belli;

Ne garrientem spicula saucient,

Canat subinde et lingua receptui:

Fors mille fraudeis in reductis

15

Hannibal insidiis locavit.

Sit praeses oris Sigalion tui;

Cavebis illud dicere Sub rosa:

Quod ipse nequidquam silebas,

Scilicet id taciturus alter.

20

Non et quibusvis auribus Arcadum
 Secreta pandes taedia: pectoris
 Clausi sepulcrum vincit omneis
 Turis opes violaeque odorem;

Humata sub quo probra, calumniae 25
 Iniuriaeque et dedecus ultimum
 Iraeque vindictaeque foetent
 Funera et invidiae cadaver.

Ad Arisium Moschum.

Aetatem factis, non annis, extendi.

O D E XXXII.

Hunc senem dices, Arisi, beatum,
 Cana non cuius numeratur aetas,
 Sed velut conchae lapis aestimatur,
 Rarus laspis.

Integras parvus lapis iste rupes, 5
 Plurimas unus, pretiosa vincit
 Gemma: nam doteis brevior gyro
 Contrahit omneis.

Sic dies vitae sapientis una
 Mille stultorum superabit annos; 10
 Sic anum prudens fatuam puella,
 Uva labruscam.

Esse multorum est et habere corpus:
 Vivere ad paucos venit. Huius usum
 Sola mens caeco scelerum tumultu 15
 Libera praestat.

Ad Andream Brunnerum.

S. I.

Iephten tragoediam exhibiturus Ingolstadii
anno MD IOG XXXVII.

O D E XXXIII.

Iephten daturus spiritus incidit
 Urgere scenam flebilibus modis,
 Brunnere, qualem nostra suadent
 Tempora deteriora priscis.

Olim in theatrum sex modios salis 5
 Terentiani sparsimus; et molam
 Versare cum Plauto coacti
 Movimus in podio cachinnos.

Spleni litatum iam satis; ilia
 Laboret alter rumpere comicus: 10
 Maior tragoedum cura, maior
 Ordo movet; iuvat esse tristem.

Insana, nam quid dissimulo, iuvent
Lamenta; totum Corduba me suo
Pervasit Annaeo, nec Umber 15
Iam placet aut thymele faceta.

Non est voluptas nulla, dolentium
Audire questus. Huc, puer, ocyus
Affer cothurnum; deme soccos,
Funde merum speculumque Othonis 20

Maius corusca, quod varias mihi
Antiquitatis vibret imagines,
Rerumque et aspectus locorum
Luminis obiiciat repulsu.

Hic Maspha circum palmiferum caput 25
Inter comatas erigat arbores;
Hic molle vitrum trumat Arnon,
Mox fluvius lacrymis rigandus.

Pro quantus irae turget et in minas
Despumat Ammon! praelia matribus 30
Ploranda funestat rapinis.
Tunc pavidis meus ille Iephthe

Quaeretur exsul civibus in ducem,
Quamvis rogatus tardior annuat.
Pugnatur: insignem triumphum 35
Isaciae meruere dextrae.

Bene ominato sternitur impetu
Calcatus hostis. Quam dubios natus
Victor per eventus! honesto
Profuerat tibi Marte vinci.

40

Ah in reversi, filia, filia,
Fatale patris laberis obvia
Fatale votum! cur repente
Castra fremunt ululata luctu?

Vertuntur hastae; nulla sonat tuba;
Stat muta belli gloria; laureae
Feralis inserpsit cupressus.
Dira tibi stimulos cupido

45

Foras iturae, Iephthas, addidit.
O nuptiales interea domi
Futura nevisset in auro
O utinam tibi, sponsa, vesteis!

50

I virgo frustra nubilis, i dolor
Parentis orbi cumque sodalibus
Erra per Hermonis virentem
Exequias praeitura lucum.

55

Cum bis in orbem luna recreverit,
Redux ad aram victima patrium
Ensem cruentabis: sed istud
Lege rata peragetur intus,

Ne syrma risus flebile polluat,
Error nocenti tristitiam ioco.

Flaccus lucernas et dolosa
Sanguinei simulacra colli

Fictosque gestus et caput illitum 65

Odisse fertur: rustica displicet
Imago pompae; sumptuosa
Pauperis ingenii suppellex.

Crudelis intus te feriet pater,
Crudelis autem? quin potius Deo 70

Instinctus auctore et iubenti
Grande reus soluisse votum.

Ingens in aevum, filia, mitteris;
Tu nascituro nobilis hostia

Dicere praelusisse Christo 75
Sorte tui pretiosa fati.

Haec acta coram qui referant, erunt:
At non puellis sarta ferentibus

Prodire morosus negarim;
Dulce decus cumulare vadant 80

Florum coronis; pars iaciant crocum;
Pars e quasillis expediant rosas.

Ploratur aeternamque famae
Materiem parit ipse lessus:

Heu nulla linquis pignora, Iephtias
 Praerepta caelebs! heu sterilis cadis
 Omneis Galadinis per annos
 Virginibus lacrymanda virgo.

85

Sed iam decoro cerno madentium
 Submissa fletu lumina deiici:
 Moerore spectator liquescit
 Multa putans animosque miscet.

90

Ad Maciem.

In die natali.

Cum aestivis diebus Eberspergae moraretur.

O D E XXXIV.

Soror Galeni, vivida sanitas
 Tibi dicati corporis, huc ades;
 Huc Gratiarum quarta, divis
 Iuncta tribus, Macies, sonoros

Molire passus. Ostia pandimus
 Dilecta priscis vatibus ac Deo
 Spirante facundoque plena.
 Flecte meum subitura limen,

5

Huc flecte currus. Nil vetitum tuis
Videbis usquam legibus: omnia 10
Ex arte respondent magistræ,
Molle nihil tenerumve tactu;

Non nidor ex abdomine, non adeps
Cubilis ullo fumat in angulo.
Consurgit ex topis ab imo 15
Inque cavum sinuatur arcum

Ingressus antri; caetera pumice
Ornantur albo; cardinibus crepat
Abiegnata motis porta; passim
Calva iacet solidumque saxum est 20

Pulvinar ingens. Querna vel ossea
Vel nulla sedes. Ipse ego corneus
Et paene translucens futuri
Anticipo cinerem sepulcri

Praelargus umbrae. Non ego nescio 25
A te probari tale palatium.
Invisæ: iam carmen subactis
Disposui geniale chordis;

Neu terrearis turbine camicum
In me ruentum lege ferociae: 30
Mordere si possunt, acutos
Et poterunt hebetare denteis.

Intra: quid hæres? tu Polyhymnia,
 Tu dulcis olim Terpsichore mihi,
 Nunc maior ipsamet Minerva et
 Delicium gracilis poetæ.

35

Ad Paulum Rivernam

Stoicæ sectæ.

In funere Alberti Rivernæ, caniscenti filii primogeniti.

O D E XXXV.

Consolatio Stoica.

Paule, ne fallas animi dolorem:

Vince; si totum caput irruenti

Offeras nec te maculosa signet

Lacryma, vincēs.

Fallitur tantum gemitu paternus

Moeror incluso minuique fingit;

Interim pelli negat et medullas

Obsidet imas.

Mater, amissō velūt orba foetu

Tigris obstanteis furit ire contra,

Mater iratis metuenda funus

Imputet astris,

5

10

Dumque ploranteis oculos resolvit
Ac supra ripas sinit evagari;
Vana leniri putet et tepentem

15

Cedere luctum.

Tu pater, tu vir meliorque coniux
Nec nihil nostris madefactus undis
Maius in mortem subitosque casus

Robur habeto.

20

Si vel abiectum genus atque sexu
Molle solarer vel ineruditum,
Tecta plebeio quoque mitigarem

Vulnera panno.

Diluit fletus mala, non trucidat.

25

Strenuis quondam generosa cincto
Corda praeceptis age, Paule, toto

Mergere fato.

Umbra ne turbet reditura somnum,
Incuba Stoeae placidumque dormi,
Qualis Alcides latus audet accli-

30

nare leoni.

Haec vigil tecum: Quid enim mearum,
Caelites, rerum stomachatus unquam
Subtraho vobis? patet omnis arca,

35

Insuper ipse.

Vestra sunt, quae nunc mea dico, vestra:
Venit a vobis soboles et uxor;
Dos, opes, fundi, focus, ara, vestrum

Omnia munus.

40

Utimur: sed si data qui dederunt
Unico reddi voluere nutu,
Antequam cogat rigidus satelles,
Reddimus ultro.

Lex diem cunctis statuit supremum: 45
Ergo mortalem genitum sciebam;
Ergo me proles mea non fefellit

Fida parenti.

Quo sub occasum fluēt omnis aetas, 50
More torrentis rapidi praeivit.
Per tuos maneis tumulumque, fili,
Sponte sequemur.

Qui mori non vult moriente mundo,
Stultus aut vitæ nimis est avarus.
Hanc, Deus, testem tibi me resigno 55
Nudus ad aram.

Tolle vel dona; refer aut omitte:
Qui nihil contra meditetur, adsum.
Damna seu iustum pariter capaci
Annue lucrum: 60

Lancis in parteis utriusque vergo.
Vis, ut haeredem generis relinquam?
Opto: si mavis, cariturus omni et
Fortiter orbus.

Talis audiri solitus, Riverna, 65
Fata terrebis; dolor involucrum
Rumpet et tristes inimica vertent
Agmina curae.

Ipsa quantumvis levis erubescet
 Torva Fortunae facies sinistrae: 70
 Teque migrabit quatiens relictæ
 Limina portae:
 Mene contemptam? gemuitne leti.
 Pressus aerumnis oculumve flexit?
 Cedo; quid surdis Sipylum flagellis 75
 Verbero saxum?

Auctoris Melancholia.

*Quum e campis redum audiret Brisacum a Duce
 Vinuario occupatum.*

O D E XXXVI

Horatianam da citharam, puer,
 Unco refixam parietis alteram
 Vocalis argenti, nec illam,
 Munus arundineum Menalcae.
 Relinque buxum! quam propior modo, 5
 Boeote, tangis, diripe postibus!
 Nescis tot exploratus annis,
 Quas lacrymans animique moestus
 Amem camoenas? Tum foribus quoque
 Clausis memento ducere pessulum; 10
 Nolis apertum me gemente
 Tristia vestibulum patere.

Lessum dolori molior: Urbs nisi
 Custodiatur praesidio Dei,
 Vallumque turritaeque frustra 15
 Excubiae statuentur urbis.

Ergo Brisacum, Teutonici Iovis
 Tarpeia rupe, decidit in manus
 Brenni! Puer, quis fila solvit
 Et numeros male feriato 20

Turbavit ungui? nil sibi consonat.
 Fideis reducat natus ad Aufidum:
 Me taedet insani laboris:
 Fer cyathum et citharam repone.

Ad Germanos.

*Cum sub ipsa Bacchanalia Suecus Germaniam va-
 staret; et Turca occasione belli civilis in Hunga-
 riam Austriamque irrupturus timeretur.*

O D E XXXVII.

Audemus armis quaerere perdita?
 Non ille certe, qui prope dolium,
 Spumantis ad fumum lagenae
 Et patriam sedet unctus offam:

Haud amovendus, dum sibi canthari 5

Pernaeque constant, et Cereris vitrum.

Insigne nodis et capacis

Struma scyphi nova vina fundit.

Haec bella passim cerno madentibus

Pugnata mensis; bella sed heu nimis 10

Pudenda nec multum Gothunno

Aut Geticis nocitura verpis,

Ni verioris militiae seges

In tela crescat: quanta novissimis

Vibrasse Marsos et valentem 15

Sistere Pulydamanta curvus;

Aut quanta noster torserat, a nigro

Qui monte nomen fulmineum tulit,

Priscique Sueppermannus aevi

Bis gemino satiandus ovo. 20

Heu surge tandem peior avis nepos:

Vides, ut Istrum barbarus inquinet,

Ut cuncta subvertant Alani:

Et solidi nihil ensis audes?

Insurge in hastas: non accipenserem 25

Mappisque fusos hostis apros neque

Crateras imbellemque thyrsum

Aut vitrei timet arma Martis.

Ad Aquilam Romani Imperii.**O D E XXXVIII.**

**Surge Romani Iovis et trisulci
Fulminis custos aviumque Caesar:
Praeliaturas acies minatur**

Ala rebellis;

**Vulturi Sueco sociant frequentes 5
Signa bubones acuuntque rostra.
Totus hostili legione circum
Texitur aether.**

**Stringe iam notos, neque differ, ungueis: 10
Arma concussa sonuere nube;
Sistit in caelo veterem tibi Phar-
salia campum.**

**Pelle Finlandos age, pelle corvos;
Ora Stymphali vacuetur Hunnis:
Milviis ningat lacerisque Lappis 15
Fluctuet aer.**

**Victor optantem redeas Viennam
Alitum sacra comitante turma;
Impleat Mavors spoliis volantum 20
Castra Quiritum.**

Tres Heroes

*Ab auctore in exemplum bellicae laudis propositi et
Germanis contra suos hostes decertaturis imi-
tandi.*

Heros I.

Georgius Castriotus Scanderbegus,

Princeps Epiri.

O D E XXXIX.

Exempla verbis praefero: scindite,
Obscura somni scindite nubila,
 Umbrae triumphales, et armis
 Elysiam reserate noctem.

Desueta pridem pectora Teutonum 5
Formidolosos tundere Bistonas
 Exsuscitaturi sepulcris
 (Sic Superi statuere) vestris

Prodite manes, rumpite vincula
Fatigue leges: tu prior omnium 10
 Regnator Epiri Molossis
 Et Macetum celebrate genti:

Qualis ruelas in Geticos canes!
Minore velox Semifer impetu
E monte decurrens paventeis
Labdacidas agitavit orno. 15

Hic ille bellis clarus Achaicis
Est Castriotus: cuius acinacem
Contempsit hostis, sed tremendam
Saepe manum validique sensit 20

Pondus lacerti, cum medios fremens
Globos secando dux equitem simul
Equumque consertos in unum
Divideret penetrante summa

Et ima ferro; sessor et unico
Insessus ictu sordida quadrupes
Cruore porrecti per arva
Continuum subiere letum. 25

Suismet idem moenia moenibus
Portisque portas fregit aeneas;
Et saxa praemunita saxis
Obruit Aemoniasque late 30

Vastavit urbes. At patrios lares
Quantus tueri! Thrax acie feror
Aequante flaventis arenas,
Quot Libycis iacere campis, 35

Parvam (pudendum!) non numerabilis
Croiam premebat: iam lacervis famem.

Muris et obsesso pavorem;
Intulerat mala Fama civi; 40

Accessit astus, fraudisque periculum
Motura donis; illecebrae volant

Ad summa vallorum et doloso
Ingenium leve ludit auro:

Sed expeditis cuncta Georgius 45
Perrupit armis: Arma, ferocior

Deliberata morte miles,
Arma para, fremite miles arma!

Praecedo vel sic. Haec ubi gloriae
Severus emptor, vendere laudibus 50

Vitam paratus pandit arcem
Perque Getas piceamque nubem

Et foeta caeco Marte tonitrua
Fusumque aheni sulphur et ignei

Torrentis horrendos fragores 55
Reliquiis comitatus exit.

Damno minantum. Sic Libycus leo,
Quem dormientem saltibus aviis

Clausere pastorum catervae,
Prima fames ubi suscitavit, 60

Miratur et, quanquam undique ferreas
Sepes tuetur, turbidus emicat
Viaque facta frangit Afri
Oppositas animosus hastas.

Quos ille pugnax disiicit obiices! 65
Importuosae se super agmina
Effudit in morem procellae,
Quae decimo revoluta fluctu

Immugit astris. Fertur ad ultimum
Urgente tristes milite ferias 70
Demens Amurathes superbum
Dentibus instrepuisse coram

Basis ab ira collacrymantibus,
Fissisque labris et digitis sibi
Cessisse praemorsis, dolore 75
Inque fugam rabiemque verso.

Tantum supremis icta periculis
Virtus, honestum dum petit exitum,
Pulcerque desperantis ardor
Cordis habet stimuli acuti. 80

Unam duello fortior altera
Necessitatem saepe necessitas
Absorbet et probrum timenti
Difficile est metuisse letum.

Heros II.

Ioannes Austriacus

Caroli V. F.

*Navali pugna et victoria ad Echinadas contra
Selimum Secundum Turcarum Imp. celeberrimus.*

ODE XL.

At non marinis Austriacum tubis
Late sonandum terruerant Getae:
 Quamvis aduncis plena rostris
 Sylva sagittiferumque pontus

Vectaret hostem. Christiadam phalanx, 5
Io triumphe, sparsit Echinadas
Tabo Gelonorum: caduca
 Sanguineus rotat arma vortex.

Circumsonanteis vix maris alea
Tentata naveis miscuit ac viros, 10
 Cum barbarorum vis repressa
 Et domiti cecidere fastus.

Unita virtus nec numerum timet:
Multo tremendus remige Concanus
 Fugatur a paucis et horret 15
 Aequorea fluitare valle.

Quis, Luna fractis livida cornibus,
 Sub nube moesta tunc animus fuit
 Classem pharetratam videnti
 Ad gelidum properare stagnum 20

Tetri Charontis iamque aliis regi
 Velis et aura non simili? Senex
 Instat per obscuramque Lethen
 Frusta vehit reditura nunquam.

Ac si veneno Thessaliae nurus 25
 Te polluissent, diceris indiga
 Pelvis canorum tinnientis
 Funereo rubuisse rhombo.

Cum molle Nereus interea fretum
 Enaviganti sterneret Austrio 30
 Summoque donatum tridente
 Obvius exciperet quadriga:

Hoc Baetis, hoc et masculus Adria
 Tybrisque novit: qui viridi sedens
 Tapete riparum hinc Iberos, 35
 Hinc Venetum cecinit leonem.

Tunc Roma septem subsiliens iugis
 Pictusque rubris membra coralliis
 Triton iocoso per fluenta
 Aere strepens Aniena lusit: 40

Tuscaeque conchis versicoloribus
Plausere Nymphae; tunc Zephyri pater
Euriq; festivoque currus
Hippotadis sonuere nimbo.

Heros III.

Ioannes Hunniades

Terror Turcarum

Dictus.

O D E XLI.

Et tu ferocem, Panmoniae decus,
Vultum sub auras, Hunniades, refer.
Quo stante vivo tuta nunquam
Odrysii stetit aula regis.

Regnare toto creditur aethere 5
Per sola notus fulmina Iuppiter:
Sed te Musulmanni sciebant,
Vivere funeribus suorum.

Expergefacti. Te capulo tenuis.
Fixis superstitans hostibus alterum 10
Iovem probasti; tam profundo
Corda metu glaciantq; Thracum,

Ut et fugaceis exanimaverit
Incussus imis visceribus pavor,
Et mater infanti molesto
Turca tuum minitata nomen 1

Terrore fletum provida sisteret.
Qualis comètes, sanguineum genus,
Si forte stellarum coorta
Seditione tumultuosum 2

Invasit axem, territat omnia
Late minaci fronte palatia,
Magis tyrannos. O salutis
Stella tuo memoranda civi

Ortuque felix Hunniades iubar!
O triste Turcis omen et ignei
Fatale salve Martis astrum!
Quod toties Othomannus omni 2

Horrere visus vertice Bospori
Sese cavernis turpibus abdidit
Pallens, ut exsternatus anguis,
Cum subitae tonuere nubes. 30

Ille, ille caudae multiplicis draco,
Quod iactitabat, sed capitis draco
Unius, illisis cerebri
Procubuit super arma nervis, 35

Qualem trisulca terrigenam iuba
 Laetum et Pelasgos mille volumina
 Spirasque per saltus trahentem
 Explicuit Capanea pinus.

40

Isto, Quirites, se probet aemula
 Ductore virtus et gladios velut
 Ad enovaturam retusos
 Exacuat rediviva cotem.

Ad Willibaldum Ehrenmannum.

Se deinceps D. Virginis vatem et encomiasten fore.

O D E XLII.

Est et hoc nomen, Willibalde, tanti:
Me suum Virgo iubet esse vatem;
 Virgo cantanti Galilea molleis
 Applicat aureis.

Illa versuro lituos in hostem,
Mitte sectari modo castra, dixit,
Strage deformes alio loqueris
 Tempore pugnas:

5

Nunc tamen mitis nihil inquieto
Debeas Marti. Sit oliva lauro
Nexa, non cornus; volucreis capillis
 Detrahe cristas.

10

Sin et in praesens animum furentem
Tanta bellorum stimulat cupido,
Nostra permistis quoque fixa signis 1

Adde tropaea.

Noster es, nostris agitande flammis,
Nos canes primum: celebris sequetur
Tillias magnam meditata famam et
Arma virumque. 2

Iam fluant sacri fidibus calores,
Ipsa te chordas quatiente blandum
Inseram numen numerosque dolci
Arte iuvabo.

Haec ubi: gratum iaculata lumen 2
Astitit coram; simul evoluta
Nube crinaleis radios ab omni
Parte retexit;

Utque ferratam manibus tenentem
Repperit pennam gladiique acumen, 3
Et tubae cornu galeamque et hastam ex-
cussit in auras.

Ad Divam Virginem.*Delectari se eius laudibus canendis.***O D E XLIII.**

Quem, Regina, tuo semel
 Afflari Zephyro, non aliis velit
 Ventis ille vehi super
 Undas Pegasei fontis, ubi sacram
 Venae laetitiam bibat 5
 Et facunda redux carmina temperet.
 Nec, cum Pieriam chelyn
 Arguto fidicen pollice moverit,
 Formosam Lalagen canet
 Vultumque ac niveae colla Licymniae 10
 Aut nigras Glycerae comas:
 Sed doteis potius, Virgo, tuas lyra
 Emirabitur aurea.
 Et nunc sive caput sole serenius
 Seu lunae timidum iubar 15
 Subiectae pedibus dicet et igneas
 Zonae sidereae rosas;
 Nunc, ut virgineo castus et integer
 Partu detumuit sinus,
 Matris non solitae nomen et oscula 20
 Laetis humida lacrymis
 Vagitumque Dei; tum liquidum melos

Caeli et non rude gaudium ;
Nunc formam Pueri: sive nitentibus
Gemmanteis oculis faces 2:
Infusumque diem crinibus ac genas,
Mali fragmina punici,
Et costi madidos unguine dactylos ;
Seu quae plurima serior
Aetas bis geniti Numinis edidit, 3:
Narrabit fide Teïa
Vates partheniam vectus in insulam.
O ergo facilis veni,
Nec te, Diva, tuis subtrahe laudibus,
Quas si dura mihi neges, 3:
Non opto lyricis vatibus inseri.



JACOBI BALDE S. J. LYRICORUM LIBER II.

Celeusma Marianum

sive

Laudes divae Virginis

ex ss. litteris.

Allegoria.

O D E I.

Regina, — nam quo nomine te vocem? —

Cui mille naves laudibus asperae

Honoris in portu quiescunt,

Mille novae subiere pontum

Trans claustra Chinarum et Iapones feros 5

Encomiorum non popularium

Gazam relaturae superbam,

Omne fretum tibi, Diva, servit

Remisque velisque et super aethera

Late refuso gurgite gloriae,

10

Qua Sol supinos quaque pronos

Tollit equos abeunte curru.

At illa navis, quae Galileidos
Inscripta sacro nomine Virginis
Favoris aspirante vento
Oceanum penetravit immensum, 15

O quas profundo fertur ab aequore
Reversa merceis, quos cumulos opum
In Nazarenos, unde primum
Solverat, evoluisse portus! 20

Electa sicci cinnama corticis
Myrrhamque et ingens pondus aromatum
Crocumque nardumque et fragranti
Balsama deproperata rivo:

Non tale quidquam protulit India, 25
Non ex Sabaea decedit arbore,
Nil tale Medorumque messis
Aut Cilices oluere nimbi.

Sed et genistis pendula Punicis.
Ardore miro mala rubentia, 30
Ne pressa marcerent, in ostro
Virgineae iacuere prorae.

Cedros comanteis e Libani iugo
Et propter amnem tot platanos sitas
Summoque divulsas Sionis 35
Monte quis enumeret cupressus?

Divina totis litoribus Ceres
 Plenae per oras sparsa crepidinis
 Surgebat in grandeis acervos
 Non aliquo minuenda dempto. 40

Fluxere conchis vina capacibus,
 Peculiaris vina notae, hotro
 Expressa Cypri, qui Calenae
 Chrysolithos superabat uvae.

Pro quantus auri fulgor et ignium 45
 Dives marinorum irrubuit sinus!
 Advecta cum gemmis eburni
 Copia quam pretiosa dentis

In Regis aulam sectilis et torum!
 Collata tecum se Salomoniam 50
 Classis fatetur, Diva, vinci.
 Quas variis opulenta ripis

Natura sparsit, colligis omnium
 Complexa doteis; totus in unicam
 Defluxit aether: parva pulcri 55
 Est facies quoque magna mundi.

Milo Crotoniates Senex.*Humanæ imbecillitatis monitor.***O D E II.**

Quisquis aetati iuvenile fdis
 Et tuos iactas temere lacertos,
 Robur exemplo tenuare cani

Disce Milonis:

Qui bovem pugno violentus olim
 Cernuum vulgo metuente stravi,
 Ipse me mirans penitus solutis

5

Langueo nervis.

Nempe tunc nullam tenui securim
 Nudus armorum; manus ipsa ferrum,
 Ipse ferratus fueram nec ullo

10

Ligneus ictu.

Dexteræ suppar humerisque totum
 Venter absumpsit, mea bella, taurum:
 Indus occisum Phaethon, sepultum

15

Vidit Iberus.

Nunc ubi vires, ubi tantus ille
 Frater Antaei? pudet esse notum:
 Publicae quid iam cumulata prosunt

Munera luctae?

20

Strage famosus rapida leonum
Iam lupos vito: pudor heu senectae!
Terret assuetum vacuare silvas

Obvia vulpes.

Saepe dimensum virideis ad annos 25
Corpus expendo, nec in hoc Milonem
Cerno quaesitum: mihi saepe multa

Mentior ipsi.

Forsan a memet tacite recessi.
Credar immotis pedibus stetisse, 30
Vir manu pressa retinens inexplu-
gnabile pomum?

Erro figmentis dubiaque vulgi
Laude deceptus: neque me iuvenco
Ulla luctantem maculisve pardi 35

Sparsit arena.

Quid rosas semper querimur fugaceis?
Quercus in nigro sua fata luco
Sentit et tandem ruitura toto

Vertice nutat. 40

Fortis est, qui se negat esse fortem:
Aut suas certe meliore vireis

Lege dispensat propere sequenteis
Cantus in annos.

Paeon Boicus

ab auctore cantatus,

*Cum intra octavum diem omnium Sanctorum
Monachii victoriae Pragensis memoria
tereretur.*

O D E III.

Haec illa lux est, quae pepulit metum
Et atra belli nubila candidis
Discussit astris, cum sub uno
Imperii Latialis ictu

Fortuna staret. Torva Bohemia 5
Albi minaceis concutiens iubas
Leonis in flavum ruebat
Sanguineo metuenda rictu.

Qua belluosi stella cubilia
Praesignat horti, verius imminens 10
Pragae cometes, dira motis
Signa tubae cecinere castris.

Clivo rebellis miles in edito,
In valle noster: quanquam adeo palus
Tardabat uligoque putri 15
Crassa lacu mediique pontis

Obex, morantem transiliit pedes.
Hac est eundum, dux prior increpat
Adversa sustollens in hostem
Maximus Aemilianus arma: 20

Tum vero crebris icta tonitruis
Mugire tellus, fulminei Ioves
Stridente torqueri metallo:
Vox, gemitus, ululatus, irae

Miscentur una. Sic geminus ruit 25
Torrens ab Aemo, quisque suam rapax
Spumare brumam: donec alter
Per scopulos per et arva victor

Cursu feratur iam sua libero.
Mars tela telis et manibus manus 30
Et scuta scutis mistus aequat.
In galeas aliena surgunt

Caduntque cristae cornua proximae.
Proh quantus ensem stringit in agmine
Bucquoius et, quamvis laboret 35
Vulneribus, fodit ora ferro!

Immane nixus quot cuneos secat
Supraque toto vertice Tillius
Intorquet hastas! non tot Haedi
Caurus agit pluvialis imbreis. 40

Iamque omne bellum nomine perduto
 Fit vera strages: tantus amor necis.
 Stat miles in rupem et minanti
 Terga negat faciemque praebet.

Nudata letum scandit ephippia
 Passimque nudat; caesa cadunt velut
 Armenta neglectisque Parcis
 Tres Furiae secuere fila.

4

Io dehiscunt undique copiae
 Et turpe mordent degeneres solum.
 Sublimis ad Boios volat Vi-
 ctoria pulvereamque pennis

5

Inscribit auram. Quid iuvat aereas
 Praeferre parmas? Omnia proterit
 Virtus Anhaltinumque fracto
 Detrahit exanimem caballo.

5:

Turnus superbi nominis ambitum
 Lactare visus denique repperit
 Maioris Aeneae lacertos.
 Verte pedem, Friderice, retro,

60

Rex, heu caducae fabula gloriae.
 Campum petebas ceu Megalesia
 Romana spectaturus inter
 Artificis simulacra ludi.

Lyricorum Lib. II. 3.	93
Discede Circo: seria (non vides?)	65
Hostile spirat praelia classicum, Frustraque nitentis reverti Mergit equos equitesque Molda.	
Ergo incitata cornipedis fuga Sese paventem protinus abstulit Per plana, per saltus, in Urbem Non alio rediturus anno.	70
Soluta laevo crure periscelis (Pudor!) Britanni perditur in via Favoris ornatus: repertum Ludibrio diadema multo.	75
lactent feroces se numerosius In bella fastus: spes crepat improba Tandem sinistrorsum et triumphat Laurigero bona caussa curru.	80
Ilam ministris auxiliaribus Circumdat aether et, medias licet Feratur in flammis, obumbrat Aligerum clypeata nubes.	

Ad Matrem amabilem.**O D E IV.**

Quisquis o mitis tua teque Mater
Non amat, tristi niger est veneno
Et soporantis furiale virus

Suxit echidnae.

Illum et in saltu fera saeviozem
Tigris a veris catulis removit
Lacte depulsum timuitque dirum

Pascere fetum;

Illum et insani timuere fluctus
Ore spectantis prius excitati;
Illum et horrebit venientem ad umbras
Ianitor Orci.

Ad Othmarum Dandiram,

Adami Dandirae f.

De posteris primi Adami.

O D E V.

Si verum excutimus sinu,
Ex quo fatidica primus in arbore

Suspendit genitor gulam,
Heres stultitiae non dubius nepos
Infelix patrimonium, 5
Maneis quisque suos ac furias habet.
Ipsis debitus in suas
Sectus particulas as pueris datur.
Hinc iam cymbala, patrii
Iuris signa, petunt et quatiunt nolas. 10
Dulce est desipere in loco,
Factis quisque suis clamat Horatius.
Raro vertice non scatet
Seu cornutum aliquid seu bene mobile
Et par auriculis Midae. 15
Frustra dissimulas Dandira Dandirae
Et dici fatuus fugis:
Ah non te fugies, sive Borysthene
Seu defluxeris Isara.
Fatis res agitur: fata nepotibus 20
Instant; desuper ingruit
Convulsis cerebrum debile tegulis
Urgens imbricitor Notus
Ventosumque caput Gorgone sibilat.

Ad Carolum Wetteravium

In magni principis obsequia et aulam trans-
itum.

Propempticon.

O D E VI.

In quo vocaris, Carole; sed prius
Politiori fac patientiae
Immane votum: disce blandum
Ferre iugum et lepidos dolores.

Est aula pontus. Spes tua naviget
Vicina ripae; qui pelago nimis
Fidit quieto, larga praeceps
Immodicis dare vela ventis,

Calumniarum saepe Cerauniis
Illisus eheu cum gemitu ratem
Ad saxa non vitata franget
Tristius Emanuele Sosa.

11

Sparsae natabunt ludibrium trabes
Ridente portu, quo male solveras
In altum, et eluctata raro
Frusta suum dominum revisent.

15

Quod turbulentum senseris, edoma:

Menteis hiulcas gloria transilit,

Fastidit imas. Vive nulli

Asperior, tibi durus uni.

20

Sit magna famae cura, supercili

Sit nulla: fastum palpebra nesciat.

Utcunque sors mutanda ludit,

Non cupias cecidissemper

Ad vota talos. Purpura, quam geris,

25

Mutat colores. Sidera nunc micant,

Nunc nube subiecta teguntur,

Perque vices variatur annus.

Felicitatis pars puto maxima est

Felicitati fidere parcus.

30

Qui non latens latere mallet,

Ille potest sapuisse dici.

Nescis? in aula sunt vitrei gradus:

Scandes deorsum crebrius et cades

Sursum repentinoque terrae

35

Terga dabis resupina motu.

Sed temetipsum dispice, caetera

Permitte fati: rodit inutilis

Exulceratum cura pectus

Seque dolor cumulat dolendo.

40

Caelum minatur fulmina? sustine.

Praesens voluptas allicit? abstine.

Fortuna blanditur? recede.

Vana minax fremit arma? ride.

Places? favorem cautius occupa.

45

Iaces? triumphata tutus in otio.

Levaris? exulta modeste.

Deprimeris? patiare flecti.

Insultat hostis? dissimula. Dolet?

Gravare noli. Plura quid impero?

50

Virtute stabis: sola virtus

Et facit et faciet beatum.

Votum

Parthenii Sodalis.

Ex solenni formula: Propono firmiter ac statuo, me
nunquam te derelicturum neque unquam aliquid
contra honorem tuum dicturum aut factu-
rum etc.

In gratiam nobilissimi adolescentis

Sebastiani Venatoris

Carol. Andr. Venatoris f.

Cum in album sodalium B. V. referretur.

O D E VII.

Iungentur lepori canes

Et pardi capreis et timidi latus

Asternent ovibus lupi ;
 Pisces aërios transilient Notos
 Et supra iuga montium 5
 Balenae choreas cum vitulis agent ;
 Cervi subter aquas sua
 Deponent liquidæ cornua Naiadi,
 Quæ saltus per et avia
 Sylvarum volitans pennipedes apros 10
 Laxis retibus induet :
 Haec possunt fieri, Virgo, meum decus.
 Ut te vel tua deseram,
 (Sic me, Diva, iuves) haud fieri potest.

Exclamatio

In funere divitis, cum sepeliretur.

Carmen extemporale.

O D E VIII.

Adeste, magni carceris incolae,
 Parvoque claudi discite carcere.
 Hanc vestra libertas Seriphum,
 Hos Gyaros subit exul orbis.
 Post fata cunctis sufficit angulus 5
 Et parvus asser. Turrigeris ubi
 Innixa Maurorum columnis
 Ac minio variata moles,

Aut lata per quae iugera milvius
Volans citatas tot stadiis tamen 10
Lassavit alas? Nunc avitis
Nomen ubi fluitare bullis

Sparsum et cruenti sanguis originem
Foetens tyranni? Nunc lituis ubi
Elisus et rumor vapore 15
Astra super populosque vectus?

Venter pusillus, grande negotium,
Quo iam recessit? Quis leget ostrea
Gaurana pransuro? Ligatae
Quem veteri saturabit uva 20

Fuligo testae? Pomiferis ubi
Autumnus implens arboribus nemus?
Funesta creverunt Adami
(Insere nunc Meliboeae) poma.

Ingratus heres caetera possidet 25
Te flente ridens; ille palatii
Metator insultat sepulcro,
Calve, tuo titulosque calcat.

Fert ille torqueis et Tyrii vomit
Spumas aheni: te redimiculis 30
Cingent inornatum lacertae.
Heliadum bibit ille crustis

Tandem solutis Caecuba clavibus
Mappamque tingit: te nec aqua, cinis,
Lustrare dignetur. Quietem 35
Sub placido capit ille cygno:
Te saxa pressant. Ille reconditae
Talenta gazae promet et intimae
Avarus immigrabit arcae:
Funereo tibi nec triente 40
In os reposto. Si lacrymas dedit,
Cum dulce pondus, carum odium, extulit,
Credantur emptae vel Charontis
Immemorem redolere Lethen.
Pro fluxa rerum, fluxa potentia 45
Opumque ludus! somnia, somnia
Emissa per rimas eburnae
Mox iterum revocanda portae.

De Ioanne Babyla,

Suevo quinquies viduo.

O D E IX.

Credet hoc quisquam? Babylas maritus
Coniugis quintae, simul occupatam
Litibus secum rapuere tristeis
Fata sub umbras,
Ducit et sextam vetulus iuencam. 5
Unde tam diros precor hausit igneis?
Esse dicamus super omne regnum
Maius amoris.

Qui maris fluctus semel enatavit,
 Non bis accusat mare: sed madenti 10
 Veste suspensa Galateae ad aram
 Abstinet undis.
 Nesciunt stulti sibi non nocere.
 Quinta quem nullis domuit lupatis
 Uxor, in poenam dominas meretur 15
 Ducere centum.

Ad Paulum Rivernam et Canum Vir-
nam, Stolcos.

De moribus et natura sapientis.

O D E X.

Sub porticu cantata.

Frustra querelis conterimus diem:
 Iam nunc inaneis mittite, Stoici,
 Rixas locuturumque verba
 Pieriis socianda chordis
 Audite vatem. Quis sapiens? Sibi 5
 Sat ipse solus; quem neque dimovet
 A iure libertas, nec ensis
 Purpurei violens tyranni.
 Regnare dicas, qui posuit metus,
 Hic sceptrum sumpsit. Nobile cum Dei 10
 Templum sit orbis, digna templo
 Pectus erit sapientis ara.

Nec Rhenus illi gurgite patriam
 Signat nec Ister: Roma sit Ausonum,
 An Sconga Boiorum, prefande 15
 Dissimulat generosus hospes,

Mundi inquilinus: moenibus ac domo,
 Quam sol eundo circumit, ignea
 Contentus includi lutosa
 Urbe negat brevibusque muris. 20

Nullius idem sollicitudinis,
 Quo natus anno, quo genitus patre,
 Vulgo requirenti fatetur
 Luce palam sine fraude tantum

Se nosse recte vivere. Vivere 25
 Non esse solo vescier aethere,
 Sed laude virtutisque fructu
 Egregiam satiare mentem.

Ut quisque caelo decedit optimus,
 Est eius annus; tempora, crastinum 30
 Ignorat hesternumque mane,
 Cum Superis hodieque vivit

Et puncto in uno totum agit at sui
 Collectus aevum, linquere sarcinam
 Et ferre mortalem paratus, 35
 Quamque piger cupiasse multa,

Tam curiosis luminibus vigil,
Ut temperatum pectoris alveum
Concinna tranquillo voluntas
Naviget insideatque vento. 40

Non ira fluctus, non amor excitet,
Fragatve remos impatiens dolor,
Aut incitatae vela mentis
Destituat timor in Charybdi.

Hic liber est, qui se sibi vindicat, 45
Suisque semper nobilior bonis
Caduca, quae late patentem
Trans animi iacuerere ripam,

Indigna curis grandibus aestimans,
Quocunque casu perdita, quam parum 50
Segmenta tonsae sparsa barbae,
Restitui spoliatus optat.

Iam qualis inter prospera? Nubilus:
Rebus secundis, si nimiae fluant,
Oblatrat infigitque dentem. 55
Fluctibus exagitatus inter

Adversa tanto laetior exilit.
Fortuna mollis pugnet an aspera,
Haud curat utriusque victor:
Ferreus in vitream cadendo 60

Frangit gementem pondere; ferreae
Luctator obstat laneus ac rudes
Consopit ictus et fatigat
Arte pari iaculantis artem.

Hac ille tutus non premitur malis, 65
Sed maior uti gaudet et ultimam
Exspectat inconcussus horam,
Qua Superi voluere lege.

Si certa capti mors animi fuga est,
Cur expavescat compedibus Geta 70
Solvendus? Auctorem sequatur
Me quis et ad populum silentem

Citatus Adsum clamet et irruat
Festivus umbris seque petentibus
Reddat, nec accuset neganteis 75
Plura Deos iterare lustra.

Nulli querentes secula corripere
Calumniantur fata protervius,
Quam qui merebantur recondi
Ante diem properante fato. 80

Heic fila solvo. Quid mihi, Virnia,
Quid, Paule, dices magnificentius?
Iam nunc quiescamus sub alno:
Cras aliam feriemus oden.

Spirat ex antris pietas et horror
Conscius Nymphae. Locus ipse gratum
Terret ac mulcet Superique per prae-
cordia fusi.

Sive nimbosas quatit Auster alas, 25
Sive brumali Boreas minatur
Ninguidus cornu, niveae tenemus
Virginis aulam.

Hinc ut avellar? prius ima valli
Incidet rupes pedibusque dorsum 30
Et caput iunget, prius ipse fontem
Deseret Oenus.

O Quies semper memoranda Silvae,
O tuum vere meritura nomen,
Da frui fessis aliquando vera, 35
Silva, quiete.

O D E XII.

*Fuge, dilecte mi, et assimilare capreae hinnuloque
cervorum super monteis aromatum.*

Cant. 8.

Miserarum est nec amorì dare finem,
Nec amantis tamen aestum tolerare
Propiorem, nec amando cruciatam satiari.

Fuge proles Genitoris sine matre:
 Libani qua sacra vestit iuga cedrus, 5
 Age praeceps salientum fuge ritu caprearum.

Fuge praesens mea lux: nam nimis uris.
 Flagro qualis liquefacta pice taeda,
 Simul igneis agitados leve venti iaculantur.

Age proles Genitricis sine patre, 10
 Fugienteis cata cervos imitari,
 Super altos redolentum fuge monteis Zephyro-
 rum,

Ubi nardo socialis crocus halat,
 Ubi spirat Solymeae nucis arbos, 15
 Ubi thuris bene largus generosi fluit imber.

Fuge, sed respiciens huc refer ora: —
 Iterum saevit ocellus: — fuge tandem
 Neque velox neque tardus; fuge ritu caprearum.

Mercurius Monacensis

Rerum novarum praeses.

*De Alberti Wallensteinii, Fridlandiae Ducts, eius-
 demque sociorum tragico et fatali exitu.*

O D E XIII.

Ocius gressum celerate cives:
 Nuncius Maia generatus adsum,
 Cui per infernas superasque lucet
 Semita sedeis.

Huc recens Egra venio per auras
Lapsus; ut ventos agilis secarem,
Addidi pennas tunicatus et ta-
laria plantis. 5

Bis nimis raptim properantis angues
Sede concussi cecidere sceptri;
Bis reclinatus medio galerus
Vertice fluxit. 10

Imus ad fontem ducis: inde mira
Maior audiri referam duella:
Omnium nostris onerata monstris
Tinniet auris. 15

Ordinar; linguis, populi, favete:
Cuncta Fridlandus violens ab imo
Imperi pessum solio daturus,
Credite, vixit. 20

Ordinem fati seriemque pando:
Pone se Pilsna timide relictā
Multa volvebat nocitura moerens
Solutus in arce:

Proditis ergo moriemur armis?
Mene deceptum reditu Galassus
Lasit et vanus titulos honoris
Caesar ademit? 25

Sunt tamen vires, quibus ima summis,
Summa miscebo metuendus imis.
Est adhuc nervus gravidaque nummis
Miles in arca. 30

Largus argenti super arva sparsi Colligam plenis aciem manipulis, Quanta ferratae crepitare nunquam	3
Coepit aristae;	
Quanta Medorum neque visa campis, Sive captivam bibit Amphitriten, Seu diem densis glomerata turmis	
Abstulit orbi.	40
Austrios Boiis, laribus penates, Patribus natos furibundus una Caede confundam penitus revulsa	
Stirpe nepotum.	
Inter haec noctem roseus supremam Vesper emissis revocabat astris Sole sub terras abeunte serae	40
Tempore brumae, Quando (sic Divi voluere) pulcræ Lucis heroes animaeque magnæ	50
Dulce coniurant tacitoque claudunt Pectore foedus:	
Fida Butleri manus et valentis Certa Gordoni penetrare aënas Tegminis squammas celebrisque comi	55
Leslius astu.	
Iste Fridlando catus obsequenteis Duplici nutus simulare vultu Clam cruentandis epulum paravit	
Funebre mensis.	60

Huc Thyesteae properant ad aram
Victimae: pingui bove maior Ilo,
Terskii venter, Nyemannus audax,
Kinskius acer.

Iamque bellaceis animos movebat 65

Vena diffuso calefacta vino
Et voluptatis stimuli subibant

Martis amorem,

Cum Geraldini subito caterva

Lene suspenso pede venit et, qua 70

Flexa postico via dimovetur,

Irruit aulae.

Vivat Augustus, fremuere, Ferdi-
nandus et regnet: simul ense tota
Solvitur stricto scelerum quadriga et 75

Sanguine rorat.

Ilo, dum contra furit ire ferro,

Membra concisus; reliqui nocentem

Spiritum venti trucis instar efflant

Qua data porta, 80

Sic quoque audaces et adhuc protervi;

Haesit in vultu moriente terror,

Qualis aspecta facies timetur

Torva Medusa.

Vasa cum fractis crepuere vitris; 85

Multiplex una sonus e cadentum

Vulnere et mistus rediit cruore in

Pocula Bacchus.

Mox ad Albertum. Caput addituro
 Devero fatis, dolus anne virtus, 90
 An Deus certe bene fortuitam
 Praebuit hastam.
 Talis infestum Garames leonem
 Vadit exultans iaculo ferire.
 Dum timet, gaudet tamen ira magni 95
 Conscia voti.
 Ter pede illiso tremuere postes:
 Ter pedem illisum repulere postes.
 Cessit insultu patefacta late
 Ianua quinto. 100
 Heic supra lectum residere visus
 Ille Germanae Catilina Romae,
 Qualis immani iacuisse fertur
 Cacus in antro.
 Proditor! (sed mox gelat horror artus: 105
 Stant comae, muti pavor errat oris)
 Tunc Romanum malesane perdes
 Funditus Orbem?
 Dixit: et contra meditatus ictum,
 Qua potest, tota latus hausit hasta. 110
 Ille singultans animam stupentem
 Eiecit ad umbras.
 Vos io mecum celebrate ludos;
 Aura communi sonet icta plausu;
 Laeta festivum fremiturba lessum: 115
 Bestia vixit.

Caesarem quondam male Roma caesum
 Vidit a Bruto: bene nunc vicissim
 Tota servato videt Egra caesum
 Caesare Brutum.

120

Omnis hoc semper patitur tyrannus:
 Aut enim ferro perit et veneno
 Aut metu, iudex suus ipse poena
 Dignus utraque.

Mercuri, quo te celerem repente
 Proripis? motis secat ecce claras
 Brachiis nubeis liquidaque corpus
 Remigat aura.

125

Sic vola, sic saepe redi novarum
 Arbiter rerum; tibi prona semper
 Auris et nostrae citharae vacabit
 Longior usus.

130

Vatibus felix ego dicar olim,
 Cuius obtuso licet et strepenti
 Barbato lusit fidicen decora
 Pleiade natus.

135

Ad Divam Virginem.*Propempticon venatorium*

Pro Sigismundo Lecanta Radagisio.

O D E XIV.

❶ quae Maenalia Virgo potentior
Venatrice dea collibus accubas
Umbrosis et in omneis
Exerces pharetram feras,
Silvarum studiis asperioribus
Nutritum iuvenem protege, qui canes
Cras educet in aprum
Maiorem Calydonio.

Quot iam stravit equos bellua dentibus!
Rostro vastat agros et sata proruit. 1
Deflent damna coloni
Et brutam metuunt famem.

Sed Lecanta modum ponet et improbam
Crudelemque gulam fortior Hercule,
Cum venabula sumpsit, 1
Toto funere porriget.

Multum, Diva, tuis, ut memorat mihi,
Fidens auspiciis, queis etiam tigrim
Barbatumque leonem
Ausit cominus aggredi. 2

Non is sollicitis ambit Oreadas
 Dianae precibus, nec gelidis vovet
 Eluctatus Amyclis
 Aram ponere frondeam.

Discedant veteres Taygeti deae, 25
 Flavas sparsa noto Nebrophone comas
 Et famosa Lycaste
 Et Theron iaculis minax.

Illi tu potior, cui viridem solet
 In silvis petasum sternere praesidi, 30
 Mane et vespere pronus
 Et cum stat medius dies.

Fonteis cervus amat, iuniperum lepus,
 Vulpes antra, favos ursus, aper iugum, 35
 Summas caprea rupeis:
 Te, Virgo, Radagisius.

Ad Marquardum Nasturtium

inter iudices adlectum.

Urna Minois

sive

Iustum iudicium.

O D E XV.

Veto duellum iudicis ac rei,
Quod iste ferro debilis, hic ferox
Absolvit argento: quot enseis
Heu similis male fregit hasta!

Evolvo Sphingem: pollicitis veto
Vendi favores, munere calculum. 5
Submovit ostracismus olim
Iudiciis Ephoros iniquis.

Pix omne munus: casta manus picem
Non tangat unquam: quisquis olet rubrum 10
Stillantis unguentum metalli,
Tartareum grave foetet hircum.

Illime nomen pulcrius est scypho,
Quem limus Hermi proluit aureus.
Praetoris in parvo salino 15
Pauperies animosa splendet.

Quo pondus urget nudaque veritas,
Examinatis caussa bilancibus
Pendens feratur: tum quiescat
Triste forum pelagusque raucum. 20

Et huic mari stent littora, quod bona
Tot liberorum rapta querentium
Plenasque pupillis carinas
Et viduas inhiant naves

Demersit alto. Providus arbiter 25
Scrutare caussas, inspicere sanguinem,
Incide venam, nosce morbum et
Semina principiumque litis.

Nec Manlianum iudicium probo
Nec Laelianum: Di medium tenent. 30
Clementiam terrore muni:
Atticus et Cato misceantur.

Quod Theta figis, cum gemitu leges.
Ne rumpe funem neu propera caput
Obnubere abruptamque cursu 35
In medio iugulare caussam.

Humana cervix et Scythico foro
Digna aestimari. Funera condimus
Labore nullo: sed profectos 40
Difficile est revocare maneis.

Quondam in catino Symmachus exsilit
 Formidolosa piscis imagine;
 Terretque convivas et atris
 Anguibus exagitat tyrannum.

Ergo videntem cuncta vereberis,
 Marquarde, qui ius dicet ab iride.
 Connivet interdum, sed ultor
 Supplicio graviore pensat.

45

Maria Aegyptiaca poenitens.

*In gratiam gen. Domini Iuliani Wettenhoffs, qui
 eidem Divae in memoriam defunctae coniugis,
 Mariae Wasilniae, aram posuerat.*

O D E XVI.

Tristis voluptas, flebile gaudium,
 Fuliginosas, o lacrymae, genas
 Et pectus ubertim lavate:
 Illa ego sum Veneris probrosae

Exusta foedis terra caloribus,
 Rigate vultum: currite, currite;
 Aegyptus in me sicca squallet:
 Vos, lacrymae, meus este Nilus.

5

Paeon Parthenius

*Boicarum virginum, quae pro defendenda castitate
contra Suecorum irruentium furias viriliter
decertarunt.*

O D E XVII.

Non sola iactet Roma Lucretias
Castum cruorem fundere prodigas
Ferroque transacto decorum
Magnaë animae reserare pectus:

Et nostra vidit Tarquinius suos 5
Ac vicit aetas; digna legi cano
Tropaea nympharumque bella
Strymonii memoranda peltis.

Non una nostris Hippolyte stetit
Famosa terris impatiens probri 10
Turmasque et impermissa tangi
Agmina Penthesilea duxit:

Contra severum nuper euntibus
Hunnis pudorem certa resistere
Vulnusque tractando superbum 15
Ausa mori iuguloque sanctum

Praeferre florem, credite posteri!
Nativa casti frigora pectoris
Nivesque sinceras in ipsis
Virginitas Alemanna flammis

20

Servavit; ipsos Cloelia Teutonum
Ad Boia portas Anglipolis tuas
Tranavit amneis perque castra
Attonitum patefecit Istrum

Stridente dirum in littore Porsena,
Non et sequaci. Sic Pholoe nemus
Deprensa Fauno vel fluentum
Obiicit occuliturque cannis.

25

Sic saepe visum Nais in aequore
Tritona torquet lubrica flexibus
Et vincta iam iam se lacertis .
Solvit aquas facilis subire.

30

Nefas inaudax! o bene Lappia
Delusa mollis! retro age barbare,
Armata retro cede leno:
Disce alias habitare thermas

35

Profundiori territus alveo.
Suam sequestro gurgite filiam
Iam Rhenus exploravit olim
Patrius et reperit Sibyllam.

40

Quo vero cantu prosequar aut tuas,
Landsperga morum nobilis, aut tuas,
Formosa Landishuta, pugnas
Foemineo statuente sexu?

Pro quanta vestris sive ferocia 45
Seu vis puellis! quam rigidus pudor
Iusteque saevus, dum retundit
Tela manu bene pertinaci!

Minor leaenæ pro catulis furor.
Nos immerenteis luridus opprimat 50
Gothunnus haerentemque scindat
Immerito capiti coronam?

At non Lacaenae degeneres sumus,
Servire natae: qui voluit diem
Vixisse supremum, neganti 55
Audeat applicuisse vultum:

Sternetur, obtruncabitur, occidet.
Itum est in enseis; triste procantium
Reiectus horror; mille quamvis
Circumeant, stat amara virgo 60

Et ceu furenti turgida Libero
Incontinenteis terribilis manus
Avellit. Insultus repressi,
Dum reprimi potuere saxis

Pugnisque et ore et dentibus ac pede 65
Non facta ad unguem legis Ionicae,
Sed Christianae; per minaceis
Haec gladios animosa vadit;

Haec Daedaleis fidere brachiis
Labique praeceps; illa sequi comes 70
Mortisque et aurae; nulla cessat
Debile sollicitare ferrum.

At dirus hostis Thermodoontiis
Pares puellas, lilia messuit
Cruenta collo; quae cadebant, 75
Stante tamen cecidere vultu.

Ad Virginem Matrem

Puerum Jesum in sinu tenentem.

O D E XVIII.

Virgo, nescio quid micas
Claris plus solito laetitiis, simul
Strinxit te roseus Puer.
Amplexu veterem non ligat arctius
Quercum centimanus frutex. 5
Haeres illa tuo nexilis, hic suae.

Ut suspensus in oscula

Materni Zephyrum sugit anhelitus !

Tu cedente premis gena

Dilecti faciem totaque myrrhei

10

Stillas ore bibis Dei.

Una est, una anima est Filius ac Parens.

Vitae, Virgo, tuae Puer :

Vitae tu Pueri dulce coagulum.

Pecunia serpens.

O D E XIX.

Caerulae qualis maculosa squammae

Mulcet ac pulcro ferit anguis ore,

Talis aurato micat et nocet pe-

cunia collo.

Tecta formosum simul in metallum

5

Repsit, humanam faciem superba

Induit regis titulosque circum,

Caetera serpens.

Serpit in vulgus; sed enim venenum

Quis sub argento radiare credat?

10

Quis timet nummum tua mentientem

Ora, Philippe?

Allicit fallax oculosque visu

Multa speranteis pretiosus urit.

Mox et arcano nociturus igne

15

Gestit haberi.

- Ast ubi paullum manibus fricari
Coepit aut ruga caluit crumenae,
Virus effundit tacitaque dipsas
Cuspide mordet. 2
- Unde mutato color ore flavet
Et sitis crescit velut albus hydrops,
Quam nec infuso vagus error Hebri
Eluat auro.
- Ipsa sedandas alit unda flammæ: 2:
Plus semel poti sitiuntur amnes,
Splendidis semper novus in procellis
Aestuat ardor.
- Sæpe discordi quatiens tumultu
Turbat emotam furor ille mentem. 30
Nescit insani quid agat vel optet
Pallor avari.
- Alba focundo velut ales ovo,
Incubat gazæ; neque dimovetur,
Quamlibet fulmen iaculatus æther 35
Irruat ollæ.
- Spe lucri natos geniumque fraudat,
Servus uxoris tolerat flagella,
Vapulat gaudens dominaeque figit
Basia doti. 40
- Denique immensos sceleratus arcae
Infodit census, ut habere possit,
Quod supra functi saliens sepulcrum
Rideat heres.



Pensiles horti*Visendi Monachii*

In Aula Serenissimi Alberti utriusque Bavariae
Ducis.

O D E XX.

Alberte, iuxta me comitem sinis
Impune terram despicere et frui
Novae superstantem columnas
Pensilibus Babylonis hortis.

O aura frondens! o Zephyri domus! 5
Huc devoluti coelicolae nemus
Sublime noctu saepe visunt,
Cum lepidae coiere stellae.

Hic ipse stellis fragrat olentibus
Floralis aether: en topiaria 10
Lucent in alto; flamma vernat
Et roseos calathiscus igneis

Hians odoro laxat in aere.
Hortante Maio iam tremuli sinus
Vitale connivent et udos 15
Rore lavant oculos amelli.

Regnat venustas discolor: hic nives
Luctantur in culmum, hic temere iacent;
Illinc comanti germen ostro
Induitur gremioque matris

2

Abire gestit; plurimus emicat
Onyx in herbas; areolas virens
Partitur insignitque buxus.
Sparsa nitent asarota circum.

Quam pura vivae prosilit e cavo
Aurora lymphae; fons medius toros
Persultat humorisque lucem
Irriguum iacit in duellum.

2

At non et arbor nulla canentibus
Demittit aureis. Vidi ego sibilo
Crispante ramos colla ramos
Flectere et alloquio moveri.

3

Sentit poetas mitius arborum
Genus sacri non immemor Orphei.
Agnoscit ex illo Camoenas
Nutibus et foliorum acuto

3

Susurrat imbri. Connubialia
Vidi Lyaeum tendere brachia
Vitesque desponsas ad ulmum
Viminibus viduam ligari.

40

Hic otiosis mollior Africis
Gratum teporem Iuppiter annuit;
Hic somnolentus spirat Eurus
Imperio gracilis Favoni.

Sed et calorem proxima decipit 45
Frangitque soles bruma sub algido,
Apelle multo plena, multam
Cornibus obiiiciens Dianam.

Utcunque stricto dente Canicula
Incensa mordet vel Leo flammeus 50
Irrugit axi, temperato
Frigora conciliantur aestu.

Non prata Cydni, non nemus Antii
Aut Tusculanum praetulerim gelu
Sacrumque Praeneste et supinam 55
Tyburis Hesperidumque villam.

Et vos beatis cedite Thessala
Tempe viretis, tuque sororia
Ad fratris extincti sepulcrum
Sylva Padum fateare vinci. 60

Ad Arsacium Mamirodam,**Musicum testudinis peritissimum.***Quum festo die s. Caeciliae auctorem ad sympho-
niam invitaret.***Lyra Pythagorae**

Sive

Animus temperatis affectibus concors.**O D E XXI.****Q**uid iuvat vatem citharas amantem**Mortuam plectris animare buxum?****Verior nostro lyra, Mamiroda, in****Pectore cantat.****Illa, si nescis, gravis ac sonora**

5

Constat undenis fidibus movendis**Lege naturae, nisi docta virtus****Temperet arte.****Spe, metu, votis, odio, dolore,****Gaudiis, ira variamur omnes.**

10

Corpus his nervis animusque certo**Contremit ictu.****Inter argutas resonare chordas****Est amor princeps. Age nunc et artem****Disce ludendi: capies magistro**

15

Certius usu.

Digna si speres, cupias honestum, Oderis culpam, metuas timenda, Diligas Numen, modereris irae Laetus et insons,	20
Mulceas ipsos homines Deosque Orpheo maior pecudesque et ornos: Totus astrorum chorus explicatas Arriget aureis.	
Sin ames pravum, fugias petenda, Peior adversis, hilaris protervus, Saevus irasci, timidus dolere, Turpiter audax:	25
Dissonò vae quam vitiata cantu Corda stridebunt! tua quale carmen Musa disperdet Stygii Camoenis Apta tyranni!	30
Cum ferox raptor spoliasset Aetnam Iamque de nigro revoluta curru Tristis infernas Cereris subiret Filia sedeis,	35
Ante consistens Hymenaeus Orcum Hac lyra moestam voluisse sponsam Fertur et Maneis hilarare; sed Pro- serpina flevit.	40
Nuptias, cheu! miseranda nostras Rapta clamabat, resonare malim Antra Vulcani Siculaeque rupis Nubere fabro.	

Artificiosum simulacrum pusionis*In aditu horti pensilis Albertini.***O D E XXII.**

Puelle, seu te progenuit novus
 Fictrice vivum Pygmalion manu,
 Sive ipsa praegnantem rosarum
 Postquam uterum dea Flora solvit,

In huius horti deposuit toro 5
 Matremque ut ipso munere disceres,
 Priore custodem remoto
 Pensilium dedit esse florum,

Vincis capillis Earini comas
 Et ore Nisum. Sangarius tibi 10
 Suaque deceptus figura et
 Latmius Idaliusque cedunt.

Tam delicatae verus imaginis
 Optet vocari Praxiteles pater,
 Suosque perlustrans Amores 15
 Pinniferum Citherea credat.

O, ni loquelae fata tibi, puer,
 Usus negassent, quae mihi panderes
 Arcana stellarum recepta
 Auribus et Satyrorum acuta! 20

Nam scis et audis; qualibus area
 Dilecta noctu ferveat incolis;
 Vides Napasorum choreas
 Institui saliente Luna.

Sic perge dulcis sidereum nempus 25
 (Et istud audes) ingredientibus
 Ad limen arridere; perge
 Sic teneri nive pollicis prae-

libare floreis, pulcer ianthini
 Pincerna veris. Te Zephyritidum 30
 Fratrem coronabit quotannis
 Et violae linet aura succo.

Ad Rochum Callirabium.

Cum auctor segrum inviares.

O D E XXII.

Mortem aequo animo subeundam esse.

Haec dico vates: Qui moriens sibi
 Occurrere audet nec timet ultima,
 Mortem lucratur; ille manens
 Laetus adit sociatque dextram.

Et tu sepulcrum, Callirabi, times? 5
 Heu! cerno luctus degeneres notas.
 Flevisse natum nemo culpatur
 Tunc miserae velut imperito

Vitae sub ortum Di veniam dabant
Fatumque ocellis aequius uvidis 10
Ignovit ultro; sed pudendis
Nunc lacrymis tua tingis ora,

Postquam dolendi continuo puer
Probatus usu totque malis senex
Extrema defles; et relinquis 15
Cum gemitu moribundus orbem,

Aeterna quo te secula tempore
Aetatis immenso accipient sinu,
Gaude reformari labore
Letifero properaque in auras. 20

Te morbus aevo parturit alteri.
Esto, putrescat corpus et obstetrix
Primaeva nascentis severo
Vincla secet peritura cultro:

Tunc liber infans exsilit in diem 25
Hauritque coelum; tu quoque fasciis
Ad astra membrorum solutis
Bis genitus volitabis Aeson.

Ad Divam Virginem.

Multae filiae congregaverunt divitiarum: Tu supergressa es universas. Prov. 31, v. 23.

O D E XXIV.

**Patriis Virgo citharis canenda,
Si quid indulges aliis, sonoras
In tuae laudis segetes ituro**

Annuu vati.

Non parem felix habuisse Mater
Unicum Sarae, geminos Rebecca
Et Liae natos utero triumphas

Fertilis omneis.

Cur tibi stellis oculata Rachel
 Comparo lippam? nihil illa ploret,
 Quam Deo plenam voluit Deus ri-
 dere Parentem.

Pulcrior quae te simulasse pulcra
Fertur Hesthera: neque enim videntem
Aureo quamvis speculo recepta

Aequat imago.

Vix suum toto valere vultu
Mille dilectum retinere nymphae,
Qui tui sistit tibi crine colli
Saucius uno. 20

**Vera mansuri Sulamitis aevi
Liqueris Sponsi teneros in igneis,
Iam tuos omnis super axe novit
Collis amores.**

Deborā vates animante maior	25
Castra Baraci: pariter Iahele	
Fortior ditem Sisaram trabali	
Figere clavo.	
Qualis exultim quatiēte flavos	
Curribus pictis Pharaone campos	30
Pompa procedit medioque fulget	
Terror in ostro,	
Tale munitae speciosa formae	
Arduam Regi faciem coruscae;	
Aspici gratus decor ille toto	35
Militat ore.	
Casta Iudittae manus et ferire	
Docta cervices Holperne caeso	
Laureis yinctum tibi fortiori	
Tradidit ensem.	40
Quaeque Iessidae gladium repressit	
Improbi coniux celebrata saxi	
Eloqui prudens tibi, Virgo pruden-	
tissima, cedit.	

Auctoris Exclamatio

*adversus Octavianum Caesarem Augustum: quum
Schleiskemii M. Tullii Ciceronis marmoream effigiem
contemplaretur.*

Carmen extemporale.

O D E XXV.

Ingratus hic et barbarior fuit
Lictore, qui te, Marce, reliquerat
Lictoris infami sub ictu.
Popilio quoque parricida

Octavianus paene nocentior. 5
Nunquam curulem presserat auream,
Si non tulisses tam disertam
Consul opem populos et urbis

Supra levato Dardaniae caput.
Sed cum procacis leno Volumniae 10
Sicariorum fretus armis
Te premeret gladioque servi

Caedi iuberet, num repulit manus
Antonianas Romulei potens
Alumnus ostri? num cruentos, 15
Qua poterat prohibere dextra,

Collo patroni sollicitus sui
 Avulsit enseis? Ille tyrannidi
 Crudele connivebat hostis
 Imperio caput immolanti.

20

Heu Tullianae pulcra Philippicae
 Praesepta cervix ludibrium foro
 Pependit in rostris: feroci
 Eloquio datur ista merces.

Ad S. P. Q. M.

*Cum in medio foro D. Virginis erecta statua
 dedicaretur adiuncta sequenti inscriptione:*

DEO. OPT. MAX.
 VIRGINI. DEIPARAE. DOMINAE. BENIGNISS.
 ROTECTRICI. POTENTISSIMAE.
 OB. PATRIAM. URBES. EXERCITUS.
 SEIPSUM. DOMUM. ET. SPES. SUAS.
 SERVATA.
 HOC. PERENNE.
 AD. POSTEROS. MONIMENTUM.
 MAXIMILIANUS.
 CO. PAL. RHENI. UTR. BAV. DUX.
 S. R. IMP. ARCHIDAP. ET. ELECTOR.
 CLIENTUM. INFIMUS.
 GRATUS. SUPPLEXQUE. P.
 M. DC. XXXIIX. VII IDUS. NOVEM.

O D E XXVI.

Videtis, ut se nubila dividunt?
 Quamvis aquosam evolvere fasciam
 Minentur austri, mitigato
 Pura tamen subit aura coelo.

Io revulsis solvite vinculis, . . . 5
Captiva, cives, solvite gaudia!
Et magnus et maior sacerdos . . .
Et proceres bona verba dicant.

Haec Diva, vestri gloria principis, .
Posthac et urbem et templa tuebitur, 10
Quae nuper Arctoum dicatis
Depulit a laribus tyrannum.

Infusa postquam Balthis inhorruit
Ac se minacem miscuit Isarae, . . .
Heu, turbulentis Boia late 15
Fluctibus insonuere saxa

Totoque Mavors intonuit foro.
Num sera credet posteritas locum,
Quo stamus, implevisse Suecos?
Hic epulans ululavit Hunnus; 20

Hic fulgurabant arma Panerii;
Hoc castra clivo fixerat Hornius:
Et solis Hebronus sub ortum
Bistonias agitavit hastas.

Rex ipse fictum risit et aureos . . . 25
Sparsit dolosa per populos manu
Gustavus imbreis, corda veris
Callidus exponere monstris,

Terrere vanis, dum placide iabet
 Ludensque saevit: non tamen exsule 30
 Peior Palatino; favillae
 Et cineri niger ille totam

Devovit urbem; ter penetralibus
 Suppositus aulae, ter refugus nefas
 Elusit ignis terque cassam 35
 Flevit atrox Fridericus iram.

Auferte Fatum, nec leve garrula
 Fortuna nomen iactet: ab aethere
 Refulsit improvisa virtus,
 Virgo faces Nasarena, Virgo 40

Avertit enseis, Virginis est opus.
 Virgo canatur, dicite Virginem,
 Nuptaeque et innuptae puellae,
 Et patrium geminate carmen.

Salve cruentis aspera regibus, 45
 Clemens benignis, tu mihi carior
 Faustina castrorumque Mater.
 En Pario tibi caesus altam

De monte (supplex obsequium ducis)
 Erexat aram nec Latiis minor 50
 In astra consurgens ab imo
 Grande secat obeliscus auras.

Stas laeve supra marmor in aureo.
Fulgore vestis; crine humeri latent,
Caput coronatum triumphat, 55
Luna pedes subiecta lambit.

Aurora mundi prospicis alteram
Mundi minorem. Sol Puer insidet
Ulnis renidenteisque blando
Ore tibi radios propinat. 60

Huc advolantum exercitus ignium
Formosa noctu deferet oscula,
Sedem fatigatis quietam
Sideribus dabit una cervix.

Huc et tabellas (auguror) aeneas 65
Ceramque vulgus ponere gestiet
Taedasque lucenteis vovebit
Turba sacri studiosa vultus.

Tunc prona curvo poplite civitas
Emissa tectis ad sonitum tubae 70
Sternetur et clamore summas
Laeta fremet feriente nubeis.

Ad Gervasium Summaram

Alatam exulem.

Epistola Lyrica.

*Amicum turbine Vinmarianae tempestatis electum
Brisaco solatur et in Helvetia Soluturi suam
calamitatem deploranti respondet.*

O D E XXVII.

Si nostram potes eminus
Exaudire chelyn, Summara, Martiis
Aureis Idibus arrige.
Solers Threicii carmine barbiti
Retro vertere flumina 5
Ausim et Danubii non novus accola,
Rhenom mergere tibiam
Summasque in scopulis Helvetiae casas
Campo nectere Boico.
Cur desideriiis me stimulas tuis, 10
Importunior Africo?
Frustra Vinmarii iussa Damastoris
Accusas tibi mollior,
Quam Fortuna velit: disce placentibus
Vel sic destitui bonis 15
Maternoque soli fertilis ubere.
Uvam bis decimam recens
Mutavit Bromius foetaque spiceo

Divulsit capiti Ceres,

Ex quo distineor finibus Alsatae 20
Nec mustum patriae bibo.

Me, si Fata volunt, accipiat lacus
Trans Moeotida nigrior,

Ultra Sauromatas deferar ultimos
Et canae iuga Phasidis. 25

Qua convexa patent aetheris atria,
Vastam possideo domum.

Hic sum natus, ubi sum: celebrem loco
In quovis patriam viri

Fortes inveniunt vel faciunt sibi. 30
Eheu! plus nimio memor

Natalem quereris perdere glebulam.
Transportatus es ex tuo,

Non eiectus agro: crede coloniam
Romani tibi militis 35

Concessam. Veteres Ausoniae ducea
Spretis montibus Italis

Quod vincunt habitant. Corrige tristia.
Caelum, quo tegeris caput,

Terram, quae profugo subiicitur pedi, 40
Nemo auferre potest. Vale.

Mirum! sponte fides ter recinunt Vale.

Enthusiasmus,

Quem praesentibus sociis auctor passus est in antiquario Sereniss. Electoris Maximiliani, quon Romanas ibi statuas contemplaretur. Anno M. DC. XLI.

O D E XXVIII.

Vobis, sodales, eripior: Deo
Intrante pectus surrigit altius
A fronte languorem comarum et
Ima sacer quatit horror ossa.

Ab usque prisco quos mihi Romulo
Viros Apollo turbidus obiicis!
Hic Brutus inventor securis;
Sic oculos tulit Ancus olim.

5

Sermone felix Egeriae Numa.
Plebem sacratis ritibus imbuunt.
Cunctator et velox Camillus
Invidiam domuere factis.

10

Procede paullum Scipio, Dardanae
Fulcrum ruinae, magnanimum genus,
Victorque victoris dolosi et
Hannibal Hannibali timendus.

15

Postquam ergo luscus per solidas nives
Ruptis aceto montibus Africam
Infudit Europae frementem et
Nubigeras penetravit Alpes,

20

A te retractus, quem gravis annulis
 Inauspicatas hausit equestribus
 Praedator ad Cannas cruorẽm,
 Evomuit lacrymosa rursus

Ad funeratae moenia patriae. 25
 Decisa ferro causa, quis imperet,
 Tros anne Poenus, conquievit
 Non aliis iterata secũs.

Ah parta bello ni pueri duo. 30
 Nugis iocantes ambitiosius
 Ni dissipassent; dum molestae,
 Dux asini Genẽr instat umbræ,

Lanam vicissim retinet anxius
 Socer caprinam: Roma libidines.
 Pavit nocentum et in suasmid; 35
 Incubuit lacerata vireis.

O ut serenum te subito mihi
 Auguste sistis caesariem sacra
 Evincte lauru! blanda nullum
 Tam tenere diuturna fovit 40

Fortuna pullum tamquẽ fidelibus
 Protexit alia; utiliter tibi
 Civile sudavit peracta
 Strage nefas; alios cupidõ

Laboriosi criminis obruit: 45
Insons opima tu pretiosius
Culpa fruebaris, lucratus
Non titulum, sed opes tyranni.

Astutus orbis praedo Tiberius
Lusit sagaci Troiugenas dolo et 50
Aequum potestatisque frena
Eripuit sine lite; bifrons

Biceps, bilinguis nexa Quiritibus
Post vincla sensim vertice pileum
Excussit ignarosque fraudis 55
Ridiculo domuit capistro;

Successor immetabilis omnium,
Haeres bonorum publicus, interim
Latebat altis Caprearum
In speculis trabeata vulpes. 60

Quae tunc alebas Italia militum
Portenta tellus? ecce Caligula
Nutritus in castris et inter.
Arma puer, solitus vir enseis

Mutare cultris et galeam scypho. 65
Plerumque factis degenerantibus
Obscurus ex claro parente
Prodiit immeritusque nasci.



Cadaveroso cur Latio diu
 Umbrisque visis tristius immoror? 70
 Exsanguè Ditis, nate Maia,
 Cogè pecus; properate manes:

Tu stulte Claudì, cuius atreçitas
 Illusit amens civibus et sibi,
 Inceste Flavi, foede Galba, 75
 Mollis Otho, Caracalla segnis.

Quid Maximinus? Caesar erat tuus
 An, Roma, lictor? Naufraga Commodi
 Natavit in vino iuventus
 Et patrium male fregit assem. 80

Ventris sacerdos Heliogabalus
 Turpique obesus mole Vitellius
 Qua dote laudari merentur?
 Siste gradum Nero parricida:

Fugit sub orcam territus histrio 85
 Et sulphurata pallidior face.
 Quot vero Messallina perdes
 Nupta viros? satis unus uni

Non est maritus? Livia, Iulia,
 Iucunda mater, lubrica filia, 90
 Scit mons Palatinus, scit aula
 Luxuriæ monumenta vestrae.

Ut rara sese foemina continet
Assueta nullis vivere legibus,
Simul venenatis perunctae
Illecebris maduere mentes! 95

Impellor. Evan! te video, Tite
Vespasiani! Qualis in impios
Quantusque bellator ruehas
Isacidas, equitare plena 100

Per arva visus strage cadaverum!
Sed et Severo et clarior Ulpio.
Vix ullus incidenda magnis
Nomina congeminante saxis.

Laudem triumphos? marmoreo tholi 105
Horum locatas effigies ducum
Mirer sub arcu? nempe strictos
Est aliquid potuisse leti

Tardare denteis nec penitus rogo
Fugisse in auras, sed memores sui 110
Notas reliquiasse et verendis
Semideum loculis reponi.

Eheu! quod Afer candide dixeras:
Laudantur omnes in statuis, ubi
Non sunt, et ardentes, ubi sunt, 115
Perpetuo cruciantur igni.



O invidendis arcear atriis!

Me talis alta sede lararii

Procul remotum nulla spectet

Posteritas tumulerque totus.

120

Me gleba parvo condat in angulo

Et absque pompa. Qui latuit bene,

Bene et quievit; post sepulcrum

Non habear tabulis et aere

Macraque vates dignus imagine

125

Gypsoque et aris. Ah miseri, quibus

Haec vota subsultant: abeste

Caesarei miseranda, larvae,

Rubigo fastus. Splendida gloriae

Me nescientem gloria nesciat.

130

Sed iam quieta mente Phoebi

Fatidicus furor ecce cessit.

Ad Matrem Virginem.

*Cum Praeses maioris Congregationis Annuntiatae
officio decederet Monachi anno M. DC. XXXVIII.*

O D E XXIX.

Cedo: quid refert, ubi me reponam,

Verba cui mandem Mariana campo?

Naribus doctis satis est litatum

Ture Latino.

Ne tamen furtim metuensve probri

5

Dicar inversis abiisse signis,

Heic palam supplex manibusque puris

Rite precabor.

Diva, quam nostris utinam medullis Torta per nimbos ab amoris arcu Cuspis inscribat volitante penna et Sanguine tincta!	10
Si tui nobis, bona Virgo, quidquam Dulce vel carum, tibi vero nostri, Si piis gaudes precibus clientum Cerea flecti,	15
Verge mananteis oculos olivo Aspici lenis niveasque grati Luminis stillas placideque totam Annue Matrem.	20
Mota, ni fallor, trepidavit ara, Auxili sedes: caput ecce Nymphae Largius vibrat radiisque pulcrum Sternuit omen.	
Succuti visae mihi ter comarum Fusiles palmae: quater ante pectus Caerulum nodo cohibens amictum Risit achates.	25

Ad Maximum Camplanum.

Magistratus Romanus.

O D E XXX.

Admote sacris Maxime fascibus
Clamante Iano, disce potentiam
Condire Romanam benignis
Moribus ingenioque nostras

Decente legeis. Si, quibus imperas, 5
His et minorem te geris, imperas.
Elata frons et plena fastu
Ruga subest animumque vilem

Invita prodit. Tum vigil excuba,
Ne iacta ventis in scopulos ruat 10
Syrteisque navis, quod monebit
In Siculo Palinurus alto.

Torquere clavum puppibus additus
Raro quiescat; saepe tamen sinet
Dormire proram. Sudat, alget 15
Verus honor reperitque semper

Curas vel affert. Proxima pectori
Compone primum teque recollige,
Nulloque compones labore
Membra tui sociata regni. 20

Servit superbe, qui sibi subdere
Nescit quod ipse est; tot dominos habet,
Quot mentis errores. Potestas
Debilior nimio fit usu.

Legem rogabis? quid iubeas vide 25
Et primus exple: regis enim pedem
Plebeius a tergo sequetur.
Bella suo praeunte miles

Ductore promptus fertur in omnia.
Nunquam coloni tota bipennibus 30
Vineta stravissent securim
Ante tuam metuende Baccho

Lycurge visam: consilium monet,
Exempla cogunt. Sic tibi subditi
Solerter explora recessus; 35
Ne metuas tamen ipse toti

Patere mundo: certius eminet
In corde virtus et proprio sinu
Inventa, quam quaerenda multis
Gaza latens aliena lustris. 40

Mihi cruentam, mollem aliis manum
Praebere et omneis blandius alloqui.
Laudabor, ex aequo modesti
Officio sapientis usus.

Sin delicato mollis in otio 45
Mandem labores Herculis alteri,
Cogam fatigatos sitire,
Ipse bibam velut Afra serpens,

Non extet usquam bellua tetrrior.
Rerum potentes tollite barbarum
Morem verecundosque nobis
Ac facileis reserate vultus. 50



Oleum thaumaturgum

Divi Ignatii Loiolae

*in templo sancti Michaelis Monachi.***ODE XXXI.**

Ignatianae gloria lampadis,
 Altrix sereni, qua rear arbore
 Fluxisse mirandum liquorem,
 Cui medicas scit anhelus aeger

Innare vireis? Tu miseris salus
 Inempta luces; tu rigidas manna.
 Pedesque fractos et stupentem
 Dulce foves animasque nervum.

Quos obsoleti squammea sideris
 Papilla grata destituit die,
 Abstergis exemptoque fungo
 Imbuis irradiasque noctem;

Auditur et qui non prius audiit;
 Tu viva mortis funera subtrahis
 Levasque praegnantum dolores
 Et facilem sinis ire partum.

Radice quamvis ex oleagina
 Sincera glaucae filia Palladis
 Non hos in usus haeca fudit,
 Obsequii tamen altioris

5

10

15

20

Sortitus usum cuncta supernatas
 Humana, postquam te proprium suae
 Loiola secrevit lucernae
 Et pretium sibi dedicati

Irrorat ignis. Se pugilum licet
 Ceroma iacetet vivaque balsami
 Virtus odoratumque nardi
 Unguen Achaemeniique costi, 25

Aut quidquid herbae ros Clymeneïae
 A sole ducit, tu quoque mitium
 Diceris humorum et potenteis
 Hippocratis superare succos. 30

Ad D. Virginem

Auxilium Christianorum.

O D E XXXII.

Pulterior luna coeunte Virgo,
 Cuius in nota statione vultus
 Astra respirant metuuntque pelli
 Fessa laboris,
 Antequam te quis fidei dolosus
 Deserat, quamvis Phalaris iuberet,
 Expedit vivae cineres opertos
 Tangere flammae. 5

Expedit raucae patulis Maleae
 Faucibus mersum sub hiulca ferri 10
 Aut feris cinctum canibus Sicanam
 Pascere nympham.
 Orbis immanem sine te ruinam,
 Diva, momento periturus uno
 Duceret nostris pedibusque tellus 15
 Hisceret ima.
 Tu reo demis scelerum catenam;
 Nube tu celas nivea nocenteis,
 Filii fulmen rapidum morari
 Callida Mater. 20

Choreae mortuales.

O D E XXXIII.

Saltemus, socias iungite dexteras :
 Iam maneis dubius provocat Hesperus;
 Per nubeis tremulum Cynthia candidis
 Lumen cornibus ingerit.
 In lodice senes non bene pendula, 5
 In ferruginea cyclade virgines:
 Sed picta violis grex tener instita
 Alternos facimus pedes.
 Heic et Pontificum ture fragrantibus
 Rus pastoris olens pileus infulis 10
 Et regum Tyriis paenula vestibus
 Miscentur sine nomine.

Nullus de tumulo sollicitus suo
Aut pompae titulis invidet alteri.
Omneis mors variis casibus obruit 15
 Nullo nobilis ordine.
Nobis nostra tamen sunt quoque sidera,
Sed formosa minus: sunt Zephyri licet
Veris dissimiles auraque tenuior
 Cupressisque frequens nemus. 20
O dulces animae, vita quibus sua
Est exacta, nigris sternite floribus
Quam calcamus humum, spargite lilia
 Fuscis grata coloribus.
Aptos ut choreis inferimus pedes! 25
Ut nullo quatur terra negotio!
Dempta mole leves et sine pondere
 Umbrae ludimus alites.
Ter cantum tacito murmure sistimus,
Ter nos Elysium vertimus ad polum, 30
Ter noctis tenebras (stringite lumina)
 Pallenti face rumpimus.
Nos quicumque vides plaudere manibus,
Cantabis simileis tu quoque naenias.
Quod nunc es, fuimus. Quod sumus, hoc eris, 35
 Praemissos sequere et vale.

Ad Wernerum Nustum Stoicum.*Gaudium sapientis.***O D E XXXIV.**

Quis ergo felix, si sapiens miser?
Dis talis ipsis invidiam movet,
An pauperem dicemus ausum
Triticea saturum polenta

Et caule mensas spernere regias? 5
Quanquam ille solus prandet in angulo,
Habere convivas fabarum
Nemo magis queat obsequenteis

Fidosque naturam et stomachum et famem
Et quae voluptas nascitur e penu 10
Inempta, non longe petita
Fruge supervacuoque sumptu.

Mens lactis instar candet et intimo
Fulgore vibrat. Dulce suo sapit
In fonte rivus. Gratiora 15
Vite fluunt generata vera,

Quam facta pomis vina vel inscio
Expressa Baccho. Laetitiâ quoque
In corde vitalique natam
Dulcius experire cella, 20

Amice Nusi : quae levis extimis
 Natat labellis in nebulae modum,
 Moerore non solvit bibentem
 Vixque gulam subit et recedit.

Severa durant gaudia: fictilis. 25
 In ore risus frangitur hydriae
 Ritu fatiscentisque testae
 Saxa super putealis orae.

Dirae.

In catarrhum.

O D E XXXV.

Sentina vitae, terrigenum lues,
 Seu te gravantem Cerberus expuit
 Triceps et allatrare raucus,
 Seu Phariae crocodilus algae

Flevit propinquo laetus in hospite, 5
 Seu viperinas miscuerunt iubas
 Unoque certatim palustre
 Eumenidum chorus eiulatu

Risere monstrum; labere, rumpere
 Innata pestis, rumpere carnifex, 10
 Viscosa pulmonum teredo et
 Pernicies Erebiq; spuma.

Quid in poetas immeritos furis
 Heu praedo vocis? Nos grates suscipis
 Genusque Divum; nil caducis 15
 Imbribus aut humili pruinae

Ferruminati corporis osseus
 Macerque debet: pinguibus ingruat
 Limosa tempestas et Austri
 Proluvies mala tussientis. 20

Illis supremum dic adeo diem,
 Mortis satellites. Scilicet audior!
 Grassatur in memet vel intus
 Stare tenax vel aquosus ire.

Humore lento per cava faucium et 25
 Ladit medenteis. Quot videas viros
 Ab execrata labe tactos
 Lassa solo posuisse colla!

Dum cymba vitae se iuvenilibus
 Remis adurget, clam ferus irruit 30
 Pirata detorquetque proram
 Gutturis Oceanoque mergit.

Frustra timemus iam mare naufragi
 Terris futuri: funeribus tument
 Portus sepulcrales et omnis 35
 Fossa suum queritur catarrhum.

Te semen orci sidere pessimo
 Pomum nefandae prodidit arboris,
 Tu peior hydrops vincis atrum
 Virus equae graviore leto.

40

Ad Somnum.

Quum insomnia laboraret.

O D E XXXVI.

Mansuete Mortis frater, eburneae
 Dynasta portae, non nisi palpebra
 Labente tranquillae clavis
 Per tenebras oculis vidende,

Curas potentem demere mentibus,
 O Somne, ramum certius admove
 Et hinc et hinc perfunde tempus
 Rore soporiferaque virga.

5

Tu numen alnum mitibus influis
 Succis in artus; tu grave taedium
 Abstergis instaurasque vireis.
 Mane recens habileis labori.

10

Iam laetus igneis elicit Hesperus,
 Iam nox ephebos ordinat aetheris
 In agmen et Phoebo sororem
 Substituit propiore curru.

15

Iamque in pharetras plumigeras avis
Arguta vocis tela recondidit,
Glebisque lassati torendis
Curva boves referunt aratra. 20

Stat mutus orbis; grata silentia
Exhalat aer: me tamen unicum
Quietis expertem fatigat
Triste dolor piceaeque fesso

Haerere curae. Quid, placidissime 25
Divum, moraris? si tua vel volens
Vel irretorta fronte spreva
Dona sciens, (neque enim recordor)

Poenas scelestus iam meritas dedi.
Placate tandem Somne revertere 30
Et innocenti sparge Lethe
Irriguos vigilantis artus.

Effunde plenis frigora cornibus
Mitique siccum lumen inebria
Caelo reclinatumque corpus 35
Ossa super line dormientis,

Sed absque rhoncho. Sic tibi Tarquini
Parcente dextra plura papavera
Crescant in hortis; sic opacet
Silva caput chlamydemque et arcam 40

Natura blandis repleat otiis.
 Sic illud antrum, cui deus incubas,
 Non turbet umbrarum caterva
 Tristis Atlantiadesque ductor.

Sic nulla crudi flamina murmurent
 Apeliotae, nulla tonitrua
 Stridensve nocturnae volucris
 Penna sonet penitusque septas

41

Offendat aureis: sed fuga rivuli
 Per prata gratum mobilis obstrepat
 Et lenis audiri susurrus
 Sub platano trepidantis aerae.

51

Pro vota! cuius damnor inertiae?
 Totus labasco; vix lubet hiscere;
 Piget moveri. Sella lectus.
 Esto: puer citharam repone.

51

**Ad Cl. Virum Domitium Bascandum,
 Stoicum.**

*Cum de Alberti Wallensteinii, Fridlandiae
 Ducis, funesto exitu verba fecisset.*

O D E XXXVII.

Malo viro nil prodesse.

Non quantum, Domiti, nec quid in omnibus
 Possessis habeas, sed quibus arbiter
 Qualemcunque diotam
 Ornes usibus, interest.

Usu gaza patet: pessimus optimam. 5
In damnum iugulat nec patitur suae
Infelix bona sortis
Gratas spargere copias.

Seu Fortuna neget seu det, ut auferat,
Ex magnis opibus nil iuvat improbum. 10
Exaudita nocebunt
Votis Numina prosperis.

Hunc nec forma decet nec titulis honor
Nec Bellona bono sospitat omine
Et, si laurus obumbrat, 15
Perdit continuo comas.

Qui turpi maculat crimine sanguinem,
In Croesi solio pauper habebitur.
Regem et purpura foedat,
Quae bis tincta, bis arguit. 20

Sceptrum non aliter, quam Stygius gerit
Contum lenta secans flumina portitor.
Pondus nobile mitrae
Indignum caput opprimit,

Eunuchum faciat gloria consulem, 25
Fasceis ipse suo tergo conteret
Et torquata suismet
Franget colla securibus.

Haustu, Crasse, iaces ebrius aureo.
 Vindex Hannibatem perdidit annulus 30
 Et nolens bene perdi
 Clarum gemma Polycratem.

His, Alberte, viris annumerabere,
 Bellorum vapor ac foeda catastrophe, 35
 Fortunae pila quondam et
 Magni fabula nominis.

Implentem tumidis ambitionibus
 Seiani stadium nempe et equus tulit
 Seiani properatis
 Collapsus male passibus. 40

Panegyris lyrica

De laudibus Virgineae Matris sine macula conceptae.

Carmen votivum.

O D E XXXVIII.

Quam mihi sumo celebrare nympham?
 Hanc mihi sumo sine labe Nympham,
 Quae malum culpa genialis et con-
 cepta triumphat,
 Exulis primi procul este Dirae: 5
 Ante naturae chaos evolutum,
 Ante libratam statione terram
 Pura refulsit.

Ante quam Titan volucrem domare
 Sciret Aethonem teneroque plena 10
 Fratre signaret redimita Phoebe

Tempora cornu;

Alta se nondum iuga surrigebant,
 Nec cavae valles famulique clivi
 Pone lambebant dominis cadenteis 15

Montibus umbras;

Nullus undanti vaga monstra freno
 Nereus cingens cohibebat aequor,
 Nec maritali Thetis uda lucta-
 batur in alga: 20

Cum Deus pictas per inane caeli
 Tenderet pelleis radiisque densos
 Stringeret villos radiata iussos

Astra vocari,

Ipsa tum stellis Gedeone clarum 25
 Vellus admovit, simul ipsa rerum
 Adstitit Fabro remove nigram

Candida noctem.

Dicitur vastos speculata campos
 Barbaro vecteis posuisse ponto; 30
 Dicitur ruptis ab inhospitali

Rursus Adamo

Dexteram Nato moderante lora
 Semper aequali tenuisse cursu
 Et supra noxam male fluctuantem 35

Signa tulisse.

Quando confusis tamuere nimbis
 Claustra terrarum pelagique ruptum
 Foedus et toto latuit profundo

Naufragus orbis,

40

Una communi procul a ruina
 Nescio mergi fabricata ligno
 Montium pinnas super et cacumen

Arca natauit.

In rubo nullis temerata flammis

45

Mater illaesas rutilare frondeis
 Iussit et lumen viridi pudicum ac-
 cendit in auro.

Virga lessaeo generata fundo

Fraxinos inter, tamen absque nodo,

50

Inter et quercus, tamen absque duro

Cortice surgit.

Servat exemptum caput et perenni

Flore conclusus decoratur hortus.

Lilium spinas negat inter ullo

55

Pollice carpi.

Omnibus lex sit metuenda mortis

Lata, sed non est necitura sponsae

Regis Assueri: latitans in angue

Pendeat Ammon.

60

Filiae sacri graçiles Sionis,

Ite spectatum niveam videri,

Ite Reginam: liquido coruscet

Semita passu.



Vos quidem multas studiosa gemmas 65
 Turba legistis celebremque mundum,
 Sed latet maior penes hanc repostae

Gloria gazae.

Quaeque dispersis sibi sola fulget,
 Ista collectos micat inter igneis 70

Praenitens cunctis Superumque prodit

Publica cura.

Dente non uno facies nec unguis
 In manum peccet minimusve naevus.
 Tota formosa est maculamque nescit, 75

Tota decora.

Plurimae zona renuente solvi
 Virgines circa glomerantur Agnum:
 Una dilecta est thalamique consors,
 Una columba. 80

Enthusiasmus

*In coemeterio considerantis mortem ac functorum
 ossa. Anno M. DC. XL.*

O D E XXXIX.

Ut se feroces denique littori
 Stravere fluctus! Compositis minae
 Velis et humani modesto
 Aequare detumuerunt fastus.

Marcent quieto cuncta silentio.
Non ira venti, non sonus imbrium
Auditur in portu: profundo
Monstra iacent maris ipsa somno.

Huc illa demum spuma superbiae
Frangenda tristeis ad scopulos cadit;
Huc pompa tempestatis acta
In medio crepat et solutos.

Effundit utres: protinus omnia
Iniuriarum flamina concidunt,
Subsidit aularum procella
Et tumor invidiaeque gurgēs.

Quid simus, eheu! sola tacentibus
Mors muta nobis atraque candide
Fatetur ac demonstrat: Hoc est
Omnis homo, cinis atque pulvis.

Omnes subimus non revocabile
Debere fatum; serius ocius,
Ut quemque ducit vel rebellem
Attrahit imperiosus ordo,

Manes sub unum cogimur atrium.
Diu timemus, quod cito desinit,
Et stamus in casum repentem.
Nascimur, ut moriamur orti.

Vitae sub ipso nomine mors latet.
Vix maior annos impulit, et puer 30
Se mactat infantem, tenellus
Dum tenero sibi cedit ipsi.

Pellit iuventus laeta puertiam,
Praetexta rallam. Vir iuvenem necat
Crescente barba, quam senectae 35
Iam nimia madidam pruina

Uaque mentum demetit Atropos.
Sic et rapinam vivimus et fugam,
Nostri latrones et prioris
Usque gradus, spatiique fures 40

Ac curiosi in secula transfugae,
Qui semper aetatem induimus novam
Ipsique nunquam et semper ipsi
Inque dies alii sequente

Mutatur hora, Vertere, vertere, 45
Formose Proteu: cum faciem Deo.
Iubente pones adque Galbas
Veneris auriculis carenteis,

Deformis unum larva teneberis
Servare vultum pauperis Ibici. 50
Non heic lupinis aera distant,
Non validae scapha parva navi.

An sis vetusto nobilis ab Lamo,
An usque prisco dives ab Inacho,
Hiems an aestas: infidelis 55
Scilicet hæc Libitina curat!

Quae dextra sceptrum, quae fuerit ligo,
Quae falx et ensis; forfice quod caput
Rasum coronatumve gemmis,
Unde sciam? Iacet incubantum 60

Confusa strages, non roseus color
Sublucet ulli, non cutis extima.
Ut flante Cauro tota vernis
Silva comis viduata moeret.

Discrimen hoc, quod cernimus, unicum 65
Est, esse nullum; cuius enim genae
Pinguntur ostro? quae polito
Frons ebori nivibusque certat?

Quis crine vertex, quae violis comae
Ornantur? ehén! non oculi micant 70
Fulgore nativo nec usquam
Flamma domi; latebras amoris

Scrutata serpens Idalios cavo
Exhaustit igneis. Vah specus horrida
Truncaequæ nares: vah ruina! 75
Oris hiat lacerata sepes,



Gingiva linguae stirpitis erutae.
 Praedator hortum vermis edentulum
 Vastare repit; vah palati
 A colubris iugulata radix!

80

Ergone tanti forma fideliae
 Censeris albae cretaque putrium
 Fallax puellarum et caducis
 Allita fraus speciosa malis?

Labore quanto femina comitur
 Solvenda in atras denique viperas!
 Licet venustatis canorae
 In speculis radietur echo

83

Suamque praesens quaerat imaginem
 Absentis instar dumque reflectitur,
 Irritet aspectu placentis,
 Non potitur tamen ipsa semet.

90

Adeste, quarum vivere nil agit
 Praeter videri: Splenia certius
 Et lac asellarum pudendae
 Functa sua simulacra vita

95

Fronti admovebunt: turpe rigentibus
 Ventosa rugis calva medebitur,
 Legem capillis calva ponet.
 Musa siles? ubi me relinquis?

100

Ad Iodocum Wernemannum:*Quomodo sperandum.*

O D E XL.

Qui spei sese nimis obsequentem
 Praebet, aut servit miser aut, Iodoce,
 Serviet: malim mediocritatis

Ferre tenorem.

Prodigus mentis super omne littus
 Fertur et largis fluit usque votis:

5

Cautior sistit sapiensque ripae

Alligat amnem.

Ille vult magnus nimis haberi
 Rebus; hic, rerum quia plenus usu
 Sobriam mentem modicis coercet,

10

Maior habetur.

Pectoris fluetus et utramque liber
 Temperat sortem paribusque miscet;
 Quae dari poscit, sibi novit idem

15

Posse negari.

Ad D. Virginem,*Salutem infirmorum.*

Cum auctor febris tentaretur.

O D E XLI.

Mater salutis tempus in ultimum
 Mansura mecum, quo mediam dies
 Inclinat in noctem, tepenti
 Pelle nocens stomacho venenum

Aegrique tabem corporis igneam 5

Iam flamma mixto contremuit gelas;

Iam frigus alternans calorem

Excubias vice plus quaterne

Mutavit: o quæ diceris omnium

Amara morborum eluere efficax, 10

Si non mei, laudanda saltem

Virgo tui miserere vatis.

Quid in propinquo concinit angulo?

An sponte motae sunt citharae fides?

An febris immigravit illi, 15

Atque ideo lyra palpitare

Audita filis acce tremantibus?

Amplector omen: prosilio toro,

Si nec vacillanti labat pes,

Signa patent manifesta rerum. 20

Ad Hernicum Brandinum astrologum.

Irridet genithiaces.

O D E XLII.

Hernice dic, per omneis

Te precor stellas, mihi cur Hydrochoum
minaris?

Quis Deus alligavit
 Liberam mentem rapidi legibus, ede, caeli?
 Scilicet alba frontem
 Luna vel pallens cerebrum terrigenum molesta
 Certius imperabit,
 Quam sibi praesens animus! Num, quoties
 replevit
 Plenior ora furtim
 Igne fraterno, pariter me reparare macros 10
 Coget opata vultus
 Molliora pulpa leporum vel Numida volucris
 Vel petasone rapto?
 An velut murem catas et bos vitulum minaci
 Cynthia iactat orbem 15
 Hinc et hinc cornu? Sed enim cur timidi
 sub astro
 Armipotente Martis
 Saepe nascuntur? stolidi sub bene literati
 Arcadis et rapaces
 Sub lovis signo? Neque, si quem Venus 20
 alma natum
 Viderit ex Olympo,
 Urget infantem facibus continuo petulcis.
 Ius animo suum stat
 Semper immotum super altam Babylona
 vecto.
 Displicet ista faecis 25
 Turba Chaldaee, rabidi cede senex Anubis

Liniger et sacerdos

Isidis, nullum mihi Fatum potes explicare.

Sola fames magistra

Fertur hanc artem malesuadi reperisse 39
ventris,

Callida deinde Memphis

Siderum motus numeris et radio notatos

Disposuisse: frustra.

Si meum Divaeque sibi consona Nazarenæ
(Dent superi quod opto) 35

Astra conspirant, satis est: tunc ego, seu
Syenen

Carcinus igne torrens

Seu minax cauda feriat Scorpius expedita

Seu Capricornus horae

Vendicet natalis aquam frigore congelatam, 40

Risero suspicacem

Hernicum; tunc nec Lycius nec Petosiris
obsit.

Paradoxon.

**Q. Horatium Flaccum imitari se nonnunquam non
imitando.**

O D E XLII.

Possum continuis, si libeat, chelyn
Evincire rosis, natus amabileis
Tactis pollice chordis
Versus iungere: non libet.

Duro molle genus, lenibus asperos
Mutanti numeros, ambiguae vices
Alternaeque Camoenae
Longe gratius accidunt.

5

Dulce est cuique suum velle, mihi meum.
Huc Flaccum quoque vis impulit ingeni
Et natura: nec illum
Sic Lucilius abstulit,

10

Ut se desereret totus ad alterum
Factus multisoni carminis artifex;
Nec te, Pindare, solum
Miratur nihil Appulae

15

Indulgens citharae. Siccus et humidus
 Quam diversa canit! quam sibi dissidet
 Ieiuno satur! Idem,
 Qui nunc Quintilio pios

20

Affundit gemitus, mox furit Evros:
 Inter vina rüber, Candida Bassarum,
 Clamat, candida Liber,
 Huc adverte deus tigris.

Quondam saxa trahit suavior Orpheo, 25
 Vix quandoque feram, tam placito sibi
 Neglectu piger hiscit
 Fumosum prope cantharum.

Proteus Aonius nunc iuvenem senex,
 Nunc mentitur avem mistus oloribus, 30
 Verum mox Epicuri
 Porcum de grege pinguium.

Ut nil dissimulem, me pariter iuvet
 Sic peccare bene et sic temere loqui:
 Quale ut lividus alter 35
 Conetur, nequeat tamen.

Hinc plectrum vario, Rusca, volubile:
 Ex molli rigidus, postque liquentia
 Purae gaudia venae
 Totis entheus ossibus. 40

Quamvis tota penes culpa furentium
Musarum et rapidi numen Apollinis,
Quem possessus anhelō
Nequidquam excutio sinu.

Est hoc numen atrox: illius, illius
Oestro si quatior, non datur impari
Contra tendere sacrum
Torti vorticis impetum.

Sed tu saeve, precor, mitius irrue:
Mentem fatidicam parcius attona.
Mortalis tua dudum
Frangor tollere pondera.

5

Perbacchatus enim difficiles vias
Flagranti simul ore ebrius abstiti,
Nostrae redditus aurae
Toto corpore langueo.

55



Ad Virginem Dei Matrem

*Pro Sereniss. Principe Ferdinando Maria Francisco
Ignatio Wolfgango Sereniss. Electoris Maximiliani
Primogenito.*

Carmen votivum.

ODE XLIV.

Nam quid vetabit, quo minus offeram
Tibi puellum? Non adimo suæ
Matri, sed insontem foveri
Praesidio melioris opto.

Admitte pignus, Mater amabilis, 5
Et prima vitae flecte crepuscula,
Ut flos tenellae lucis halet
In gremio redolentis Horae

Tuique Nati ludat imagine.
Tum crescat ore et fronte meridies, 10
Venaque spiranti sereno
Dulce tremant seniique vesper

Purae quietis provehat otia.
Cor urat aestas, ver animum, genas
Autumnus, albentique pingat 15
Virgineam nive bruma mentem.

Ad Mauriliam Rosam,*Tribunum belli.***O D E XLV.**

Qualis intrasti, Rosa, nudus orbem,
Talis exhibis; propior nocenti
Hoc tamen furi, rapies sub umbras
Lintea tecum :

Et vacas lucris et adhuc recentem 5
Adiicis praedam veteri rapinae?
Nec tuum sentis opibus malignis
Crescere damnum?

Quidquid accessit cumulo priori,
Demitur menti: minuit cupido 10
Parta, non auget. Petis esse dives:
Abiice merces.

Non nocet nullas habuisse gemmas,
Clamat ad stivam residens arator,
Consul agrestem subito vocatus 15
Ante iuvencam.

Ad Lucam Feronium,

Nicolai Feronii Fr.

Non iactandam prosapiae nobilitatem, sed eius causam virtutem retinendam esse.

O D E XLVI.

**Ceras, aviti stemmatis indices,
Et plena fractis atria vultibus
Barbamque maiorum, Feroni,
Parce tuis onerare noxis.**

5

Neu monstra iactes in olypeo sacri
Caelata patris ; neu grave tinniat
Calcar peregrinisque late
Icta sonent orichalca stellis :

Quid belluarum nomina fortium
Mentimur orbi, si lepores sumus? 10
Frustra feroceis magna pardos
Scuta tenent galeaeque corum

Crispant avitae fulmina gloriae,
Si non in Hunnos fulminei ruunt
Pardi nepotes, si columbam
Arguerint aquilae parentes.

Spondes Ulyssen: sis Briareus prius.
Repleta verbis curia quem ferit?
Mucrone linguae nullus hostis
Transfoditur, nec acumen oris, 20

Sed ensis olim straverit Hectora.
 Quos nominamus degeneres, avi
 Venasque fibrasque, unde vitae
 Pura dies animusque manat,

Totumque Eoum pectoris ignei
 Haurire torvis obtulerant Getis,
 Et caede facta non inulti
 Barbaricas secuere turmas. 25

Nos vero fortes strenua dicere
 Patramus usu mollia; cerei
 De ferreis narramus annis
 Proelia Vandalicasque strages. 30

Ad Iulium Orstenam.

De more ungendorum cadaverum.

O D E XLVII.

Refert scilicet, Orstena,
 Quo manes pretio sub tumulos eant
 Defossi, quibus oblinas
 Succis et religes funera linteis
 Non sensura Canopici 5
 Heredis vacuam laude superbiam.
 Clementeis tenebras petit
 Mors contenta loco quolibet; angulus



Iam regale palatium est.

Quae natura parit, functa recolligit 10
Communi gremio, neque

Distinguit cineres terra novissimos.

Trunco sex spatium pedum et

Cippus cum modico cespite sit satis,
Luxum caetera barbarum 15

Spirant et nimiae frusta ferociae
Indignantia ferreis

Fatorum tabulis. Quid magis aspides
Et longam cupidi famem

Invitet colubri, quam capulo tenuis 20
Uncta et lota cadavera?

Costumque et casiam et malobathrum Syrus
Membris imbibat omnibus,

Pollinctumque super funebris India
Plenis sumptibus ardeat: 25

Si non et pretio fama fragret suo,
Frustra spargit amaracum;

Foetebit sub humo tetrius insulis
Eiectantibus ostrea et

Neptuni vomitum putris ab aequore. 30
Nasum cinnama non movent

In Sullae cineres iacta nec efferunt
Crudeleis animas rogo.

Pauper Fabricius, quem populi favor
Alto pectore condidit, 35

Et Brutus Deciis additus et Cato

Gypsatusque Britannicus

Haud nardum redolent, turicremis tamen
Praestant mille Neronibus.

Virtus est feretri nobile balsamum. 40

Ad Sicillanum Bombycem.

Moriendum esse.

O D E XLVIII.

Fatis aguntur terrigenae suis,
Formosae Bombyx. Ortus, ut occidas

Cum sole, cur primis repugnes
Auspiciis debiliamque reddas

Necessitatem, quae tamē omnibus 5
Corona rebus ponitur ultima?

Quod stas, quod is, quod vivis, hinc est;
Quodque itidem morieris, hinc est.

Ad Cascium Gambaram.

Cum tibi stros scazontes ad Saturnalia mitteret.

O D E XLIX.

Scazonta, servum cornipedem meum,
Amice Casci, quem tibi destino

Mandata laturum iocosa,
Excipies, ut opinor, ore

Vultaque, qualem rusticus obtulit
lovi Philemon; ne tamen anxius
Cogas fatigatum sedere:
Mitte supervacuos honores.

Genus Stylitae est. Stat nec ab hoc situ
Discedit unquam. Sic quoque dormiet. 10
Sed mirus illi flante bucca
Oris inest animique candor.

Cretos eodem sanguine Bilbilis
Habeat olim, cum strueret focum
Et Martialis fel amarae
Incoqueret piperatus offae.

Quanquam iste noster simplicis eloqui
Vitaque purus malit, ut audies,
De gente Gazea videri
Castalio satus Angelino. 20

Ut cuncta noscas, istud habet viti:
(Immune nam quid sole super viti?)
Ferocit irritatus instar
Tigridis, asperior leone,

Traxitque ab ipsis has furias avis. 25
Quandoque lato calce suum ferit
Et me magistrum; saepe flexi
In melius: rediere mores.

Natura quamvis vapulet, hoc erit
 Pulsata furcis, quod fuit antea. 30
 Permite Scazontem vagari,
 Insita quo rapiet cupido.

Tunc obsequentem, Gambara, senties
 Nec non creandis risibus utilem.
 A tabe praeservat lienem 35
 Et nebulis cerebri medetur.

Ut proniorem claudicet ad iocos,
 Porci triennis mane tomaculum
 Offer, remissurus Calendis 40
 Graiugenum fugiente bruma.

Laus posthuma

R. P. Iacobi Kelleri S. I.

Olim rectoris colleg. Monac. defuncti anno
 M. DC. XXXI.

Ab auctore piis manibus primum impensa

An. M. DC. LX.

O D E L.

**Ac si hodie videam, post tot mihi sisteris annos,
 Flende piis Iacobe Camoenis,**



Non obscura tamen, sed amabilis umbra recurris
Ac nulla ferrugine tincta,
Qualis eras olim nostras moderatus habenas, 5
Sublimi venerabilis ore,
Et liquida mentis perfusus imagine vultum
Et senii vivacior usu,
Publica cum regeres privata fronte retenta,
Curarum iucundus in aestu; 10
Cum te non digitus tantum, sed tota probaret
Saepe manus regnare coactum.
Iudicii matura seges, penetrabile rerum
Ingenium doctique lepores
Miscebant aequale decus; prudentia pondus 15
Et virtus afflavit honorem,
Utque acies belli se protendebat in omneis
Consiliis mens lucida parteis.
Portus eras Bavaraeque pharos spectanda carinis
In pelago luctantibus aulae. 20
Utraque diffuso fluxit facundia fonte,
Danubio Tyberique probata.
Qui niveus canis ac toto vertice cygnus,
Orantis quoque gutture sedit;
Praesertim nostri prolatus origine coeli, 25
In nostram proclivior artem,
Verba catenabas regale sonantia gemmis
Pindarico succinctus amictu.
Tu facileis solitus numeros dictare meumque
Auspiciis stimulare calorem,

Audebas titulos et plenum laudibus aevam
 Et magnos promittere menseis.
 Te duce nequidquam dignati repere montis
 Aonii conscendimus arcum
 Non lento passu, (neque enim tardare sinebas) 35
 Sed volucris quasi fulminis ala,
 Qualiter aerium Capaneus iter arbore mensus
 Se victam super extulit urbem.
 Stabas inferius, donec de rupe redissem
 Concussus praecordia Phoebus. 40
 Ast ego pendenti capite inter nubila mersus
 Enavi peregrina viarum.
 Mox virgulta ingis hederamque et laurea sarta
 Et pennam de stante Caballo
 Fraginaeque ex alto mecum Parnassia ieci, 45
 Ut scires superasse cacumen.
 Quo tunc amborum salierunt pectora motu
 Laetitiae spirantia flammæ!
 Sicut adhuc steteram, rigidumque horrore
 comarum et
 Aethera fuligine sparsum 50
 Protinus in dulci sudorem abstergere Cirrha
 Atque alio sudore iubebas.
 Accessere boni vultus super omnia et istis
 Dona tuos imitantia moreis:
 Aut tuba cantatrix Heroum aut fistula pacis 55
 Et ruri testudo locuta.

Heu mihi, quam longis a te nunc passibus itur
Euxini prope littora ponti!
Nam postquam undantis cerebrite lubrica moles
(Praesagum tamen ante procellae) 60
Sustulit et plenos ducis iam numine sonnos,
Lapsa ruit spes maxima tecum.
Ad paucos chorus est Sueco praetore redactus;
Sub cultro stat gloria vatum:
Quaquam Vandalicus tantum non obfuit hostis 65
Igne et aqua ferroque minisque,
Quantum hirsuta nocet multorum inscitia Musis,
Vastatrix vocalis amoeni.
Nomina cultorum Thebanis comparo portis:
Plura tepens habet ostia Nilus. 70
Sunt, qui Pierides malint a stirpe recisas
In Graium migrare sepulcrum.
Eloquio Latii praefertur barbara Memphis;
Coniurant silvescere Fauni,
Quod nequeunt ipsi, reliquos prohibere parati, 75
Ne pulcro certamine possint.
Interea, quidquid sacro de culmine restat,
Manibus his properare decorum.
Sterne, poeta, solo vestigia: funde coronas
Irrigua Permesside lotas. 80
Te virides luci, te Phocidos antra canorae
Fleverunt, o nobilis umbra.
Te sine Castaliam metus est arescere lympham,
Sicca vado tralucet arena.

Insuper et Daphne bis migratura timetur	83
Atque alia mutanda figura.	
Ad nomen tamen illa tuum suspiria ducit	
Ac sese demittit amari.	
Ipsi etiam subitis vestiti floribus amnes	
Incipiunt ridere per hortum.	90

JACOBI BALDE S. J.
LYRICORUM LIBER III.

Ad Sablnum Fuscum

Tirolensem.

Invitatur ad contemplationem rerum coelestium.

O D E I.

Sabine, matris pars melior tuae,
Signate grata Fusce nigredine,
Haeremus Halae? scande monteis,
Rumpe moras et aprica mecum

Capesse mollis frena Favonii. 5
Iam rara vernis nubila solibus
Divisa cedunt et patenti
Aura levis monet ire coelo.

Simul capistrum Pegasus induit
Terramque fixa percutit ungula, 10
Exsudat et glebae rosarum
Puniceo rubuere Nilo.

- Neu te retardet stare Copernici
 Aut Archimedis lambere pulverem.
 Confunde arenas: scripta dele 15
 Signa Syracosiumque gibbum
- Extende coelo. Quid vitrei iuvat
 Atlantis usus? quid Siculi senis
 Mentita crystallus Triones
 Oceanum vetitos subire? 20
- Veros licebit tangere verius;
 Lustremus axes: nomen et ordinem
 Docebit astrorum Thaliae
 Uranie sociata nostrae.
- Qua parte primum flectimus orbitam? 25
 Hac, qua frementi murmurat alveo
 Pontemque dedignatur Oenus,
 An niveo saturatus imbri
- Qua flumen ingens Danubius venit?
 Ut obsoletis, despice, cornibus 30
 Argutat obscurus latere!
 Degeneris mala fata Rheni
- Captumque moesto gurgite sordidus
 Deflet Brisacum: totus inhorruit
 En campus armis et minaci 35
 Nuda seges crepat icta ferro.

Ningitne, an albis aera filiis
Mavors inundat? Stant aquilae truces
Ad signa vindictamque striato
Armigeræ meditantur angui. 40

Sublime motis aura leonibus
Percussa rugit; plena tument Noto
Vexilla crispanturque flexu
Per refluos sinuosa gyros.

Hinc Belga pugnat miles Iberiæ, 45
Hollandus illinc sulphure pectoris
Accendit iras et doloso
Ambiguum coquit igne bellum.

Arctata vastis aequora molibus,
Silvas et urbeis et medios ferunt 50
Monteis Batavorumque classem
Sollicitam maduisse Gange.

Hic orbis ille est tantulus aspici,
Discordiarum caussa recentium:
Vah bruta deformisque tellus 55
In minimum tenuata punctum!

At nos in altum provehimur; placet
Venti levantis grata protervitas.
Hac officina prodit aulae
Terror et exitium, cometes 60

Vapores natus; non procul excubant
Fumosa multo fulmina pulvere :
Pars furva mentum, pars retortas
Rubra iubas, facie Sicambri.

Quae virgo nobis dirigit obvia 65
Crinale telum, Solis ait soror
Dici; pharetram frater implet
Igne suo iaculisque lucis.

Iam permeamus Mercurii domum,
Volvi procacem iam Veneris globum. 70
Haec porta Phoebi, quam Gradiui
Castra premunt. Iovis ista sedes

Velata quercu. Summa tenet pater
Effoeta torpens membra senex gelu
Saturnus algentemque zonam 75
Servat Hyperboreumque tractum.

Enavigemus: fallor, an audio
Per astra carmen? Carmina credidit
Iucunda concentumque moto
Pythagoras resonare coelo. 80

Quaecunque, certe non inamabilis
Insania haec est: cum sonitu poli
Vertuntur: audis instrepentum
Agmina luxuriare vocum?

Et vero cantant, omnia sunt chorus: 85

Stellaeque Musae, dum rota volvitur.

Et scena picturata transit,

Aetherias modulantur odas.

Quis iste Cygnus gutture dividit,
Alisque lessum? flamina quae Lyrae? 90

Orphea Testudo canorum

Mille rapit thyasos in orbem.

Quam se citato circumagit pede
Praeceptis Orion! En nova pyrrichae
Saltationis vibrat arma 95

In numerum rutilique flammis

Educit ensis non sine siderum
Risu sequentum, quae bene balthei
Mirantur ingentis ctenam
Et phaleras et acuta coni. 100

Non ipse Cepheus abstinet et suae
Laetus choreis coniugis annuit
Clangente vultu; non ligatam
Perseus Andromedam relinquit.

At nec Bootes illepidus: gradu 105

Velit citato currere, ni fera

Retardet; ergo caedit Ursam

Et scutica metuendus urget.

Huc, Fusce, ventum est; ulterius nequit
Audax poësis: provehet altius 110
Alata virtus. O venusti,
O Salii, meus ardor, ignes!

O ludus, o spectacula in aureo
Coeli theatro! O patria, patria,
Si sic pavimento coruscas, 115
Qua facie radiabis intus!

Sed iam, fluenteis leniter attraho
Redux habenas, ne Phaethontio
Errore signemus quadrigam
Aerium per inane lapsi. 120

Hinc ex Olympo fertur et Appia
Ad usque terras se via pandere
Secura Romanaeque suppar
Nec tumidis inamoena clivis.

Illam penetrans te (quid enim times,
Sabine?) glaucas mollis ad Isarae 125
Depono ripas: necte vati
Serta tuo viridemque laurum.

Ad D. Virginem Aetalensem.

*Cum ex Tyrolī in Bavariam profectus illac
praeveheretur.*

O D E II.

Montium praeses nemorumque Virgo,
Cuius Aetae meminerē valles,
Silva cui circum viret et comanteis
Imputat umbras,
Quam tuam laetus propiore passu 5
Eminus visam venerarer aedem!
Sed viae tardant, neque lentus audit
Currus habenas.
Ergo, quod solum superest amicis,
Quos iter iungi vetat, o et absens 10
Ter quater pulcris cumulanda votis,
Sic quoque salve.
Tu quoque absentem iubeas valere,
Mutuas ut dum damus atque voceis
Reddimus sacrae per opaca silvae 15
Insonet Echo.

Ad Pyrrhum Feudium.**O. D E III.**

Te nemo vilem verset ut amphoram,
Ansamque nullo crimine praebeas,
Qua, Pyrrhe, deprensus per omneis
Fabula circumagaris aureis.

Ignava terror pectora proterit 5
 Movenda quovis murmure civium:
 Virile nunquam fama sternit;
 Mitte levi trepidare probro.

Quid vana curas nomina non tua?
 Contentus esto te potius, neque 10
 Caecos réformida tumultus
 Aut strepitum popularis auræ.

Amara rerum non potes omnium
 Vitare flexu: plura tamen potes
 Eludere ictu. Perge agendo 15
 Fortia displicuisse multis.

Genovefa,

Sancta Virgo Parisiensis,

*Desiderio videndi in coelo Christi Mortem sponsum
 suum nominare solita.*

Canebat auctor in solatium religiosi iuvenis

Andreae Frondisii

in supremo morbo ad coelestem patriam
 adspirantis.

O D E IV.

Vergente vita rapta cupidine
 Vitae perennis fertur amabilem
 Singultum in has rupisse voceis
 Francigenum Genovefa sidus:

Atqui moraris, Mors, mea vita, nec 5
Promissa servas? Pronubus en Dolor
Et Morbus ornare sponsam,
Serta fragrant oleoque lampas

Vestalis ardet; non solitis ego
Mollis iuventae torreo ignibus: 10
Me forma brunnæ, me pruina,
Me glacies potiore flamma

**Letalis urit: Mors, in amoribus,
Mors, in medullis atque oculis natas.
Te, sponse, si nescis, in horto 15
Pacta mihi mea mater Eva**

Dis invidenda carpsit ab arbore
 Dotale pomum; te generum sibi
 Adamus electum momordit
 Et mihi tunc Moriere dixit. 20

Hac dote felix nubere gestio,
Natura rebus quam dedit omnibus;
Debetur et nobis parentum
Terra levis modicusque pulvis.

0 larva verna pulcrrior iride, 25
0 umbra puro sidere clarior!
0 corpus, o vivum cadaver,
0 tenebrae, mea lux, amicae!

Ah quando iunges oscula virgini?
Nam consecravi me tibi virginem: 30
Intacta florem servo; nostri
Nullus habet spoliū pudoris.

Nondumne serum ventilat Hesperum
Vespillo? nondum sarcophagi torum
Stravere Manes et virentis 35
Sparsit Hymen folium cupressi?

O nox beata, o ultima frigora,
Primi calores! O mea funebris
Et nuptialis taeda, luce!
O thalami tumulique nostri! 40

Lucente buxo me Solymitides,
Vacciniis me pingite Gallicae,
Nigramque formosamque nympham
Flammeolis operite fuscis.

Pallent amantes: non ego palleam? 45
Demantur ori viva corallia,
Incingat albam vitta frontem et
Populeis Libitina ramis.

Festiva ludant carmina praeficae
Dulcemque lessum: Sponse, veni: tua 50
Te quaerit expectatque moesta
Supplicibus Genovefa votis.

Seu te sepulcri regia nobilis
Late imperantem, seu nova pyramis,
Vastove Mausolea monte 55
Saxa tenent famulique circum

Pectunt lacertas vertice mobileis,
Dorsique spina aut orbibus e cavis
Scrutantur angueis, ut reclinent
Funereum diadema calvae, 60

Seu fila vitae texta novissimae
Lustras et aevi pensa recolligis,
Seu messe iam poscente falcem
Vectus equo per anhela pestis

Camposque et urbeis et populos metis 65
Densisque stipas cladibus horrea:
Huc flecte cursum, tot marite
Nominibus titulisque noster.

Neu Franca virgo, neu tenuis, precor,
Fastidioso displiceat casa. 70
Facunda surdo, pulcra caeco
Non satis est opulenta coniux?

Quondam et tabernas pauperis ingredi
Subterque tectis stramine consitis
Immensa laudabare parvo 75
Atria posthabuisse ruri.

Ergone solis divitibus nemus
 Recludis atrum, quod pede libero
 Manes coronati perferrent
 Cum citharis choreasque plaudant? 80

Et nos mereri possumus aureae
 Pondus pharetræ; profer arundinem,
 Dilecte, figendamque vibra:
 Vulneribus patet omne pectus.

Quanquam ipse vulgo crederis osseus, 85
 Dicere nobis totus eburneus;
 Dicere frondoso celebris
 De Libani properasse saltu.

Amemus; urat mutua febrium
 Vis blanda venas. Me bene languidam 90
 Compone somno; necte mystum,
 Necte tuæ violas puellæ,

In valle qualeis Elysia medens
 Ferrugo tingit. Iam morimur: bene est.
 Mortem fefelli: necte, Christe, 95
 Necte tuæ violæ coronam.

Nunc arva postquam messuit hosticus
Egis Gothunni et bruta sitis tuas 1
Vastavit uvas, vae severo
Quam tetricum ruis imbre vultum

Moestoque iam iam lumine flebileis
Rimaris umbras! Desine tristium,
Vogti, querelarum; dolorem 15
Causa levet patriaeque dulcis

Commune damnum. Corrigere est nefas
Quodcunque luges: procubuit seges,
Succisa vitis, sparsa rupto
Vina cado; iacet arx et hortum 20

Villasque et agros et sata duplices
Ussere Susci; caetera subruit
Vicinus intactas amicus
Reliquias Danaum secutus.

Cui vero dices impatiens diem? 25
Stultum est querelis Fata lacessere,
Culpare Fortunam probrosam.
Si domino caput obligasset

Professa numen se famulum fore,
Citare posses; sed levis est dea 30
Levisque dici tota gaudet,
Idque negat meretrix negare,



Ibis Gradivum sistere iudici?

Sed omne miles ius capulo dedit,

Hic crimen obiectum refellet

35

Ense; tubae sonitum diserto

Opponet ori. Qui melior manu,

Victor perorat: nunquam adeo bene

Armata vis et lex inermis

Conveniunt; feret omne punctum.

40

Vagina Martis: perge miser queri

Non audiendus. Consule me tamen

Silebis aerumnas et alta

Mente preme: superatur omne

Malum ferendo. Saepe beatius,

45

Rudolphe, censu paupere vivitur

Et rebus angustis: quid ambis

Divitias? Satis ille dives,

Quem fortuitis ex opibus nihil

Irritat: ingens est patrimonium

50

Cupido nullius caduci et

Fervida diminuisse vota.

Ad D. Virginem assumptam.**In eius pervigilio.****O D E VII.**

*Quae est ista, quae ascendit de deserto delictis
affluens, innixa super dilectum suum? Cant. 8.*

Quo die terris properans relictis
Tota migrasti super astra Virgo,
Floribus stratum tibi tergus incur-
vavit Olympus.

Dulce te visa gradiente coeli
Carmen auditum resonare, Qualis
Ista per nigrae loca senta silvae et

5

Horrida tesqua,
Qualis ascendit Dea? tota pulcra
Gaudiis gemmat liquidis suoque in-
nixa Dilecto volucreis per auras
Floribus halat!

10

Talis in seram, sua regna, noctem
Luna cum venit, tennatur Arctos,
Pallet Arcturus positoque ferro
Languet Orion.

15

Talis electi speciosus oris
Phoebus Aurora lacrymante ridet,
Quando cristatis avibus coruscum
Mane precatur.

20



Inter has voceis magis elevata
 Brachiis Nati superas id omne,
 Quod Deus non est, animumque toto
 Numine mergis.

Merge: dum dulci maris e profundo, 25
 Quod superfusum bibis, una saltem
 Gutta distillet lacrymasque nostri
 Temperet orbis.

Sacra Tempestas

Exundantis Oeni

sive

Flavii Pollionis

Salutaris ac vehemens concio
 de aeternitate

habita Oeniponte exennto vere, quo tempore longe lateque
 fluvius Oenus hibernis nivibus tumens restagnavit.

O D E VIII.

Allegoria.

Ergo, nefasto quo cecidit loco
 Fatalis Austri caesa bipennibus,
 Arsura flagrabit perenni et
 Viva rogo morietur arbor!

Gelboa toto monte cacumina
 Implete vallis; vos Libani sacrae
 Lugete silvae: me vel Othrys
 Vel Rhodope tegat involutum

Mundi ruina; me profugum freto
Malea mergat; me Libycae fames 1
Raptum leaenae, me recondant
Ventre cavo scopulosa cete:

Vix haec disertus Pollio, cum repens
Pervasit omneis turbine pectoris
Commistus horror: flare venti, 15
In pluvias resolutus aether

Sonora rostris volvere murmura.
Huc deinde lapsis auctior imbribus,
Qua parte nubeis evocatus
Caeruleas equitavit Auster, 20

Omnem loquendi vertere copiam
Orator Oeni: nunc subiti ruit
Torrentis instar de nivali
Vertice; nunc medio volutus

Et ire praeceps sistitur aggere, 25
Tantoque spumat verba ferocius
Allisa ripis, Tulliani
Se medio velut unda Tybris

Templo intulisset: flumina grandium
Sententiarum plebis in obviae 30
Funduntur aureis, cum profunda
Dedecorum scelerumque strage.

Quo more rivos aequoris humido
 Eiectat arcu terror euntiam
 Balaena nantarum, refuso 35
 Mox animi maduere ponto

Haustique miri fluctibus alvei
 Flevere culpas et lacrymis aquam]
 Auxere, nigranteis arenas
 Diluvies pretiosa fundo 40

A cordis imo torquet et eruit.
 Ploratus ingens exoritur, simul
 Facunda tempestas revulsis
 Intumuit per aperta claustris,

Iamque omne crimen gurgite mergitur 45
 Et irreperito litora debiunt
 Vado videri; iam teguntur
 Culmina turrigerique fastus;

Iam sumptuosae tecta superbiae
 Montesque honoris sub pelago latent, 50
 Idemque cum furtis iniquae
 Naufragium subiere merces;

Pictaeque vestes et chlamydam fluunt
 Cinctus, et omnis gaza pecuniae
 Factumque et infectum metallum et 55
 Dimidii periire vultus.

At vero fractis ingemuit Venus
 Libidinosae pontibus insulae:
 Vis nulla Germanum valebat
 Nullus obex cohibere Araxem.

Haec unde novi? cum fluerent nives,
 Late sonantem tutus Aquarium
 (Nam Phoebus adductum tegebat
 Nube cava) specular; ohe!

Ad Simonem Lavendulam.

Se in excolenda macie, mirum in modum proficere.

O D E IX.

Tantae molis erat denique corporis
 Tota destitui mole, Lavendula:
 Ipsos exuor artus,
 Ipsis exuor ossibus.

O gratare mihi, iam penitus macer
 Depono reliqui rudera carceris;
 Paullum restat arenae, et
 Totus spiritus emico,

Nec porro lanios horreo nec forum,
 In quo vaenit adeps, vito hoarium,
 Securus licitantum
 Nullis a Brasiliis, emar.

5

10

Nulla parte mei bellua flammeis
 Mentem sideribus protinus inferam;
 Ceu Maia satus inter 15
 Umbras et Superos eo.

Iam iam liber io (terra patriae vale)
 Defaecatus io (congeries vale
 Insincera: valete
 Ventres) tollar in aethera. 20

Ad Franciscum Ragusium,

Edmundi Ragusii fr.

Symbola Pythagorae.

ODE X.

Vile ne fiat tibi Numen usu,
 Cum nihil maius generetur ipso:
 „Ne Deum caeles digitoque portet
 Annulus haerens.“
 „Fervidam spumis cave laesus ollam 5
 Concites, non est fodicandus ignis
 Ense.“ Sopita cineres quiescunt
 Tutius ira.
 Dura constanti supera labore;
 Coepta successu properanter urge: 10
 „Ut nihil faecis bibiturus in cra-
 tere relinquis.“

„Urbium nolis minui coronas.“
 Legibus pulcre redimitur ara,
 Lege firmanetur sacra, lege cives,
 Lege senatus.

1

„Publico nunquam gradiere calle:“
 Nam minus peccat minus usitatus;
 Plebis exemplo via trita semper
 Fallit euntem.

2

Empta cum luctu noceat voluptas,
 Criminis serum fuge poenitere:
 „Ne quidem gustes epulans nigras ha-
 bentia caudas.“

„Allium raro, pia farra saepe,
 Cor edes nunquam:“ remove dolorem
 Laetus et diris iecur ulcerosum
 Linque Mycenis.

2

At nec infamis tibi foeda mensae
 Lucra nummorum sapiant avaro:
 „Nec manu sumas aliena quondam
 Pocula laeva.“

3

„Impiger cursus cave transilire
 Ante suspensam pedibus stateram:“
 Triste fas laesum, nihil est iniquo
 Iudice peius.

3

„Laetus arride speculo, nec horre.“
 Quod negat natura, velis negatum.
 „Invidens hosti tamen abstineto
 Vellere barbam.“

40

„Dis merum liba:“ bene Di precantur
 Mentibus gratis cumulantque dona.
 „Cum tonat coelum, venerans memento
 Tangere terram.“

Ad B. Virginem.

Iturus Ebersbergam.

O D E XI.

Dum me severis fessus in exedra
 Exsolvo curis et volucris rota
 Per arva vectum cinget Ebers-
 berga cavo nemorum recessu,

Tuere sanum, laetitiae parens,
 Vultu sereno discute nubila:
 Spirare clementis Aprilis
 In Zephyros tenuetur aer. 5

Quodsi propinquae caerula Doridos
 Tentabo cymba, da placido lacum 10
 Sopore sternendum quotannis
 Emerita peragrarare quercu.

Nec vero gratis: ~~forte~~ habileis agam
 Remos amoeno non sine carmine,
 Navim salutaturus illam, 15
 Quae titulum gerit insistoris.

Dicere nymphis ditior omnibus
 Vexisse frugeis aetheriis procul
 Campis resectas et tremienti,
 Virgo, famem pepulisse mundo. 21

O ergo nostri praeses in aequore
 Formosa stagni, vatibus annue;
 Sic glauca verbenis et ulva,
 Cymodoce, tibiserta nectam.

O D E XII.

Auctor a celeberrima secta Stoicorum desciit.

Quid mihi vobiscum est, stoeae foetentis alumni
 Deucalione sati?
 Mobile lignorum genus et viventia saxa,
 Quae tamen Ogygiam
 Amphion nullus cithara traxisset ad urbem 5
 Pondere fixa suo.
 Iam tandem deprensa mihi fraus omnis et error:
 Pene ligatus eram;
 Stupea sed valido disrupti vincula nervo
 Ceu putrefacta situ. 10
 Estis, io, rigidi cultores estis honesti,
 Usque severa tribus.
 Non turgent oculi lacrymis, non gaudia risu;
 Non tumet igne iecur,

Nullaque sedatum tempestas pectus inundat: 15

Omnia pace vigent.

Credite Pisones: at non ego; credite verpi,

Gens inimica Deo:

Credere me tristis vetat experientia rerum

Nec sinit esse rudem. 20

Auditis? quorum virtus olet horrida caepas

Totaque vita sedet:

Multum vesicae vobis et maius inane est;

Fastus ubique sonat.

Hinc abeo versis aliud mare currere velis 25

Liberioris aquae.

Qualis in Adriacis Venetum secura phaselus,

Et mea ludet aquis.

Decurrat placidis innubila moribus aetas

Temperiemque ferat, 30

Non suspecta metu, non importuna tumore,

Non odiosa minis.

Tempus erit, laetus risum cum poscet amicus:

Splene feremus opem.

Tempus erit flendi: veris manabit in uda 35

Fletibus ora dolor.

Denique verus homo, non truncus inutilis agri

Nec lapis esse volo.

Ludus Palamedis

sive

Latrunculorum, vulgo scacchus. In gratiam nobilissimi iuvenis Stanislat Chosci Hopshskae Poloni, quo spectante luserat.

Invitat illum auctor ad contemptum terrenarum rerum sub
Fortunae ludibriis, brevitate ac vicissitudine vanescentium.

O D E XIII.

Cur spissos foliis dividimus libros,

Ut magni pateant somnia Socratis ?

De nugis hominum seria veritas

Uno volvitur assere.

Chosci, nonne vides, quos variet modos, 5

Quas Fortuna vices mobilis imputet ?

Eheu ludimus et ludimur ! impares

Signis, interitu pares.

Adversis validae stant acies viris :

Hinc Tros, hinc Rutuli, versicoloribus 10

Incincti sagulis. Turrigeri latus

Defendunt geminum boves.

Paullum castra silent, nec tuba protinus ;

Miscetur dubius consiliis timor :

Secretosque ducum, quos acunt, dolos 15

Dispensat patientia

Et speratus honor ; mox, ubi classica

Diduxere sonum, res geritur manu :

Ac ni consideant sub galea comae,

Stent altum rigidae metu. 20

Dum campus medio panditur aequore,
 Decrescunt subitis agmina caedibus.
 Vestro, si memorem funera, rustici;

Stat victoria sanguine:

Vos commune malum, vos luitis scelus; 25
 Vestris, quotquot egent, in vitulis arant,
 Ex vestris gladium fingere falcibus

Solers vos metit et sata.

Quidquid magnanimo crimine fortiter
 Delirant proceres, plectitur ultimus. 30
 In pago Corydon; noxa palatii

Exurit sterileis casas.

Aude et tu facinus, vilis homuncio;
 Ne semper ducibus victima mugias:
 Agresteis etiam quondam animosior. 35

Fungos Gloria respicit.

Tamberlanus erat pastor idoneus
 Permutare pedem frondibus aureis.
 Iustinus trabeas Ausonii tulit

Armentarius imperi. 40

Sed quis de medio capripedum choro
 Improvisus adest? quam tacito pede
 Transmissas cameris non sine cornibus

Obliquat salebras viae!

Parthorum celebrem dissimulat fugam 45
 Ponens insidias. Iste nigerrimus,
 Hunc, Romane, cave: sternit et arietat

Hircis laeva tuentibus.

Malit quisque tamen non humili manu
Aiakis, fatali quam trabe ludicra 50
Cursoris perimi: vulnera saepius
: Clava morio dividit.

Nostri bella queror tristia seculi,
Sub quorum clypeis omne genus furit
Stultorum, vitiis laxat atrocibus 55
Mars impune libidinem.

At regina gradu fertur Amazonis,
Quo se cunque movet, collaque (foeminis
Eheu cuncta licent!) demetit obvia
Alis fulminis ocior. 60

Non obsistit eques, non peditum phalanx,
Non frendens elephas; Porus et Hannibal
Succumbunt Veneri, cuncta domat Venus:
Una est fortior omnibus.

Non, et quanta valet, semper in hostium 65
Permittenda globos ire cadentium;
Observatur enim fervida proelii:

Aruns non datur unicus.
Magnas vertit opes sexus iniquior,
Inconcessa petens et nimius sui: 70
Nam desiderio quem statuit modum
Flammis icta Cupidinis?

Nunquam plena salus, cum mulier regit,
Nunquam tuta satis: quae modo provida
Apparet Tanaquil, mox temeraria 75
Prodet Fulvia coniugem.



Rex Adraste, ~~pedem~~ tu quoque promove.

Incauto nocuit credere militi

Maiestatis onus; qui residet domi,

Absens plurima nesciet.

80

Turmas ipse suas duxit Iulius

Epirique potens: ipse pericula

Cingentum medius reppulit hostium

Belgarum leo Carolus.

Dum mandata damus, dum Fabii sumus

85

Tantum dimidii; dum madidi mero

Unguentisque rosisque otia vendimus,

Lacta est alea Teutonum.

Sed iam tempus equum fraena resolvere.

Lusi: coge meos, Hopsca, triarios

90

Et thecae modico compositam sinu

Buxum conde Laconicam.

Uno pompa loco ludicra consulum

Lictorumque iaces. Hic capit alveus

Cum gemmis silices et radiantia

95

Mistis sceptrâ ligonibus.

Cur mundi titulis captus inanibus

Sub vano, iuvenis, nomine militas?

Cuius spes fragilis, res brevis et vitro

Ampullaeque simillima.

100

Non, si victor ovas, maior eris cinis;

Non, si deprimeris victus, eris minor:

Omnes in tumulo vile silent genus.

Ludus vivitur et sumus.

Argonautae.**O D E XIV.**

Ius sacri laesum refero tridentis:
Per truces fluctus et opaca ponti
Thessalam Graii docuere nautae
Currere pinum.

Huc ovis flavae scabies avaros
Impulit; tanti fuerat timere
Fulmen et spumas et equos et aerei
Flammea tauri.

Ergo telluri locus et sepulcra et
Asseres desunt, quibus inferantur
Ossa! de fundo pelagi petendae
Funeris urnae!

En reos: parcam Lachesin queruntur
Pensa de vili glomerare lana:
Nec colum totam dubitant trementi ad- 15
nectere malo.

Unus in remi quoque forsán usum
Fregit, ut stanteis agitare undas;
Alter intextae data vela vitae in
Carbasa vertit. 20

Di maris, cur non prius obruistis,
Quam reversura Minyae carina
Magna dissecti traherent in unum
Foedera mundi?



Ad Reginam Coell.

Cum eam Serenissima Electrix

*Maria Anna ad eiusdem statuum in foro Monacensi
erectam publicis votis festoque symphoniae appara-
tu sub occasum solis pie deveneraretur. A. M DC XL.*

O D E XV.

Descende coelo, filia Principis,
Pulcrosque gressus figere Boicis
Dignare terris: qua vocatae
Austriacas Marianna palmas
Tendit, columnam virgo supervola, 5
Tecum solutis alma Salus comis
Et Pax ligatis ac verendo
Cana Fides Pietasque vultu
Comesque vadat publica Faustitas
Et plena cornu divite Copia, 10
Quam naris emunctae Voluptas
Inter eat graviore passu.
Venit: serenum fulgure scinditur;
Venit, canoras iungite tibias
Albaque dignatam videri 15
Nube super celebrate laeti
Cives patronam: seu rapidus calor
Exurit agros, seu nimio seges
Humore suffocata sterit,
Seu penitus glacialis imber 20

Messis iuventam stravit et ultimis
Afflixit oris, seu fera cladibus
Bellona vestram, seu veneno
Atra lues populatur urbem:

Quae tecta pestis cunque subiverit,
Morbis et armis Diva medebitur;
Saevumque vel diffinget ensem in
Sarcula frondifluamque falcem,

Vel in feroceis Massagetas retro
Suecosque vertet: mox melioribus
Ridebit astris purus aer
Et Zephyrus recreabit arva.

Tum vero grandeis efferet altius
Ceres aristas mellaque lubricis
Labentur e truncis et omneis
Sparsa ruent peragrare vicos.

Ripas inaudax Isara transgredi
Intra modesti fluminis alveum
Tenebit undas, ni refuso
Lacte fremat tumeatque musto.

Audimus haec, et supplice praesidem
Nondum sonamus carmine Virginem?
Io tubarum clangor aera
Rumpat, io resonent choraulae!

Ordimur: o cui dimidii sumus 45

Genuque strati fundimur in forum

Late coronatum lucernis

Vespere iam numerante stellas,

Occurre votis et Bavaros Duces

Affla benigni Numinis halitu. 50

Tu robur afflictæque scutum et

Dulce decus patriæque mater,

Iuditta nostræ pulcra Betulæ;

Tu spes senatus; tu populi salus,

Ducisque natorumque et urbis. 55

Gloria lætitiæque causa.

Te Gotthus hostis, te mare Balthicum

Marisque rector barbarus horruit.

Cantamus audiri per axes

Aetherios et utrumque solem. 60

Te mollis Indus, te Brasili quoque

Noscunt et auri dives Arabia,

Inops et umbrarum Syene.

Te ruber Oceanus tepenti

Adorat unda, te canit ultima 65

Et prima tellus, te colit Aethiops

Crispum renodatus capillum et

Ora niger niveusque dentem.

Ad Molardum^o Bucconem.*Cur a Stoicis secesserit.***O D E XVI.**

Musa, quid exhorres? res est vulganda Ca-
moenis,

Ne plureis malus inquinet error.

Prodimus arcanum: pudet ah pudet edere, cuius

Nuper eram pars magna, Molarde,

Inter sessores et nos consedimus illos,

Qui pressa cervice laborant.

Me Bruti effigies et vox audita Catonis

Nil animo servile ferentis

Et duo praebentes Annaei colla Neroni

Impulerant admittere gibbum, 10

Sic tamen, ut posita Fortunam Fataque supra

Cuncta vehi formidine mallet.

Optabam fronti duplices inducere rugas

Bisque macer torvusque videri,

Inque modum statuae, qualem vel Cecropis olim 15

Vel cives posuere Quirini,

Altior e populo cornutum tollere fastum

Et tussim iactare sonantem.

Dum Senecam volvo et magnae solatia mentis

Promittit Lucilius, eheu! 20

Stoicus intravit tacito praecordia lapsu

Et fixis radicibus haesit.



Quidquid conabar, fuerat sententia, saltem
 Spuma fuit verbosa loquentis.
 Iamque ab Epicteti factus niger ora lucerna 25
 Gaudebam fuligine tingi.
 Tunc primum tetricas ausus contingere barbas
 Hirsutis sociabar amicis.
 Percute, Musa, lyram: retro vestigia torsi,
 Cum vidi contraria votis. 30
 Credideram nullo praestantia pectora motu
 Turbari subitave procella.
 Hi sunt, quos intus iactantior Aeolus Euris
 Pulsandos committit et Austris.
 Saepe nec in Siculo tam saevum carcere bel- 35
 lum,
 Quam vapido sub pectore fervet.
 Hi sunt, qui cupiunt terrentque audentque
 paventque,
 Quos odium, dolor, ira flagellat.
 In placido regnat formosa Neapolis ore:
 Corde flagrat fumante Vesevus. 40
 Quid? quod et in faciem furor exit et in-
 tima toto
 Ex animi ciet aequora fundo.
 Flant Boream nares et pleni sulphure vultus
 Fulmineis arsere cylindris.
 Tunc lingua in vappa dentesque in vulnere 45
 strident;
 Tunc crabro circumvolat aureis.

Sunt aliqui tantum propter fastidia nati :

Hac anima septemplíce vivunt,

Inter Aristarchos ut sint urtica minaceis,

Et magnum laudentur inane. 50

Interea raro, quanquam intonuere profunde,

Respondent praeconia verbis.

Vallibus irrepunt alto de monte locuti :

Fraga iacent cedrique videntur.

Fortiter Herculeis invadent omnia rhonchis : 55

Somnus erunt, quae caetera tentant.

Ad Ludovicum Sonnam.

Inconstantiae rerum humanarum.

O D E XVII.

Alternis mistis gaudia lacrymis

Ubique cernas: dissocias licet,

Rursus coibunt, se sequuntur

Et fugiunt vicibusque certis

Mutant habenas, saepe oculo simul 5

Sedent eodem. Tu Charitum prius

Trium resolves, Sonna, nodum,

Quam trepidas ab honore curas

Et nexa laetis tristitia separe.

Cui dulcis ori risus inambulat, 10

Mox flebit uxoremque caram

Inter opes puerosque linquet.

- Haec fata ~~sera~~ nuper Achillem
 Ursere nostrum, qui citharæ sciens
 Et dives et pulcer repente 15
 Heu viduam iuvenis reliquit.
 Peiora narro: filia Scandolæ,
 Rosina Maiis Idibus edita
 Et ducta Maiis nocte prima
 Brachia destituit mariti. 20
 Adhuc fremebant carmina nuptiis,
 Cum sponsa toto frigida corpore
 Ut funus assedissee mensae
 Dicitur exanimis reperta.
 Albam Voluptas saepe togam dabit, 25
 Quam sumet ater Luctus et induet
 Baccisque non istos in usus
 Dispositis sua colla cinget.
 Nectente florum sarta Thalassio
 Invisa spinas adsuit Eumenis, 30
 Somnoque mortem Parca iungit
 Delicias onerare praesens.
 Sic taeda nigros in cineres abit,
 Et in cupressum flammea vertitur
 Votis tot exoptata pinus: 35
 Sic Venerem Libitina pellit.

Ad Divam Virginem.**O D E XVIII.**

Ne tibi servi sit, amor pudori
Plurimo quamvis vitio rubentis,
Culpa si Matrem mea te secundi
 Fecit Adami.

Ter quater felix fuit illa culpa. 5
Non nihil certe bona Virgo primae
Debeas Evae: memor usque scis et
 Scire fateris.

Inde tam dulces veniunt sagittae,
Corda quae pleno scelerata figunt 10
Impetu nervi vacuantque totum in
 Crimina pondus.

Inter insonteis niveosque vitae
Unice nolis habitare cygnos:
Plus tibi corvi dederunt honoris 15
 Moribus atri.

Ad Florentinum Cedrum**Pedemontanum.**

Commendat illi sua Lyrica.

O D E XIX.

Ne sperne nostras, Cedre, superbior ;
Arbos myricas. Quanquam animo supra
Colleis poetarum in supremum
Phocidos emicuisse montem

Testatur omni Melpomene ingo, 5
Demitte vultum et sacrifica manu
Attolle reptantem per herbas
Saxaque relligiosa Pindi.

Te sarta Flacci molliter ambiunt
Gaudentque crineis lambere conspicios 10
Horroris erectique Phoebi,
Te satura tegit umbra lauro.

Olim et canentem callida patriae
Agnovit Echo: nunc sacer Alipes :
Salutat hinnitu et patenteis 15
Bellerophon tibi cedit alas;

Dum non, in alto stans, pede proteras
Imos negata difficilis via
Nec Hippocrenen solus omnem
Evacues phiala tyranni. 20

Commune malis, quo frueris, bonum.
Fons vivat orbi. Sic age, Pindare,
Assuesce possessor deorum
Pauperibus placuisse Musis:

Catulliano Mantua passere 25
Non indigebat, Virgilio tamen
Verona misit. Luna stellis
Cingitur; exuvias ferarum

Diana nullas respuit; Appulo
 Spicam offerenti dives opum Ceres
 Arridet, et solvunt in aequor
 Ionium fluvii minores.

30

Ad Io. Bapt. Roremundum,

Alsatum sub Sueco exulem in Helvetia.

O D E XX.

Mitte quam calces, Roremunde, terram:
 Quaere, quid cernas; oculos in altum
 Tolle: non distat magis hoc ab illo
 Exsule coelum.

5

Luna, sol, stellae celeres rotantur
 Semper in gyros rapido meatu.
 A quibus vivens alimenta sumis,
 Disce moveri.

Peste non motus vitatur aer.
 Stante Neptuno pelagus putrescit.
 Noxium languent pigra dormiente
 Corpora vento.

10

Bella damnosam prohibent quietem,
 Segnium purgant scelus incolarum.
 Patrio fixum nocet esse fundo
 Arboris instar.

15

Quin et haec ramos posuisse laeta, :
 Deiici clivis Phrygiove luco
 Gestit, ut velis vaga curiosis
 Aequora lustret.

20

Saxa Getula quoque caesa rupe
 Exteri fineis aditura regni
 Trans maris Gadeis per aquosa Triton
 Caerula vectat.

Te piget cunis aviae relictis 25

Inter ignotas habitare genteis?

An super non est alibi beatam

Vivere vitam?

Alsatis tantum favet aura coeli?

Mollis hiberno viret herba campo? 30

Dulce maturi rubet uva Bacchi?

Omnia rident?

Helvetas felix sua sors in altis

Montium claustris etiam beavit,

Mellis et pressi tibi manat illic 35

Copia lactis.

Spumeis torrens niveus colostris

Mutat undantis vada flava Rheni;

Ductilis lentum natat in tenaci

Casens offa. 40

Sed meo pulsus lare cogor, inquis,

Vilis in pagi stabulo latere;

Sacra non aedes ibi, nulla turvis

Nullaque Musa.

Sive sub plaustis habites Trionum, 45

Sive desertae prope belluosos

Africae saltus: ubicunque virtus,

Hic puto templum est.

Ad Ludovicum Ibbium,

Nobilem Austriacum.

O D E XXI.*Sueco evastante Germaniam admonet periculi.*

Allegoria.

Vides, ut omni Mars Alemanniae
 Incumbat, Ibi: iam casa Baucidis
 Acronianae tota sedit
 In cineres Iove nil vetante.

Captiva Boii regia Romuli 5
 Diu sub ictu constitit Attilae
 Experta librantem tyrannum
 Vulgi animas Senonumque lancem.

Romam requirens Alsaticas novus 10
 Alpes aceto subruit Hannibal
 Et iam catenato paventem
 Ire Pado Tyberim laborat.

Carthago triplex bella Bohemiae
 Resumit armis; Scipio Balthicus
 Instat Numantiniis, tenetur 15
 Et Tenedos: Priamo timemus.

Portas Viennae claudite, Dardani.
 Ridemur: hostem non metuit Dymas
 Securus et cratera vino
 Iphitus ac Pelias coronant. 20

Cassandra dormit, laeta Polyxena

Exultat, eheu Deiphobi domus

Dedit ruinam: nec cavebit

Proximus Ucalegon favillas?

Ad D. Virginem.

*Cum sub vernum tempus anni M. DC. XLI. saeva
lues timeretur.*

O D E XXII.

Diva prostrato facilis clienti,

Quae pio mulces pia vota nutu

Et preces fusas miserorum avara

Ebilibis aure,

Aeris crudum remove vaporem,

Hesperum mortis; placida venenum

Luce castiga radiisque iniquos

Discute soles.

Sic tui laudeis generis tibi que

Semper haerentem Puerum canemus

Laeta pallentis violas daturi

Tempora circum.

Ad Bernardum Labruclum.

*Adspiranti ad Cynico-Stoicorum sectam difficultatae
rei summam dignitatem praeponit.*

O D E XXIII.

Si vis, Labruce, vivere Stoicus,
Inquire primum munia nobilis
Moreisque stoeae, ne sinistram
Clazomenes tibi vellat aurem.

Sessor futurus perpetuum nigra 5
E fronde taxi deprime porticum.
Nec, si quis ingenti Liburna
Manlius hexaphorove vectus

Lucullus adstet, vel Macetam deus
6 Regale spirans praetereat, Iovi 10
Surges, apricanti rogabis
Cedere dimidioque soli.

Squallore deges obsitus et sciens
7 Foetere docte. Vestis Achaicae
8 Lodex abollae: pera, qualis 15
In scapulis Cynici, pendit.

Vis et trinodi fuste nocentius,
Prodesse vulgo? autile dolium
Tuique testam vix capacem
In poplites duplicatus intra. 20

Clamosus ex hac omnibus immine

Conviciator: Moribus asperis

Accedat imperusque crinis

Et facies cariosa rugis;

Quales anilis simia sculperet 25

Sidente bucca. Praeterea Ceres

Semesa, flos farris canini,

Musque nigrae parasitis, ollaeq; et;

Quae prima des est, intolerabilis auri

Contemptus auri. Sin lubet egredi, 30

Morosus emolire passum

Mors domum coehleas ferentis;

Claroque solem quaciere de die

Usus lucernae subsidio studeo

Sed cur fatigeris? viator 35

Curret Aristoteles Athenas;

Multo sedebis tutioribus situ

Saxum cavabis; post, ubi spongiae

Affixus in mores cavernae

Senseris intumuisse gibbum, 40

Stupere disces. Hic labor, hoc opus

Punctumque honoris. Nos faciem malis

Mutamus, alternis beati

Ac miseri patimurque maneis;

Fletus cachinnum, gaudia postumi 45
 Pellunt dolores; spem minuit metus,
 Auget cupido; vincit ira ac
 Vincitur et redeunt amores;

Cum plebe tristes ac madidi sumus,
 Cum plebe sicci; si soboles perit, 50
 Apparet in vultu parentis;
 Si pater, ingemuere nati;

Vulgaris est obnoxia fluctibus
 Natura et omni vertitur Aeolo:
 At tu, Labruce, semper idem, 55
 Semper eris lapidosus Hermes

Et truncus intractabilis; omnia
 In antecessum praecipe: dextera
 Fortuna cognata est sinistrae,
 Saepe bonis avibus recedens 60

Male ominatos miscuit alites.
 Nascetur infans, natus et occidet.
 Molesta vivet, dulcis ipsos
 Ante oculos morietur uxor.

Sed lacrumari marmoreus vetat 65
 Chrysaippus; et Spensippus ab hispido
 Zenonis induratus ore.
 Nec gemitum pedes pressus edit.

Inter tonanteis tu quoque machinas
Lapsumque fulmen stabis ut antea 70
Immotus et perstabis usque im-
mobilior Siculo Peloro:

Ceu viva rupes. Seu iaculis pluât
Seu ningat hastis, impavido necis
Et tauriformi cuncta vultu 75
Despicias metuendus ipsis

Quandoque Fatis. Fortis opinio
Necat dolores: finge proboscidem
In tempus impactam aut equino
Verbere contremuisse coxas: 80

Dices Quis ohe me lepidus culex,
Momordit? Ictu laesus arundinis,
Qua vim luporum pastor arcet,
Scirpus io habet iste nodum,

Constans severa fronte iocaberis. 85
Nimbo madentis sub scaphii quoque
Paratus impleri vel instar
Andabatae tenebras secantis

Transibis imbrem multa loquentium
Et officinas litis inobsequens 90
Angore vel cura gravari.
Haec animo: bene mi dederunt

Zenoniani vivere: nil amo,
 Nil concupisco; non gemo, non fleo,
 Non expavesco; Di beati 95
 Haud aliten super axe vivunt
 Divumque rector. Si potes et tuum,
 Bernarde, iam nunc propositum cupis
 Urgere, rescribes: quotannis
 Conveniam et silicem videbo. 100

Ad Andream Falconem.

Ocularum custodia.

O D E XXIV.

Natura castis solibus imbuat
 Rudes ocellos. Prima Venus suo
 Infecit igni, prima fumo
 Virgineum vitiavit astrum.

Ex quo repertas sustulit Idalis 5
 Damnosa taedas et faciem sibi
 Descripsit armandam Voluptas
 Illecebris, in amore, Falco,

Ictus periti sunt oculi daces,
 Timenda belli sunt duo fulmina. 10
 Et hi suas quamvis pusilli
 Scipiadae iaculantur arca

Frontis sagittas, quam procul avolant
Periculosae missilium faces!

Grassatur a visu venenum 15

Inque iecur maculas refundit.

Ne plena noctu Cynthia verberet,
Claudis fenestras: splendidius nocet

Diurna quae Propertiano

Cynthia digreditur cubili. 20

Ad Hieronymum Casanellum.

Terrenis opibus neminem beatum fieri.

O D E XXV.

Ne tuos iactes, Casanelle, census,

Dona Fortunae leviora. Quivis

Divites inter queat esse felix,

Nemo beatus.

Dos, opes, fundi, pecus, aula, fascēs, 5

Nuptiae vulgi bona sunt: sed illa

Inter et temet spatiosus inter-

cedat Olympus,

Meta votorum. Cave summa dicas,

Quae rubro spissus vomit Hermus amni. 10

Copia rerum miser est, petitis

Quisquis abundat.

Qualis in ponto natat umbra montis,
 Ipse mons nunquam comitatur aurum
 Et voluptates levis umbra gaudi, 15
 Gaudia nunquam.
 Verius gaudere cupis? ligatus
 Scinde curarum laqueos: paventeis
 Nostra nos reddunt, aliena tristeis,
 Utraque vanos. 20

Panegyris lyrica

Rusticanae puellae Bavarae

*miro strategemate pudicitiam suam adversus Suecos
 defendentis.*

O D E XXVI.

Rus ire mens est. Tu quoque florido
 Decore simplex, heu sine nomine
 Canenda virgo, linque tristem
 Sandapilam melioris aevi
 Sponso dicatis digna cubilibus. 5
 Quae diva pulcros edocuit dolos,
 Comesne venatrix Dianae
 Opis, an ingeniosa Clio?
 Virtute certe te memorabilem
 Ignota reddis. Cum trucis Attilae 10
 Bellona saeviret dolendam
 Virginibus meditata stragem,

Procul coactis ire sodalibus
 Puella nostri gloria seculi
 Restabat in pago decora: 15
 Sed subito Getici tumultu

Praeventa Martis, — pauper et innocens
 Formaeque custos quid faceret Pudor,
 Ne vi minarum vel protervo
 Militiae caperetur astu 20

Turpi futurus praeda libidini? —
 Se se feretro composuit cata
 Latere vel sic inter ossa et
 Terrificas Amaryllis umbras

Parceque ductum naribus halitum : 25
 Avara pressit. Dixerat Hoc toro
 Dum casta vivam, cur recusem
 Funereum simulare somnum?

Subi cavernam, virgo, subi; neque
 Horresce maneis et superos tuos 30
 Sollertiter indulge sepultis.
 Sunt et habent aliquid beati

Squalloris umbrae: certius effugis
 Hostem iacendo; tutior invia
 Servaris arca; funus extra 35
 Invidiam furiasque serpit.

Quaeremur: esto. Caprea fervida:
 Latrata votis inveniar licet,
 Inventor absentem putabit,
 Quo propior, minus impudicus. 40

Lectica mortis nil Veneri facit.
 Praecupiavi fata; neopessitas
 Absolvit inceptum cadaver:
 Possideo sacra iura laeti.

Sic conquievit. Vis canis interim: 45
 Odora Sueci per spelus omnia
 Supinat indagatque oervas:
 Una latet; ter operta ligno

Inambulantem non sine murmure
 Adesse sensit, ter facio loci. 50
 Abire delusum: feruntur
 Funera vix tenuisse risum.

Huc, huc resectis labere crinibus
 Supraque castam floe Amaryllida
 Laetare dispergi: caducos. 55
 Huc violae reserate nimbos.

Non bellis absit, non casiae eges
 Spicaeque nardi et germina Persiae
 Marisque roras et perenni
 Forte vires, amarantus aëvo. 60

Haec fixa ruri gloria posteris
 Miranda surgat. Quid precer urbibus,
 Quarum puellae rubra gestant
 Dona maris teretesque collo

Candente baccas et Tyrianthina 65
 lactant severam in cyclade virginem?
 At non et audaces procantem
 Fallere deposuere sarta.

Huc, huc adustis consita carduis
 Urtica lappaeque et tribuli, novum 70
 Stipate caepis; necte, Clotho,
 Stramen et his propera coronam.

O D E XXVII.

*Lyrica sua in silvis amissa indicto volantis spi-
 nulli sub arbore populo reperta esse, laetatur.*

Sunt vates Superis io
 Curae. Vos socii, plaudite; Repperi
 Centum carmina victimis
 Constatura mihi, qualibus Atticum
 Mactat Pythagoras Iovem. 5
 Magna parte mei non ego gaudeam
 Inventa? Fugiunt dies,
 Soles intereunt. Sub celeri rota
 Aevi quadrupedantibus
 Velox tempus equis proterit omnia: 10

Coelo Musa tamen beat,
Vatem Musa suum grata vetat mori.
At tu, spinule, quem vagis
Mutantem nemus ac nubila saltibus
Sectato bene reddidit 15
Seu fortuna suam seu Deus arborem,
Quaesitam meritis feres
Laudem nec minimarum ex avium grege
Indonatus abiveris.
Quanquam nulla tibi gratia simias 20
Affandi volucres, neque
Certas flumineis parvus oloribus:
Tantillus tamen et places
Et maior reliquis semper habeberis.
Neu se pica, loquax genus, 25
Sturnusque aligerum conferat histrio:
Aut quae Bistonium soror
Luget flebilibus quæsta modis Ityn.
Felix spinule, tu quoque,
In cuius iacuit depositum sinu 30
Subter florida brachia,
Fies nobilium populus arborum.
Hinc iam sarta mihi petam
Lauro posthabita, quando nec Herculem
Prostratis puduit feris 35
Albenti folio cingere tempora.

Ad Virginem Matrem*in foro Monacensi.***O D E XXVIII.**

Mater illimi generasse partu
 Laeta maiorem Genitrice Natum:
 Huc ades, qua te simulat columnae
 Stantis imago.
 Semper intersis populo benigna,
 Quem foro multum medio tueris
 Aureum lucens et amicta pura
 Veste diei.

5

Ad Infantem Iesum*in Bethlemio specu.***O D E XXIX.**

Quoniam nate in usum laetitiae Puer,
 O Matre pulcra Parvule pulcrior,
 Eburna cuius colla, vivae
 Labra rosae violaeque crines
 Et bina gemmae lumina flammesc.
 Palam latentem virginea Deum
 Sub nube produnt, o venustas:
 Clara Patris liquidaque vultus.

5

Innube verum, quis, Puer, impetus
Ab usque coelo quaeve potentia 10
In vile rupis traxit antrum
Ad pecudes stipulasque bruma

Heu flante nudum? Quid dubium taces
Udisque fletu nictibus absilis?
Celare sperasti paternum 15
Posse genus genitumque Numen,

De luce lucem? Scimus, ut Africum
Eurumque et Austros et Zephyros super
Auriga mundi tam per igneis
Quam medias equitaris undas. 20

Tu vasta ponti, scimus, et arida
Terraë replesti: frugibus uberes
Risere campi, squama flumen,
Penna leveis agitavit auras.

Tu, cum sereno secula fuderas 25
Ex ore, longis tractibus aethera
Metatus astrorum decenteis
Diceris explicuisse turmas

Fulvisque Solem, sed niveis genas
Signasse Lunae purpureas notis. 30
Tu mentis aeternae figura et
Candor inocciduique pulcri

Caligo lucens. Nosceris, o Puer,
 Nec emicantem dissimulas Patrem,
 Ah digne non isto cubili, 35
 Digne Puer meliore lecto!

Ad illustrissimum dominum,

Lidvinum Piccolominium.

Dies Alcyonit hinc laeta vita.

O D E XXX.

Ite flantibus Notis
 Nautae Columbi Nonique Blasoi:
 Ultimum licet fretum
 Laborioso permeate sumptu,
 Nobiles Promethei 5
 Iovis secundi. Primus ille praedo
 Nubium sacros manu
 Detraxit igneis miscuitque limo:
 Vos nivalis invia
 Secreta ponti fluctuante pina 10
 Abditosque gurgites
 Lustratis auri gloriaeque fures,
 Longa post pericula
 Ipsimet olim belluis futuri
 Nereoque victima. 15
 Sed tende velum gens avara poenae:

Grata me iuvet quies

Et innocentis blanda cura plectri.

Tutius domestica

Per stagna puppis ambulat Minervae, 20

Quam remota Tethyos.

Cur rubra ponti verberatur unda

Remigum tot ictibus?

Cur transtra sudant et frequens Iberus

Caerulum ferit bovem 25

Superque vino fusileis procellas

Exta porricit, nisi

Ut sternat aequor turgidasque gemmis

Grandibus puerperas

Piscetur audax imminere conchis? 30

Dulcis hic furor sitim

Accendit, haec ad invias cupido

Vota ducit insulas

Impletque veris vana corda monstris,

Haec rudi docet trabe 35

Spes ferre fluxas et timere mortem.

Stulta plebs amat sui

Causas doloris limpidumque toto

Axe gaudium fugit,

Ignara dono turba lucis uti. 40

Non et Indicis ego

Dignabor oris applicare cymbam:

Vixerim beatior,

Si memetipsum navigare pergam,

Proximi sinum maris, 45

Simque ipse Tiphys, clavus, aura, portus,
Ipse solus omnia.

Nullis gravabo mercibus saburram
Litorumque brachia.

Nec indigebo: pauperes requirant 50
Multa, divites habent.

Inops fatetur esse, quisquis optat.
Non rubebo murice,

Nec erubescam, qua foras lacerna
Prodeam: quid interest, 55

Pictusne tauri sordido cruore,
Purpuraene sanguine?

Uterque pomi lividus veneno
Arguit reos color.

Abeste curae, squalor, ira, luctus. 60
Solis in tenerrimas

Iucunda sensim vita stillet horas,
Ut quod est satis velim,

Quod plus recusem; non acuta pectus
Lancinet molestia; 65

Non urat ulcus invidi, nec uram:
Fata quo loco sita

Sinam iacere corridente mundo
Semper integer meus.

Mecum, quod albo narrat ore Fama, 70
Liduline, si facis,

Magnetis usu commove Tridenti

Ferrei notas stili:

Ego Monaci literas et orbem

Arte dividam pari.

75

Sic sensa mentis excitata cuspis

Indicabit eminus.

Aut, si poeta non tacere mavis,

Thespias fides age,

Simul colorem prima sparsit Eos,

80

Itala feri manu:

Mox nostra respondebit ad sonantis

Isarae vadum chelys.

Utrumque dulcis alloquetur Echo

Et monebit Alcyon

85

Fori tumultum posthabere Musis

Otioque Pindari.

Mens pura semper vivit in sereno.

Ad illustrissimum D.

Philippum Brevanum.

Cum auctori antiqua numismata monstraret.

ODE XXXI.

Utcunque gleba subter Achaica

Crepat refossi lamina Caesaris

Detrita Romanisque nummus

Squalidus eruitur sepulcris,

Nostrate gaza carius aestimas
Placetque gemmis gratior omnibus
Concisis in vultus minutos
Materiae veteris tyrannus.

Flammatus, inquis, sic oculos Nero,
Sic Hadrianus, sic pater Aelius, 10
Sic antecedentes ferebant
Ora Titi Solymis timendi.

Bos Iulianum cornibus indicat,
Phocam securis. Quam bene barbari
Fastus et atroces in auro
Stant animi! iuvat intueri

Rubiginosas saevitiae notas
Vinctaeque laurum frontis et asperi
Stellas renidenteis capilli
Et trabeam volucremque conto

Supervolantem. Quadriiugos agit
En Nerva currus victor et aetheri
Sublimis immittit triumphum!
Ipse sedet minioque pictus

Lucunda plebis iurgia digerit
Spectante Roma: tristis et aspici
Depressus horret signa Dacus
Ante Iovis feriendus aram.

Haec curioso nuper imaginum,
Philippe, visu multus obiveras: 30
Inscripta mirabar metallis
Signa quidem faciesque prisco

Horrore fractas, te potius tamen.
Ex quo loquentem prisca Boethium
Gracchosque et antiquum Catonem 35
Ac Fabios mihi consulares

Audire visus, nil pretiosius
Desiderabam: pectore in unico
Se tota spectandam vetustas
Exhibet historiisque ludit. 40

Verendus annis iam propioribus
Sisti sonantem Dis animam bonis
Fers in senatum, viva Scauri
Effigies Thraseaeque magni.

Namque et benignus candor et inclytæ 45
Magnaëque mentis copia fulgurat
Ruptura per quascunque nubeis
Consiliis agilique telo

Sagacitatis. Tu bene perspicax
Ventura tangis pollice Delphico, 50
Doctusque coniectare verum
Luce frui potes obserata.

Ad Ioannem Tarandam.*Iuvenem se scribendis satyris operam dedisse.***O D E XXXII.**

Ille ego primis iaculator annis
 Certus audaci satyra ferire
 Punicas aureis inimica tandem
 Peila recondo.

In suas traxit Iuvenalis olim
 Fervidum parteis rabieque sacra
 Imbuit venam velut acta taedis
 Volsca Mimallon.

Robur et vireis animosque et iras
 Flaccus addebat sale maceratas,
 Persius bilem stimulavit et Lu-
 cilius atram.

Cui laccessitus timide peperci?
 Quem tuli nostros male provocantem
 Zoilum nervos? quot ad usque restim
 Paene coegi!

Semper armatus gradiebar instar
 Hystricis retro meditantis ictum
 Omnibus membris in arundinetum et
 Spicula versis.

Nunc in obliquum celereis iambos
 Et Lycambeo madidos cruore,
 Nunc in adversum redeunte penna
 Vulnera fixi.

Mitius quondam furit orba tigris Ante speluncam, minus Ursa maior Iam bipes saevit, minus icta calce Vipera mordet.	25
Flevit ultrici furiale Muffo Taurea caesus vomuitque flammam ; Saeva per crassas micuere Nelli Fulgura nareis.	30
Risit iratus Maracipsa moestum Vique seposti stupuit doloris Et femur supra posuit trementis Vincula surae.	35
Vappius nostros ubicunque vultus Nunc quoque incurrit, fugitivus horret, Atra ceu tristi Nemesis sequatur Terga flagello.	40
Dum novum morti speculatus hostem Cote liventeis acuo sagittas, Ecce vindictae subito resedit Dira cupido.	
Defluunt arcus subeunte molli Pectoris costas animumque sensu, Et repentinum lupo, o Taranda, Mutor in agnum.	45
Non libet duros iterare caestus, Languet exermi genuinus ore : Rixa cum primis calet orta verbis, Cedimus ultro.	50

Semen irarum remove velox
Nil Volaterris modo, nil Aquino,
Arduis totum sed enim Sabinis 55

Debeo plectrum.

Quod cano, flos est vel amica Virgo
Vel nemus sacrum riguique puris
Fontibus colles et amans sororis
Gratia nodum. 60

Vivo me plenus, nihil appetendo,
Neminis sternax, et utramque sortem
In sinu porto, neque iam timendus
Vitor ab ullis.

Inter admissus socios cuivis 65
Laesus ignosco, licet immerentis
Saepe latratum caput obstrepens ca-
lumnia pulset.

Candidus morum quoties amarus
Audio risus! quoties ad arma 70
Tardus irritor veterem monendus
Stringere versum!

Abnego ferrum tamen et duella.
Omnibus coecum videor cadaver,
Quod viri iuxta puerique pronum im- 75
pune supinent.

Hic manu nasum trahit, ille barbam
Vellit ac crineis maciemque magnae
Consciam famae pavidus tueri
Cominus audet. 80

Qualis Androcli leo mansuetus
 Fertur Albanos habitasse monteis
 Arva securo grege caprearum
 Praetereunte.

Scilicet probris oneratus omni
 Dormiam vulpi, patiarque plebis
 Improbae maneis tacitusque nulli
 Iusta reponam. 85

Surge, Samsones imitate vates,
 Et Philisteos super ire momos
 Hinc et hinc uno geminas tumultu
 Sterne columnas. 90

Ad Didacum Walorsclum.

Humana vita laboriosa navigatio.

O D E XXXIII.

Delicatum et timidum senem irridet.

Res est seria vivere.

Si nescis, pelagus, Didace, navigas:
 Naulum, seu veheris, dare,
 Temet sive vehis, pendere cogeris
 Vectigal domino maris. 5

Haesuras animo pende molestias:
 Quo te cunque feret Notus,
 Mortis pende metum; discе malis miser

Occallescere nauticis:

Semper vita fuit triste negotium. 10

Ipsa quin adeo, licet

Ad litus cinerum ieceris anchoram,

In portu tumulaberis,

Tecum et fracta ratis, corpus inutile, et
Membrorum lacerae trabes, 15

Rostratum caput ac remigium manus
Sentinamque uterus trahens

Cum prora et vacui puppe cadaveris.
Scribetur super asserem:

Hac fossa situs est nauta Vvaloracius, 20
Unus quem superaverat

Squalore ac macie terribilis Charon.
Is contemptor opum fuit,

Sed vitae pariter sordidus Euclio
Aevique insatiabilis. 25

Quum fatum tacitis passibus ultimum
Aegri reperet ad pedes,

Questus multa Deos ingemuit rapi
Immaturus, et annuam

A duris petiit coelicolis stipem, 30
Accepitque biennium.

Atqui lustra senex bis tulerat novem
Curvo vertice depilis.

Tandem desperiit non sine lacruma.
Ergo, o quisquis amicior 35

Huius saeva freti litora praeteris,

Viso fragmine funebri
 Urge flebiliter risibus heic situm,
 Et moto male caespite
 Obstructis tumulum despuce naribus.

Ad exules Alsatas.

Mala quaevis fortiter ferendu esse.

O D E XXXIV.

Ergo aut supinae saxa Tiroleos
 Hirtasque rupes, nobilis Alsata,
 Aut inter errabis propinquos
 Helvetiae miserantis agros,

Heu ipse quondam gentibus horreum 5
 Commune natus, cum licuit super
 Pendentis auctumni racemis
 Ducere purpureum liquorem

Ad rubra labris vina crepantibus!
 Arante Suevo iugera patriac, 10
 Metente Burgundo, sedebas
 Ipse tui placide quietus

Spectator anni: pro miserae vices
 Et fata rerum! ne Cereris quidem
 Lacuna pallentis recocta 15
 Fruge sitim lutulenta pellit.

Iam non in umbra sub platanis anum
Rangensis urit vinea pauperem,
Nec Tusculanae dulcis uvae,
Qua propior sua cuique vitis,

20

Accendet ullas flamma cupidines.
Eheu Saguntum et dira Numantia
Famesque letumque et cruentus
Ante oculos populator errat!

It torvus exul Vinmario fugam
Mandante, qualis colle Lucretili
Depulsus, aut quã valle primum
Cornua circumiere nata,

25

Taurus reducto pascua ruminat
Linquenda visu. Stat prope candida
Coniux et armenti magister
Attonitus: nemus omne mugit.

30

Ne vos, Quirites, lacryma polluat,
Neu questus oris foemineus sonet;
Frenate fontem: nemo vestro
Inde bibens gemitu fruatur.

35

Casus iniquos et Niobe docet
Vinci ferendo posse. Miser sui
Victoris ictus lambit ense
(More canis sibi vulnerato

40

Medentis) et sub verberè supplicat.
Nescimus eheu degeneres pati!

Contraque Fortunam triumphos
Ex populo reperere pauci.

Haec tota si non irruat in caput 45
Corpusque verset, qualiter arduus
Versavit Entellus Dareta
Ante bovem super arva fusum,

Nondum peristi quisquis es Alsata:
Resume vires, extrahe spicula, 50
Contemne proscribi: memento
Omne solum patriam esse forti.

Tuaene lato vis Ithacae focum
Praeferre mundo? Rumpere pertinax
Adversa servatos penateis 55
Fer per aquas cineresque tecum.

Hoc creber Anglus sole Britannico
Diductus, hoc et dux Telamonius
Tentavit Anchisaeque sanguis
Per Tyrios Rutulosque sparsus. 60

Quisquam paterna destitui gemis
Tellure? Nunquam vir bonus exulat.
Vindemia? Sed dulce mustum
Intra animos fluit atque venas

Liquens honestum volvere turgidae. 65
 Haec summa: Virtus quem comitabitur
 Abire compulsum Brisaco,
 Exsul adhuc retinet Brisacum.

Ad Simonem Russum.

Utopia.

Sive somnium de felicitate mundi.

Anno M. DC. XLI.

O D E XXXV.

Portor in regnum genialis aevi,
 Vallibus pronis ubi complicatae
 Imminent silvae reteguntque magnos
 Iugera campos.
 Quidquid optarunt avidi parentes, 5
 Quidquid in primis habuisse votis
 Fertur indulgens Epicurus, unum
 Fluxit in hortum.
 Sponte se tellus aperit viretis
 Laeta nec durum patitur ligonem. 10
 Arva naturae manus elaborat
 Absque labore.
 Omnis in frugeis veneremque turget
 Gleba foecundo satiata rore.
 Uxor Autumni gravidis tumet vin- 15
 demia mammis.

<p> Illa maturo redimita serto Pinguibus quamvis fluidam racemis Provocat Lesbion Rhodiumque solem et Molle Tarentum. </p>	20
<p> Quodque mirabar, manibus vel ore Palmes incisus minui negabat: Purpuram sectae nova semper uvae Induit uva. </p>	
<p> Aequor undanteis Cereale ventis Commovet spicas tumidosque messor Navigat culmos resecatque flavas Falce procellas. </p>	25
<p> Fontium vidi genus insolentum Vitreis audax pedibus salire Et super laetum vitulante lympha Pascua ferri. </p>	30
<p> Implet exundans alibi paludem Immemor trunci favus: unde centum Stagna nequidquam minuenda crasso Nectare pallent. </p>	35
<p> Trans lacum mellis riguosque saltus Edito clivus tumulo superbit Arva despectans virideisque tollit Vertice cristas. </p>	40
<p> Consitus cedris locus ac cupressis Arduum dextro caput iliceto Iactat obversum gracilique coelum um- bone salutat. </p>	

Quo simul pennis (agitare pennas
Mobileis somnus dabat) evolavi,
Colle devexo lepidae tuebar

Regna Napaeae.

Rauca mugitu sonuere saxa,
Quae sub umbrosis habitata silvis
Buculas servant placidique fessos

Sideris hoedos.

Quo vagos laetus fero cunque gressus,
Viva pinguntur varioque prata
Flore pubescunt oculusque vernat

Plurimus Argi.

Spina securo simul ungue tacta
Mitis eiecit rosa facta bilem,
Nec sui Cypris potiora liquit

Signa doloris.

Pervios vento subeunte ramos
Musici cantu strepuere luci.
Addidit flexus liquidamque vocem

Daulias ales.

Cuius intentus veteri querelae
Tereum toto resonantis agro
Ceu tuis solers, Ariadna, filis

Ducor in aulam.

Nixa centenis Nomadum columnis
Tota surgebat domus in smaragdos;
Lucidi vultum referebat auri

Laevis imago.

Obviae dicta Charites salute
 Sericam mensae posuere mappam:
 Mensa berillis solidoque scintil- 75
 labat ab Hermo.
 Larga successu superante votum
 Vina fluxerant, maduere nardi;
 Anser et circum volitavit ora
 Tosta coturnix. 80
 Russe, vis finem? Fucram̃ beatus:
 Quando me Morpheus abiit relicto,
 Heu simul divum citharis canorus
 Vanuit aer!
 Qualis humanae fugit umbra vitae! 85
 Somnium laeti vigilamus omnes.
 Obruunt mentem peritura vano
 Gaudia fluctu.

Ad Bernardinum Graffam.

Amnestia.

O D E XXXVI.

Lethen bibendum suadeo, non Styga.
 Oblivionis ducere poculum
 Et, cum remordentes lacesunt
 Invidiae, pepulisse sensum
 Iniuriarum, fortiter utile est, 5
 Pulcre severum. Foemina tristius
 Irata vindictam veneno
 Incoquat hippomanesque saevum

Medea tentet. Parce tenacibus,
Vir, prima clavis figere vulnera: 10
Laesus furem contumaci
Proposito crucia silendi.

Exulceratur plaga nocentius
Infossa fibris: quam simul eximis,
Simul manum placatus offers 15
Ore nitens hilarique risu.

Culpatur olim Iuno profundius
Odisse Troas: manserat altius
Pomo negato spreta forma et
Iudicium Paridis repostum. 20

Tu, Graffa, nolis cruda remandere
Amarulenti semina corticis,
Nolis querelarum feracis
Assiduus meminisse morbi.

Sed aut in udo gramine lividum 25
Falles dolorem, dum Zephyri tepent,
Aut cordis insanum leonem
Arte mea citharaque sistes.

Hoc more Brutum vicit Iulius,
Hic Ferdinandus evehit ad Deum. 30
Superbus ignovisse solum
Se stimulat timidisque votis

Indulget amens. Surdus ad aspera
 Audire laudeis iam meritas potest.
 Dis conferendus calcat orbem,
 Qui penitus sepelivit iram.

35

Ad Paulum Curmionem.

*Cum milites abditam eius pecuniam, indicio virgulae
 magicae repertam, effodissent.*

O D E XXXVII.

Quod Suecus aurum portitor abstulit
 Raptique lamnas classibus integras
 Avexit argenti, sonoro
 Astra feris ululata questu,

Addicte lucris Curmio: rectius 5
 Facture nunc, si trans mare Balthicum et
 Saevum relegares dolorem
 Atque metus gracileisque curas,

Si cum Molorchis laetus egentibus
 Malles honesta pauperie frui. 10
 Avulserit pirata nummos
 Barbarus abstuleritne, refert?

Quid damna desles? ille beatior,
 Non qui capaci plura tenet manu,
 Sed cui petenti pauciora, 15
 Imo nihil, videatur orbi

Fortuna prorsus numen inutile.
 Offert coronam? ni cupias, habes.
 Desiderata qui potitur,
 Paene caret. Cupiisse magna

20

Magna est egestas. Nil pete, et optimum
 Aequas deorum. Quidquid id est, taum
 Te, Paule, thesaurum retenta
 Mente bona nego perdidisse.

O D E XXXVIII.

*Sollicitudo auctoris de nomine B. Mariae Virg. suis
 lyricis inserendo: postquam in eiusdem sodalitate
 „Salve Regina“ decantari audiverat.*

Saepius Nymphae mihi dulce nomen,
 Sed nimis velox metuensque sisti
 Conor amplecti roseisque vatum
 Stringere vinclis:

Heu meam sortem! toties fugaci
 Ocior Daphne properante passu:
 Vota praevertit celerique gyro e-
 ludit hiantem.

5

Utque deprensum rear et canendi
 Gloria plenus Maria alta clamem,
 Exserit Tethys caput et vocari
 Se mare credit.

10

Conde, delusus repeto, marita Conde Neptuni. fluitantis aureis : Maximo frustra titulo superbis	15
Credula Nais.	
Alteram luctor cohibere pictis Carminum sertis, licet usque tardent Literae flecti fugiatque nostras	20
Syllaba legeis.	
Quod magis mirer, tamen illa virgo Mitis incedit, neque contumaceis Asperat vultus, neque dedicatis	
Vatibus obstat.	
Adde, quod nostras aliae camoenas Ambiunt famae celebris puellae Et suum gaudent faciles petenti	25
Mittere nomen.	
Adde, quod dotem mihi pollicentur Caeciliæ plectrum, Basilissæ regnum, Margaris gemmas teretemque baccam et	30
Germina conchae,	
Musa coelesteis hederas, pudici Pectoris laurum generosa Costis Et librum forti minio rubentem ac	35
Pumice rasum.	
Clara promisit diadema solis, Euphrasis stacten, oleique bullam Casta Walpurgis, grave vellus auro	40
Nobilis Agnes.	

An tuum mater iaculum Tereſſa
 Alitis ſacro rutilum pyropo,
 An tuae malim volucreis ſagittae
 Ursula pennas?

Muneris tanti bene reddor anceps. 45

Me iuvat ſaltem memorare gratas
 Virginum palmas, iuvat annuentum
 Laudibus uti:

Una ſe nullis ſinit illigari
 Liberam metris Helicone maior. 50

Una centenas gerit inter intra-
 ctabile nomen.

Forte vult cogi. Quid agis, poeta?
 Saepe, quod nunquam pudor aſſecutus,
 Coepit audendo violens amator, 55
 Ruris alumnus.

Hoc placet, nolo nimis eſſe comis.
 Vos novercales tetricaeque leges,
 Ite, quas olim citharae ſeverus
 Sanxit Apollo. 60

Quamlibet Graii Latiiſque vates
 Rideant, dicam Mihi cunſque ſalve,
 O pia, o clemens, o in ore dulcis
 Virgo Maria.

O D E XXXIX.

M. P. Wigonis gravissimas considerationes de tranquillitate animi doctrina S. Pauli firmatas Epicteti aliorumque Stoicorum verbosis sententiis praeferit.

Si Paulus gladium dedit,
 Servi ridiculus quo mihi pugio?
 Qui vultus nitidos cupis
 Naturae vacuis discere sensibus
 Et rebus male splendidis 5
 Fallacis folium demere bractee,
 Wigonem lege: neu mihi
 Occurrant solito murmure Stoici et
 Simi cochleolas Phrygis
 Fumantemque nigro lumine lampada, 10
 Neu cassas cerebro nuces
 Barbati pueri spargere gestiant.
 Odi torva crepundia et
 Pompam stultitiae nominis additam
 Et ridenda tonitrua. 15
 Caeci Tiresiae, Pythagorae truces,
 Vano nomine Pittaci
 Vitam Cecropiis sordibus inclytam et
 Ventosum siliquae genus
 Incoctaeque fabis vasa scientiae 20
 Et fronteis adamantinas
 Contra fata crepant non sine lurido

Fastu nec tolerabili.

Idem degeneres oris et horridi
Culpis mollibus arduam 25

Virtutem resonant, sed vitiis tument,
Irritauer ignei et
Sopitam faciem fingere callidi
Aetnam mente coquunt: simul
Intra tabifica bile nigrantia 30
Vindictae canis appetens

Exercet rabiem viscera Sirius.
Calvi, cedite, Stoici.
Non et Wigo meus talis ad aethera
Fertur: per nebulae globum 35

Pura luce micat, lenis et efficax
Et verbis placide potens
Verum grande monet; certius arguit
Errores praeceuntium
Accenditque facem pone sequentibus. 40

Contentus medio tamen
Riparumque memor semper et Icari
Nec rerum nimius fluit
Nec stillat modicus nec volucrem polo
Cursum dirigit altius. 45

Veras, inquit, ama divitias, Dei
Mens immane capax, opes
Te dignas et eo, cuius imaginem
Iam divis propior geris.
Cur larvis inhias? quid cupide vaga 50

Vilem spargeris in pilam
 Frustis, qua recidit, dissilientibus?
 Felix, qui nihil aestimat,
 Nil mortale petit, perpetuum suus,
 Nunquam subditus infimis. 55
 Voto deme tuo, quod cupis additum;
 Brutas siste cupidines.
 Intra te melior pars Asiae iacet
 Et cum litoribus maris
 Europaeque sinum claudis et Africae 60
 Dives censibus integris,
 Quos olim stabili iure fidelius
 Pendes ipse tuus tibi,
 Quam Fortuna daret fallere pervicax.
 Paucis accipe plurima: 65
 Si quid maius habes, quam quod es, omnia
 Uno sub radio tenes:
 Sin illud minus est, pauper es omnium.

In Puerum Iesum

Et etus Virginem Matrem.

Carmen Seculare cantatum Calendis Ianuariis.

O D. E. XL.

Formosum, pueri, dicite Filium,
 Matrem virgineam dicite, virgines,
 Dignatosque sonari
 Summis tollite laudibus:

Hunc laetum foliis vertice consitis, 5
Nam palmae virideis assimulat comas,
Fragrantemque racemis
Et myrrha bene flebili.

Illam nexilium stemmate siderum
Ornantem et roseis tempora taeniis 10
Et stillantis inunctam
Nardi divite spiritu.

Hic vobis, pueri, chrysolithum dabit
Candentemque novo nomine calculum;
Vestris illa, puellae, 15
Ridens annuet osculis.

In funere Principis ser.

Ioannis Francisci Caroli,

Utriusque Bavariae Ducis,

serenissimi Alberti f. primogeniti.

O D E XLI.

Ibam te meritis, Carole, laudibus
Exornare: sed heu versa (quid ominer?)
In luctum subito dissiluit mea
Abruptis fidibus lyra.

Vix ingressus iter prata subiveram . . . 5
Oetingae veteris, quum mihi nuntius
Fatum triste refert et velut hostica
Aureis cuspide vulnerat.
Quos non tunc gemitus pectoris edidi? .
Ergo flende iaces? nec cithara queas 10
Admota tumulum rumpere floridum et
Surdis manibus eripi?
Multis ah nimium flebilis occidis,
Nulli flebilior, Carole, quam patri.
Is totam solita luce carentia 15
Frontem in lumina contrahet.
Nam quem non moveat nomen et indoles
Tam cari capitis? cui pudor et fides
Et morum facilis temperies decus
Rari miscuerunt Ducis. 20
Virtus ipsa fleat: fige tamen modum
Moerori, genitor; desine funebris
Iam nunc tristitiae et pone tumentibus
Tandem litora lacrymis.
Praemissus placito filius ordine, 25
Non amissus obit, nec revocabilis,
Seu luctum ingemines, seu querula chely
Tentem fata recludere.
Ac, si vera sequar, non redeat libens:
Felix ille diem nunc alium bibit. 30
Et laetus pluvias atraque nubila
Sicco ridet ab aethere.

Ad Septemviralem Exercitum*Serentissimi Ducis Batariae.*

Ut d. Ignatium Loiolum

In auxiliarem patronum militiae eligat.

O D E XLII.**Quo praeliamur, Teutones, auspice?**

Divisa cuius nomine tessera

Praefertur in castris tribuni?

Quis gladios acuit retusos?

Martinus armis Pannoniae favet; 5**Se Ludovicis Francia devovet,****Iacobus Hispanis triumphum****Visus equo iaculator albo****Terrere Mauros annuit: o tibi,****Quicumque pugas, addere praesides** 10**Divos memento, nec cruenta****Sacrilego gere bella ferro:****Sed expiatam coeantibus manum****Committe fidens, neu Capaneus tuos****Velis adorari lacertos.** 15**Impius haec male culta tactat****Contemptor olim numina fulmine****Punita fixo, quod medius poli****Excepit incumbensque scalae****Ogygias super usque turreis,** 20

Quod si patronum quaeris idoneum,
 Germane miles, deiice Bistona
 Scutis Gradivum: maior illo
 Cantabricis oriundus oris

Loiola fausti plenior ominis 25
 Dux eligatur. Scimus, ut edita
 In arce decertarit ipsi
 In media quoque visus ira

Laudandus hosti. Sive patentibus
 Conferta campis agmina rumpere, 30
 Seu murum inaccessasque cauteis
 Egregio superare saltu

Deliberasti: provehet insitae
 Virtutis igneis et patulas viam
 Monstrabit ad portas sequenti. 35
 Ille truces animos calore

Suique flamma pectoris imbuet
 Contraque nimbos sulphure fusileis
 Ac tela persultantis Hunni
 Marmoreas dabit esse fronteis. 40

At non volucris grandine saucios
 Curare nescit vulnere tardior
 Et ipse quondam Pompelone
 Genua ducis feriente saxo.

Ergo ferocem quisquis anhelitus, 45
 Thorace presso vel galea trahis,
 Moturus in Suecos prius Bel-
 troniadem venerare supplex,

O cui recepto sidera militant
 Ensemque Orion commodat aureum, 50
 Postquam sacramento solutus,
 Emeritum, tua bella, ferrum

Cristasque et iras ponere laetior,
 Sacrata magnae cingula Virgini
 In monte Serrato dicasti: 55
 Si veterem propiore vultu

Dignaris artem, da modo frangere
 Superba Finni cornua, da fugam
 Cedentis ex pugna videre
 Tergaque pulvereosque tabo 60

Foedare crineis. Sic Gedeon meis
 Scribere signis, sic spoliata thelo
 Virtutis appendam, quod omni
 Teutoniae memoretur aevo,

Consurge miles: sat precibus datum; 65
 Intende nervos, consera dexteram,
 Invade prostanteis Alanis
 Et gladium cave ferre siccum.

In laeta vergit Cantaber omnia;
 Secunda coelum praelia sospitat: 70
 Tu rite promissum tropaeum et
 Munera cras referes ad aram.

O D E XLIII.

De spinulo suo.

Quod nec psittacus audeat
 Nec phoenix patrii de cineris rogo
 Heres ipse sui neque
 Iunonis volucer gemmeus impetret,
 Audes, delictum meum, 5
 Me turbare canentem imperiosius,
 Siren rustica, spinule,
 Ales nequitiae dulcis et ingeni.
 Seu furatus amygdalam
 Pennis, cum repeto, stridulus emicas, 10
 Seu rostro digitum adpetis
 Infusum citharae nec sinis ultimas
 Primis iungere vocibus;
 Et quandoque tuam protrahis eclogam.
 Seu te gurgite proluis 15
 Et mox unguiculis molle fricas caput,
 Ut collo redeat lyra
 Et plumae veteris temperies metri

Concinno super aequore;

Quanquam pectine dum comeris, annus est: 20
Tantum forma negotium,

Fluctus tot subigis, rursus ut excites.

Huc, o noster, ades nihil

Virgati metuens carceris ostium:

Non captivus enim domi, 25

Sed saltu teretes per radios vago
Lascivis in arundine.

En florem milii: corripe semina,
Ruris innocuas dapes,

At securas necis grataque fercula. 30
Sic vivas avibus bonis.

Post, cum non rigido candida pollice
Pennam vulserit Atropos,

(Parcae et vestra secant stamina, si vetus
Smyrnae fabula creditur) 35

Componam violis mollibus et sacris
Fumus Pieridum rosis.

Addam perpetuum sarta virentia,
Donec Melpomene soror

Parnassi riguis collibus inferat. 40

Ad Iulium Tamerinam.

*Ephebo aulae conditionem et officia sectanti animi
demissionem commendat.*

O D E XLIV.

Quando sors montem tua scandit altum,
Ne tamen valleis animus relinquat:
Tutus in plano, Tamerina, vives,
Tutior imo.

Qui serit iacto per inane plausu 5
Aeris campos, stolide laborat.
Auream messem licet ex novali

Speret honoris,
Fallitur: nunquam levis aura semen
Tale maturat; lolio remistum 10
Dedecus crescet vel egens opimae
Laudis arista.

Certius falcem iacit imperanti
Terga submissus. Metet ille pulcras
Gloriae cristas, cui nulla toto. 15
Vertice surgit.

Ad serenissimum Principem
Albertum Sigismundum,
 Utriusque Bavariae Ducem.

*Cum electus Coadiutor in episcopatu Frisingensi
 renuntiaretur.*

O D E XLV.

Laus vitae pastoritiae.

Et ante Phrxi nobilis aureum
 Vellus sorori non bene subditum
 Balantis increvit per agros
 Cura gregis numerosa censu,

Secura vitae. Nulla beatior
 Pastoris aevo nullaque tutior
 Fortuna, quam Pax et serena
 Pura Quies comitatur aura.

5

Non Martis illum classica, non fori
 Terrent severis limina iurgiis.
 Urbs solitudo magna; totus
 Orbis ei nemus explicatum.

10

Stat in viretis curia mitior
 Curasque pellit litibus invia.
 Evincit umbrosum cubile,
 Herba tenax, redimitque somnum.

15

Hic solis arcum vitat et imminens
Telum retundit, dum rota fervida
Declinet a fagis et altos
Vesper equos moneat relabi. 20

Ipse in lacertis vel salicum iacet
Vel lene sacrae propter aquae caput,
Nullo lacunari gravatus
Nec subitae metuens ruinae.

Dapes inemptas, fraga rubentia 25
Spumansque, presso lacte coagulum,
Hoc praebet uber, ista tellus
Sponte sua nec avara doni.

Sylvanus unum nomen et unicum
Et exiturum cum grege candido, 30
Simul liquenti, cana rore
Arva madent, animosque tollunt,

Qua pinguis humor praefluit Isarae.
Hic iam calori cedere, iam pecus
Mersare pellitum secundo 35
Amne iuvat pavidaeque foetum.

Praeferre matri. Clarius interim
Ventis loquuntur flantibus arbores:
Quercum salutat prona quercus,
Contiguam soror alnus alnum. 40



Aves amico foedere consentant:
 Exercet omnis filia carminis,
 Quod matre nidorum docente
 Mane novo didicere rostra.

Si vera lactant gaudia, talibus 45
 Priscos opinor deliciis aves,
 Quanquam tenerent summa rerum,
 Ad pecudes potuisse cogi.

Pascebat agnos alter Adamides,
 Vocalis Abel gloria sanguinis, 50
 Ducebat, ad fonteis, decora
 Quem nimio facies Rachelis

Amore torsit; cuique deus sua
 Semper cupido est. Ille binominis
 Gener Labani cordis aestum 55
 Aestibus opposuit diurnis.

Formosa merces! o quoties sibi
 Desponsa flagrans praemia dixerit,
 Cum sera nondum nox subiret,
 Ite domum, saturae bidentes! 60

Quin ipse Moses ludere fistula;
 Moses avenam sciendere disparem:
 Norat suos praevisse felix
 Et soceri Rachelis boedos.

Dicam et Davidem saepe sub arbuto 65
 Distenta caprarum ubera regis
 Pressisse palmis: ille canna
 Maenaliū tenuare ventum

Solers amoena scilicet ecloga
 Fallebat horas, non ideo lupos 70
 Arcere segnis, tam leoni
 Quam rapidis metuendus ursis.

O ergo magni nominis infulam
 Sumpture Princeps, cum tibi fertilis
 Frisinga silvarum comantum et 75
 Irrigae pecorosa saktu

Pastoris ingens annuerit pedam,
 Alberte Sexti, pasce tuas oves:
 Neu sit pudori languentis
 Impositas humeris talisse, 80

Neu viperinum pellere vividis
 Morbum scatebris. Hoc quoque Carolo-
 mannus sub exemplo perennat
 Et patris celebratur oris.

Illum Menaleas et Corydon adhuc 85
 Thyrsisque cantant; illius inclytum
 Florere nomen Celta vidit
 Siderei foliis in horti.

Dum stant virentis Taygeti iuga et
Nullis Amyclae collibus invident: 90

Illum Palesque Panque et omnes
Arcadiae sonnere montes.

Sed et tuarum germina cedrinis
Laudum Philagnes et titulos libris
Iam notus incidet, regenti 95
Parthenios tibi qui sodales

Praelusit olim; forsan et Italis
Cantatus odis sarta merebere
Romana supremusque Daphnis
Purpuream dabit ire lanam. 100

Ad Iosephum Castulum.

Fastidire se, quae vulgus appetit.

O D E XLVI.

Est et nescio quid vili
In rebus atridis, et phaleræ movent
Et cristæ mihi taedium.
Delectant aliquos cymbala gloriæ, et
Splendens murice pagina, 5
Ut ne vota quidem dissimulent aus.
Gratos clam iuvat alterum
Venari titulos et resonantia

- Famae marmura tinnulae;
 Laudari fugiens non renuit, cupit 10
 Atque, hoc ni facias, furit
 Solers insidias pulcraque retia
 Claro tendere nomini.
 Frons atrox patulis obstat honoribus
 Nec lenocinium foras 15
 Mittit cauta sui: totus in intima
 Mentis sede latet procus.
 Sunt quos non dubiis utile cladibus
 Delatoris onus levat.
 Observant alios, ut faciant nefas 20
 Formosum pueriliter:
 Buccis res agitur non mediocribus
 Argutoque silentio.
 Gaudentem populo vendere classica et
 Coeli non humileis minas 25
 Nullis dimoveas conditionibus,
 Aeternum cochleam suae
 Haesuram cathedrae. Fervidus imperi
 Plureis fascinat ambitus.
 Huc fingit faciem, navigat huc cliens 30
 Ventorumque rogat patrem,
 Ne praeter gracileis ullus Etesias
 Salso spiret in aequore.
 Naxon rector, io, sic placide subit
 Clavum vertere callidus; 35
 Portum tangit, io fata, bonae spei

Votorum reus. Hinc ligat

Malum et pampineis carbasa floribus;
Ara in litore sternitur

Mactaturque caper victima Libero 40
Inter festa celeusmata.

Atqui non ego sic: praefero, Castule,
Quernam sedibus aureis.

Tanti sit solium et flebile suspici?
Et claves madidae mero, 45

Spes ignobilium lubrica mentium?
Et post velivolos metus

Mendicata mari stante triennia?
Fallax cede potentia

Morosisque scatens pompa negotiis. 50
A curis habitem procul

Nunquam sollicitus sceptrā capessere.
Subdi velle placet: regit

Rex Caesarque sui; qui bene paruit,
Tanto latius imperat 55

Permittitque Deo credulus omnia.

Enthusiasmus.

*Auctor prope Cairum conscensa primæ magnitudinis
pyramide veterem novamque Aegyptum contem-
platur.*

O D E XLVII.

Vestro, Camoenæ, vester in ardua
Tollor supinus munere culmina,
Aurasque paullatim et tenaceis
Scindo vias subeunte vento.

Quis isto currus? iamque adeo super 5
Praerupta totum despicio novus
Stylita regnum: dulcis io
Prodigii geminata crescit

Tanti voluptas; intuoꝝ eminus
Remota longe tanquam oculis prope 10
Ingesta nostris; cuncta cerno:
Posse datur numerare vicos.

O Tybri, cessa pyramides tuas
Iactare Nilo; Roma nihil nisi
Collata verrucas et arceis 15
Exiguas habet inque septem

Erecta monteis sic quoque vincitur.
Nil Adriani proficit aut Titi
Magnique Traianique moles.
Conde tuos pudibunda nanos, 20



Quos intulisti moenibus Ilia.
Immane structis alta Gigantibus
Contemnit Aegyptus columnas
Et trepidis caput invidendum

Immittit astris. Quem pedibus premo, 25
Subiecta late despicit et procul
Auras ab humano recessu
Mons lapidum fabricatus intrat.

Hinc si sagittam iecero missilem,
Labetur intra pyramidis pedem: 30
Et quae cadit proiecta cone,
Non feriet tamen umbra campum.

Quocunque mentis lumina quattuor
Intenta mundi coniicio plagis,
Arcana rerum se novarum 35
Et veterum monumenta pandunt.

En illud alti nominis est mare.
Ab usque Erythro rege, celebrius
A Mose factum, cum recessus
Per medios sua castra duxit, 40

Hinc molle marmor stabat euntibus
Turmis et illinc, nec refluxo prius
Suspensa miranteis per auras
Moenia detumescere ponto,

Signum tremendae quam Thetis horrida 45
 Virgae notasset: tum vitrei freto
 Labente subsedere muri
 Inque caput Pharaonis uno

Mersum ruerunt fragmina gurgite.
 Viri sequentes Isacidum ducem 50
 Equique et armati profundis
 Fluctibus interiere currus.

En illa magnae rudera regiae,
 Quam Lagos auctor, quam Dionysius
 Et vanus Auletes et ingens 55
 Incoluit Ptolomaeus olim.

Hic, qua tepentes luxuriant aquae
 Et ripa stratos marginibus toros
 Inducit herbarumque molleis
 Accubitus, Cleopatra quondam 60

Vixisse fertur. Nil opulentius
 Sol huius aula viderat: aurei
 Fulsero postes, lata crasso
 Trabs ebeni radiabat auro,

Aureum lacunar. Sparsus in atrium 65
 Gressus achates impositos tulit,
 Testudo mensas, haec smaragdum.
 Tota domus elephante secto

Candebat. Eheu, non iterum fleat
 Xerxes ab alto monte volubilis 70
 Spectator aevi, quanta nubes
 Omnigenumque hominum procella

Passim in plateis volvitur unico
 Perdenda seculo! Nunc ubi sunt opes
 Tantae renidentisque bacca 75
 In pretium iugulata vini?

Ubi procacis sunt Ptolemaidos
 Villaeque et horti? gemmiferis ubi
 Laudata venis prisca Coptos
 Et veteris facies Abydi? 80

Perenne nil est. Arsinoe ferax,
 Dives Syene, pulcra Diospolis,
 Bubastis alta, docta Sais,
 In tumulos abiere pulvis.

Chordae sonantes Memnonis et magus 85
 Obmutuerunt. Vos quoque, Tentyra,
 Iacetis in palmis sepulta:
 Vix superest meminisse vestri.

Franguntur aevi dentibus omnia:
 Memphis Cairo cessit, et haec ruet 90
 Et urbs Alexandri per orbem
 Clara tuis, Philadelphe, libris.

Quippe et colossis excidium sua
Decrevit aetas. Innumerae iacent
Urbes supinatis humatae 95
Turribus, antipodesque silvae

Deiecta cum radice cacumina
Stravere terris. Nulla, Melampodes
Pelusiotae, non caducis
Ulla fides scopulis habenda. 100

Haec ipsa rupes, cui prope sidera
Insisto, vana Sisyphiis manu
Exstructa saxis, fracta demum
Mole sua Pharios ruina

Insternet agros. Quis furor est levem 105
Odisse terram et funeribus grave
Onus superstruxisse, peius
Ut iaceas? At enim loquenteis

Audire Boios et videor mihi
Videre portam mobilis Isarae. 110
O macte vates in Canopo
Tot populos fluviosque latasque

Emense terras. Me subito mea
Mens ex remotis finibus ultimae
Reduxit Aegypti Monacum: 115
Quam celereis habet illa pennas!



O D E XLVIII.

Illusto poetica.

Quis meum supra caput urget auro
 Illitus pennas? quis ephebus astris
 Concolor nexam mihi cunque fingit
 Ferre coronam?

Ille diductis revolutus alis 5

Ter quater plaudit taciteque propter
 Verticem lapsus posito renidens
 Stemmata sidit.

At simul vano manus ausa motu
 Tendit in laurum, fugit et cachinno 10
 Lene succusso puer ales elu-
 ctatur in altum.

Quisquis, o nequam puer, inficeto
 Me ioco ludis, quod habes, habeto
 Munus et serva; tamen ista nunquam 15
 Serta petivi,

Non minor vates ideo canendus,
 Si, quod attendent folium capellae,
 Vile contemnam nec amicta circum
 Tempora gestem. 20

JACOBI BALDE S. J.
LYRICORUM LIBER IV.

Ad serenissimum et potentissimum Principem

Maximilianum,

S. R. I. Electorem, Com. Palat. Rheni,

Utriusque Bavariae Ducem.

O D E I.

Omnia a divina providentia pendere et gubernari.

Unde haec dierum certaue noctium
Vicissitudo? quīs vaga nubium
Solemque palanteisque stellas
Et volucreis moderatur horas?

Hyems tepenti Vere resolvitur, 5
Succedit Aestas et gracilis Ceres,
Quam pulcer Auctumnus racemis
Induit a Borea fugandus.

Quo tanta motu machina vertitur?
Quis gyrat axem? quis refluxum mare 10
Seducit aurigante Luna
Oceani docileis recursus?

Legem sequuntur cuncta. Deus, Deus
Mundo supremus praesidet arbiter
Et vallat, o Princeps, abyssos 15
Consilio tumidosque librat

Fonteis aquarum. Providus imperi
Fluenta ripis, litoribus freta
Coercet. Immetatus idem et
Acre tuens placideque fortis 20

Humana torquet, numine consono
Ubique praesens. Ille vel attrahit
Vel frena subterfusa laxat.
Ille vices et utramque sortem

Dispensat orbi, terrigenum metus 25
Curasque spesque et regna vagantia
Somnumque Chaldaei tyranni
Fatidicum statuamque, quanta

Fulgens metallis versicoloribus
Desiderantem scire superbius 30
Futura formosoque totam
Terruerat Babylona monstro.

Qui cuncta certis secula fontibus
Argenteumque et ferreum et aureum
Derivat in terras, serena 35
Ille tuos animose zona

Septemvir annos temperat ac suis
Educit astris. Ille recentibus
Antiqua commiscere solers
Incolumem per acerba rerum 40

Ac laeta duxit, cum modo prospera
Parcens severe dilueret, modo
Afflaret aura mitiore.
Ille tuos tremefecit hosteis,

Elusit astu, turbine reppulit, 45
Prostravit armis, obruit ignibus,
Delevit undis et frementum
Scuta virum galeasque mersit.

Aequanda Cannis tristibus Appuli
Wimpfena vici propulit in putreis 50
Paludis algas luctuosa
Turlaciae monumenta cladis.

Damnata nigris nunc quoque Daniae
Luthera fastis incaluit rubra
Spumante Cimbrorum cruore. 55
Reliquiae sub opaca noctis

Stagnum remissae visere patrium
Formidolosis horrida matribus
Natisque narravere bella
Et viduis miseranda lectis. 60



Haec dico vates: Magna sonantibus
Plerumque buccis spes tumidae crepant;
Disrumpit inflatos vapore
Immodico vapor ipse folleis.

Sed ista cursu iam medio: fores 65
Periculosas vix patefecerat
Ianus Bohemorum, et micabant
Castra tuis Alemanna rhombis.

Pragensis ex quo perfida futili
Vexilla fastu regulus extulit, 70
Sub Martis alternante fluctu
Quam varios superare casus

Virtus adegit! Qualis in Herculem
Noverca Iuno totque sequacium
Inventor Eurystheus laborum 75
Incubuit duplicare fessus

Portenta aervo: dux eadem manu
Fudisse felix ordine singula
Nessumque stravisti et leonem
Degenerem ignivomosque tauros 80

Hydramque visasque ore nocentius
Lerna venenum spargere viperas.
Rupta est inaequalis catena
'Tot scelerum' pereunte nodo.

- Quae summa mirer ? Grandibus excidit 85
Antaeus ausis Balthicus, excidit
Terramque maternam negatum est
In Lycio tétigisse campo.
- At Cacus Egrae bellua saevior
Toto momordit pectore lanceam 90
Porrectus immanique iustas
Caede ruens satiavit iras.
- Cuius latenti praescius ariete
Olim monebas imperium quati
Fraudeis odoratus coquentis 95
Dira supercillique nidum,
- Sub quo tepebat molliter abditum
Implume crimen, donec in aera
Surrexit ales et tremendum
Rupit atrox basiliscus ovum. 100
- Tunc certa demum, tunc monitis fides
Delata veris; tunc sapientia
Calumniantum per procellas
Largior invidiaeque spissas
- Candente nubeis emicuit coma 105
Vulgoque preni substitit obvia
Ambabus ulnis. Hac eadem
Difficileis secuisse doctus

Vias reluctantum et cuneos magis
Inclaruisti, semper ab improbo 110
Livore Fortunaque maior:
Cos fuerant inimica tela.

Dolore fortis saepe premi potest,
Quandoque flecti: non tamen opprimi.
Salicta vix contacta cedunt: 115
Palma suos levat alta ramos.

Non negliguntur, quos bene negligit
Numen probandos: si modo vulnera
Ferant silentes seque duris
Non metuant aperire fatis. 120

Revolve mecum tempora, Maxime,
Unaue confer lapsa fluentibus:
Accendit eventum secundo
Oppositus color ater album.

Declivis aetas iam superaddidit 125
Bis quinque lustris sex trieteridas,
Integra, nec succo nec omni
Flore carens; iuvenile sceptrum.

Adhuc fatiges quamlibet improbam
Molem negoti frangere pertinax. 130
Hostes peremptum iamque dudum
Exanimem voluere: vivis,

Tantoque vivis laetior hostibus
Missis sub umbras. Trudere patria
E sede tentavere: regnas 135
Inque tuo; spoliare victum:

Victoriarum crevit adorea;
Truncare vafbris militiam dolis:
Sed cauta bellatrix aperto
Frenigerum volat ala campo. 140

Suecus subactum credidit: emines;
Caesum: triumphas. Qui sibimet tuam
Praesagiebant nuper arcem,
Nunc humili tumulantur urna.

Pars fixa plumbo, pars fluvii vadis, 145
Pars hausta limo: mortibus impares,
Pares catervatim sepulcris
Funeream subiere fossam.

Ex his fuerunt, qui violentius
Nefas professi cuncta paraverant 150
Miscere flammis: flamma sedit;
Quanta patet, populare terram:

Foecunda turget messibus annuis;
Vastare caesis oppida civibus:
Servata splendorem recenti 155
Congeminant veterique muro.



Emuniuntur diruta fortius,
Nova exstruuntur; protrahimus focos,
Ornatus aras. Tempia Finnis
Sacrilego temeravit ungui: 160

Formosa celsum plura levant caput.
Tutela magnae Virginis in foro
Accessit urbi. Damna prosunt,
Cum Superi statuere lucrum.

Quidam et profundis morsibus erui 165
Boiam petebant stirpitis arborem:
Accrevit immortale pomum;
Diminui radios honoris:

Novo coruscas; stare potentiam:
Ultra cucurrit. Ne iuveni quidem 170
Optabat Heidelbergae prolem:
Mira fides novitasque rerum!

Solatur heres bisgeminus senem
Patremque fecit; iam tibi discutit
Curas et aetatem coronat 175
Viva tener rosa Ferdinandus.

Iam Frater audit; iam quoque Castori
Pollux adhaeret; iam lepidi fluunt
In verba risus; iam pererrat
Parvulus Aemilianus aulam. 180

Ad Martem.

*De serenissimi Electoris aula et muntitione excitata
Monachii.*

O D E II.

Surgamus: umbras vespere Iulio
Sol longioreis proiicit occidens.

Qui saepe quanquam non sagatus
Bella cano tua, Magne Divum,

Ausim et refertas sulphure fistulas
Lustrare tecum et moenibus additas
Turreis coronatisque vallum
Turribus et scopulos minanteis.

5

Hac exeamus, Mars, ubi fulgurant
Augusta summi tecta palatii.

10

Quam fama claravit per orbem,
Haec Bavari Ducis aula, sedes

Regnantis ingens, sed domino minor.
Si curiosis in penetralia

Nunc detur accessus, pudebit

15

Te Rhodopes et euntis Hebri

Altaeque posthac culmina patriae
lactare parces victus ab aemulo.

Splendore naturaeque et artis

Ingenio variata miro

20

Intus coruscant omnia; crederes
Terrestre coelum. Sunt laquearia
Accensa stellis et comanti
Picta tremunt anaglypta fulvo.

Calcatur album marmor et Itala 25
De rupe caesum, quod solido rube
Cruore, ramosis virenteis
Quod maculis imitatur herbas

Iuxtaque guttis nobile lucidis
Irritat ostrum; sanguineo lapis 30
Imbri columnarum renidet
Lana velut medicata tinctus.

Passim Myronis signa Corinthio
In aere vivunt; plurimus ordine
Stat Mentor et felix ubique 35
Parrhasius simulacra fingit.

Squalent et auro singula regiae
Distincta pulcra lege cubilia.
Spectator obtusus metallo
Atque acies stupet icta flammis. 40

Movi salivam nempe: refer. pedem,
Gradive, tun' huc protinus ingredi
Tumultuoso cum fragore
Aeripedum? prius arma pone

Scythamque vultum: forsitan offeret 45
Occasionem commodior dies.
Tantisper extra, donec aer
Lene favet, spatiemur urbem.

Vides, ut altis cespitibus iuga
Immane crescant utque coerceat 50
Farrago decliveis arenas
Gramineo nemorosa morsu.

Hic mollis aequi planities soli
lacebat olim: nunc caput extulit
Erecta moles et viarum 55
E trivio negat una dici.

Calcanda soli semita militi.
Hac calle trito rectius ad forum
Ibatur: atqui stante porta
Nunc remoram nociturus hosti 60

Obiecit in se flexilis ambitus.
Horti feraces hic olerum forent,
Ni clivus assurgens remosset
Arboribus procul esse iussis.

Queis unda vexit mite gelu locia, 65
Fontis remoto pumice saxeus
Dependet umbo; dic triumphe!
Quanta tuis, dominator Acmi,



Accessit intra tres hyemes opum
 Rebus supellex! durat adhuc labos 70
 Et fossor: ut circum repertis
 Stagna fluant latebrosa venis,

Tentatur humens terra ligonibus.
 Sed en tonanteis urbis aheneos,
 Iam fulmen e pinnis minantur. 75
 Quisque sua statione certam

Servat fenestram praetereuntibus
 Torvus videri; vade age et ultimis
 Haec nunciaturus Batavis,
 Plaude: redux habitabis aulam. 80

It, torta qualis fune phalarica
 Discindit auras, qualis in aere
 Succensa cursu taeda longum
 Corripuit stimulata sulcum.

O D E III.

Quid est Monarchia,

Nisi triplex suspirium obtinendi, retinendi,
amittendi?

*Auctor politicam sententiam in aula serenissimae
Electoris Maximiliani superne tabulato inscriptam
expendit.*

Humana si mens arbitrio Dei
Contenta rebus sciret in asperis
Laetisque caste ferre sortem,
Quam placido frueretur aëvo!

Nunc rapta postquam pectoris impetu 5
Permisit omni frena licentiae
Ausura quodcunque est et ausa,
Quam furiis agitur atris!

Mortalis audax horrida perpeti
Amore lucri prodigialiter 10
Lascivit impulsusque diris
In vetitam ruit usque praedam.

**Suspiriorum quis modus est trium,
Quae finis? eheu! quaerimus omnia
Tristes et amittenda rursus
Sollicito retinemus ungui.** 15

**Exempla passim summa petentium
Vesana sudant, cum tamen omnium
Mensura factorum et movenda
Stare diu neget urna summis.** 20

Seu more teli iacta Cydonii
 Seu nixa pennis vota supervolant
 Et concupiscentem sequuntur
 Usque. Suis poterat quietus

Xerxes et omni tutus ab ambitu 25
 Haerere Medis, ni Lacedaemona
 Stultis lacessivisset armis
 Plura avidus rapuisse, quam quae

Fortuna posset concoquere et fames
 Tanti leonis. Thermopylas supra 30
 Grassatus Aegaeumque pontum
 Rupit Athon petulante bello;

Marique, nomen qua Nepheleias
 Mutavit Helle, supposito pedes
 Velut pavimento choragus 35
 Insiluit, numerum quadrigarum

Aequans carinis: fluminibus sitim
 Minatus eheu perdidit omnia
 Sceptrumque remosque et flagella
 Exsul et ad Salamina victus. 40

At quem superbi nominis hybrida
 Superbiorem Bucephalus tulit,
 Post terga contempti relictas
 Sede patris Macetumque terra

Et solis extra currere limites 45
Conatus omnem vertit ad Aeolum
Inflata grandi vela fastu.
Seque sequens fugiensque retro

Iam Bactra Susis iunxerat ultima
Taurumque montem Persepoli: tamen 50
Ultra tetendit. Sogdiana
Altior inferiorque petra

Devexa mundi trans Arachosiam
Gangemque et Indum quaerere navigat.
Pulsatur externata Tethys, 55
Oceani domus ima mugit.

In puppe prostans ille remugiit
Suique clausos oceani cava
Refudit aestus et procellas
Pectoris immodici vorago. 60

Fixisse metam debuerat nigro
Cadente Poro; qua fluit ac iacet
Torpetque, debellarat orbem:
Non satiat tamen unus unum.

Habere partem non voluit: pudet. 65
Servare totum non potuit: dolet.
Eheu, volaturum per auras
Testa premit cohibetque saxum

Ridentis intra sex figuli pedes.
Hic ille parvo funere cogitur 70
Devicta Persarum cubare
Purpureus super arma praedo.

Ferox in omneis nec sibi parcere
Libido novit, nec nisi mortua
Pacatur. Immensas habenti 75
Semper opes mage sunt timendae

Quam respuenti: mole ruunt sua
Maiora iusto. Saepius et ducum
Enses adoratique vultus
In mediis crepuere flammis. 80

Tam dives ullus non puto vixerit,
Qui nollet Iro pauperior mori;
Nec pauper optabit sepulto
Ditior occubuisse Croeso.

Coelone tectus non tegitur satis, 85
Quamvis humetur nudus et algeat?
Exaggerata si tropaeis
Dedecus est caruisse terra,

Quam Caesar olim, quam subiit scrobem
Pompeius ingens? insatiabilis 90
Uterque possessis, uterque
Caede madens vomuit rapacem

Honoris umbram: tot coeuntibus
 Plagis in unam procubuit socer,
 Gener Photino praeda factus 95
 Proram anima fugiente pulsat.

Utcunque dulci gloria perfurit
 Venas tumultu, torquet amarius.
 Corona tot gemmata curis
 Plus aloes habet, anne mellis? 100

Ad D. Virginem,

Dominam auxiliarem in campo augiae Mo-
 nacensis propitiam.

Cum ad eam sub adulti veris initium inviseret.

O D E IV.

Intermissa diu redi,
 Virgo, Davidicis edita regibus.
 Longi dedecus otii
 Brumarumque sub hac triste silentium
 Compensabimus arbuto, 5
 Iam Veris comites aera temperant
 Excussa nive limpidum
 Et secum volucres in cavea ferunt
 Ridenteis Hyemis fugam.
 Sopitae fluviorum evigilant aquae 10
 Pulsis noctibus algidis.
 Rumpit prata tepor; luxuriat suis



Emissum stabulis pecus ;
Iam florent salices ; scissa recens tuis,
Virgo, serviet usibus 15
Exempto viridis cortice fistula.
Nam cui ludimus alteri ?
Aut quae nympha cani dignior altera ?
Tu mundi lepor et decus
Blando concilias omnia foedere 20
Terraëque et pelagi potens
Semper vota bonos ducis ad exitus,
Nunquam credere quae soles
Periuri levibus ludibriis Noti.
O moestis columen reis, 25
O tranquilla quies et pereuntium,
Quo te cunque vocant preces,
Opportuna salus ! Nos quoque caeteri
Templis Indigetes iuvant :
Sed non tanta fluit vis ab origine 30
Et quandoque trahit vadum,
Apparent mediis tubera rivulis.
Fons, Virgo, tuus effluit
Et vasto pelagus circuit ambitu.
Sunt Divi, quibus agmina 35
Conspectis fugiunt pallida febrium,
Fractae dissiliunt fores
Obstrictisque cadunt vincula brachiis.
Hunc serpens timet ebria,
Illum funereaë pestis anhelitus, 40

Hic et manibus imperat
 Functosque e tumulto tollit ad aethera:
 Metam quisque tamen suam
 Coeli cursor habet certaue limite
 Arcto iugera contrahit. 45
 Tu commune bonum, tu sine termino
 Sedi proxima Filii
 Immetatus ager sufficis omnibus.
 Cunctis tu Dea publicae
 Aram laetitiae pandis et auxili. 50

Ad amplissimum virum
Io. Christophorum Targisillum.
Regis et tyranni discrimen.

O D E V.

Regem non solito nomine villicum et
 Hortos regna voces, Targisili, licet:
 Nam foecunda coronae
 Sunt alvearia civium.
 Cives mella sub his condere seduli 5
 Fingunt Daedalea divitias manu
 Et ceu floribus Hyblae
 Gratis mercibus incubant.
 Quantus, nonne vides? urbis apes labor
 Exercet! croceum pulcra simul diem 10
 Sparso rore per herbas
 Mater Memnonis extulit.



Iam tum mane strepunt, iam vagus artifex
Et fervens operarum involtat thymis:

Iam cum coniuge ceras 15
Stipat non sine foenore.

In censum vigilant omnia : quaeritur
Semper dulce lucrum, cuius odor bonus

Ex re qualibet afflat
Et nareis animas trahit. 20

Hinc sugunt pretiosum unguen et allinunt;
Quo postquam madidi tecta repleverint,

Plenis annua cellis
Vectigalia profluunt.

Rumpuntur liquidi viscera glutinis; 25
Perlustrata suas fundit opes domus,

Flavi iura tributi.
Scepbris excutitur favus.

Refert, quis laticem nectaris eximat.

Saevus pastor apes mactat et alveo 30

Totum diripit aurum
Sternens moenibus incolas.

At rerum sapiens Corycius senex

Iussis in sobolem vivere posteris

Mellis parte relictâ 35
Seponit reliquum sibi

40

Nunc agnoscere te, Targisili, reor
Discrimen gemini nobile villici.
Primum iure tyrannum,
Regem dixeris alterum.

Ad serenissimum Principem

Albertum Sigismundum,

Utriusque Bavariae Ducem.

ODE VI.

Etiam minima curanda esse.

Parvis maxima stant principiis ac pariter iacent.
Primam tolle casam, et sustuleris moenia patriae.
Qui rivus minimo montis aquas haurit ab ostio,
Post multas hyemes cum gemitu pontificum ruit.
Arbor vela ferens virga fuit: nunc maris hospita
Nubeis ingreditur. Se cumulant omnia tempore,
Tam belli mala, quam pacis opes. Qui bene pro-
vidus
Non spernit modicum, sive sago sive toga, sapit.

Ad Laurentium Adonem.*Hodie vivendum.***O D E VII.**

Vivis, an differs leve munus aurae?

Sed spei telam male texis, Ado,

Fila cum vitae Lachesis peractae

Scindit et aufert.

Curta sub terram properatur aetas.

5

Quae dies non est homini suprema,

Alitum ritu volat et sagittae:

-

Ultima stabit.

Durat in fatis semel interire,

Durat hoc unum; subeuntis ipsi

10

In sinu causam geniale mortis

Semen habemus.

Illa naturae sociata nexu

Corpus hoc instar comitatur umbrae.

Vesperam vivis? fit et umbra maior;

15

Denique vera,

Qualis effosso graditur sepulcro,

Qualis et maneis levis inter errat.

Ter fuit praeceps hiemante barba

Nestoris aetas;

20

Mansit extremum solido rigore

Curva, nec primum potuit reflecti

Nestor in florem tremuloque fossam

Vertice plausit.

Frangimur tandem puteo frequentes 25
Urcei. Si sum tibi consul, Ado,
Protinus vires: mala lux sequetur,
Optima nunc est.

Ad Thomam Marinum

a Suecis vulneratum et spoliatum.

O D E VIII.

Non si deorum exercitus insolens
Increvit astris, propterea caput
Subduxit Atlas et gravatum
Questus onus petiit levare.
Ferenda moles, donec in Herculem 5
Coeli columnam sidat idoneam.
In te resistentem minaci,
Cuncta licet ferat arma contra,
Fortuna nullum ius habet improba.
Nam nec beatum nec miserum facit, 10
Sed esse congressu repertum
Detegit opprobriisque vexat
Tunc, cum subegit. Cui potuit semel
Nocere, nunquam magnus erat. Potes
Felix haberi, si, Marine, 15
Quae tua sunt, aliena credis.

Omniparentis Naturae

Iusta querela

*Adversus ingratos mortales.***O D E IX.**

Nuper ad fontem Dryadum sedebam,
Qua virens silvis aperit theatrum
Faunus et ripas sinuosus amnis

Isara plangit.

Heic inumbratum nemus intuentem

5

Alloqui motis inopina ramis

Coepit humana mihi cunque visa

Maior imago,

Celsa turritum caput, alba crineis

Hinc et hinc sparsos, inarata vultum

10

Vomere aetatis subigente rugas,

Nuda mamillam.

Scribe, Boiorum, mea cura, vates;

Scribe, clamabat, sacra te monentis

Iura Naturae memorique fago

15

Sculpe querelam.

Vox erat, qualis resonans aquarum,

Cum suas Ister pelago pruinas

Miscet et primam gelidi salutat

Gurgitis undam.

20

Stulta gens! semper cupitis negata.

Hic gruis collum petit, ut saginam

Latius tendat; puer iste nasum

Rhinocerotis,

- Alter et pennas; alius natatum 25
Daedalo praefert agilique cerae;
Ille cornicis tria poscit annos
Secula passae.
Seu Rheam dicant veteres Achivi,
Sive Iunonis mihi nomen aptent, 30
Sive Lucinae gravidas levantis,
Sive Cybelles:
Displicet, quidquid statui. Profanum
Dona fastidit male nota vulgus,
Millies dignum sua, quae precatur, 35
Damna mereri.
Si petis collo gruis belluari,
Literam motis quoque pinge pennis,
Excuba noctu, patiarc telo
Denique figi. 40
Disce cervinae cupidus senectae
Praeda venantis fieri canumque
Lusus, et saevas hyemes sitimque et
Cornua ferre.
Quae simul iunxi, male separantur; 45
Siquis accepto bene novit uti,
Dante me cunctis licet esse lactis,
Esse beatiss.
Quod genus fingis tibi, quam parentem?
Falsa nimirum lapidum propago 50
lacta post tergum gravidaeque lactat
Fabula silvae,



Sparsa Getuli super arva campi
Saxa foecundis caluisse flammis,
Dispare quassa nemus edidisse
Ilice foetus. 55

Post rates mersas ego Pyrrha vivas
Imbui rupeis; ego quercus illa,
Cuius ex vero cecidistis omnes
Cortice ventris; 60

Furta mentitur Scythica Prometheus
Valle confixus: meus ignis ille.
O mihi quanti, soboles, stetisti ex
Aethere rapta!

Additus coeli Superumque fomes. 65
Ne qua pars vestri foret impolita,
Principem limum meliore lima
Ipsa polivi.

Quippe suggestus radiat comarum;
Fronte sublimis facies coruscat, 70
Os et erectum facili tuetur
Sidera motu.

Nescit, heu, nescit sua vota Momus.
Quisquis optabat vitreis videri
Pectus e costis, sua nolit ipse 75
Septa patere.

Una, mortales, data lingua vobis:
Unde stridetis subito bilingues?
Integros vitae genui nec ulla
Fraude nocentis: 80

Iam quotus primae similis farinae?
Nemo non saevit, timet, ardet, odit.
Mugiant tauri, video leones,

Terreor ursis.

Quanta vindictae rabies ab imis
Aestuât venis? quid amore peius?
Aut quid humanas cumulate caedes

85

Tristius ira?

Insuper nullus modus est habendi.

Magna vix pusam puerumque parvas
Regna post cunas capiunt, nec unus

90

Sufficit orbis.

Sciveram coctos nimio vapores
Sole, dum splendent, oculis nocere:
Hinc nigris auri radios cavernis

95

Provida texi.

Tecta fossores avidi metalla
Scire scrutantur penetrantque ad imas
Montium vallis procul et feri sub-

urbia Ditis.

100

Quid furens in me Venus et Lyaei
Thyades peccent, taceo: pudendas
Ipsa speluncis aliaque nocte

Obruo nocteis.

Ut genas servet liquidamque vocem,
Floridus Musae puer e virili
Truditur sexu, Phrygii sub ictu

105

Victima cultri.

Pro pudor! quo me fero cunque, secta
Troas occursat, Catamitus aulae. 110
Stant anus hirtae fidibusque motis :
Molliter hiscunt.

Virgines ut se violenter ornant!
Nostra vix ullam satiat venustas:
Pulcra concessam maculat veneno, 115
Foeda negatam

Attrahit fuco. Quota, dic, puella
Non emit vultum? Quota me meaque
Dote contenta est? Colitur forasque e
Pyxide prodit. 120

Plura lassatam memorare taedet.
Opprimor monstris. Quid enim nepotam
Luxus intactum vitio reliquit
Aut quid inausum?

Cerno currenteis velut astra menses 125
Volvier circum madidosque nardo
Flante convivas et odoris imbri
Tingere crineis.

Sordet in Maio rosa: quam December
Protulit, fragrat. Glacies paratur 130
Ad sitim: naso rubicunda Bacchi
Stiria pendet.

Ore caelato salientis hirci
Pressa Setinis fluit uva prelis.
Quae capri libant, cava sunt et ipsa 135
Pocula capri.

Faginam nullus sibi sumit ansam:
Plenus auctumno rapitur smaragdus.
Cyprium gemmis bibitur merum, gem-
maeque bibuntur. 140

Altius tectis pumili Laconum
Marmor attollant; lacus in cubili
Vitreo fumat volitantque supra
Culmina silvae.
Caedit iratus mare rex flagellis: 145
Tergus urenti sua tela soli,
Aeoli buccis colaphum minatur
Et mihi fustem.

Quo ruis, curvum pecus, o pusilla
Portio terrae? tibi sic origo 150
Excidit testae, cinis et favilla et
Ventus et aura?

Heu parum tuto vetitis inhaeres
Meque contemnis, malesana proles!
Cur ad occasum properas ab ortu 155
Matre relicta?

Testor aequae Themis et sequentem
Crimen a tergo Nemesin: Dolebis;
Has time iustas memoresque fandi
Atque nefandi. 160

Haec ubi moto Dea fata luco,
Tristis in sese penitus recessit.
Ast meum canis rigidus caput cir-
cumstetit horror.

O D E K.

*Queritur auctor fertilissimum Aegypti regnum
Turcis servire.*

In regna mundi prima Pharos venit.

Peculiari nobilis indole

Circum iacentem ridet orbem

Seque clepit pluvio Tonanti

Et usitatis legibus eximit.

5

Non illa supplex sternere nubibus

Dignetur aram, quae caninum

Ante Deos venerata dentem

Praefert Anubim tergemino Iovi.

Certo sed anni tempore fertilis

10

Rigatur exundante Nilo

Inque soli gremium solutis

Lactescit undis. Iugera crederes

Remis arari. Spicea mox solo

Se fundit ubertas et agri

15

Flavicomis strepuere culmis.

Seu magna ventis pabula flantibus

Colonus amnis carpit et aestuat

Fervente Cancro, seu latentem

Multifido bibit ore brumam

20

Et rursus haustae prodigus evomit

Scisso tumentis divitias sinu,

Simul recenti sole spira-

menta putris caluere terrae:

Natura vix plus Oceano parens 25

Indulsit ipsi. Sed quibus infuit

Faecundus humor? cui propinat

Omnigenas age Nilus undas?

Ut nulla constant regna sibi diu!

Olim ferendo sub Latii iugq 30

Sudavit et strictas Canopus

Ausoniae tremuit secures:

Donec revulsam Mars Othomannicus

Praedam tributis apposuit suis.

Heu Delta famosum trigonae 35

Thracibus asteritur figuras!

Thracesque aristas nil Iovis indigas

Et viva stirpis balsama colligunt.

Europa quanticunque nasi

Non fruitur tamen hoc odore. 40

Insurge tandem Martia Romuli

Contende pubes, eripe barbaris

Opima glebae: Turca semper

Possideat melioris usum?

Il truces haustus prodigis evomit

Scisso truncata divinis sine

Sinui recedat sole spina-

menta putris cadens totius:

Ad Mathiam Cervum,
Tribunum belli, Alsatum.
Cum Monachium transiens in Belgium tenderet.

O D E XI.

Disciplina castrensis.

Paucos videmus surgere Tillios,
Quibus probetur Mars sine coniuge
Martis vel asternenda scuto
Casta quies gelidique somni
Plerisque castris agmina vagiunt 5
Et, qua moyentur nocte, puerperae
Portantque portanturque curru,
Sarcina deterioris aevi.
Atqui rigorem militiae Venus
Damnosa foedis molit amoribus 10
Enervat arcus et retundit
Blanda mares animos voluptas.
Testis mearum et Punicus Hannibal
Sententiarum, quem Capuae novis
Ultae cruentavere Cannis 15
Luxurie dapibusque fractum.
Peltata ni sit foemina, sit procul.
Torvas in armis Turnus Amazonas
De gente Volsca, non puellas
Indecores habuisse fertur. 20

Omen secundum, qui pius est, habet.
Aruspicinae Thuscus inhaereat,
Chaldaeus astris: proelianti
Auspicium dabit una Virtus.

Frustra volabunt et tibi septies 25
Plaudent olores, si male conscio
Ferule bubo carmen intus
Occinat inferiasque Dirae.

Adversa paci vulnera militent,
Subiecta palmae lancea floreat, 30
Urbique decretisque patrum
Laurigeri famulentur enses.

Fatale tempus: quisquis idoneae
Occasioni segnius imminet
Seu fraude seu peiore fastu, 35
Imperii patriaeque latro est.

Heu quot triumphos perdidit aemulus
Et regna livor! quot lacrymas dedit!
Lugentis Europae puellis
Ploro nefas puerisque notum. 40

Cunctare velox, ut Fabius: moram
Peritiores aligeram probant.
Matura semper poma carpet,
Qui didicit properare lente.



Duella Cadmi trade nepotibus 45

Pugnanda: bellum tu gere publicum.

Furens arenae lucta non est

Verus honor, sed honoris umbra.

Fas castra septis undique muniat;

Gemmis et auro sit potior fides, 50

Famamque percussumque foedus

Quo pretio cave cunque frangas.

Periurus astris victor et impius

Distatne victo? succubuit sibi,

Saxo, quod attrectavit, arae 55

A Nemese feriendus olim.

Dux, subiugatis linque iugum, boves

Scindant novalis, semina surgere

Permitte, civilis coronae

Triticeum meriture sertum. 60

Haec, Cerve, fiunt? — Currite flumina

Germana retro! tuque, bicorniger

Natalis abrupto meatu

Rhene, subi cava fontis antra!

O D E XII.

Amor Marianus.

Laedonem penna trepidante fibras

Somnio tantum potuisse laedi?

Quidquid est, auris aliquid volata

Movit maneis?

Et manum nescio moderantis arcum et

Sentio tibi leve pondus; haeret

Aureae vulnus calidum pharetræ in

Pectore fixum.

O, ubi nostram sequeris Dianam,

Virginum pulcer chorus ambulantum,

Nuncia gratis bene laesa carpi

Viscera flammis.

Dialogus

Auctoris et Michaelis Angullæ de forma
Virginis Matris et Pueri Iesu.

Cum in pervigilio Assumptæ Virginis ejusdem aram
celeberrimi artificis Sæartii manu depictam in
aula Monacensis gymnasii contemplantur.

O D E XIII.

A. Quam sit tota, vides, Mater amabilis,
Collectæ species viva modestiæ.

Ex ipso licet ore

Matrem discere Virginem.

M. Infans ut bicolor, candidus et ruber, 1/ 175

Membris laetitia spirat ab omnibus;

Ignorans quoque dicat;

Qui sic pingitur, est Deus.

A. Virgo caeruleis nubilis insidet 1/ 176

Inter gemmigeros pulchra Favonios, 10

Lunae fixa sinistro

Livent sub pede cornua.

M. Erecta, gremium molle premit. Puer 1/ 177

Exhilarque micat, conveniunt hanc

Ac miscentur in uno 15

Maiestas et amor, loca

A. Vestis virginis, non ego divites, 1/ 178

Sed tincta viola paupere dixerim

Ullis absque corymbis,

Ut tanto deceant mage. 20

M. Investis nebula Pasio inpro eget 1/ 179

Tectus, dulce satissic quoque gratio;

Pubescentibus altum

Crinitur, radiis caput.

A. Matris caesariem, carbena integit 1/ 180

Frons angusta patet. Teutonicam gente

Potavere pruinam,

Ostrum, quem bene diluit.

- M. At crispata riget Filioli coma
Et sol in facie ridet eburnea. 30
Malis lilia vernant
Et flammæ acunt rosae.
- A. Pondus non tetrici dulce supercili
Arcum supra oculos flectit ianthinum,
Et quam pupula vibrat, 35
Miti lux oleo nitet.
- M. Huius luminibus lacte madentibus
Blandus fulgor inest utraque gemma,
Quam permiscuit igni
Electri teretis liquor. 40
- A. Virgo, nescio quid non tacet et suis
Florem deliciis porrigit accipi;
Commendare videtur
Insertura volae manus.
- M. Infans nescio quid vagit, an annuit? 45
Certe non dubiis gestit amoribus.
Ex mulcente labello
Apricus trepidat color.
- A. Hanc pinxit tabulam Parrhasius Niger.
Veris quanta fluent gaudia vultibus, 50
Si tam limpida ficti
Derivant in imaginem?

M. Formosi quia sunt et Puer et Parens,
 An formosa Parens, anne Puer magis?
 Et formosa Parens et
 Formosus magis est Puer.

55

Pugio Traiani

sive

Orator politicus.

Ad informandum principem.

*Auctor orationem, quam de pugione Traiant habuerat,
 ab amicis rogatus Lyrae accommodavit.*

O D E XIV.

Nudi loquantur si chalybes, tace,
 O Iuste Lipsi: ferrea praevalent
 Mucronis et Romana verba
 Dura quidem, tamen efficacis

Acuta linguae. Pugio Caesaris,
 Effare verum: iam tibi plurimus
 Silet senatus, pendet aula
 A gladii resonantis ore.

5

Custos fidelis regibus additus
 Miteis et aequos praesidio vigil
 Defendo: crudeleis, iniquos,
 Degeneres patriaeque noxas

10

Invado versa cuspide: Nam memòr

Præ me vel in me more Læonico

6 Dixisse succinctum, Gabina 15

Cum caperet meus arma consul,

Detestor illos, quos hominum cruor

Bis purpuratos tinxit. An ostreis

Vesteis coloratas rubere

Non fuerat satis? Ergo sanguis 20

Debeat addi corpore civium

Expressus! Odi nomina Caesarum

Noctu senatores citantur

Attonitos spatioque rhombi

Metuque mortis. Thracia caedibus 25

Inauguretur. Taurica Bistones

Aulæa suspendant ferarum

Terrificis variata formis:

Utatur albis rex meus et sacri

6 Cubilis ornet fulcra tapetibus. 30

Quos intuentem nullus horror

Sævitiae vel imago lædat

Iras tyranni præcipitent equi

11 Cruore passi: rex meus et pius

Librabit et iustum dolorem 35

Laude moras, ubi ius ab ense



Ictuque pendet, quas tamen improbo

Prodesse nolim, si nocet bonis

Est et protervos ac rebelleis

Imperio collabere virtus 40

Scindantur artus, immedicabiles

Ne ducto labes, inquinet integrum

Corpus putrescentique serpat

In populum vitiosa membro

Ardente Roma: Quod libet, hoc licet 45

Clament Neronem: Quod licet, hoc libet

Traiane, dices. At nec omne

Quod licet, hoc libeat regi

Sui imperator latius imperat,

Quam subditorum, quam Tanaim Pado 50

Gadesque iungens. Lege lata

Ipse sibi bene parat auctor

Vitentur omnes, dedecorum proci,

Qui criminosis etque placent modis

Mordenti adulating catelli 55

Detrahit catulo leonia

Laus est venenum, publica blandus

Privata peius, feta nocentius

Letale, si tantum bibatur,

Quantum animo male sanis 60

Pellaeus hausit. Tunc etiam furor
Obest amicis. Tunc subiti Ioves
Nascuntur in mensa rotantque
Fulmina per pateras sonanteis.

Innube coelum frontis amabile. 65
Quis thura supplex offerat et preces,
Si torva maiestas ad aram
Igne tonat iaculisque stridet?

Non Africanis, non Halyatticis
Europa servit legibus. India 70
Truncos adoret et per annum
Visa semel simulacra regum.

Sol ipse tristeis ac pluvia graveis
Vultus decora temperat iride,
Ros unde labens et metallo 75
Concha novo pretiosa stillat.

Currunt ut amnes in mare, sic fluant
Opes in arcam, rursus ut effluent
Et hic redundet gurgēs. Auri
Larga manus, sed avara ferri 80

Vagina clarant. Parcite, principes,
Munire vestros excubiis lares.
Ni terreatis, nil timetis.
Pax animi trepidare nescit



Vulgique fluctus tuta natat super.	85
Molli lupato fortius attrahit	
Tranquilla subiectos potestas	
Quodque monet, iubet: inquieta	
Mandat, nec urget. Lene fluit Tagus	
Ditatque ripas; lene super Pharon	90
Extendit almam Nilus undam	
Et tepido foveat ore frugeis:	
Immane torrens e nivibus ruit,	
Campo sed idem fertur inutilis	
Pontesque clamanteis silvas	95
Spumeus ac sata laeta sternit.	
O quisquis audes esse bonus, meum	
Admitte Traianum. Ille metus fugat	
Curasque et adducit beatum	
Imperium sine fine. Dixi.	100

Ad Virginem Matrem

Duntenhusanam.

O D E XV.

Virgo, cui Natus faciem venustam
Seque concessit, mihi cunque salve,
Dum precor supplex facioque matu-
tinus ad aram.

Hic catervatim quoque te vocatam,
 Lene sentiri miseris patronam,
 Lingua suspensis loquitur vorentum
 Cereæ signis,
 Quem manu mulces, o amica, flecte!
 Non opus multis, o amica, verbis
 Mater arride semel, et Puellam
 Flexeris ore.

Ad clarissimum virum
 Bennonem Segartium

Inter consiliarios adiectum.

O D E XVI.

Detarret illum a more huius seculi
 Odi bilinguis et pretio fidem
 Dato paratos frangere vitream.
 Virtus in illò nulla, cuius
 Prima Deum timuisse non est.
 Iustum, Segarti, consilium dabis,
 Quod atra nullis sepiâ fraudibus
 Obscuret aut privata lactet
 Utilitas aliena sugens.
 Charontis hamum relice, munera
 Pulcrum rubentis spernere laminas
 Et, cum propinatur torcuma,
 Dicere Non sitto metallum.

Qui blandienteis tenet opes, opes

Supra est et infra se tenet omnia

Hoc Morus exemplo Britannum 15

Emicuit moderatus animi

Ille in faventis culmine glorie

Intaminatis maior honoribus

Sic se regebat, sic tyrannum

Ut neque fraus neque via ab aequo 20

Regalis unum nec metus aut amor

Moveret unguem. Sol citius suo

Dimotus e cursu quadrigam et

Munia deseruisset axis

O ista nostro si quoque seculo 25

Floreret arbor, non veluti pila

Missus per auras huc et illuc

Ambiguo fluitaret ictu

Romanus orbis; nulla facesseret

Tumultuantis rixa superbiae 30

Turbas neque aeterno vetaret

Exsilio remeare Pacem

Procul rapinis et procul ambitu

Fovente liteis, quisque sua sedens

Sub vite vel fici quietam 35

Exigeret sine Marte vitam

Nunc insolenteis post Camerarios
Cuniculosis omnia fraudibus
Suffossa quadratoque rupit
Agmine Machiavellus orcum. 40

Cretata vendit se sapientia
Veramque lucris turpibus immolat,
Pelli leoninae scit impro-
visa suam sociare vulpes.

Per heu tacendas Achitophel suum 45
Non unus arteis nobilitat genus.
Argutus incrustare verba
Ingenio potiore vincit.

At non triumphis monstra perennibus
Impune nullo vindice saevient: 50
Iniuriosae larva mentis
Saepe quidem queat esse tecta,

Sed tuta nunquam. Sol radios dolo
Inverget olim; defluet allitum
Claustris ab omni parte gypsum 55
Et paries animique stabit

Structura nudi sub patulo Iove
Videnda nullis picta coloribus.
Cum protrahentur purulenta
E trepido Stygis ova nido, 60

Ut palpitabunt ad medium diem
 Et clara coeli spicula noctuae
 In fraude deprensas aperta
 Luce palam feriente pennas!

Ad Sabinum Fuscum

In Indias profecturum.

O D E XVII.

Ibis, quo iubet unica
 Toto circumagens aequore litera,
 Sed qua nec violentius
 Gaudentem traheret grandis epistola.
 O ergo faciem novis 5
 Incoctus rapidae solibus Indiae
 Augebis pretiosius
 Pulcre barbarico more ferocior;
 Bis ferrugineus genas
 Fulgenteis tenebris et bis in annulos 10
 Flexam caesariem niger.
 Quod ni te Superis ire volentibus
 Invito mihi suadeas,
 Diris Thessalicam devoveam ratem,
 Primum quae potuit fretum 15
 Audax aerisonis rumpere puppibus.
 Cedamus: vocat Hispalis.
 Per matris lacrymas perque sororios

Imbreis navita nobilis
 Ridens vela sui pectoris explicat. 20
 Ah frustra genitrix sinum
 Fles percussa manu! quid scopulum feris?
 Lamentis quid inanibus
 Perdis verba nihil proficientia?
 In ventos abeunt preces. 25
 Cursuri pelago lintea filii
 Tot suspiria promovent.
 Tempestiva gemens flamina sufficis:
 Non, si scissa comam pares
 Tortis foemineo crine rudentibus 30
 Iniecisse moras, semel
 Inspirata Deo carbasa retrahas.
 Mens immota sibi manet.
 Iam pulsata sonant litora; iam fremit
 Ventosi chorus Aeoli 35
 Et frondosa levans brachia Mexicum
 Complecti parat hospitem:
 Iungamus placidis vota Favoniis.

Ad Eundem.

Auctoris vaticinium.

O D E XVIII.

Quam nihil in certas cautum est mortalibus horas!
 Omnia vota natant.
 Fusce, redi: vatem si me quoque maxima dicit
 Roma, Sabine redi.

Quid reditum moneo? nunquam quo dirigis, ibis ; 5

Huc age flecte ratem.

Sperasti extremos mollire profectus ad Indos

Barbara corda virum.

Fata vetant : orbis potuit Germania curas

Pellere nostra novi. 10

Non gens durat tibi, sed cerea Principis aetas

Erudienda venit.

Nulla Philippinis obtexerit insula claustris :

Teutonis aula vocat.

Qualiter Aeaciden Scyro subduxit Ulysses 15

Ad fera bella ducem :

Sisteris aequoreae divulsus rupibus orae

Nec latuisse potes.

Educi latebris prohibebat mater Achillem :

Sed tua nempe cupit. 20

Flecte ratem : decus Ausonii nomenque mereri

Arsenique potes.

Tu nunc nostra quidem praesagia riseris : at mox

Pondus habere scies.

Sic mihi fatidicus noctu praedixit Apollo : 25

Sic cecinere Novem.

Anne et ego ludor? Quid enim Caducifer ales

Missus ab axe monet?

Ille ter, ille quater vigilanti sibila virga

Edidit ante lyram. 30

Et tua subduxit subito mihi mobilis ora

Substituitque virum.

Nec tamen alterius monstrata coloris imago est
Dissimilisve tibi.

Ista quoque incensum corvi nigredinē crinem, 35
Caetera oloris habet.

Num tua sit facies, an non tua, nescio: talem
Turbida vibrat aqua.

Amnis ubi moto resplendent fragmina vitro,
Frons, gena, nasus hiant 40

Atque iterum coeunt, iterum divisa resultant,
Ut levis aura movet:

Sed neque constantem licuit pernoscere vultum
Impediente deo.

Cumque oculos propius vellem defigere, risit 45
Opposuitque manum.

Ad Florianum Wolclum.

Malae conscientiae poena.

O D E XIX.

Nolis beatum dicere divitem
Quemcunque, Wolci, sub nitida cute
Tormenta gestantem profunda:
Omne scelus furit in scelestum.

Iniqua mens a se prius exigit 5
Poenas nocenteis et Nemesis sibi
Fit ipsa. Nam quo laeta dormit
Culpa toro? quibus aut veneni

Secura mensis assidet? Hinc iecur Extendat anser Thuscus et advolet	10
Guttata Phasis, Bacchus inde Vina senex generosa fundat,	
Conviva moestis criminibus satur Iuxta facetos nauseat hospites	
Aut dente moroso gelatas	15
Triste dapes velut umbra carpit.	
Formidat hostem pacis in atrio. Ut ille desit, non bene conscius	
Lictoris instantem securim	
Consule se Mario timebit.	20

Ad clarissimum virum

Ioannem Paveriam.

Laus Adami Firmionis caeci.

O D E XX.

Audi, Paveria. Non adeo male Caecis esse, iubet credere Firmio, Felix accola mortis Et clarus sine lumine.	
Seu currum revehit Phoebus ab Indiis,	5
Seu Tartessiacis fluctibus avehit, Neutrum sidus adorat.	
Formosissimus intimo	

Sol est ipse sibi. Mens gerit Hesperii
Auroraeque vices ac quoties libet 10
Festino cita motu
Pertransit duplicem polum.

Haec secum, Vacuo stat facies sinu
Nec fronti vigilat flamma, quid interest?
Tanto plura quieti 15
Libertas animi videt.

Ut praeferre nigris candida nesciam:
Virtus qui vitio distet et utili
Secernatur honestum,
Alter Tiresias scio. 20

Orbeis ille cavos percitus et sacras
Convertisse manus fertur ad aethera
Eventuraque cunctis
Explorasse sagacius.

Vates antra petunt et nemorum domos; 25
Qui Dis cunque sacer lucus inhorruit,
Densis reddidit umbris
Obscurum venerabile.

Sic assuesco mori. Manibus integris
Addendus patior iam mediam necem. 30
Fatum plenius opto;
Tantum pars obiit mei.

Ibit sub tumulum corpus et Atropon
 Fraudabit solitam vellere palpebras
 Supremoque natanteis
 Stellas demere funeri.

35

At liber veteri carcere spiritus
 Vivas sese oculo lucis imagines
 Vivo fonte fluenteis
 Vivis hauriet amphoris.

40

O spissum radiis ac nitidum mare!
 O aeterna dies et rapidum iubar!
 O caligo serena,
 Lumen nobile gloriae!

Ad Bennonem Altorfium

In funere dulcissimi f. Edmundi. Anno MDCXLI.

O D E XXI.

Quod vetant postes adamante fulti,
 Filius nunquam querulo redibit:
 Orpheus plectro licet obserata
 Limina pulset.
 Perdis, Altorfi, lacrymas; resiste
 Fortiter, dum se dolor ipse frangat:
 Rapta lugenti fuit una, sed non
 Unica proles.

5

Restat Henricus roseusque Benno,
 Cuius octavum trieteris annum
 Nuper implevit, puer innocentis
 Musteus uvae.

10

Candido primum pede Magdalena
 Propulit lustrum, Catharina quartum.
 Anna iam sponso celebrique digna 15
 Comitur aulae.
 At nec Edmundum periisse dicas:
 Corpus hic tantum luteasque (membra)
 Exuit vesteis placido daturus
 Lumina somno. 20
 Vivit, Altorfi, tuus ille vivit
 Et sepulcrali positus in urna
 Vinculis felix alium vagari
 Vadit in orbem.

Ad clarissimum virum

Arsaclum Mamirodam.

*Cur priscicrediderint Venerem ex mariprocreatam
esse.*

O D E XXII.

Unde suos hominum genitrix Cytherea ducat
 ortus,
 Me cogis indagare, Mamiroda.
 Argolici natam maris aequore prodidere vates
 Ornantque causis fabulam decoris.
 Namque et nomen adhuc Aphrodisia servat et 5
 tepenti
 Mulcetur ipsa filiusque lympa:

Navigat omnis amans et habet sua, quae Favo-
niorum

Vexilla flabris explicet cupido.

Mittant in Venetum cymbas mare, qui volunt
amando

Ludi nocentis crimen experiri. 10

Forsan ethinc Flacco trabs Cypria dicitur carina,

Quod Diva Cypri navitas gubernet.

Priamides celebrem rapturus adulteram Lacaenis

Tentavit aequor impulitque classem.

Per freta Leander spumantia turbidosque fluctus 15

Suum natavit invenire scortum.

Si vitasset aquas et litora, non fuisset albi

Europa plorans praeda facta tauri.

An fera caeruleis est luxuriosior iuvenis?

Daturne glaucas inter ulla virgo? 20

Innanteis mediis Nereidas ardor urit undis;

Tritone flagrat inquieta Doris.

Oceano maius non est neque turpius lupanar:

Impune spernunt Naiades tridentem;

Vivit ibi pistrix pendentibus exsoluta mammis 25

Cantuque Siren blanda fallit aureis.

Iuppiter ingenuum praedo quibus abstulit pu-
dorem,

Mercede pactas iussit esse nymphas.

Humida sunt in aquis incendia, quod probat bitu-
men

Salisque thermae sulphurisque foetae. 30

Mulciber (haec fama est) uxorius ut placeret
aegrae,

(Vexabat aegram coniugem catarrhus)

Sollicitus morbum depellere frigidamque tussim
Implevit ora fontium calore.

Durat adhuc multisque locis quibus aestuant 35
caverna,

Telluris uber flammeum liquescit.

Balnea naturae Vulcania nominamus; illis

Lavat Dione concolorque sexus

Raravehunt purum iam flumina sordibus liquorem

Illime rara trudit urna vitrum. 40

Saepe quidem primo Pimplea ferocius scaturit

Geluque castum pollicetur unda.

Foedo polluitur mox crimine molliorque Baiis

Enervat artus foeminamque fundit.

Vertitur in fontem post fata libidinosus Acis, 45

Incesta Byblis solvit ore rivum.

Fonte vel inspecto Narcissus amavit insolenter

Desideratum se sibi procatus.

Alpheus fugitiva tuos, Arethusa, novit igneis

Antrisque caeca furta sub sicanis. 50

Denique quid Paphium multis opus explicare
partum?

Loquatur ipse nominetque matrem.

Nam mala si corvus ponit malus ova furque furis,

Confecta res est et lupam tenemus.

Illius est infans, cuius bibit impudica moreis 55
 Arteisque easdem possidet nocendi.
 Ut Thetis e portu placidissima remiges in altum
 Invitat aequor nesciosque mergit,
 Sic meretrix oculis ridentibus allicit iuventam
 Sorbetque blanda naufragam Charybdi. 60
 In Scylla facies pulcerrima, sed canina saevum
 Latrat papilla, latrat umbilicus.
 Ceu mare salsa Venus sua gaudia terminat dolore;
 Aestu marinos aemulatur aestus.
 Innumeros haurit Neptunia nec redundat amneis: 65
 Avara semper moecha dicit Affer.

Palinodia.

Rectius dici Venerem ex limo terrae originem
traxisse.

In gratiam Ildephonst Mamirodae, Arsacti Mamirodae fr. de Adami lapsu eiusdemque peccati noxiis effectibus disputatur.

O D E XXIII.

Lampade si dira tantum Venus ureret phaselum,
 Nullis flagrarent ignibus quadrigae;
 Forsitan orta salo credi dea posset irreperta:
 Extra sed undas illa saevit aequae.
 Utque exempla probant crudelius imperat sub axe 5
 Torrente Mauros pauperes aquai.
 Desinat obscuris Graium vetus error involucris
 Docere pulcri vim genusque monstri.

Verius ac multo solertius, Ildephonse, pandis
Et insitivum fomitem malorum 10
Non Pelagi bullis candentibus imputas, sed eheu
Luto rubentis pulverique terrae,
Qua stetit effectus nostrum pater omniumque latro
Ausus superbe velle Numen esse.
Antiquas retegis silvas, ubi concupivit Eva 15
Fatale pomum noxiumque carpsit.
Corporis humani quinunc vagus obsidet medullas,
Accendit ignem primus esuritor.
Is stimulo culpa lacer ossibus implicatus ardet,
Undantis Aetnae quantus est caminus. 20
Quod mirere tamen, non nititur evolare sursum
Instarque plumbi semper ima quaerit.
Terra Venus, terram soboles petit, improbus
Cupido,
Levi puello cedit omne pondus.
Interea certis habitare cubilibus videmus, 25
Seu valle prona, colle seu supino.
Illi gratus Eryx Amathusque dicatur et Cytheram
Taedaeque fabra nuptialis Ida.
Iste per umbrosum volitat nemus excutitque mala,
Peccantis heres pertinax Adami. 30
Malo Cydippen delusit Acontius doloso
Astum nocentis aemulatus anguis.
Mollis adhuc hodie lascivia regnat in viretis,
Lenone sarta dividente Maio.

Hic ludit petulans dryadum chorus elicitque saltu 35

Faunus latenteis capripes Napaeas,

Hic Erycina quatit terram pede quasque laesa

tangit,

Rubore spinas imbuit rosarum;

Hic super arboribus suspiria sentiunt amantes,

Alnove glauca populove cana. 40

Hoc neque dissimulat vel Achaica vel Latina Clío

Floreis amorī consecrans et hortos.

Ipsa sub occasum nam funera saepe floruerunt

Ornata miris frondium capillis,

Pyramus et Thisbe testes tibi; nunc uterque 45

morus,

Olim puellus hic et haec puella.

Myrrha patri plus quam licet addere cara la-

crymatur

Suumque nomen stillat uda myrrham.

Flavos in campis Hyacinthus et indices Adonis

Leti cruentos explicant colores. 50

Usque adeo siccam potius Venus asserit parentem

Sororque dici Naiadum recusat.

Sive tamen terrae gremio sata seu maris profundo,

Utroque, quam sit vana, prodit ortu:

Tam cito quippe levis fugit et brevis interit 55

voluptas,

Quam flos in agro, cana spuma ponto.

Equus a s. lobo descriptus c. XXXIX. et ab
auctore cum gratia Dei comparatus ex illo
Thomae Kempensis oraculo:

Suaviter equitat, quem gratia Dei portat.

Ad fortissimum heroem

Philippum Manderam

Ex antiquissima familia Wackermannorum, in Cae-
sareo exercitu militantem.

O D E XXIV.

Adduco pastum sidereis equum,
Philippe, campis, cui nec Ariona
Adrastus, Aethonemve solis
Lucifer aequiparare possit.

Huic cedit alae Cyllarus igneae 5
Flavique Xanthus pulcer Achillei.
Ut ore fulvum mandit aurum!
Ut virideis agitat smaragdos

Candetque spumis! ut male pendula 10
Ferocit humectare monilia!
Ceum vile dedignetur ostrum
Impatiens phalerarum et auri.

In iusta densum colla fluentibus
Erecta cervix luxuriat iubis,
Quas non in Argaei pruinis 15
Aut tumidi nive lavit Hebri,



Sed sparsus altis caedibus in sacro
Iordane tinxit. Caeruleus color

Glaucusque spadice remiscet,
Quem Pholoe pecorosa laudat.

20

Mundi lutas ingrediens vias
Sustollit argutum ad Superos caput.
Non ille pilentis iugari
Aut Cyprio patietur arvo

Versare glebas: non scelerum iugo
Pressus pudendam circumaget molam.

25

Fastidit indignos labores
Arduus opprobriumque culpae.

Undas et igneis per medios fugit,
Ventis et ala fulminis ocior.

30

Per summa camporum, marinae
Siccus aquae segetesque fertur,

Ut nulla culmos proterat ungula.

Hinnitus eius viva tonitrua,

Clangorque declamata circum

35

Colla datus sonitus acuti.

At non locustae more fugabitur

Durante pugna: gloria narium

Terrore fumat, nec sagittis

Nec facibus gladiove cedit.

40

Hinc vibret hastas ira vel ambitus,
Illinc pharetrae tela cupidinis
Figenda promant aut veneno
Invidiae medicata fastus,

Subit procellam fortior alipes 45
Fervens fremensque et sorbet anhelitu
Terram volaturusque nescit
Stare loco remorasque damnat.

Nisi antecedant classica, praefurit
Sibique factus buccina turbidum 50
Laetatur hostilique poscit
Pabula diripienda campo.

In Christianos bella moventibus
Late tyrannis ex stabulo procul
Saevos odoratur Nerones 55
Aure micans, Decioque dicit

Vah! Maximino vah! simul irruit
Flammis et atrum Ditis Alastora
Contemptor Orphnaeumque stricto
Calce ferit: simul insidentem 60

Ad astra tollens nubibus invehit
Scribitque gyros. Victor Olympica
Donatur Eleaque palma
Dis etiam Hippomedon canendus.



O digne tali, magnanimum genus,
Equo, ingalem, Mandora, gratiam
Conscende: secure veheris;
Non alio tamen usus olim
Cruenta stravit monstra Georgius.
Neu frena captes: te reget; invia
Permitte sectari superbo
(Nam labor est inhibere) passu.

70

Ad serenissimum Principem

Ferdinandum Carolum,

Archiducem Austriae etc. Comitem Tirolis etc.

ODE XXV.

Et te canemus nunc tenui lyra,
Olim tubarum Mercurialium
Fragore magno, Ferdinande,
Austriadum generosa cervix.

Quamquam Cybelle patria montibus
Inclusit altis, iam tamen emines
Sublimis Europamque et omnem
Intuitu velut ominoso

5

Metiris orbem; iam sapientia
Canis iuventae caesariem tuae
Ornavit; in matura tendis
Secula praeripuisse solers

10

Tantillus aevum : conscia mens sui
Monteis et annos transilit impares.

Sed est et ipsa laude forma
Corporis imperioque digna.

15

Frontem venustis Claudia Gratiis
Et Mediceo sidere miscuit

Deditque Florentina vivum
In facie radiare florem.

20

At pectus amplum et contremere igneum
Atque incubantem magnam animam pater
Possedit implevitque venas.
In roseo Leopoldus ore

Sedet videri laetus et aureo

25

Fulgore praesens. Ille quidem diem
Exemptus humanum reliquit
Alterius speculator orbis:

Tu vero vultu, moribus, indole
Sic vindicatam reddis imaginem,

30

Nil distet ut vivo sepultus.
O patriae pietatis heres

Ex asse, salvè; qualiter imbuis
Commune votum! verba virum sonant:

Scis culmen inclinare civi.

35

Cum tot avis serieque longa



Possis et alti fulgure sanguinis,
 Virtute mavis Ascanius cani.
 Sic itur, o Princeps, ad astra,
 Dis genite et geniture Divos.

40

Ad Io. Albulam.*Virtutis Genius.***ODE XXVI.**

Virtus aetherei conscia sanguinis
 Astrorumque soror non amat, Albula,
 Inter serpere fungos
 Et declivia vallium:

Semper summa petit; quo neque nubium 5
 Nautam Romulei flammigerum Iovis

Pleno concita vento

Transfert penna satellitem.

Illius labor est nobile pabulum,
 Acclinis clypeo porrigitur quies 10
 Accenditque soporem.
 Belli dulce periculum.

Iam cum sidereis otia fratribus,
 Iam cum fulminibus proelia dividit

Lustralique Tonantis 15

Gestit sulphure spargier.

Supra fata rapax tollere se domat
 Formosis humilem sub pedibus metum.

Si Fortuna lacessit,

Constans adiicitur sibi. 20

At cum pulvereo fumat ab aequore,
 Corpus non gelida fluminis abluit,
 Sed sudore lavatur
 Neglectu Dea pulcrior.

Auri nulla fames, nulla sitis lucri;
 Dedignatur humum figere spiculis:
 Arcus tota cupido
 Metam fertur in arduam. 25

Promittente necem vulnere gloriae
 Migrat cum domino fida comes suo 30
 Heredique superbit
 Linqui ceu spolium pigro.

Panegyricon.

De laudibus B. Mariae V.

Carmen votivum.

O D E XXVII.

Unde deducet tuus orsa vates,
 Virgo centenis celebrata linguis?
 Virgo centenis celebranda linguis,
 Omnia cantant.

Hinc tibi circum nemorosa montes 5
 Colla substernunt, ut in astra tollant,
 In tuas illinc saliant aquarum
 Murmura laudeis.

Lucus Hermonis, Sabamaea prata,
Collis Engaddi, Balhamonis hortus, 10
Alta Carmeli iuga te reclinari

Hospite gaudent.

Te capillatam velit Aura cedrum,
Quanta persultat Libanitis Austros:
Te velit molli platanum fluento 15

Lambere rivus.

Posceris flavae terebinthe valli,
Posceris clauso cyparisse campo:
Praeripit celsa tamen arce rupes
Sacra Sionis. 20

Te petunt saltus virides Phogori,
Te suis palmae foliis Cadanae,
Virgo, scripserunt Amanaeque vertex
Curvus adiri.

Ille Iordanes tibi transeunti 25
Hinc et hinc late vitreis in altum
Substitit muris mediaeque cessit
Foederis arcae.

Stantis immotas Hesebonis undas
Pinxit insigni Zephyrus figura, 30
Quae tuos summo tibi, Nympha, reddit
Margine vultus.

Vena tu vitae puteo salutis
Irrigas siccos medicamque vivae
Lucis infundis scatebram dolore 35
Mentibus aegris.

Umbra tu crescens et opaca mali
Protegis fessos reficisque vireis.
In rubo spargis iubar ominosae
Herbida flammae.

40

Scala tu coeli superanda certos
Nexilis fulcri radios ab alto
Ducis in terram solidoque signas
Aere passus.

Seu polo dici Cynosura mavis,
Clara nocturno regis igne nautas;
Seu diem faustum bona nunciare
Nobilis Eos.

45

Illa captivi patris e fenestra
Missa post tristeis pluvias columba
Ore decerptam rediens tulisti
Pacis olivam.

50

Hispidi quamvis habitemus inter
Saxa Saniri, tamen ex Olympo
Diceris nobis gemuisse visis
Turturis instar,

55

Plumeum laeveis bene cuius alas
Pingat argentum, bene praeter alas
Cuius et collum varioque dorsum
Palleat auro.

60

Nos quidem raucae gemitu palumbes
Candidas coeli volucres fugamus:
Sunt tamen raucae tibi visa dignae
Cura palumbes.

Fixa qui coelo numerabit astra 65
 Et maris guttas nemorumque crineis,
 Se tuas iactet numerasse doteis

Falsus Apollo.

Verna post longas hiemes voluptas,
 Dulce post nimbos animi serenum: 70
 Grata messori medioque in aestu

Roscida nubes:

Qualis adversi rubet icta telo
 Solis et presso sinuatur arcu,
 Quae novos lucis variat repulsu' 75

Mille colores.

Ista, suspenso licet orbe, nondum
 Floridam densos animam per imbreis
 Iris exhalet, tamen ex amico

Vulnere rorat. 80

Caeteri flores cito proteruntur
 Et senes forma pereunte marcent:
 Non timet mortem rosa, non aniles

Mystica rugas

Virgo: sed summas quis ad umbilicum 85
 Exigat laudeis? niveis et ipse
 Liliis venter gravidoque frugum

Turget acervo.

De Pompeio Magno, Iulio Caesare, Catone Uticensi in tabula depictis ab Alberto Durerò.

Carmen Extemporale.

In gratiam clarissimi viri Io. Targisii, qui ostenderat.

O D E XXVIII.

Partum tueri difficile est, ubi

Collisa virtus ipsa sibi nocet

Molesque iusto maior. Hi sunt,

Hi laceri duo frusta mundi

Damnosa. Canus ferre negat parem,

5

Calvus priorem; dividitur scelus:

Civilis a belli tumultu

Peliacae tonuere valles.

Per ipsa iuris viscera lanceam

Per et senatum torserat aemulus.

10

Extrema libertatis umbra

Hoc steterat removenda iactu.

At non eadem mente domabilis

Vultum tyranni sustinuit Cato.

Romana libertas Catoni

15

Posthabita placuisse Roma

Vitaque fertur; carior altera

Non uxor illi. Marmaricas simul

Nudi peragrarunt arenas,

Ense simul periire fixo.

20

Audire Caesar qui potuit sua
 Manu peremptum, non potuit tamen
 Videre servum. Quanta, Iuli,
 Funera Thessalicis humasti

Vespillo campis! Rectius alteri 25
 Impensus hosti, Thracibus aut Dacis
 Fuisset ulturusque Crassum
 Assyriis cruor ille Carrhis.

Pallodia.

Non abhorre se a quibusdam Stoicæ sectæ scitis.

O D E XXIX.

Sint infecta precor, quæ nuper facta volebam
 Et ventis commissa ferantur.
 Quod tibi sacrilego, vates, scelus excidit ore?
 Tu veterem dimittere sectam?
 Et profugus signis magnoque Catone relicto 5
 Ad vilem decurrere vulgum?
 Isara, curre retro: quique in mare volvitur Ister,
 Summa petat cunabula Rheni.
 Scilicet offensus rigida virtute recedis
 Et praeceps te semita terret. 10
 Audes laudati studiis contrarius ævi
 Antiquos turbare sodales.
 Sed quid ad hæc Birrus, quid Virnia dicet amicus:
 Et maior Bascaudus utroque?

Tres istos Thraseae semper conferre solebas 15

Helvidio par ipse futurus.

Insuper evulgas cani secreta magistri,

Conatu temerata profano.

Ac merito possint tantum conficta videri

Alsaticae ludibria buccae. 20

Transfuga praeteritos ut damnesturpiter annos

Et Cynica de fraude queraris,

Cui noceas? nulla socii quos deseris arte

Propterea vel voce moventur,

Sed tua spernentes recto convitia vultu 25

Ut rigido stant aere columnae.

Non cadit in vere sapientem iniuria: cunctis

Ille malis sublimior extat.

Disce Stoeae iam nunc praecepta immania fundo

Virtutem solidare tenaci. 30

Disce, quod inculcant: Pulcrum est ut marmor

ad ictus

Durari tormentaue frontem.

Pulcrum est in lacrymas nunquam subsidere,

quamvis

Hinc glacies, hinc torqueat aestus.

Pulcrum est aeternis animos affigere signis 35

Et nullo terrore domandum

Fortunae tergum Fatisque ostendere pectus,

Quod signet formosa cicatrix.

Pulcer contemptus mortis, quaecunque citarit

Seu velox seu tardior hora; 40

Posse loqui fastos et semper dicere Vixi,
 Vos nati coniuxque valete.
Cur igitur sacris fugi periurus ab aris?
 Quis rapidum furor egit in arma?
Me me, adsum qui feci, in me converte, Riverna, 45
 Nodosum, neque desine, fustem.
Peccavi fateorque nefas, quod cum cane gallus
 Et serpens et simia plectat.
Posthac si fallam, ruat omnis porticus in me;
 Fracta meum sit testa sepulcrum. 50
Cochleolas Phrygis assiduo versare paratus
 Et tineas arcere libello:
Omnia, quae verax ructavit Corduba, lingam
 Zenonis iuratus achates
Et, si fata ferant, sparsurus sanguine thermas 55
 Cum Seneca mittente cruorem.

Ad Andream Labienum,

M. Labieni consultissimi viri Stoici f.

Praecepta vivendi Stoica.

O D E XXX.

Disce, quid prosit, Labiene Marci,
 Prima dum floreis imitatur aetas,
 Dum comae vernant per et ora serpit
 Umbra iuventae.

Decident olim virides capilli	5
In nivem cana subeunte Bruma.	
Decidet vivax et amoena fassis	
Purpura labris.	
Cuncta labuntur fugiuntque passim	10
Sole per vastos fugiente campos:	
Cumque Saturno reditura nunquam	
Tempora currunt.	
Ipsa festinat mora. Qualis unda	
Ante se motam pede trudit undam,	15
Talis impellit nova semper horam	
Hora sororem.	
Una stat virtus medioque durat	
Quo loco gressum solidata fixit.	
Causa vivendi perit hac remota	
Vitaque mors est.	20
Mitte cunctari bonus esse nec te	
Differ incertum. Properas habere	
Multa, quae non es: nec habere te ve-	
locius ambis?	
Culpa vitetur: fluit haec in omneis	25
Fertilis poenas subigitque sontem.	
Teste se solo reus est eodem	
Iudice plexus.	
Summa ne quaeras mediis iturus	
Tutior campis propiorve ripae.	30
Semper aut ventos timet aut ruinam,	
Quisquis in alto est.	

Scilicet parvam Boreas phaselum
Praeterit glaucas prope litus herbas
Ungue carpentem; medioque sternit 35

Aequore classeis.

Si quid argenti gravis arca perdit,
Parce lamentis onerare coelum.
Quidquid amittes vitii, vocabis

Utile damnum. 40

Corporis formam patiens videri
Laxat astrictos humeris amictus:
Ut bonum cernas animique dotis,

Exue corpus.

Intus est, quo sis opulentus; intus 45
Gaza Persarum latet; intus auri
Vena subluceat penetranda: frustra

Quaeritur extra.

Vile Fortunam, Labiene, dices,
Turpe promissis et amore flecti, 50
Turpe mulcenti placidaeque laetum

Porgere vultum.

Turpe, cum blandam faciem retorsit,
Flere et irasci miseranda questum
More cedentis pueri columnam, 55

Si caput icit.

Qualis immenso bibit ore dulcis
Nereus lymphas, tamen ipse nunquam
Dulce mutatur sibi semper idem,

Semper amarus. 60

Talis adversas sapiens procellas
 Haurit et sortis variosque casus,
 Frontis immotae facies colorem
 Servat eundem.

Pauper infelix habet unde sese
 lactet et fatis velut exprobrando
 Maior ostendat nitidum sinistri
 Pollicis unguem.

65

Ad Christophorum Immolam,

Stoicum.

O D E XXXI.

De setpso.

Contemno quaedam et calco superbia
 Laudabili: cur, Immola, serviam
 Famae volutanti susurros?
 Cur timeam sine Marte linguas?

Non est meum, si plebs amat aequior,
 Gaudere, si plebs odit iniquior,
 Dolere: permistam lupinis
 Dedecorum decorumque mercem,

5

Quae piscalento venditur in foro,
 Pari moneta solvo. Quid interest?
 Contemnari a vili popello,
 An celebrari digito faventis

10

Monstrandus, Hic est; seu mihi pollicem
Suburra vertat seu premat, improba
Virtute tantundem rependo
Meque mea involuo lacerna.

15

O D E XXXII.*Cantata fertilis natalitlis Christi.***Speculum sine macula.**

Ecce crystallus sine labe pura,
Cui suum toto Deus ore vultum
(Filius) impressit speculi nitentis
Captus amore,
Tota iam vere, Dea, tota pulcra es.
Tu quidem Virgo quoque pulcra: sed cum
Mater et Virgo celebraris, es te
Pulcrrior ipsa.

Ad Albertum Murranum,*Stoicum.*

O D E XXXIII.

Verae divitiae.

Sunt in tabernis ac stabulis opes
Foedumque cellis crimen olentibus,
Et in deorum fulget ara
Et cavea meretricis aurum.

Tam latro nummos quam patriae pater 5
Fert in crumena, nec magis integer
Ac castus argento sacerdos
Quam fruitur sceleratus augur.

Quodsi potentes illecebris forent,
Alberte, verum divitiae bonum, 10
Illas haberet sola virtus,
Sola daret; neque sic profanis

Concederentur mentibus ut sacris;
 Passim frequenti ridiculum foro
 Plebeia mendicaret acra
 Flagitium; vacuusque culpae

Iret per omneis plenus opum vias.
Sic ergo tecum: Cur inhio lucris,
Quem magna certatim ferentem
Nunquam animo meliore possunt

**Donare, quam sit, sed neque reddere
Ablata peiorem? an vacuas manus
Mens plena non compenset auro
Nobilior? Satis est agellus**

Desideranti quod satis ; unice **23**
Possessus a me sufficio mihi.

Quid plura quacram, parva si sunt
Optima, si bonus ipse praesto?



Ad Virginem Matrem*In crypta Monacensi propitiā.***O D E XXXIV.**

Te licet, Virgo, decuisset arcus,
 Qualis immani Latiae coruscat
 Urbis in templo croceisve pingit
 Nubibus Iris,

Heic tenebroso tamen in recessu
 Parva contentam facilemque tecti
 Ara sustentat modicaeque gaudes
 Nomine cryptae.

5

Qui fit, o puri sata luce Solis?
 Plurimum gaudes aditu sacrae ca-
 liginis pleno, bene quem replevit
 Entheus horror.

10

Testis Oëtingae celebrata sedes
 Noctis arcanæ pretio verenda,
 Quaeque famosum nemus Helvetarum
 Reddit Eremus.

15

Anne quod sicut Cedarena pellis
 Ipsa sis pulcro quoque nigra vultu
 Decolorantis nimios Olympi
 Passa calores?

20

Anne servorum domitura fastum
 Nunc quoque ancillam Domini professa
 Culmen aularum radiosque et aurum
 Sponte remittis?

Forsan, ut nobis adimas pudorem 25
 Et scelus toto fateamur ore,
 Amoves lumen nebulaque sepis
 Iudicis iram.
 Quidquid est, taleis tenebras amamus.
 Dulcis obscurae placet aedis umbra. 30
 Prae palatino mihi ridet iste
 Angulus horto.

Vaticinium

De Augia Monacensi.

*Cum eam ex crepidine propinquit clivi contem-
plaretur.*

O D E XXXV.

Si prisca mecum volvo Palilia,
 Quae, cum locaret moenia, Romulus
 Dicata pastores quotannis
 Iussit agris iterare pastor,
 Augia, metam tu quoque proferes 5
 Ultra fluentem longius Isaram
 Urbique vicinae superba
 Contiguas sociabis aedes.
 Succrescit altam semen in arborem.
 A fonte quamvis exiguo fluent 10
 Immensa per terras in altum
 Flumina terrificantque classeis.

Altriciis infans uberibus lupae
 Pastus ferocem stravit Amuliam
 Duxitque muros quaeque primum 15
 Fratre Remo rubuere fossae.

Urbs parva mundi facta caput patrum
 Foecunda pleno sidere floruit,
 Quando voluptatem Sabinae 20
 Nescierant mediisque consul

Quaesitus arvis ante boves stetit,
 Qui cras Faliscos sub iuga mitteret
 Boum Fidenatesque victos
 Iungeret et Gabios Latinis.

Orante Pyrrho divite supplicis 25
 Contemptor auri Fabricius fabam
 Coquebat et pulsteis, colonus
 Hic segetes, alibi rebellem

Messurus hostem. Pauperies manu
 Subegit orbem; publica rusticus 30
 Dictator e Veiente curru
 Iura dabat populisque leges.

O Alba nunquam tota beator
 Scribenda fastis! Di quoque fictiles
 Sunt plura concessisse visi 35
 In casula Curibus saligna,

Quam cum Sabaeas Iuppiter aureus
 Oleret aras. Sed tibi sanctius
 Edico fatum, Boia pubes:
 Si modico tua tecta sumptu,

40

Minore vitam duxeris integram,
 Maiore Divum templa refeceris
 Tuas in impensas avara,
 Virgineae tamen inde Matri

Hinc purpurato prodiga Carolo:
 Augia, cresces — veraque senseris,
 Cum iam sepultum terra condet,
 Alsatiae cecinisse vatem.

45

O D E XXXVL

Melancholla.

Semper ego inclusus Germanae finibus orae
 In Bavara tellure senescam!

Tristibus imperiis spatio retinemur in arcto
 Et curtum male perdimus aevum.

Atqui vincla licet rupto dissolvere nodo
 Et clausas diducere turreis:

5

Graculus effugiens aliquis Minoia regna
 Ceratas sibi sumpserat alas.

Sed neque fallaceis ventos tentare necesse est
 Lapsuris super aequora pennis.

10

Tota mihi quamvis adeo Germania carcer,
Deterius quoque carcere corpus:
Libera mens tamen est, ubi vult habitatque vo-
latque.

In pelago non impedit Auster,
In terris non tardat obex, transcendit et Alpes 15
Nubiferas ac sidera pulsat.
Accedit Phoebi donum, divina poesis.
Hac fretus velocior Euro
Euri nascentis patriam cunasque videbo
Aurorae rapiendus in ortum. 20

O D E XXXVII.

Auctor comite ac socio Iodoco Birro Constantinopolim perlustrat.

Enthusiasmus.

Hoc ergo Bizas, quod video, mare
Extrema Thracum ductus ad ostia,
Istamne Constantinus olim
Memnoniis habitavit oris
Metatus urbem? vertere, navita, 5
Remisque retro pelle Liburnicam,
Erramus in portu: sed alnum
Nec nocet applicuisse terris;
Visamus urbem. Pro rapidae vices,
Fatique cursus! heu volucris rota 10
Orbisque Fortunae per orbem
Lubricus ac facilis moveri!

Nempe ille tanti conditor imperi,
Iodoce, Romam condidit alteram
Dotalis Aurorae rubenti 15
In gremio stabilemque fixit,

Ut Turca tanto splendidius suas
Fundaret arceis! Quod poterit fretum,
Quae spuma nitri vos Achivos
Teque Palaeologum lavare? 20

En quo rebelleis error et impia
In Numen egit seditio! iacent,
Iacent avita sede pulsi.
Qui tumidos prius ac feroceis

Iusto Gelonos Marte subegerant, 25
Gemunt subacti; quos tremuit nigra
Et alba Thetys, iam flagellat
Argolico rubefacta tabo.

Figuntur altis crimina turribus;
Adversa Soli culmina fulgurant; 30
Lucent adoratae per arcus
Innumeros simulacra Lunae.

Eheu quot annos pulcraque secula
Dies nepotum perdidit unicus!
Segnis Dragoses quam verendi 35
Caniciem violavit aevi!

O D E XXXVIII.

Cantata in modum chori.

*Cum auctor et Iodocus Birrus in foro Constanti-
nopolitano multa indigna cernere cogerentur.*

Isto, Birre, loco sistere lacrymas
 Possis et gemitus! ipsa licet silex
 Heic ploret Niobe, si videat malis
 Tanto plura suis. En miserabilem
 Victi compedibus proluviem gregis! 5
 Squalent funereis corpora sordibus.
 Vultus horridi, terribilis pilus:
 Ungues in digitis sunt digitis pares.
 Arctati iuvenes famibus in globum
 Turbati feriant questibus aera. 10
 Captivo mulier vellitur a viro.
 Torvae deliciunt lumina virgines,
 Nudarum nimis paene dolor stupet.
 In poenis miseras profuerat mori:
 Letum continuum torquet acerbius. 15
 O inculta ferae pectora Thraciae,
 Seu vos pasta nigris bellua viperis
 In litus pelagi faucibus expuit,
 Seu Getula tigris sive nocentior
 Rupes naufragiis tristibus edidit: 20
 Certe non hominis vos uterus tulit.
 At quam se nitidis gens Othomannica,
 Pantherae bipedes, vestibus excolunt!

Pendent ex humeris candida galbana
Ad talos scutulis usque fluentibus. 25
Omnes imposito turbine vertici
Sudant vile caput tollere celsius.
Ecquis caeruleas ingreditur senex
Indutus tunicas? turrigeram virens 30
Sapphiro cidaris caesariem premit:
Summae forsitan erit Mufftius infulae,
Inter Bistonios nobilior popas.
Ut torrens rapidus confluit in forum
Linguis, ore, coma natio discolor. 35
Tortis mollis. Arabs ambulat et Cilix
Et tortis aliter crinibus Aethiops.
Colchis mistus Iber, Sarmata Teutoni
Et Pelusiæis mercibus Italus.
Hi gestant gladios, hi iaculum manu; 40
Alter gesa ferens, alter acinacem.
Pars fuscant faciem, pars minio rubent.
Errant heic etiam Suevus et Alsata,
Ambo sub dominis pluribus exules.
Ex braccis prior agnoscitur: has queas 45
Vaginatam potius dicere corporis.
A rhombis varium versicoloribus
Thoracem religat fibula multiplex.
Qui vero Salii per plateas canunt
Scindentes fatuo brachia vulnere? 50
Acti ceu furiis ad Berecynthiae
Spumant castra deae; scilicet obviis

Vendit ludibrium fraus Machometica
Nec gratis rabies carnificum dolet:
Sanguis post pretium. Fallor, an igneas
Sorberi video gutture laminas? 55
Os impune calens, aspice, sibilat
Scintillasque vomit; quo, nisi fascino,
Vulgareis oculos decipit histrio?
Hic semet vacuo gyrat in aere.
Auget prodigium fixus aeneis, 60
Quos portavit equus, tempora calceis.
Emulgere catus Turca pecuniam
Quidvis incipiet, quidlibet audeat.
Signant Hippodromon Caesaris aeneae
Serpentes geminae: cur ibi plauditur? 65
Buxo multifori tibia personat.
Deducunt aliquem tympana laetius
Sparsis purpureum floribus. Ultimas
O quis nos Aquilo portet in insulas?
En, Iodoce, virum: qui Venetos tibi 70
Iactabat proceres seque parentibus
Thuscis progenitum, callidus hoc Sinon
Mendicare dolo: nunc tamen et fidem
Eiurat patriam et Romulidum sacra
Et cultri patitur crimina saxei. 75
Cur non ut Phinees irruo turpibus
Bacchantem thyasis sternere Zambrium?

O D E XXXIX.

*Auctor indignatus Constantinopolim relinquit
et ad Boios revertitur.*

Enthusiasmus.

**At non sepulti pulvere Thracio
Manes avorum dedecus hoc sua
Post fata sperarunt, nec ipse
Barbaricis, animose Flavi,**

**Te polluendum credideras notis. 5
Sacrum profanus scurra palatium
Incestat et servire natus
In veteri dominatur aula.**

**Mutata cernas omnia. Decolor
Supra fenestras effigies: ubi 10
Sublimis in coelum tuenti
Sidereum tibi visa signum**

**Cruce eminebat, vilis et ultimus
Planeta summis fulget honoribus
Tollitque inani plena fastu 15
Cornua supplicibus coronis**

**Ac tunc cultus. Caedibus atria
Implentur et quo dormieras loco,
Praesepe foedatum solutis
Hinnit equis ululantque lixae. 20**

Et efficacem nullus adhuc mnam
 Promittit ultor! nullus atrocium
 Contra Gelonorum rapinas
 Dardanius movet arma miles!

Ignava quid non imminuit quies? 25
 Sensum malorum perdidimus mali
 Doloris heredes; pudenda
 Usque iuvat tolerare probra.

Atqui decebat iam Rhodon et Cyprum
 Demisisse victis, iam iuga Bospori 30
 Calcare victores et omnem
 Hungaria populisse Lunam.

O quisquis audes, bella Propontidi
 Armatus ~~infer~~: bella mari sonent
 Terraque; miles, stringe ferrum, 35
 Scande ratem, propera dolones,

Incumbe in iras; deiice, deiice
 Pinnis iniquum sidus et obrue
 Novis vetustatem ruinis.
 Se Geticus Sybarita nostra 40

In urbe iactet, rideat exules?
 Sed haec tenaci, Birre, silentio
 Cauti premamus, ne catena
 Colla dati laqueove circum

Intertrahamur. Qua capimus fugam 45
 Celoce? pontum cras iterabimus.
 Me Phoebus in somno quietum
 Corripuit simulatus ora

Nautaeque vesteis et docuit sacra
 Ex fronde lauri fingere nobilem 50
 Argo; carinam, transtra, remos
 Velaque veliferamque malum

Arbos in usum suggerit unica.
 Io vehamur; sic placide domum
 Per stagna portatura vatem 53
 Pegaseae repetemus undae.

Ad Virginem Matrem.

Kalendis Maiis. Anno MDCXLI.

O D E XL.

○ quam te memorem, Dea,
 Vitae praesidium et dulce decus meae,
 Quae tandem niveo redux
 Lunae curriculo pristina languidae
 Menti gaudia sufficis.
 Iam, quae tarda pigro torpuerat gelu, 3
 Altum vena micans salit.
 Rursus tento lyram certaue mobileis

Depectit radios manus

Et carmen tremulum, Virgo, tibi ferit. 10

Nil gratum sine te meae

Respondent citharae: sed simul halitum

Persensere tuum fides,

Vernant Aoniis continuo rosis

Et fontem prope limpidum

'15

Lactu deposito lenius insonant,

Auritus nemus assilit.

Sic o saepe veni, Diva, decentium

Mater blanda cupidinum,

Et longas reseca Pieridum moras.

20

Tecum vivere amem libens

Et, si fata vocant, non metuum mori.

Ambitionis

Ingenium et tormentum.

O D E XLI.

Venata summos Ambitio viros

Simul tenaceis fortiter attrahit

Dolosa chelas, vae retentam

Usque manum licet eiulantum

Constringit arcte, ni pueri fleant,

5

Missura nunquam; miserit: ocus

Redibit ad poenam libido

Acrior et cupiet dolere.

Quid istud aevum tristius inquinat,
Quam gloriosae rixa cupidinis? 10
Statura pro quanto labore
Bella placent pretioque mortes!

In hoc tumultu propulit integras
Classeis Adolphus seque Alemanniae
Infudit exultante cursu 15
Nubigenas imitatus amneis.

Hoc Lusitanos, hoc rotat Angliam,
Gallosque torvae miscet Iberiae:
Hoc paene Belgarum leonem
Sternit et in sua frangit ossa. 20

In omne praeceps itur et ultima
Tentantur armis. Cattigenae mari
Terraque decertant parati
Per medias equitare strages.

Qua rima regni vel tenuis micat, 25
Furtim lupinum porrigitur caput
Circumque balatus ovilis
Dens gladiis hebetandus instat.

Quivis beatum se spoliis fore
Desideratis credit et aestuat: 30
Frustra. Voluptas et triumpho et
Mars et honor titulus et aurum

Non vera nostri sunt animi bona.
 Haec dico vates: Cuncta sibi bona
 Ut quisque largiatur uni,
 Cuncta negat, sua qui negavit.

25

Ad Marcum Losam Naswisium

Bernardi Losae Naswisii fr. rhetorem.

M. Tullii Ciceronis orationum Philippicarum usus,

sive

Examen conscientiae.

O D E XLII.

Qui verum sibi dicere
 Coram non timide, non muliebriter
 Vultu iudicis audeant,
 Paucos inveniet nostra severitas,
 Plureis copia Zoilos.
 Raris pone latens mantica notior,
 Quam frontis redimiculum
 Aut mappa alterius tincta paropside.
 Fastos excute Dardanos:
 Nunquam Momus iners defuit arbibus. 10
 Illum gignere si nequit
 Infecundus homo, parturient aues,
 Omni scropha sub ilice.
 His fangis etiam grandinat et pluit;

Cum ranis caput efferunt.	15
Moreis et faciem praeter euntium	
Liventes animae petunt	
Hamatisque cavant unguibus omnia,	
Harpyiae velut improbae	
Phineas sanie polluerant dapes.	20
Nolis tu, Losa, talium	
Censuram fieri, qui sibi noctuae	
Sint talpaeque domi, foris	
Stricto pervideant omnia lumine	
Ut serpens Epidaurius.	25
Quando exempla virum fortiter acrium	
Te Romana trahunt, age	
Nasicam refer et Pompilium Numam	
Castos, moribus integris.	
Sis Bruto gravior, sis rigidus Cato,	30
Sis Marcus quoque Tullius:	
Verum, Marce, tibi. Publica res nihil	
Privatum minuat bonum.	
Cui facunda paras ore tonitrus?	
Quis Romae nocet aut faces	35
Tectis sacrilegas turbidus iniicit?	
Consul, consule patriae.	
Sed parces, Cicero, longa minacibus	
Curis oppida verrere.	
Quemouaque in speculo videris, hunc time	40
Infestum Capitolio.	
Quaerentis tacito pinnirapus latet	

Fors Antonius in sinu.

 Illi docte tuas Marce Philippicas
Impendes animosius. 45

 Discedente die si male conscia
Mens damnet sceleris reum,
 Aude verba loqui grande sonantia.

Cur tu patricius pugil
 Periuris socias arma latronibus? 50

In me cur gladium geris?
 Insonteis iugulas, civibus invides,

Praeponis Venerem Iovi,
 Castis insidias virginibus struis.

Tu nudum populo latus 55
 Et simplex hominis pectus adulterae

Monstrasti; bibis ac vomis
 Inter thyrsigeræ brachia Fulviae.

Exi: si renuit, voca 60
 Lictores; meritis utere fascibus.

Tum felix (animus) tua
 Stabit Roma suo perpetuum loco.

Ad D. V. Reginam Coeli,

In colossea ex orichalco statua ante palatium Sereniss. Electoris venerandam, hac subscriptione:

Patrona Boiariae.

O D E XLIII.

Qui palatinae tua signa moli,
 Virgo, praefixit, colit eminentem
 Non foris tantum, sed et intus ipso in
 Pectore gestat.
 Ille te propter medios in hosteis 5
 Vadat exsultans animamque magnam
 Prae suis Princeps oculis amatae
 Effundat in ora.
 Iure dilecti Ducis ordinatae
 Praesides aulae, moderaris urbem; 10
 Iure telluris Bavarae patronam
 Fama salutat.
 Cuncta te legum penes est potestas,
 Regnaque et reges et opes superbae
 Quaeque stellarum vehitur curuli 15
 Gloria tergo.
 Sceptra se flectunt nitidaeque gemmis
 Dulce te coram trepidant coronae,
 Cum sacrum praesens acuis severi
 Fulgur honoris. 20

Ad clarissimum virum

Nicolaum Lucem,

Antonii Lucis, fortissimi militis, nepotem.

O D E XLIV.

Quid redux e Turcia viderit: detestatur Germaniae
bella.

At vero vidi: Lux, oculum mihi
Utrumque demes: vidi ego Sarmatis
Erepta delubrique summo
Fixa tholo radiare signa

Circum Polonis illacrumantibus 5
Probro suorum; vidi ego Pannonum
Concisa loris terga; vidi
Tristibus irrubuisse flagris

Vinctas gementis Dalmatiae nurus;
Vidi puellas ac pueros foro 10
Prostare venaleis; amarus
Ibat in imperiosa mango

Pendens adactis verbera taureis.
Lascivus emptor corpora funibus
Traxit catervatim per urbem 15
Utque canes ferus egit ante.

Captiva pubes Christiadam solo
Defixa vultum, scissa rudentibus,
Lassata Maeandris viarum
In stabulis ululavit Aemi. 20

Sic Turca nosci gaudet in omnia
Praelargus irae, qua Tanais fluit
Nilusque et Ister quaque Orontes
Et medio maria alta tractu.

At nos tot annis egregie geri 25
Civile bellum credimus heu nimis
Incuriosi, quid tyrannus
Orbis agat genitusque latro,

Quot ille campos demetat ensibus
Arceisque vastet; turpius (heu pudor!) 30
In nostra vesani rotare
Membra globos calidumque ferrum.

Nondumne finis? surgite Teutones:
Sat est cruento dedecori datum.
Sit vita Germanusque sanguis 35
In pretio neque more vaccae

Tingat macellum: degeneres sequi
Negat triumphus; surgite viribus
Ad arma coniunctis et una
Frenigeras sociate dextras. 40

Quam vestra toti nomina fabulam
Fecere mundo, nunc melioribus
Delete signis: ite porro,
Quo croceo vocat ipsa curru

Aurora supplex. De grege Bistonum 45
Orco dicandas mittite victimas :
Omnes ut incumbant securi,
Hanc veniam meruere solam.

Ad Arbogastum Harphium.

*Atheos huius saeculi sub larva nominis politici
latentes detestatur.*

O D E XLV.

Enthusiasmus.

Aut ex profundo duxit amystides
Obliviosi fluminis otio
Mortale vulgus nec stuporem
Exiguo bibit ore mentis,
Aut stirps caducis arboribus sata 5
Iamque exsecratis, quas Scinis improbi
Scironque latrones in arcum
Flectere funereum solebant,
Primaeva rursum in roboras et horridas
Migravit ornos, aut Epimethida 10
Certum est sepulti membra mundi
Ex solido reparasse saxo,
Cum pone iecit semina montium
Truncasque rupeis, unde novum genus
Surrexit e terra, sed eheu 15
Marmoreo nimis ore durum

Nimisue iactus et patriae memor
Propago glebae: non libet ardua
Virtute niti, non sereno
Sole frui faciemque dignam 20

Praebere coelo, quanquam etiam nigras
Minere ranas regnaque tristia:
Non plus movetur, quam Pachyni
Saxa Caledoniaeque silvae.

Fides, avito quae steterat tholo, 25
Contusa pugnis et colaphis iacet.
Auriga curru, nauta remo,
Miles equo properant ad orcum,

Post fata nulla se fore creduli
(Vesanus error!) parte superstites. 30
Hoc fonte derivata manant
In procures mala purpuratos.

Non una, si fas dicere, paenula
Foetens eodem stillat ab ulcere.
Et Numen accensis tonare 35
Nubibus et quater ima terrae

Miramur, Harphi? nil equidem precor:
Qui cuncta terras secula fulmine,
Insurge, Vindex, et trisulcos
Congemina iaculator igneis. 40

Quodsi nocentis non satis est pati
 Civile bellum, tela Typhoeis
 Maiores vibra; iunge vireis
 Odrysias; redeant ab umbris

Primi Bohemae caedis aruspices. 45
 Turnus Viennam, Gabor Iazygum
 Subnixus armis turbet omnem
 Pannoniam revoletque corvus

Mansfeldiani signifer agminis.
 Et proditores et VValesteinii 50
 Bifrontis oestrum et Fas Nefasque et
 Flante duplex Aquilone Suecus

Et motae ab imo grandia Balthidos
 Cete et Batavi rursus Aquarii
 Saevire festinent; malorum 55
 In cumulum recidiva ferro

Europa Pomum flebile mordeat:
 Lis unde morbique atque Hecateide
 Pestes in herba et ex sepulto
 Saeva Fames oriantur osse. 60

Impune nullum quadrupedum genus
 Tangatur; ipsae iam noceant oves;
 Aratra subvertat coloni
 Taurus et effugiat securim.

Confusa rubro sole parelia 65
 Diem cruentis vultibus inquinant,
 Turboque et insani cometae
 Belligeram vehat aura nubem.

Ruant et amnes et nemora et iuga
 Monteisque totos praecipitet fragor 70
 Et grando diversi coloris
 Et pluviae picis ac rudentum

Incocta cano vincula sulphure,
 Cocytioque e gurgite spiritus
 Tetri procellarum et frementum hin- 75
 nitus aquarum Acheronte moto

Et Styx arenas et Phlegethon truces
 Eructet undas. Omnia (sed iuva,
 O Mater irati Tonantis)
 Iam meriti sumus et meremur. 80

Triumphus

B. Mariae Virginis

Sub titulo Refugii peccatorum.

Cum Schleisemii aram S. Guilielmi contemplaretur.

O D E XLVI.

○ ego qualem feror in triumphum!
 Sic ames nosci, generosa Virgo,
 Cincta Bernardis liquidi reffectis
 Ubere coeli.

Tanta bellatrix videare nondum, 5
Quanta, cum duri Guilielmus oris
Colla submitit subito tremore

Fusus humi Dux.

Militem campus probat et duellum;
Mota Tyrrheni salis unda nautam, 10
Cum decem monteis struit et propinquis

Nubibus infert.

Facta te laudant. Superi minores
Ulceris curent levioris aegrum
Siqua pallorem reditura duxit 15

Febris in ore:

Diva Divorum genus omne morbi
Intimo mentis fugat ex recessu
Efficax venis procul insidentem
Pellere mortem. 20

Turgidus nummis tibi cedit hydrops;
Supplices fastum posuere venti.
Cessat amplexu Veneris petulcus

Serpere cancer.

Te nec afflicti pudet ad triremim: 25
Gloriabundae similis scelestos
Inter exsultas lepidam per astra

Ducere praedam.

Inter audaceis manifesta fures,
Inter armatos graderis latrones 30
Et rotae cultros placidoque signas
Sidere furcam.

- Culeum quinta meritis securi,
Mille nocturnis laqueos rapinis,
Ignibus flammæ, tua sunt sub ipsum 35
 Gaudia bustum.
- Saepe peccantis licet obstinatem
Percutis frontem pluviasque duro
Elicis saxo, lacrymis fluit Mar-
 pesia cautes. 40
- Te suam, Virgo, vocat illa matrem,
Quae vel excussit thalamo sorores,
Vel recens turpi mulier luparam e
 Fornice prodit
- Thais exemplo. Quoties ab imo 45
Invidet stridens et anhelat orco
Raptor infernus bifidoque terram
 Ter pede pulsat?
- Sibilis at tu nihil eiulantis
Mota subrides hilarique vultu 50
Torva calcatum Nebulonem amaro im-
 pingis Averno.
-

O D E XLVII.

*Scripturus historiam sui temporis veritati nudam
aram ponit.*

Anno M. DC. XLII.

**Qualem Noemus montibus altior
Enavigatis, Oceani simul
Subsedit aestus, fertur aram
Ex rudibus statuisse saxis,**

Heic pono supplex, o Dea pulcrius 5
Soluta crineis, rustica Veritas.
Non Atticum promitte marmor
Arte Scopae variatum et auro

Superque eburni pocula Mentoris:
Natura cultu simplice gratius 10
Divos honorat, prona far vel
Viva focus adolere tura.

Quamvis Sabaeo funera misceas
 Odores, foetent; quidquid in ambitum
 Libido cogit seu labore
 Seu pretio, minus enitescit

Metu veneni. Cinnamēi quoque
Incensa libri pagina prōditur
Halare suspectum vaporem.
Difficile est volitante fumo

Nareis aduncas demere posteris:
 Impune maneis subiiciunt sibi
 Moreisque censendos supinant
 Factaque discutunt avorum.

Dicenda pictis res phaleris sine 25
 Et absque palpo. Discite strenuum
 Audire verum: me sciente
 Fabula non peragetur ulla.

Non est meum descendere ad oscula
 Impura famae et fingere bracteas 30
 Larvisque luctari superbis
 Aut nimias acuisse laudeis.

Adversa quodsi sors mihi durius
 Nunquam ferendis conditionibus
 Obstet reluctantemque cogat 35
 Non nisi delicias loquaceis

Et laureatas scribere literas;
 Sparta relictā corripiam silens
 Iniqua tum vindex amaro
 Secula despiciamque risu. 40

Heliotropium

sive

Mens hominis ad Deum versa.

O D E XLVIII.

Iamque adeo toti nutu pendemus ab uno,
 Alea iacta semel.

Numinis imperio ~~commisimus omnia~~: tanti
Sit retinere nihil.
Iusserit: in Libycis stivam ducemus arenis 5
Caucaseove iugo.
Iusserit: Ionia remos lentabimus unda
Carpathioque freto.
Observent timidi mergum fulicasque marinat.,
Quid meditentur aves 10
Litoreae, fallax quo vento strideat aer;
Quid nova luna coquat:
An tristeis vultu portendat lurida nimbos,
Anne serena micet,
Dormiat, an refluxum vesano concita cornu 15
Arietet Occanum.
Si Deus ire monet, nunquam retinebit Orion
Nubilus inter aquas:
Ut gladio findat mediae fundamina navia,
Tutior asser erit. 20
Sed neque Phoebeis aetatem metiar annis,
Pendulus a radio.
Ille meas, quo non alter formosior, horas
Temperat, ille meus
Sol maior parvique faber totoque videndus 25
Altior axe scopus.
Huc desiderium iaculetur pectoris arcus,
Quanta pharetra patet.
Certior huc pleno, quo meta remotior, ictu
Nostra sagitta volat. 30

Ad Virginem Matrem,**Pro euthanasia sive felici morte.***Carmen votivum.***O D E XLIX.**

❶ Diva, vitae praeses et altera
 Spes vatis, olim cui mea me super
 Servum dicavi: da, priusquam
 Fata citent oculosque claudant,

Da poenitenteis et lacrymas sacro 5
 Dolore laetas in mare Creticum
 Quascunque proiectura noxas.
 Tum tenera mea fila dextra

Abscinde, Virgo; neu fragilem colum 10
 Tres fabulosae praecipitent anus:
 Diffido. Tu devolve nostram,
 Iure tuam potiore lanam.

Hoc esto votum, sic precor ultima 15
 Ex cordis urna vita fluat, meus
 Sic stagnet in maioris aevi
 Oceanum gracileisque bullas

Aeternitati misceat Isara.
 Sic elabora, sic bene praepara
 Perambulandum luctuosae
 Mortis iter placidoque somno 20

Compone maneis. Hi voveant opes
 Aedemque ponant, caedat hic imparem
 Agnos pavementumque sparsis
 Visceribus linat hostiarum:

Ast ipse supplex, ipsa ego taeniam 23
 Gestabo vittasque: ipse tibi cadam
 Evincta circum fronde lauri
 Victima procubitura ad aras.

JACOBI BALDE S. J.
LIBER EPODON.

ODE I.

Classicum

ad ordines S. R. Imperii.

Ut intestini belli sedem e patria in Turciam
transferant.

Quid iuvat in proprium corpus saevire, Quirites,
Hostisque nil parcentis, heu, frangi vice?
In patria mortuis et vestras perditis iras:
Efferte dignis commodandas stragibus,
Finibus Imperii sonteis efferte triumphos 5
Nocentiori diluendos sanguine.
Ire decet, qua Thraces arant, ubi Bosporus ingens
Ad summa tollit astra nimbosum caput.
Hic habitat cervix toto mucrone rotanda,
In huius omnis saeviat fibras chalybs, 10
Iste odium mundi mundo ulciscente meretur
Cum stirpe tota totus excindi nepos.
Quis nescit, quo se gens haec promoverit ortu?
Ut illa vestris laeta damnis creverit?
E tenui nido pennas Osmannus in orbem 15
Late tetendit et volando latius
Romanis aquilis infra sua sceptrata relictis
Spretoque vani fulminis bitumine.

Heu, ubi nunc florens mutato Graecia vultu?
Moeret probroso sub Gelonorum iugo. 20
Et campi et montes et silvae et flumina lugent
Populique et urbes et tenaces insulae.
Lugent Thessaliae saltus et Pindus et Othrys
Athosque et Ossa cumque Hymetto Pelius.
Te quoque barbaries, Helicon doctissime, sepsit, 25
Quod Phoebus unum forsitan haud praesenserat;
Quasque feras nutris, nunquam, licet Orpheus
alter
Cantet, sonantis voce mansuescent lyrae.
Perditus Eurotas liquidique Alpheus amoris,
Luctante puppes Thracias tergo ferunt. 30
Inache, quacsita est olim tibi filia: sed nunc
Amissus ipse gemina defles funera.
Herculeis frangi malles, Acheloe, lacertis
Libidinoso quam subesse Concano.
Addidit et Lemno Scyron Lesbosque Rhodonque; 35
Qui Chia vina, potat idem Cypria.
His fruitur praedo, cuius Bithynia tota est
Et quidquid inter funditur Chalcedona.
Indomitos idem Pisidas patere coegit;
Paret subactus Cappadox, paret Cilix. 40
Nil paene ex toto superest Oriente decoris,
Quod non recenti Thrax rapina polluit.
Ivit in amplexus turpeis Aurora tyranni
Deserere castum iussa Tithoni torum.

Non tam mane gemens occisum Memnona plorat, 45
Quam parricidae vim suumque dedecus.
Prima dies nostris modice libanda fenestris
Infecta diro prodit huius halitu.
Unde per Europam corrupto sidere pestes
Centumque eodem fonte fluxerunt mala. 50
At neque devexo petulans amentia soli
Parcit, nec ulla raptor exspirat mora.
Pannoniam quoties ferro populatus et igni
Venetumque fineis Marte cuncta miscuit!
Eheu rasa caput famulatur Buda tiaræ, 55
Regalis Alba periit et Strigonium.
Ausus et Austriacam subter penetrare Viennam,
Quantum minarum fossor eiecit solo!
Servorum lamenta querar tristeisque catastas
Infraque scalam vincla captivi gregis? 60
Mors miseris optanda quidem, sed amata negatur;
Et moesta magnis vita mactatur malis.
Ergo homines ritu pecorum terraque marique
Sparis aguntur aut trahuntur cannabe.
Passim Nicopoli resonant immane catenæ 65
Et Christianus influit sanguis foro.
Antiochi muros intra caulasque Damasci
Merx flenda vaenit atque flens et vapulat.
Delectu rabies gaudet: formosior ætas
Mollita cukris non amare cogitur. 70
Deformis, tanto pulcris felicior annis,
Graveis frementis tolerat insultus heri.

Scinditur et talo sic castigatur ab imo,
 Ut macerante plaga verminet sale.
 Foemina nobilior servata in pellicis usum 75
 Caveis ut olim bella clauditur fera.
 Deterior pellis praedae in fastidia cedit
 Formamque praesens sexus absentem luit,
 Damnatusque fame duris aut sudat aratris
 Aut discit ovibus invidere paecua. 80
 Servi in transtra cadant; illos rostrata triremis
 Medioque ponto durus exercet labor.
 Vixque fatigati respirant, cum male nautas
 Terribilis altor multat ac remos ciet:
 Fortiter impacti strident in terga cameli 85
 Crepante ventris tauriformi tympano.
 Teutoniae proceres vosque, o quicumque cruore
 Gaudetis uti perditorum Teutonum:
 Ista precor vestram moveant spectacula mentem.
 Cur (heu pudendum) civis in civem ruit? 90
 Si fera bella placeant, placent et opima suasque
 Meritura laudeis ac secundos auspices.
 Caedibus Odrysiis iustum satiate dolorem;
 Mergatur avida fonte Strymonio sitis.
 Pars autem vestri petitur quotacunque Gradivi, 95
 Ut Turca toto pereat expulsus die?
 Non opus est Geticae vires adhibere ruinae,
 Cum scelere quantas vestra clades exigit:
 Sufficit immodici centesima portio belli
 Et ira deses nullius cotis memor. 100

Hoc quem fuderunt quatuor iam sanguine lustra
Quoties Eoum potuit acquiri caput!
Vos Constantini summa iam sede locati
Regeretis uno duplicem nutu polum;
Iret ab occasu Romanum nomen ad ortum 105
Et ubique Caesar diceretur Flavius.
Vester Halys, vester Tigris foret; Aulide portu
Iam vestra staret classis in Bocotia.
Ultra Caucaseas et Tauri claustra pruinas
Spoliis superbus miles isset barbaris 110
Qui nunc mentis inops patriaeque in finibus
haerens,
Seu vincat hostem, sive vincatur, furit.
Stultitiae genus est peilis opponere peila
Et avis nepotes atque natos patribus,
Spicula cum possent aliena in viscera mergi 115
Laudante coelo teste ferientis manum.
At neque militiae tali sua laurea constat,
Nec digna ferrum nundinatur praemia.
Pro veteri claustro, vilis pro caespite glebae
Sterilique saltu tanta sudant crimina. 120
Pinguis o quanto daret uber Achaia, quanto
Fertilior illis nascitur campis seges!
Vitibus arva rubent plenisque canalibus exit
Et navigando spumat autumnus lacu.
Innumeris auri venis secreta cornuscat 125
Partuque tellus gestit exsolvi suo.

Arma modo in diros convertite Bistonas, arma :
Opulenta nullam praeda destituet famem.
Irruite, et Fatis et vestro credite vati,
Ne dissidenteis occupet prior Scythia.
Inferiis totam, sociis solatia caesis 130
Tot liberorum millibus, gentem date.
Effoetas Veneris pecudes recutitaque Lunae
Armenta laetis submovete pascuis.
Alcides veros Othomannica sentiat hydra,
Ne viperino colla trunco pullulent. 135
Si pelagus tentare placet, fluitantia venti
Iam bella spirant et petunt stipendium.
Spondet opem Boreas et mobilis Africus alis,
Notusque et Euris litore accincti sedent
Immensam Oceano stragem renovare parati: 140
Qualem Corinthus vidit olim territa,
Cum super Hispanas acies Victoria sedit
Siderea pulcræ similis ora Virgini
Threiciosque canes in gurgite Naupactæo
Oppressit altis susque deque fluctibus. 145
Ite alacres plenasque viris infundite puppes:
Praestabit ipse tuta Nereus aequora.
Iam buccas inflat toto patre turgidus Auster
Siccasque pennas spargit ingenti salo.
Desuper armatis in Turcas nubibus aether 150
Piceisque taedis atra tempestas ruet.
Vobis (omen enim prorsum est deducere coelo)
Manifesta dextro signa fulgent Castore

Hortanturque viam. Vadant, proclamat Orion
 Et acuta primus astra vagina eripit, 155
 Ut iuvet, et strictos tantisper commodat igneis.
 Arripite fulgur militaris baltei.
 Quanquam etiam si nulla foret super hasta vel
 ensis,
 Adhuc in hostem recta eundum censeam.
 Quid petitis gladios? odio pugnetur et ira, 160
 Manuumque manus ipsa sit telum manus.

Nemesis sancta,

sive

Modus vindicandi se Christianus.

O D E II.

At, o scelestè, qui meos versus secas
 Mordesque nigris dentibus,
 Ego te domabo et memet ulciscar probe.
 Ades, cruenta Zoile:
 Te criminosum dulcis ultor omnibus 5
 Devoveo primum Gratiis,
 Quae te volentem flere ridentem velint
 Amosse caepas sedulae
 Et, ne trucem ructare possis spiritum,
 Pellita demant allia. 10
 Riget caduci flumen ora nectaris,
 Quod elaborariat spes.

Tibi, nefande, quod mereris imprecor:
 Ut mane nunquam dormias
Placidoque noctem transigas mersam Deo, 15
 Cum pura ludunt somnia,
Vigilique vota res in omneis transeant,
 Quasunque concupiveris.
Ut in canistris sponte nascatur Ceres
 De flore candidissimo 20
Et imputatam Formiano vineam
 Humore Bacchus impleat.
Mereris, importune, Tuccii famem
 Lautasque Luculli dapes,
Sitim Catonis pervagantis Africam 25
 Et Manianas amphoras.
Di facite, ut oris inverecondus Theon
 Multoque turpis polypo
Cogatur esse laetus ac felicior
 Auctore, quem diverberat. 30
Ut vilis illi de patella gobius
 Vertatur in mollem scarum,
Et ex olente putidoque pinguior
 Muraena fiat gammaro.
Fallatur, opto, densque deceptus fremat 35
 Turdum dari pro passere
Et, cum palumbum credet immorsum gulae,
 Premat volucrem Phasidis.
Car lentus irae Naso non velocius
 Ibin necandum permolo? 40

Ubi estis, albae Furiae et astra mitibus
Flammis nihil nocentia?
Ubi lene fulmen stans Iuli vertice
Et laeva sunt tonitrua?
Te vere Zephyrus afflet et bruma Notus 45
Et Eurus autumnno ferox;
Tuamque circa murmuret pestis domum
Portas inaudax ingredi.
Te cura semper fugiat et lites tori
Et plena linguis iurgia. 50
Habeasque quidquid imprecatus est suis
Nasica Romae civibus
Suoque Flacco multa Maecenas vovens
Et Flaccus Augusto suo.
Servet tenorem vena, pectus vividis 55
Exulceretur gaudiis.
Proculque lessa, praeficis pulsus procul
Infestet aureis Orpheus.
Indigne Mome, quem trisulco Iuppiter
Aestivus urat sulphure 60
Pontove Nereus mergat aut movens cavo
Tellus hiatu sorbeat:
Quid, ut stupens me turpis instar bubali
Et intonatus aspicias?
Satisne nostris palpitas Diris bene 65
Confossus ominantibus?
Ni mox facessas hinc et in coelum voles,
Enitar implacabilis

Benignioreis iacere carbones super
Hoc multa risurum caput.

70

Ad nobilissimum iuvenem

Bennonem Chuslum de Chusilis

*Secundum natalitias Christi ferias in Deo dicatam
Familiam migraturum.*

O D E III.

Chusi, nihil te sicut antea iuvet
Quaerere divitias
Amore perculsum novo.

Amore, quo te praeter omneis expetit
In stabulo pecudum
Algens Puellus urere.

5

Ingressus antrum non opes inveneris:
Ex radiante Tago
Nec una stillat guttula.

Ubique, Chusi, semper errant pauperes 10
More fluentis aquae;
Hic ipsa Paupertas iacet.

En ut reclinis presset hinc foenum Puer,
Inde manu stipulam!
Aulaea nent aranae,

15

Hiems cubile praebet et cunas ferae;
 Membra fovet Boreas
 Crudo tenella spiritu.

Egere, Chusi, nunc beatius putem,
 Quam super Arsacii 20
 Dormire segmentis tori.

Hoc vagit Infans, lacera clamat fascia,
 Tota specus loquitur,
 Stratae perorant belluae.

Compendio nos mutus aurum spernere 25
 Bos asinusque docet.
 Tacete, Graii rhetores:

Doctis Athenis ruminat facundius
 Corniger iste Plato
 Mugitque Vende praedia. 30

Accurre Roma: gratius Bethlemio
 Tullius Arcadiae
 Auritus in foro rudit.

Ad Christopherum Sonnam,
Ludovici Sonnae fr.

O D E IV.

Aulam esse scholam patientias.

Compesce vota latius palantia,
 Amice Fortunae rudis.
 Promittit annus multa Iano praeside
 Pulcrisque sol exordiis;



Sed plura grando cumque Saturno sene	5
Nimbosus Auster dissipat.	
Perstare summo vix datur diu loco,	
Quem raptor occupaveris.	
Enata subito colla, quo fungi caput	
Sursum extulerunt impetu,	10
Humant eodem fata. Festinat meri	
Ortus repens cucurbitae.	
Crescente luna Luna crevit Alvarus,	
Famosa fax Iberiae:	
Idemque decrescente decrevit simul	15
Ad usque demptum verticem.	
Ergo hoc agendum, Sonna: sperandum bene,	
Sed cum labore fortiter.	
Properare nolis: capere selectam licet	
Occasionem de die.	20
In matris aulae ventre turgenti lates	
Recens honoris embryo.	
Communis alter, quemque natura educat,	
Novem moratur mensibus:	
At te priusquam Partumcia servitus	25
Enixa sistat Glorise,	
Totidem latebis forsan annis infimo	
Scalae repostus angulo,	
Excocta proles improbis laboribus,	
Ut partus Alcmenae fuit.	30
Quippe generando maximi Alcidae Iovis	
Nox una non suffecerat.	

Iam mane ummo se stupebat Hesperum Adhuc vocari Lucifer,	
Nondum ille fortis liquerat terras pater Iunonis in torum redux.	35
Nutus herileis fixus observa, vigil Percurre lynce plurima.	
Standum est, velut si Iuppiter Statorius Olim sedere nescias.	40
Standum est, in alta donec immoti pedes Tellure radices agant.	
Nec, si molestus humor in nervum cadens Varicosa crura torqueat,	
Vespasiani deseres stantis situm: Decebit et stantem mori.	45
Sic invidendas laetus et multo oblitas Splendore clitellas subi	
Ipsa onere felix sicut alis alites. Sunt grata quaedam pondera	50
Emancipatos assecclas decentia Spe pinguioris sportulae.	
Ausis nitere veste, cuius fimbriam Sarranus imber tinxerit.	
Ausis superbo celsus ire mannalo Plebeia super pilea.	55
Vultum virilem posco: pectini minus, Sed nil aratro debeat.	
Sit absque sulcis; improbos ut terreas, Licebit esse núbilo.	60



Molleis adiri comis ornat geatia.
 Placet rotunda veritas,
Non vacua rebus verba, non cassae nucis
 Promissa scintillantia.
Praemoneo: iam nunc disce sortis aemulum 65
 Et notum et ignotum pati.
Ingens per omneis saevit aulas nec novum,
 Invidia, tormenti genus,
Peius metalli mugientis ignibus,
 Peius pio Busiride. 70
Virtute gratas dividente tesseras
 Dolosus adstat Ambitus
Et inquieto fluctuat mens alveo
 Curaque cura nititur.
Heic tu memento semper humanas vices 75
 Caeco rotari turbine.
Prensare cristas certus altae cassidis
 Fit saepe vilis ocrea.
Exterge bilem, candidos tibi dies
 Sol crastinus fors annuet. 80
Ut audiaris, applicabis regio
 Submissus ora popliti.
Isthic feruntur, quae vetus paroemia,
 Aureis habere principes.
Felicitatis frena post haec attrahere, 85
 Ne contumax recalcitret.
Sed, sive scandis summa more capreae
 Haerentis in fastigio:

Seu qualis ursus minguído excussus iugo
 Praeceptis ad ima volveris, 90
 Te vince, Fatis cede, Fortunae mala
 Forti cachinno decoque.

O D E V.

Cum ad D. Virginem Oettinganam supplex inuiseret.
Anno M. DC. XL.

Te, mea Lux, video! salve dulcissima rerum.
 Te video, proprium
 Enixa Patrem filia!

Exclamare libet. Deus hic Deus, o Dea certe:
 Nam sacer horror inest 5
 Et numen arcanum patet.

O vere tutela Ducum populique fluentis
 Huc in aquae speciem
 Motantis extremum mare.

Caesaribus bene nota domus, queis una voluptas 10
 Mente genuque tenuis
 In supplices procumbere.

Regna tibi natosque suos urbisque Quiriteis
 Sceptraque cum gladiis
 Accline suspendunt onus. 15

Tu statio nautis, medio tu portus in alto.
 Corpora caeruleis
 Mergenda phocis eripis.



Tu morbos mortemque fugas; tibi sibila ponit
 Anguis et in viridi 20
 Natat veneno sanitas.

Fata iubes pronosque gradu consistere casus,
 Membraque vulneribus
 Disrupta rursus integras.

Tu nitidos oculum languentem accendis in uene, 25
 Corpora et calidi
 Secreta pellis frigora.

Sternaces placantur equi te frena regente;
 Te cohibente Notos
 Elisa tempestas cadit, 30

Horrida ceu vitreae rumpuntur fulmina bullae,
 Nec satis ipsa sibi
 Alisque fidunt flammeis.

Pingua tu sterili maturas semina campo
 Vere pigrae Cereri 35
 Festina calcar addere.

Tu melior nostris volitas Victoria bellis
 Castra virosque super
 Terrere Suecos efficax.

Tillius hinc vireis animosque accepit et iras 40
 Armaque sanguineis
 Infecta truncis hostium.

Ipse tibi, qui nunc Bayaras moderatur habenas,
 Se minor inque solo
 Laetum gemens aternitur. 45

Da niveos illi cum coniuge vivere soles,
 Deque tuis radios
 Dulceis ocellis imprime.
 Da geminam prolem, cani solatia patris,
 Patris et in segetes 50
 Aequante culmo crescere.
 Me quoque—quam cuperem quaedam tibi dicere
 in aurem!
 Sed properante rota
 Auriga saevus avocat.
 Siste gradum: Dux ipse manet, cras, quando 55
 remittet
 India Solis equos,
 Et tu reduces quatuor.

 O D E VI.

De veneranda icone B. V. et sacrario Oettingano.

Inverit interea dilectae Virginis aedem
 Donaue cum titulis
 Lustrare circum pendula.
 Non aurata nitent fulvo laquearia coelo;
 Praxitelisque nihil, 5
 Nil delicati Zeuxidis.
 Caetera compensant artem: placet Antonino
 Caesare structa domus,
 Squalor placet fuliginis.

Scilicet antiquo talem Rupertus ab aevo 10

Vindicat et mediam

Flammis et Hunnis eripit.

Ille planetarum septem discrimina lustrans

Et scelerum tenebris

Nixum cubile siderum, 15

Indignatus ibi Romana piacula sedem

Figere cumque sua

Sorore Titanem coli,

Cur nostras incestat, ait, Dis turpibus oras

Prisca superstitione 20

Aris ab usque Dardanis?

Cede profane Phanes et cum Iove Luna Venusque,

Martis avique probrum,

Mentite, cede, Mercuri.

Dixit et eiectis purgavit limina monstribus. 25

Nobiliore tholo

Sacram locans imaginem.

Haec te, Diva, refert, qualem modo cernimus

intra

Septa duumque pedum

Angustias mirabilem. 30

Sceptrum laeva gerit; caput est diademate

cinctum;

Suppositaeque Deus

Dextrae Puellus insidet.

Ex quercu lenis species ac blanda rogari,
Lumina mite pia 35
Et dulce conniventia.
Nigra quidem, formosa tamen; neglecta renidet
Pulcrius effigies
Crescitque simplex gratia.
De rudibus spirat maiestas ardua sulcis; 40
Nox quoque grata decet
Mistumque praestringit diem.
Mole carens virtute valet; tam parva colossos
Deprimit, et cubitus
Videtur esse pyramis. 45
His manibus, credo, serpens elisus et hoc est
Pressus ad ima pede
Orcoque virus inspuit.

O D E VII.

*Origo arboris tillae ante sacellum Oetingae
stantis.*

Est aliquid lepidam post funera vivere vitam:
Rem canto dignam vatibus.
Quae viret Oetingae spatioque indulget et auram
Inumbrat arbor frondibus,
Non habet enatum nemorali semine stemma, 5
Ut fagus, ilex, fraxinus:
Fusus erat quondam tenerae non vile puellae
Densam renodantis comam.



Illa per Alsatae celebris pulcherrima terras
 (Ferunt Tabernis editam) 10
 Vicerat insigneis formae certamine nymphas,
 Pomum dedisset et Paris.
 Accessit Romana decus facundia pulcræ
 Pectusque plenum Palladis.
 Nam pater et genitrix Latio sermone solebant 15
 Miscere verba Teutonum.
 Qualiter et Morus datur assuevisse Britannus
 Musis dicare filias.
 Tulliolæ Marci poterat par nata videri
 Materque par Terentiae. 20
 Dicta tamen lepidæ tiliæ est, non filia, matri
 Totique post viciniae.
 Id vitium linguae, quia molle, decebat utramque
 Ludentibus praesagiis.
 Filia, mutatum fecit cui litera nomen, 25
 Sylvas amabat unice.
 Hoc quoque de Divis visa est habuisse novenis
 Novena dici dignior:
 Cruda maritalis flammae glaciataque voto
 Quascunque contra nuptias. 30
 Saepe parens dixit: Quando dabis ire nepotes
 In nostra pronos oscula?
 Saepe reluctanti vestitus detulit auro
 Non grata leno munera.
 Perstitit ut rupes vimque aversata virilem 35
 Vergente fugit sidere.

Fugit, ut intonsum iuvenem Peneia Daphne,
Ceum Naxio furens deo.
Ignoto demum longinqua per avia calle,
Per saltuum discrimina 40
Sistitur Oetingae, quo tempore Phoebus Eois
Evolvit axem fluctibus.
Hic almu perfusa diem, simul ignibus arsit
Viso Deae sacrario,
Tota simul statuæ claris admota tenebris 45
Coeleste lumen imbibit.
Haec secum: Me nulla loco divellet ab isto
Ferri procella Norici,
Nullus ab Hyrcana nutritus tigride miles
Potorve equini sanguinis: 50
Virgo, decus rerum, minimos dignata recessus
Implere blando numine,
Aspira trepidique fugam miserare pudoris.
Stat heic iacere et emori.
Exin per nemorum tractus hortosque vagata 55
Aram coronavit rosis
Populeaque coma fagisque instravit opacis
Faunos latere callida.
Ah! quoties voluit fieri quoque munus et ipsa
Donanda sumptuosius. 60
Ah! quoties, Utinam fierem modo cerea, dixit,
Arsura iugi lumine.
Invideo violis fragrantibus; o ego nardus,
O thymbra sertis inserar!



Quam tua, Virgo, libens redolenti tempora nexu 65

Crinalis optem lambere!

Quod vires quia posse negant et Fata resistunt

Iniqua voto supplicis,

Hoc saltem nequeunt etiam obluctata negare,

Ut non avara serviam.

70

Talia dicentem Pietas advertit et una

Severus aedilis Labor.

Structa casa est, in qua Zephyris laxantibus

annum

Se devoventeis advenas

Aut aestu rapidos aut tempestatibus actos 75

Textis recepit cratibus.

Mox pedibus fessis lympham manibusque la-

vandis

Et oris annonam dare.

Tum iurata sequi socialis signa catervae

Magnam sonantis Virginem

80

Ibat ovans vario. pratorum ex iride gratam

Odoris imbrem spargere.

Sternebatur iter calthis mistoque hyacinthis

Vexilla pingebat croco.

Sic tribus exactis, non longo tempore, lustris 85

Ad fila venit ultima.

Fata vocaverunt, veniam cito, dixit, et astris

Soluta maneis inferam.

Da modo, Diva, meum nullis tabescere seclis,

Si nemo corpus polluit,

90

Quaque licet, vitare putris contagia terrae

Et stare functum te prope.

Successum mēruere preces. Mens aera tranat,

Vernare funus incipit:

Atque aliquis tumulo properans componere 95
membra

Miratur infusum nemus.

Coepit et erectum subito frondere cadaver

Coramque vespillonibus

Plantapedes fiunt truncusque immobilis haeret

Tellure congesta super. 100

Tentavere viri caput attrectare, sed illud

Repente sursum germinat

Tacturasque manus longe fugit intima molli

Cingente libro viscera.

In ramos digiti parvos abiere minores, 105

Mutata magnis brachia.

Ora cacumen habent, quae ne credantur adempta,

Loquuntur Euris flantibus.

Servat adhuc Tiliae nomen spectabilis arbor,

Caelebs ut ante et unica. 110

Quod fecit sub pelle, facit sub cortice sexus

Tenacis assuetudinis:

Nam velut ante sacram dominae mirabilis aedem

Ancilla florens excubat,

Seque suosque movet vento pectente capillos 115

Pronoque nutat vertice.

Ae, si caeca queant audiri murmura, noto

Heram salutat sibilo;

Officiiue memor virgo frondosa prioris
 Invitat ad se rusticos. 120
 Grata peregrinis subter fugientibus umbra
 Solis calorem mitigat.
 Nulla magis placidas reddant tentoria nocteis
 Minusque somnum noxium.
 Dum resonant laudeis, his consentire videtur 125
 Anhela ab imis unguibus.
 Nec minus ipsa suo quam turba canora susurro
 Paeana matris perstrepat.
 Iamque etiam lauro certat secura Tonantis
 Et rauca temnit fulmina. 130
 Omnis quod circum novit clamator Iolas
 Et Oenus undarum pater,
 Hinc aliquis folium, ne fumet ab aethere, raptum
 Praetendit irato Iovi.
 Fabula finitur celeberrima. Vos quoque, Boii, 135
 Hirsuta ruris pectora,
 Alsaticae posthac (fas est meminisse) puellae
 Vestris camoenis plaudite.

Fons Parthenius

ante sacellum Virginis.

O D E VIII.

Ad socios.

Et hinc bibamus: quale lympa prosilit
 Demissa frigenti pede!

Non aliqua Mauri turpis hoc liquens vitrum
 Manus propinat ossea,
 Sed Genius alti candidique marmoris 5
 Et sanguinis Carystii.
 En ut columnam stat super cum limpido
 Aquosa Mater Parvulo!
 Ut sena madidum concha derivat diem!
 Ut lene crystallus fluit! 10
 Bibamus: o fons virgines trudens aquas
 Nullo sopore languidas,
 Quem nec loquacis mite Bandusiae gelu
 Nec ros Lycormæ vicerit
 Ladonque nunquam siccus et nihil sui 15
 Langia debens nubibus,
 Sic o pudicis semper undis emices!
 Sed quid? bibamus denique:
 An tam profana post Iacchi pocula
 Tam sacra nos arcet Thetis? 20
 Cras igitur omnes afferamus integram
 Casteque purgatam sitim.

Propempticon

*Amico datum deserto melioris vitæ proposito ad
 profanam redeunt.*

O D E IX.

Ergo, proterve, te tuosque deseres
 Mutatus ut chamaeleon?

Qui nervus, eheu, quod ligavit fascinum,
 Quae nigra rhombi licia?
 Non revocat ille, cui cometae militant 5
 Et sidera arcanum pavent?
 Non ille, qui te fixus infami trabe
 Clavis in altum sustulit?
 Nec illa, cui votivus audebas cliens
 Iurare verba splendida? 10
 Revolve noctem, cum sodalium comes
 Aut iunctus uni dixeras:
 En quam serenis se figuris explicat
 Mundi volumen igneum!
 Claris ut aether literis scriptus patet 15
 Stellis relucens aureis!
 Volat Sagitta; Vultur in lyram cadit;
 Hinnit per astra Pegasus.
 Cerno ligatas dulcis Andromedae manus,
 Cerno coronam Theseos 20
 Pavidoque Leporem vix micantem lumine
 Subter pedes Orionis.
 Armatus huius splendor et rursum illius
 Delectat imbellis nitor.
 Hic ille Python, squammei qui fluminis 25
 Instar per Ursas labitur!
 Quam fixus albam servat Arctophylax feram
 Ne proluat caput mari!
 At nec minoris eminent curae vigil
 Custos caprarum Myrtilus. 30

O ambulantis pulcra scena patriae!
O monstra nil terrentia!
Salvete facili circino ductae faces
Pictaeque naturae croco.
Haec quantus olim nocte suda, quam ferox 35
lactante monstrabas manu!
Nunc totus oculis ille decessit decor
Poscentibus collyria.
Praefers Olympo seu Cithaeronis iugum
Seu montis Idaei nemus. 40
De cuius atro fluxit ore viperae
Furoris istud poculum?
Moerimne vidit obvium prior lupa,
Quod suspicamur, an lupus?
Si nuptiale forma philtrum miscuit, 45
Dic, qua cales Ogulnia?
Haec me loquente ter quaterque sternuis:
Fortasse non ab alliis,
Sed ex honoris fervidi nasturtio
Sublime commotus gemis. 50
Placent tiarae, gemmeus vertex placet
Magnique turbo nominis.
Et tam videri, quam videre iuverit
Alto reclinatum toro.
Iam mente sorbes pulverem sonantibus 55
Rupturus aulas unguis.
Iam pictus extra ducitur currus fores
Manditque frena quadrupes.

Imaginoso tinctus erras somnio,
 O nauta sicci litoris, 60
 Interque vota cor tuum scindentia
 Immane quantum falleris!
 Incide venam spesque putreis eiice,
 Quae pectus exsurdant tuum.
 Ventosus atque ad ultimum Anticyris tribus 65
 Diceris insanabilis.
 Demus potiri qua voles Canaria
 Et apparatu Persico;
 Te Iuno nummis, Pallas ornet artibus,
 Venusque Ladae filia: 70
 Possessa qualem munera aetatem ferent,
 Quam portionem seculi?
 Vitae fugacis una solstitialibus
 Urgetur hora lineis:
 Tandem perimus. Cum tui concusserit 75
 Capitis nives Proserpina,
 Eheu dolores ingruent et anxium
 Rubigo tristis exedet.
 Transfumat omnis culpa et auctorem petit
 Armata poena crimine. 80
 Tunc semetipsam vidua quaeret palpebra:
 Ubi fastus est? marite mi.
 Pulsabit ille fronte deiectus solum
 Impressus ora gramini.
 Tunc et cupido nabit absque cortice, 85
 Languens inani taedio.

Ah qua carina nostra, dices, alite
Portum salutis exiit!
O blanda Circe: sic meum poteras iecur
Furiare succis mitibus? 90
Laetabar, an me frigidus vinxit stupor
Captum voluptatis dolo?
Quidvis agenti vera semper defuit
Casti medulla gaudii.
Discede luxus: huc mihi simplex olus 95
Caulisque laternas olens;
Huc olla farris aphronitro caeruli
Et ova putiscentia;
Fabis patellas ingementes reddite
Coenumque vappae defrutum. 100
Querere isthaec sero coram fontibus
Coramque silvis fontium,
Siliquamque porcis invidetis ut sacri
Subulcus assis prodigus.
Ergo beatus ille, quem funis suo 105
Spartanus astringit Deo.



Corona Regia,

Tegumentum humanae miseriae.

*Cum anno MDCXLI ex Hispania, Italia, Anglia,
Scotia et Hibernia crebrae regnorum seditiones
nunciarentur.*

O D E X.

Esse quid hoc dicam, laceri quod fragmina
mundi

In ipsa regum torqueat

Martius ora furor?

Inde cicatrices diademataeque resultant

Molesta frontis tubera

5

Purpureaeque notae.

Quae licet a gemmis Indorum more coruscent,

Non et minoris saucio

Causa doloris erunt.

Ut video, non ad splendorem inventa corona est. 10

Necessitatis vinculum

Vulnera facta tegit.

Imposito reges exorna, Iuppiter, auro:

Tu, Phoebe, lauro mollius

Tempora cinge mea.

15

Ad Georgiam Stivonem.*Amico Alsatae philosophiam praelectur**Propempticon peripateticum.***O D E XI.**

Ibis Stagirae, Stivo, doctum pulverem
 Colligere plenis curribus,
 Paratus omne corporis periculum
 Subire ritu militis.
 Revocare mentem velle, dementis foret 5
 Et exsecrantis pulpita.
 Quanquam ipse morbos quereris improbissimos
 Vitamque paene evanidam:
 Quod pallor oris, quodque gypsatum iecur
 Et lanceae pleuritidos 10
 Pulmoque laesus et spuents indicant
 Conchyliata vellera
 Aestusque cerebri nuper ad Platonium
 Tumultuantis somnium:
 Tamen rotabis ambulator machinam 15
 Annis tribus versabilem.
 I, sed fideleis ultimum saltem accipe
 Timentis affatus tibi:
 Ut sana mens servetur, excubiis caput,
 Pluteoque pectus libera: 20
 Opiniones parce moliri novas
 Contentus antequa lyra.

Ad Laevinium Tragam.

Caroli Brisonii poetae

Testudo nuptialis.

Sive

Exemplar optimae coniugis.

O D E XII.

Accipe, Laevini, taedas cur noster amicus

Spernat et impatiens

Vivat tori Brisonius.

Admonitus sponsae (genitrix genitorque mo-
nebant)

Exagitante Deo

5

In hanc ruit sententiam:

Quid mihi vobiscum est, Lamiae neptesque
Metelli

Ausoniaeque nurus,

Togata Romae emblemata?

Nolo tuam, nolo, Gracchi Cornelia, dotem: 10

Nam pretiosa nimis

Crepas avorum proelia.

Non mihi vertigo haec, ut pictae venditus arcae

Iurgia mille ferens

Tuis triumphis serviam.

15

Nec vos, quae formam longo iactatis in auro,

Ore pares Triviae

Tanti Lacaenas fecero.

Quot fallunt mentita viros promissa puellae,
Lapsa simul viduas 20
Cerussa malas liquerit
Sithoniasque nives et lac ungentis asellae
Et Veneris panacen
Carbone nox deteraserit!
Finge tibi pulcram Briseida: quanta decoris 25
Atque pudicitiae
Quam pertinax discordia!
Gliscit et ancipiti pugnat discrimine vultus,
Semper alunt oculi
Periculosa incendia 30
Atque leveis iaciunt atomos. Sed finge pudicum:
Litibus indubito
Et unguibus Calpurniae.
Femina sic nata est, ut saeviat: optima quaevis 35
Mente ferox tacita
Discerpsit unum Penthea.
Quare adeo iam nunc thalamis absistite nostris:
Filia, quas petitis,
Praevenit una nuptias.
Gratior est nobis e buxo sutilis uxor, 40
Orpheos Eurydice,
Testudo magni nominis.
Non adeo formosa quidem: neque enim sata Cedro
Vertice de Libani
Deducit excelsum genus; 45



Nec de plebe tamen communis filia silvae est :

Collibus Aoniis

Nutavit inter arbores.

Quam simul audiui, simul hausi pectoris igneis.

Sunt in amore duces 50

Non sola semper lumina.

Continuo duxique domum Peneida nostram

Sertaque Pierides

Sparsere non mortalia.

Iamque tribus lustris sine crimine vivimus una, 55

Dissidiisque sine

Libamus auratos dies.

Quod querar, haud habeo: tanta est concordia
morum.

Ipsa regi facilis

Priscas Sabinas provocat. 60

Non invita silet: mittit responsa roganti,

Indole qua tetricis

Occurrit Echo rupibus.

Sed neque, si ferio, crudele remurmurat ut tu,

Torva tuens Hecube, 65

Nec stridet, hirrit, ringitur.

Quin pulsata canit gratoque agnoscit in ictu

Verberis esse rea,

Rursusque mulceri sinit.

Ac nisi percutiam, Scythicae de more maritae 70

Seria conqueritur

Algere pectus coniugis.

Ergo manu rapio crineis chordasque sinistra
Innumerisque modis
Infringo dextrum pollicem. 75
Quo magis increpito digitisque micantibus erro
Colla per et faciem,
Maiore ridet gaudio.
Docta velat Sappho, sed castior illa suorum
Comis ad obsequia 80
Delenit aureis hospitum.
At non et metuo, ne sit me carior alter
Advena zelotypis
Suasurus arma cornibus.
Duxi Penclopen: mediis licet usque procorum 85
Coetibus involitet,
Modesta nescit fallere.
Nec minus heroum choreis concessa sonandis
Intemerata fidem
Fidesque servat integras. 90
Quodque omnem superat famam, non aere
maritum
Degravat ac modicis
Contenta vivit sumptibus.
Fastiditque epulas et sola vescitur aera;
Uncta genas oleo 95
Extinguit arentem sitim.
Scilicet est sterilis nunquam factura parentem,
Nec gremium citharae
Lucina donat pignore.

Imo velut Niobe scropha foecundior alba, 100
 Ventre ferax gravido
 Nummos et odas parturit.

Ad Matrem Iesu sub cruce.

O D E XIII.

Infanda pateris, Virgo : stas vel sic tamen
 Crucemque fulcis pectore.
 Amicus, hostis, vir, puer, iuvenis, senex
 Et Natus ipse sauciat.
 Visam ac videntem visus ac videns premit 5
 Moerore ineluctabili.
 Tormenta vireis ipsa consumunt suas,
 Dum tristis Ubertas stupet.
 O ad dolendum Mater olim non rudis,
 Nunc Mulier: hoc deerat malis. 10
 Ah quae procella se maris salsi tibi,
 Contrita Virgo, comparet?
 Amara vivae plangis invidiam neci.
 Fert terra corpus debile:
 Sed mens in alto fixa pendet stipite 15
 Sugitque mortem Filii.
 O moesta luctum Domina mecum divide
 Nec parce multum supplici.
 Per vulnus animae, quod sinu sub intimo
 Praesagus ensis condidit, 20

Vivosque stantis oro maneis Funeris,
Mei doloris numina.

Dirae.

*Detestatur auctor sanguinarium facinus Iudaeorum
in morte Christiani pueri peractum.*

O D E XIV.

Saevis licebit ergo Sabbathariis
Impune nos occidere?
Non conqueror, quod aurum et immensas opes
Avara gens emulgeat,
Nec, quod fluentem nauseam vultu creet 5
Foetente flavos aspides.
Accuso ferrum, quale fratri prandium
Cocturus Atreus strinxerat.
Audite, matres, facinus et vel Colchicae
Vestris timete liberis. 10
Qua se Tirolis ultimo pandit iugo
Stat crypta subter porticum:
Fornix recessum noctis angustum premit
Et lux maligna temperat;
Penetrabile caecum Mosis antiqua fide 15
Serpens coronat aeneus.
Illud paternis saepe foedabat sacris
Olens Apellarum tribus.
Horrore totus squallet ingrato locus 20
Ut officina febrium.

Huc rapitur eheu, qualis aut Gyges fuit
 Aut pulcer Hylas, pusio,
 Cui Fausta Crispi, cui pepercissent trucia
 Phaedrae novercales acus,
 Ipsique torvum flere dignentur Getae 25
 Mucrone stricto supplices.
 Iam Noctiluca fratre verso iunxerat
 Currus Soporis obvios,
 Quum clam doloso capta pomo victima
 Insons ad aram sistitur. 30
 Mox illigata ponitur saxum super
 Iuxtaque pelvim fuscina.
 At conspicatus hinc et hinc cultros puer
 Plorat trementi gutture.
 Placasset iras et ferarum et anguim, 35
 Mollisset enseis Thracios:
 Vocem querentis lacteo coercuit
 Iniecta collo fascia.
 Iuvat ordinare rite iuratum scelus
 Annoque lustrali sacrum. 40
 Stat pone Samuel, ante cretatus Michas,
 Devotus Orco pontifex,
 Per cuius obsoleta crineis infula
 Limbo cucurrit rasili.
 In tenera tota membra membratim manu 45
 Saevitur ad fastidium.
 A calce cuspis ad cruentum verticem
 Sursum deorsum duoitur.

- Ceu stella dempto sole tabescit, duae
Expalluere pupulae. 50
- Ne pereat ulla pars voluptatis, sinunt
Tandem puellum plangere.
Ille moribunda voce caespitat gemens
Et murmure incerto absilit.
Tremuere postes; tota succussit domum 55
Testudo subterranea.
Bis terque moto culter illapsus solo
Manus refugit impias
Atroque lampas concitata limite
Abrupit obscurum diem. 60
Nihil hi moveri; quās dolor peragat vices,
Avide tuentur cominus,
Quo scissa flexu motet ora, quid loquax
Singultet aer hostiae.
Iamque a lacertis dissoluto corpore 65
Fit vulnus unum ex omnibus.
Consumpta vita est, non tamen totum nefas:
Dictat furor nocentius.
Scrutantur exta, pallidae omentum necis
Et fata fibris abdita. 70
In frustra sectos denique artus differunt
Novo incoquendos ferculo.
Exin caninum balbus et denteis niger
Absistit in chorum senex
Pateramque vergens sanguinis spumam ciet 75
Additque verba noxia.



Hoc ultioni gentis infusum meae
 Litetur, inquit, poculum.
 Sic quisque in orbem purpuram libat scyphi
 Plenus Thyestei mero. 80
 Et tanta poenis, Christiani, debitis
 Dicemur ulți crimina,
 Iudaea porci siquis ora sumine
 Inungat aut lucanicis?
 Aut parricidam ludibundus obvium 85
 Praebere cogat aleas?
 Huc venditure mille verpos unico
 Caesar redi teruncio.
 Tu potius, imi sessor Erebi, iustior
 Antioche tortorum, redi: 90
 Una sub imo quidquid est Erebo triplex,
 Canis, Sorores, Iudices:
 Genus omne monstri turpius monstrum ferat,
 Infanda proles Isaci.
 Tityum relinquat ales, et Phlegyae satus 95
 Gyrare cesset orbitam,
 Suumque montem Sisyphus liber iugo
 Miretur et Lethen bibat:
 Aliasque rabida migret in fauces sitis
 Famesque pomis insidens. 100
 Quae poena mundi sontis est et omnium,
 Sit poena gentis unius.

O D E XV.

*Descriptio Virginis, qualem in mentis excessu
viderat.*

Septima post caedem Gustavi fluxerat aestas
Boiorum in urbe principe,
Cum regeret Romam sacris Octavus habenis,
Sacris Viennam Tertius;
Tempore, quo secum certans Germania belli 5
Civilis augebat nefas.
Cum privatus adhuc modo Dorstensonius hostis,
Captivus esset Hornius:
Nondum bis quatuor lustris succinctus adibam
Silvas Calendis Iuliis. 10
A tergo cantabat avis lucumque sonantem
Mulcebat aura lenior;
Ante toro ripae nymphis innixa loquaceis
Trudebat undas Isara.
Heic ego rem miram vidi aut vidisse putavi 15
Eoa post crepuscula.
Virgo serenati circumdata solis amictu
Lunam premebat calcibus
Os humerosque deae similis quantamque referre
Augusta maiestas potest. 20
Regia frons, acres oculi, lux vivida, vultus
Castis renidens gaudiis.
Hinc atque hinc vigiles exultavere pyropi
Formosa circum tempora.

Ipsa caput nitido risu turgentibus astris 25
 Cinctum modeste sustulit.
 Cingebant bis sena: comam diffundere vento
 Vetabat alba taenia;
 Pars tamen in laevam, quod erat neglecta decore,
 Undare visa gratius. 30
 In manibus portante Dea formosior Infans
 Florebat instar sideris.
 Ecce autem insidias huic formidabile monstrum
 Tendebat immanis draco,
 Prodigii septem capitum suspensus in auras 35
 Et dena tollens cornua,
 Agmine membrorum longe post terga relicto
 Et implicatis nexibus,
 Si molem expendam, quantus qui corpore vasto
 Arctoa plaustra separat. 40
 Tertia stellarum pars cauda tracta deorsum
 Serpebat in vestigia.
 Vipereus thorax: facies tot mortibus horrens
 Carbone gliscit igneo.
 Cocytum fauces spirant nebulam que rogamque 45
 Et spissa fumi flumina.
 Iamque minax tenerum propere sorbere Puellum
 Cristatus assurrexerat:
 At Mulier passis super aethera grandibus alis
 Librare corpus fulgidum 50
 Attractoque genu procul evitare sinistro
 Os multiformis Cerberi.

Ipse etiam, cum se sciat evasisse periculum,
Laetatur ingens Parvulus,
Et micat et Matrem iuvat et connititur ultra 56
Gestu triumphali ferox:
Sanguineasque iugas et ahenae verbera squa-
mae
Et vana spernit sibila.
Desuper armipotens Genius quoque fulminat
Hydram
Ferro nocentem flammeo. 60
Detruncata vomit saniem atque irascitur hosti
Ipsaque in ira supplicat.
Sed varios maculis frustra torquetur in orbeis
Virusque spumat lividum.
Personat interea toto Victoria coelo 65
Sternitque palmis semitas.
Ut vidi, ut stupui; ut me metuenda voluptas
Horrore sacro perculit,
O Dea, dicebam (neque enim mortalia cerno
Mortalis) o certe Dea! 70
O quaecunque fugam per candida nubila carpis
Sontemque calcas belluam,
Si non deludor, minimis si vatibus esse
Dignaris aspectabilis,
Da quoque clara meis oculis te Diva videndam, 75
Ut mente nunc permetior.
Audiit: et laeva de parte rubentis Olympi
Amoena nubes intonat;

Frisingam versus fax una clara cucurrit
 Vibrans colores iridis. 80

Post ea forte illuc summam delatus in aedem
 Arae fruor spectaculo.

Obiectos animo vultus habitumque coloremque
 En penicillus exhibet,

Qualiter artifice radio miracula ducit 83
 Rubens Apelles Teutonum.

Protinus exclamo: Talem suspeximus olim
 Divina passi Virginem.

Tunc ergo, praedulce decus, Nasareia Virgo,
 Alata bellatrix eras? 90

Vive, vale. Sed, cum Serpens antiquus ab orco
 Redibit illaetabili,

Eripe nos etiam mansurisque instrue pennis
 Tecum volaturum gregem.

Dialogus

Voluptatis et Continentiae.

*Exemplo Horatii in lib. Epod. XII. inter eundem
et Oantidiam. Auctor theatraliacenae accommodavit.
Est autem haec ipsa lucta carnis et spiritus in d.
Augustino, quam descripsit l. 8. Confess. c. 11.*

O D E XVI.

Retinebant me nugae nugarum et vanitates vani-
tatum, antiquae amicae meae: et succutiebant vestem
meam carneam et submurmurabant: Dimittisne
nos, etc.

Voluptas.

Ingrate primum (nam quis audacem neget?)
Moliris, Augustine, degenerem fugam?
Et haec et ista et illa demum gaudia
(Quaeque ipse nosti) pariter elabi sinis
Unoque iactu mentis aeternum abdicas? 5
Frustra resistis: ipsa genialem torum
Natura suadet; dulce naturam sequi.
Nolens traheris: nesciant sane truces
Amare scopuli quosque Caucasia nive
Perpetua monteis durat obsessos hiems. 10
Sed terra mollis peperit humanum genus.
Nunquam severi vena marmoris tepet:
At tua calescit consciosque sanguinis

Argutat igneis. Cum tuis (age exne,
 Si potes, amorem patris) Adeodatus 15
 Infunderetur brachiis, rupes eras?
 Cum respuenti pellices Alipio
 Saltem probares nuptias, silex eras?
 O te repente duriorem cautibus,
 Quem molliorem nuper haedo vidimus! 20
 Quid restitas abductus orbeis luminum
 Tergumque furis instar obvertis mihi?
 Curas fugavi, depuli tristeis metus:
 Iam me relinques, qualis Aegides suam
 Vanus Ariadnam? Tu pudicus, tu probus? 25
 Sed non inultam riseris, nec deserar
 Onusta probris. Semper haerebo comes:
 Fatalis umbra semper invitum sequar.
 Impune ut orbem crimine impleris tuo?
 Confessus illud crimine impleris meo? 30
 Dignis ut usque, profuge, poenis suppetas,
 Pacem diei, turbidae nocti suum
 Adimam soporem et mille formas ingeram,
 Quibus perire ut non velis, pereas tamen.
 Figam medullis abditas imis faces: 35
 Damnatus alter cordis Ixion tui,
 Volves amoris flebilem volves rotam.
 Faxoque, ut alter Tantalus Cyprii maris
 Mediis in undis inter ipsa somnia
 Amplexuumque corporumque imagines 40
 Feras dolores et novum sitis genus.

Liquida adnatabit nympha: non tamen bibes;
Lepida advolabit forma: non tanges tamen,
Nunquam mederi vulnerato pectori
Ausurus, absens semper et propior mihi. 45
Poterisne nobis hospes antiquus sine
Noctem vel unam ducere? ah hoc non potes.
Periere mores; illa libertas tua
Necessitatis in catenam transiit.
Dissolve nodum: vincla rumpe ferrea; 50
Quos fecit usus ex tot annis annulos,
Poteris vel unum rumpere? ah nec hoc potes.
Sed finge posse: cur velis? tamen iuvat
Saevitia facilis et madentes lacrymis
Rudibus timores et decens licentia 55
Gratusque pallor atque iucundi metus.
Huc, huc sorores, quotquot eatis, Gratiae:
Instemus operi ludicrumque transfugam
Byssi recentis vinciamus compede.
Aglaia, myrto necte crineis uvidos; 60
Thalia collum cingat, Euphrosyne latus:
Super ipsa totam mollis infundam Cyprum.

Continentia.

Apertebatur enim ab ea parte, qua intenderam faciem et quo transire trepidabam, casta dignitas continentiae, serena et non dissolute hilaris, etc. Et irridebat me irrisione exhortatoria, quasi diceret: Tu non poteris, quod isti et istae? an vero isti et istae, etc.

Canidia turpis, publicum mundi malum,
 Effrons voluptas, parce vocibus sacris
 Infixa coelo devocare sidera.

Spargis venenum, quod nec Alcides bibit
 Vestitus atro munere uxoris suae, 5

Neque aut Iolcos misit aut Iberia.
 Circe valenti carminum sono potens
 Induere setis remiges Ulyssaei,
 Absiste tandem teque luci subtrahe.

Huc noster Augustine conversos refer 10

Huc tristis oculos, et per aetherium mare
 Puerumque coetus ac puellarum vide
 Anusque viduas et verecundas nurus,

Quas nulla turpis cepit insolentiae
 Cupido. Tu non poteris, heu timidum genus, 15

Quod isti et istae? An isti et istae ferrei,
 Aut quae tremiscis viribus nixi suis
 Vicere fragilis blanda naturae mala?

Deus Deorum me volentibus dedit
 Morum magistram meque praefecit choro 20
 Agnum sequenti per Sionis pascua,

Quocunque passu laneo figit pedem.
 Dignos et ipsa mentis igneis excito
 Casto decore sobrioque pulcrior,
 Nec vero sterilis; signa mundi suspice: 25
 Quot astra cernis, pura cum nox albicat,
 Tot pario natos de marito Numine
 Foecunda mater liberos simileis mihi:
 Serena frontem, sparsa florenteis comas,
 Et virginali vincta zona Gaudia. 30
 Pars in virenti colle vellus aureum
 Pectunt ligustris et protervia rosae;
 Pars astra nectunt et capillis illigant.
 Invito: sequere, si coronari cupis;
 Expando plenas liliis ad te manus. 35
 Quid turbulentas fluctuans trahis moras?
 Lascivientem mitte sectari lupam.
 Fallit Voluptas brachiisque vinculum
 Incantat ore Thessalo venefica.
 Mihi fide: posthac laetius vives Deo.

Ad Andream Garstium,

Mariaemastiga.

O D E XVII.

Quid tibi vis, Garsti, balatronum digne catasta,
 Afra animos immitior angui?

Cui furis indomitae monstrum memorabile
huccae,

Non aequet quam plumbeus auster.
Nympham canto meam. Nisam canat alter et 5
alter

Usque suam Pholoen; quis Amyntae
Invidet arguta resonanti Phyllida canna?

Quis Mopsum vetat esse poetam?
Atqui nostra deas forma supereminet omneis,
Ut cedrus despectat aristas. 10

Ambrosio talos a vertice nullus ad imos
Naevus ebur vitiat Marianum.

Purpureus sed enim radiet quod Matris in ore
Filius, haec similem sibi Natum
Apprimat, ut lentis hederis adstringitur ilex, 15

Paene crepas: utinamque crepares!
Malles, scurra, tuam cantari Deianiram.

Perge, scelus, miser esse: dolere
Si cupis, augebo stimulis inamabile votum:
Nam Dominae plus laudibus addam. 20

Et modo populeis mandabo nomina truncis
Vere novo crescentia late;

Aurifluis modolemniscis encomia cingam
Astra super ducentibus horis.

Nec prius absistam tactis ad carmina nervis 25
Virgineas percurrere dotes,

Quam tua prae rabie rumpantur et ilia latrent
Sicanios imitata Molossos.

Ad Wolfgangum Mirisium.*De Gymnosophistis Indorum, quos Brachmanas vocant.*

Ex Bardesane Hist. Babyl. et aliis.

O D E XVIII.

Dulcis Mirisi, suavis artium lepor,
 Festive Musarum pater,
 Quem blanda in auras ipsa Virtus edidit
 Multique splenis Gratia,
 Mirare mecum mollis Indiae sophos 5
 Regnique Athenas barbari.
 Europa non est sola, quae doctos creat,
 Troianus ut forteis equus.
 Quandoque dignus aemulator Socratis
 Coelo sub omni nascitur. 10
 Cangoxa stellis clarus, Izaffo mari,
 Xacottus usu germinum
 Indi fuere; fama Brachmanas canit
 Late per orbem didita.
 Student et isti curiosam ponere 15
 In fonte naturae sitim.
 Hos mirus aequae nodus in scirpo iuvat
 Et musca cum proboscide,
 Ordoque rerum nexus et gaudens rapit
 Indago veri tortilis. 20
 Sed enim laborant fodere causarum abdita
 Diesque iungunt noctibus;
 Non ut protervae Bonzii superbiae
 Et intepentis ingeni,

Qui capitis ingens quamlibet negotium 25
 Et crebra curarum agmina
 Tonansque cerebrum iam fatiscentes crepant
 Prae copia scientiae,
 Vigileisque Lunas tetra post insomnia
 Tristi querantur iurgio, 30
 Haec inter omni dissoluti fibula
 Utramque in aurem dormiunt.
 Stagaia princeps factionis horridae
 Morosus arcet otium
 Osorque fuci pellit ignavum pecus 35
 Flavis apum praesepibus.
 Lycea quovis sole lustrat singula
 Dignosque mactat praemio,
 Seu parte clavi, merce seu novaculae,
 Seu dente plumbei pectinis, 40
 Acuve, qualem fusus efformat chalybs,
 Figente crineis virginum.
 Lebate primum quemque donat aeneo,
 Tripodisve frusto ferrei,
 Aut orbe raptο de catenis annuli 45
 Ex Lusitano carcere.
 Immane pretium rebus his novitas facit
 Et aestimans penuria;
 Accedit artis expolitae cos, honor,
 Maiorque quam nostratium, 50
 Quos longa postquam macerarunt taedia,
 Contemptus occidit prope.

Persaepe doctae flagitant buccae stipem Turpique tabescunt fame.	
Ergo aut monentur cum vagis tonsoribus Lippisque coenam sumere,	55
Aut foede subeunt antra textorum neque Terrentur a prurigine.	
Latrante stomacho pars canunt ad pulpitem Et sceptrâ quassant ulmea;	60
Pars templa purgant et metallâ turrium Tractis fatigant funibus;	
Pars ad gementeis destinantur praeficas Poscente curam funere	
Putrisve curant moesta Libitinae sacra, Ac se sepulcris elocant.	65
Detestor omnem, qua patet, Germaniam: Hoc est fovere literas!	
Heu saeva nescis terra, quid sapientiae, Quid debeatur artibus.	70
Id discere saltem, si poetam respicis, A sole tostis civibus.	
Assurgit omne vulgus Indorum sopho Pedumque lingit pulverem.	
Quicumque propius astra vidit, est sacer: Nutritur ex aerario.	75
Dis par habetur dividensque oracula Capit voventum munera,	
Barroque vectus per plateas candido Plebem salutat cernuam:	80

Hoc nempe cupidos, hoc capaceis gloriae
 Gratis fodit calcaribus,
 Adeoque dulcis fama divinis prope
 Titillat Indos laudibus.
 Exin cupido fervet instar cacabi 85
 Ebullientis ad focum.
 Sudant mereri nomen ac Divum iubar
 Seque aemulantur splendide.
 Macies in usu; rara sunt convivia:
 Mens omnis est in aethere. 90
 Ariete coeli ianitore florida
 Pandente Veris atria,
 Quo proeliantur ac sedere nescii
 Furunt iocosus caestibus,
 Mos est in aulam convenire publicam, 95
 Belli loquacis arcem.
 Dant specimen illic, quotquot urget ambitus
 Inter Scbacodas evehi.
 Scandit malignam Maccasaius exedram
 Cudone defensus caput. 100
 Diversa fingit ora primum in pergula,
 Ut taurus olim nubilus.
 Rugosa cedit fronte paullatim fera
 Bovisque bella torvitas.
 Post disputanti rite facturum moram 105
 Sermone Martem proluit.
 Dum laureatas ventilant Zephyri theses
 Hinc inde flabris mollibus;

Mordebit ungueis interim aut vellet pilos Aut erudite tussiet.	110
Est qui susurro solvit haerenteis aquas Scaphamque distinguit scapha.	
Plerique plenam Gange palpant clepsydrum, Ut stillet humor largius.	
Quod Gange potius repleant, ditissimi Dant hoc honori fluminis.	115
Iucundus error ac superstitio vetus Demulsit alba pectora.	
Credunt secundo pulcrius sic omine Certamen auspicarier.	120
At non ab Azoa Maccasaius vincitur, Utcunque fauceis increpet:	
Obliquius sophisma rumpit cornibus, Ut cervus obstanteis plagas.	
Rubiginosis sin premens hastilibus Dilemma spissum torqueat,	125
Exibit arte, qua potest, qua non potest: Ictus quis omneis caverit?	
Panthera qualis capitur et saltu tamen Fertur supra venabula,	130
Semel negatum contumaci cymbalo Negabit imperterritus.	
Ab usitata si recedit semita, Mulus tenetur auribus,	
Aut in patentis atque nodis hispidi Dumeta sacci truditur.	135

Stridere non cessabit anser, ni prior,
 Qui provocavit, desinat
Circumque densos spineae litis rubos
 Amissa ploret spicula. 140
Ne vel iacens credatur esse sub pede,
 In ore versat grandinem.
Qui in triumphum ductus infesti tamen
 Decerpit hostis sibila,
Adhuc severus et minarum turgidus 145
 Plenusque bellis Thraciae.
Mox more Parthi tela vibrantis fugit
 Vel murmur his absentibus,
Exaudiendus ceu soporandum mare,
 Quod ultimo fluctu salit, 150
Aut quale frangunt nubis impulsae sono
 Extrema se tonitrua,
Utrique donec ravis imponat modum
 Et scamna risu palpitent.
Wolfgange, cessas? rideamus nos quoque: 155
 Torpor nocet pulmonibus.

Ad Ioann. Bapt. Mufellinum

*in celeberrimam congregationem macilentorum
admissum. Anno MDCXI.*

O D E XIX.

Servanda tironi.

Ergo dies illa est, in qua videoque proboque
 Te mea castra sequi!
Ergo tibi Macies placet, admirabile donum,
 Lurida visa prius!

O felix, Mufeline, genus, tua si bona nosti 5
Quaeque Agathyrus habet.
Fer modo constanteis animos neque cede labori,
Et superabis onus.
Ardua prima via est, (nil dissimulamus) et omne
Sentibus horret iter. 10
Cruda rudimenta ac plureis terrentia Crassos
Sunt subeunda tibi.
In vallem donec facies subsidat et ulcus
Detumuisse scias,
Hoc opus: integro vix tantum evicerit anno 15
Imperiosa fames.
Quo certe toto nil apponetur edendum
Flebile praeter olus
Intritasque alicae glandes cancrique rubenteis
Coctilis exuvias. 20
Certius ut vacuos penetrent ieiunia vultus
Permaneatur color,
Interdum rodes putrefactae segmina quercus
Pumice mista cavo.
Laevigat iste cibus crebroque iteratus omasum 25
Extenuare valet;
Et tandem abdomen plena ab radice revellit
Diminuitque gulam.
Perfer et obdura: sequitur Victoria pugnam;
Aspera mollit amor. 30
Cum venti posuere genaeque immane debiscent,
Parta tropaea feres

Et levis et velox et opaci pondere ventris
 Liber ut ales eris.
Cessabunt gemitus: iterum coenare licebit. 36
 Aggredieris aprum
 Tutior Alcide: natura subacta negoti
 Nil, Mufeltine, facit.
 Interea misceros convivas riseris hospes,
 Quos sua massa premit. 40
 Felici tamen ut vitae nil desit, honesti
 Stoicus esto tenax;
 Inter aqualiculos culpam vitare memento:
 Caetera trade Notis
 In mare Tyrrhenum portanda et vive beatus 45
 Perpetuumque tuus.
 Quod prohibere nequis medio torrentis in aestu,
 Ne prohibere para.
 Spem cupidam voti nec citra mitte nec ultra:
 Utraque meta nocet. 50
 Crastina quid latura dies, sine laetius allo
 Omine nescieris.
 Hoc cursu placidum Macies tua verget in aevum
 Carmine digna cani;
 Qualis nostra placet solidis pellucida costis 55
 Iam sibi fida satis.
 Hanc neque Westphalici terrent immania porci
 Tergora, sumen, adeps,
 Nec bos Helveticus surgens in cornua: virtus.
 Canota demare potest. 60

Impleat accensum Phalaris pinguedine taurum :
Nulla tyrannis obest.
Secta vel usta furens ponat: tormenta fit inter
Fortior ista Macer.

Ataxia nostri seculi,

sive

Mundi ad occasum vergentis signa.

O D E XX.

Ultima iam venit Fatis urgentibus aetas
Suoque pronus orbis impulsu ruit.
Me non vana queri, testis discordia rerum,
Quae turbat huius prima molis foedera.
Insuper immanem portendunt omnia casum 5
Priusque nulli monstra visa seculo.
Vidimus ardenteis mediis in nubibus hastas
Lateque coelum flammea incensum iuba.
Vidimus adversam Soli concurrere Lunam,
Thebana fratres sicut olim ad moenia. 10
Vidimus in stabulis vitulos saltare marinos
Iunctumque damis et capellis Protea :
At loca Tritonum Satyri petiere bimembres,
Qua se Sicano Scylla committit freto.
Atque adeo in silvis cantare auditus Arion : 15
Delphinas inter flere carmen Orpheus.
Latraverē boves: humano more locuti
Canes feruntur cum lupis, hi cum grege.

Intremuit vocale nemus migrantibus ornis,
 Cecinere volucres quaeque voce non sua. 20
Oceanus tumuit nullo maria ima movente,
 Et absque causa didicit irasci Thetis.
Incubuere simul Boreasque Eurusque Notusque,
 Nulloque potuit unda fluctu surrigi.
Ipsi etiam patrem venti sprevere rebelles 25
 Sortemque flandi sede mutarunt nova.
In pluviam siccae solverunt vellera nubes:
 Coelo tonanti nullus insedit vapor.
Sparsus sanguinei tetro Phaethontis odore
 Rubrae viator monstrat exta grandinis. 30
Sunt qui de curru narrant cecidisse Booten
 Ursamque vetito se lavisse gurgite.
Aestas vel calvos monteis vel frigida canos
 Hinc fronde verna nudat, hinc tegit nive.
Pluribus in templis sudantia marmora plorant 35
 Eburque salso rore maculosum gemit.
Dissona in Hercynio strident oracula luco:
 Moravas per urbeis aera sponte tinniunt.
Turribus Alsaticis visus consistere bubo
 Medium sereni solis irritans diem. 40
Enceladum movisse latus Trinacria sensit:
 Non una reducem sponsa raptorem timet.
Sulphureos cineres picestaque stagna Vesevi
 Afflata quoties iam bibit Neapolfs!
Se quoque subductis fugitiva Calabria campis 45
 Amisit exul orbis et sui prope.

Ac quoniam toties urgent examina, conto
 Fastidiosus nauta mancis verberat.
 Non mors una satis; passim disiecta per agros 75
 Hebetant aratrum tristis ossa rustici,
 His hominum fraudeis et fraudibus adice noxas
 Et quae tacendo mutus accusat dolor.
 Iam scelus est, non esse malum Superosque
 negare:

Se perditurus ante perdit et Deum. 80

Nomina mutantur: virtus fortuna vocatur;
 Natura culpa; clara fastus indoles.

Arma ferunt legeis mutataque curia castris;
 Strictumque ius districtus ensis dividit.

Conspicuis equitat torquata Calumnia gemmis: 85
 Damnatus insons trahitur ad restim Pudor.

Utque foro merces, medio sic causa senatu
 Emenda prostat venditore indice.

Pro mercede nocens fortis tenet Herculis arma:
 Defensor aequi delicatus est Paris. 90

Vaenit honos pretio, vaenit provincia nummis,
 Vaenit potestas, vaeneunt et virgines.

Tam crudelis amor quam nunc miserabilis ira est:
 Pendent ab uno saepe vultu proelia.

Paullatim fracti didicerunt fallere risus: 95
 Mandatur illis militaris ultio.

Sed neque de lacrymis eadem sententia constat:
 Pietatis humor histrioniam facit.

Iamque et fictilibus plebeia aconita bibuntur
Visuntque coenas magna Fata pauperes. 100
Usque adeo nihil est sinceri; rarus amicus
Iuvare verso stabilis afflicto cado;
Rara fides: quisquis mentitur verius, omne
Punctum superbi gratia erroris tulit.
Dira patres statuunt: faciunt peiora nepotes 105
Ovo daturi pessimum rupto genus.
Nasus habet pueros duplex et corpore maior:
Brevior virilis est supercilio coma.
Prona (quid hoc?) quatiant iuga me cantante
Triones,
Plagis tumultus ex quaternis ingruit, 110
Romanae titubant testacea secula plantae,
Vix aliquod imo robur ex ferro trahunt.
Si modo non vano Chaldaei somnia regis
Explicuit ore iuvenis, Hebraeum decus,
Instat summa dies et ineluctabile tempus 115
Mediumque scissa nube iamiam prospicit:
Dum citharas, speculum, thalamos, unguenta,
puellas
Hilaresque vino poscimus rosas, adest.
Intonat: heu tumuli motique ad classica manes:
Heusqualor orbis, heu repens catastrophe! 120
Fulminat: o cautes atque Acroceraunia ponti;
O mugientum quassa saxa rupium.
Heu mihi! non pacis, sed belli flebile signum
Iris curuli fulta nimbo protulit.

Scilicet idcirco radians spectabitur arcus, 125

Ut plura Iudex vibret illo spicula.

Ecce tyrannorum sparsos fuligine vultus!

Pallescit aurum; livet omnis purpura.

Alte consurgit capitum crinalis echinus

Rectisque vertex hispidus setis riget. 130

Quoquo venturam flexu vitabimus iram?

An eius ulla perditis datur fuga?

O scopuli, vestras late diducite costas:

Quis fulgurantem nubis aspectum ferat?

Carmen seculare

De societate Iesu.

Anno *MDCXL*.

O D E XXI.

Diva mortaleis miserata casus,

Prima quam parvis Minoressa cunis

Cepit Hispani Patris ex flagranti

Vulnere natam,

Pulcer Ignati Mariaeque sanguis, 5

Unde diffusum sociale foedus

Ordinis longa serie nepotes

Fluxit in omneis,

Dic Io paeon, ter io triumphe,

Fertilis mater, generosa virgo, 10

Cui rosae dignum pariterque miscent

Lilia sertum.

Rebus adversis animosa, laetis
Cauta crevisti; Zephyro cadente
Vexit ad portum Boreas sub ipso 15
Turbine salvam.

Profuit, quisquis voluit nocere;
Te suis hostes aluere bellis:
Foeda tempestas tibi lac et alnum 20
Praebuit uber.

Qualis illiso sonat icta ponto
Herculis Calpe neque dimovetur:
Montibus subter tumidis aquarum
Mole tua stas.

Me tibi veras cecinisse laudeis, 25
Lustra bis deno revoluta cursu
Invehens orbi rota secularis
Approbat anni.

Te decent Musae viridesque lauri;
Te decent arae pietasque alumna 30
Turis incensi Superumque cura et
Mysticus horror.

Tu feros cultus hominum reformas;
Voce tu tigreis trahis et minarum
In parum castas inimica mittis 35
Fulmina nocteis.

Quae tibi rupes, quod iter ferarum
Est inaccessum? quis inhospitalis
Trans nigram Thulen niveamque Peucen
Angulus orae? 40



Mons, ubi nidum posuere venti,
Bruma iam flava glacie senescit,
Excubant gryphes, tamen ambulatur
 Aequoris instar.

Cuncta subsidunt sociis, ubique
Exules vivunt et ubique cives.
Cui satis virtus, habet unde sola
 Sit sibi dives.

Unico navim quatiente nutu
In salis spumas iacietur asser
Et tribus distans digitis marino
 Funere corpus.

Ad Magellanas aliquis Moluccas
Pinea vadet trabe destitutus;
Ille Moeotin bibet et Niphaten
 Praeferet Oeno.

Nulla non remis freta verberantur:
Vela iam late tua trudit Auster
Oris afflatu, tua trudit Eurus,
 Trudit Iapix.

Cognitam mundo quoque fabuloso
Concinunt Seres similique Iapon
Concolor nobis alioque vultu
 Decolor Indus.

Munus inversae tibi pellis ater
Aethiops debet niveosque moreis
Fonte lustratus pluviaeque pauper
 Flumina vitae.

Dic Io paeon, ter io triumphe,
Cuius in causam veniunt tyranni, 70
Qui peregrina tibi nexuerunt

Fronde coronas.

Qua patet tellus pelagusque late,
Inter extremas mediamque zonam
Pulcra certatim tibi missa Divum 75

Purpura fulget.

Claustra Sinarum Brasiliaeque cannae,
Africae saltus, Alemanna castra,
Angliae pingues maduere nostro

Sanguine campi. 80

Sternimus vincti, superamus imi,
Surgimus plures toties cadendo;
Rubra maioris metimur futuri

Semina messis.

Ista praesentis facies: sequenti 85
Quam Deus seculo dabis, utriusque
Sacra cum Cosmae, sacra Damiani

Astra recurrent?



AD

JACOBI BALDE S. J.

CARMINA LYRICA

ANNOTATIONES

SCRIPSIT

P. BENNO MÜLLER O. S. B.





ANNOTATIONES.

Librer primus.

Ode I. v. 2. *Iuppiter* sc. Ammon; cf. Lucani Phars. IX, 517: Quamvis Aethiopum populis Arabumque beatis Gentibus atque Indis unus sit Iuppiter Hammon, Pauper adhuc deus est. — v. 3. *Libya* i. e. Africa, cuius laudata est fertilitas frumenti, ebeni, ligni citrei, purpurae, marmoris, et inter animalia maxime caprarum atque ferarum. — v. 4. *Tota est summa satis*. Sensus est: Tota felicitatis meae summa uno continetur verbo: satis. „Quod satis est cui contingit, nil amplius optet.“ — v. 5. *Malvarum*, cf. Hor. Od. I, 31, 15: me pascant olivae, Me cichorea levesque malvae. Epod. 2, 48: malvae salubres. v. 7. *Phasis* Colchidis fluvius delicatiori avium genere, quos Fasane vocamus, nobilitatus. *Achaemenes*, primus Persarum rex ac ditissimus, iam pro quovis rege divite atque opulento. Cf. Herod. VII, 11. Hor. Od. II, 12, 21. — v. 11. Cf. Virg. Georg. II, 529: Pocula sunt fontes liquidi. — v. 18. *Hora buxea* h. e. vel horologium quoddam solare, vel quaedam mensura quatuor anni temporum e buxo in varias rerum formas figurasve tonsili facta. Cf. Vanier. Praed. Rust. l. V. — v. 22. Cf. Hor. Od. III, 1, 20. — v. 23. *Tyrus* et (v. 29.) *Sidon* opulentia nobilissimae urbes Syriae. — v. 24. Cf. Hor. Od. IV, 5, 17. sq. — v. 31. *Pauperies mei pro mea*. Cf. Plaut. Pseud. I, 1, 3: labori mei pro labori meo. V. A. Gell. N. A. XX, 6. — v. 33. Ex Sen. Thyest. vs. 434: Rex est, qui posuit metus. Cf. Od. II, 10, 9. et

Sarbiev. Od. IV, 3. — v. 35. *Caecubum*, Campaniae oppidum et regio praestantia vini celebrata. — v. 44. Respicit poeta ad historiam Tarquinii Superbi apud Liv. Hist. I, 54. Cf. Od. II, 36, 37. — v. 46. *Pellaet* (i. e. Alexandri Magni, Pellae in Emathia provincia nati) *proceres* i. q. reges. Cf. IV. 14, 61. — v. 48. Cf. Hor. Od. I, 1, 14.

Ode II. v. 1. Imit. Hor. Od. II, 4, 1. — v. 4. *Acca* Laurentia, Faustuli pastoris uxor, Romuli et Remi educatoris. — v. 5. *Acoetes*, Evandri armiger ac magister Pallantis. Virg. Aen. XI, 30. Ed. 00. habent *Acestae* memoriae errore, ut videtur. — v. 6. *Evander* s. Evandrus nobilis Arcas, qui Latino rege in Italiam venit. Is pater fuit Pallantis. — v. 8. *Hoplea*. Schol. ad II. XIV, 120: Τυδεὺς ὁ Οἰνίως Αἰτωλὸς μὲν ἦν τὸ γένος, ἀνδρείοτατος δὲ τῶν κατ' αὐτὸν γινόμενος ἔτι νῆος ὧν ἠφειάσατο τὸν πατέρα διὰ γῆρας ὑπὸ Ἀργίου παίδων τῆς βασιλείας ἐκβαλλόμενον· διόπερ ἀναιρεῖ τοὺς τε ἀνεψιούς καὶ σὺν αὐτοῖς ἀκουσίως τὸν ἀδελφόν. Excogitavit, ut videtur, Baldaeus, Tyde. magistrum armorum, quem hoplea (a v. ὀπλίῳ poeti i. q. ὀπλίῳ Her. 6, 12.) appellat, hoc facinus ei mandasse. Nam de Hopleo nihil constat, nisi quod unus e Lapithis hoc nomine nominatur ab Hes. Sc. 180. et Apollod. 3, 8. Sin mavis, scribe: *Oeneas*. — *Tydeus*, Oenei filius, Diomedis pater, unus e septem ducibus, qui contra Thebas expeditionem fecerunt. — v. 19. *Stimul* i. q. simulac; cf. Hor. Od. I, 4, 17. cet. — v. 21. *Argus*, Ionis, Inachi filiae, custos centum habens oculos. — v. 26. *Aureus fuxit*: Iupiter pluviae forma aursae ad Danaen venit ab Acrisio patre nequidquam inclusam. Cf. Hor. Od. III, 16, 1. *Sibi sumpsit alas*, sc. cygni formam amore

Ledae. — v. 27. *Europe*, Agenoris regis Phoenices filia, quam Iupiter rapuisse ac deduxisse Cretam perhibetur. Cf. Od. IV, 22, 15. — v. 38. *Silenus*, Bacehi educator, semper ebrius, asello equitabat. — v. 39. *Gravido Tonantis poplite natus*, h. e. Iovis filius et Semeles. — v. 41. *Faunus* sc. *Silenus*, *Evan* (εὐάν) cognomen Bacehi; cf. 4, 16. — v. 46. *Marctum Gangem* i. e. Indes otio ac luxuria effoeminatos. — v. 48. *Nebriada* (νεβρίδα), i. e. hinnuli pollem, quae cingebantur Bacchae. — v. 49. *Thessala rupes* h. e. Thessalia petrosa, patria Achillis. — V. 55. *Capri* sc. Chironis hirsuti ac barbati. Cf. Iuv. Sat. V, 153. sq. — v. 58. *Chiron*, Centaurus sapientissimus, Achillis educator. — v. 63. *Sperchius* (Σπερχεύς) Thessaliae flumen. — v. 64. *Sistere flumen* h. e. flumini obluctari natando.

Ode III. **Thomas Morus** natus Londini a. 1480. Cancellarius fuit Britanniae regnante Henrico VIII, cui propter Annam Bolenam (Buleyn), quam deperibat ac nefasto matrimonio secum coniunxit, ass. Sede Romana desciscenti iuramentum supremae tiae, quod vocant, omnibus regni sui civibus iniuriose iniunctum atque imperatum, obstinate constanterque denegavit. Quam ob causam morte iniustissima mulctatus est anno 1535. Insequenti anno Bolena quoque a regio amatore capitis damnata est. Herder: Dieser Held und Martyrer der Gerechtigkeit verdient, dass man sein Leben, seine Schriften und die Art, wie er seinen Tod aufnahm, in der Geschichte lese. — v. 2. *Titan*, Hyperionis filius, i. q. Sol. — v. 7. *Tyranno fortior*, h. e. a rege non victus. — v. 13. sq. Poeta imitatur Hor. Od. III, 5, 41. sqq. — v. 24. *Hilaris torvum* i. e. cum hilari gravitate; vultum enim virili modo severum illu-

stravit animi hilaritas. Cf. IV, 46, 50. sq. — v. 29. *Tumulo* h. e. loco edito, in quo sumebatur supplicium. Cf. Adam. Widl Lyr. I. ode 24: Severini Boethii constantia. —

O d e IV. v. 14. *Quid habes illius, illius*, ex Hor. Od. IV, 13, 18. — v. 16. *Evlus* ut Evan (2, 41.) cognomen Bacchi. — v. 17. *Cynthius* i. q. Apollo, a Cynthe monte Deli insulae, in quo natus esse dicitur. — v. 18. *Tegea*, oppidum Arcadiae, unde Tegeaeus s. Tegeus i. q. Arcadius.

O d e V. Illudere videtur poeta physicorum mathematicorumve sui temporis argumentationes sua placita firmissime asseverantium, dum ipse ex levissimis similitudinibus nudisque signorum coelestium nominibus, atque ad extremum lepidissima comparatione doceri pari modo contrarium posse ostendit. — v. 1. *Numine percitus* i. e. instinctu vel afflata divino. Cf. Senec. Herc. fur. 108: furore perc. Liv. VII, 5: ira perc. Terent. Hec. III, 3, 17: re incredibili perc. — v. 15. *Argo* (g.us), navis Argonautarum, etiam sideris nomen. — v. 17. 18. *Castor et Pollux*, Dioscuri, Iovis et Ledaë, adulterae Tyndari uxoris filii, ab astrologis Gemini vocantur. Cf. Hor. Sat. II, 1, 26. — v. 21. *Iupiter secundus* h. e. Neptunus. Cf. Od. III, 30, 6. — v. 32. *Pyrois* (πυροίς), *Aethon* (αιθων) et *Phlegon* (φλεγων) equi Solis vel Aurorae. — v. 37. *Aquarius*, 'Ῥοποχόος, sidus. — v. 38. *Triton*, deus marinus, Neptuni f. eiusque tubicen, concha clangens. — v. 39. *Tethys*, Oceani uxor. *Pletas* sideris nomen. *Ino*, Cadmi filia, facta maris dea, in quod sese merserat ab Athamante furibundo agitata. — v. 40. *Erigone*, Icaris filia, inter astra relata nomine Virginia. *Galates*, nym-

pha marina, Nerei et Deridis filia. — v. 52. *Eridanus*, fluminis Italiae superioris et sideris nomen.

Ode VI. v. 5. sqq. Cf. Sarbiev. Lyr. II, 6, 18. sqq. — v. 7. *Ut quas caeca nuces spargit.* Antiquus hic erat mos in nuptiis Romanorum. Spargebantur autem nuces sponsa iam in domum et thalamum inducta. Vid. Servius et Heyn. ad Virg. Eclog. VIII, 20. *Orell.* — v. 14. *Seu trabeas ferat seu castum*, de civili et militari accipiendum potestate vel honoresummo. Ita Claudian. de III. Consul. Honor. v. 5: *Succedant armis trabeae.* — v. 19. *Ex solido bona* h. e. prorsus bona ac solida; sed nove dictum sine antiquitatis exemplo. *Solidum* subst. vel summam vel fundamentum vel firmitatem rei designat. Cf. 18, 4. annott.

Ode VII. v. 13. *Non habet frontem*, h. e. pudorem. Apud Pers. Sat. V, 104: exclamat Melicerta: perisse Frontem de rebus. — v. 16. *Atridae* sunt Agamemnon et Menelaos. — v. 25. *Cytherea* i. e. Venus, quae in Cytheris insula prope Laconicam maxime colebatur.

Ode VIII. v. 1. *Sic est*; cf. Hor. Epod. 7, 17. — v. 10. *Epeus*, Panopei filius, equi Troiani faber fuit. — v. 12. *Myrmidones et Dolopes*, Thessaliae populi, quos duxit Achilles. — v. 13. *Dardana* i. e. Troiana. — v. 18. *Laocoon*, Priami regis filius, sacerdos Apollinis, equum ligneum hasta feriens dissuasit, ut in urbem admitteretur. V. Virg. Aen. II, 140. sqq. — v. 28. sq. Ex Virg. Aen. II, 235: *pedibusque rotarum Subiiciunt lapsus.* — v. 32. *Palladium* i. q. artificiosum; non enim hic agitur de Palladio simulacro Troiam tuente. — v. 35. *Sic notus*; cf. Virg. Aen. II, 44: *Sic notus Ulixes?* — v.

36. *Stmon*, Anticleae filius, a Graecis Troia discedentibus relictus mendaciis et periuriis persuasit Troianis, ut equum ligneum in urbem admitterent. V. Virg. Aen. II, 57. sqq. — v. 40. *Phryges* i. q. Troiani, iidem Teuceri et Teucra nominantur. Erat enim Teucer rex Troiae. — v. 44. *Ilus*, Trois regis Phrygiae filius, Ilium condidit. — v. 46—48. *Xanthus* et *Simois* fluvii Troiae. *Sanguine decolor*; cf. Hor. Od. II, 1, 35: mare decoloravere caedes. — v. 50. *Rex* sc. Sueciae, Gustavus Adolphus, vocatus a factione Protestantium.

Ode IX. v. 7. Quemadmodum Thule ultima extremum septemtrionis terminum, ita *Gades*, Hispaniae urbs ultimae, extremum occasum significant. Silius Ital. Bell. Pun. XVII, 642: Terrarum finis Gades. Et Virg. Georg. I, 30: Tibi serviat ultima Thule. — v. 10. *Hinc ducat* sc. natura. — v. 13. *Liguria* Italiae superioris regio, hoc tempore Genova. — v. 14—16. M. Attilius *Serranus* laudatur a Virg. Aen. VI, 844: Parvoque potentem Fabricium vel te sulco, Serrane, serentem. *Pantolabus* notissimi scurrae et parasiti nomen apud Horatium Sat. I, 8, 11. II, 1, 22. — v. 19, 20. Cf. Horatii Sat. I, 3, 73: Qui, ne tuberibus propriis offendat amicum, Postulat, ignoscet verrucis illius: aequum est, Peccatis veniam poscentem reddere rursus. — v. 30. *Tantatus* hospes et conviva Iovis prodidit arcana sibi inter epulas commissa atque evulgavit.

Ode X. v. 66. *Thamnitis* sc. Dalila, uxor Samsonis, a Thamnatha, oppido Philisthaeo.

Ode XI. v. 1. *Faleri* agrivinum generosius. — v. 2. *Rhodes* clara (Hor. Od. I, 7, 1.) insula prope Cariam in mari Carpathio. — v. 7. *Castor et Pollux*, coniunctissimae exemplar amicitiae; v. 5, 17.



Ode XII. v. f. *Caprt*, i. q. capricorni, signi coelestis occidentalem maxime plagam dominantis. — v. 9. *Gorgonets undis* i. e. Castalis vel Pegaseis; nam Gorgonum una erat Medusa, cuius e resecto capite natus est Pegasus. — v. 11. *Menalcas* pro quo vis pastore. — v. 18. *Addis cornua* h. e. animum vel animos pauperi vel audaciam. — v. 19. *Post te*, h. e. post cerevisiam (haustam) ut Hor. Od. I, 18, 5: post vina. *Trementi* refer ad pauperi. *Iratos regum apices* i. e. iratorum regum diadema vel potentiam. Apices proprium sunt flaminum insigne ac diadema. — v. 21. *Cocta* h. e. solis calore colorata, adustioris coloris; cf. Hor. Epod. 2, 41: perusta solibus Pernicis uxor Appuli. Et Bald. Od. IV, 17, 6: Incoctus rapidae solibus Indiae. Epod. 18, 72. Ed. Mon. II. habet *coacta* magis quidem aequale Horatiano *laeta*, sed impediante metro. — v. 22. *Nodum solvere* h. e. consessum ac potationem finire, discedere.

Ode XIII. Cf. Sarbievii Lyr. I, 2. — v. 19. *Tarpetum Palatum* h. e. Capitolium in rupe Tarpeia; iam pro quavis domo ampla. — v. 21. H. e. Aulam mens facit regia, liberam vero urbem quaeque mens libera sibi facit; at non libera, sed obnoxia ipsa sibi carcerem struit. — v. 26. *Duplex India*, sc. orientalis et occidentalis, quae vocatur. — v. 27. *Fulvi Tagi* h. e. pulverem ferentis aureum. Est autem Hispaniae fluvius sive Lusitaniae. — v. 28. *Lydiae fontes* h. e. Pactolus, fluvius Lydiae auri ger. Cf. Iuven. Sat. XIV, 299: Sed cuius votis modo non suffecerat aurum, Quod Tagus et rutila volvit Pactolus arena.

Ode XIV. *Pylades*, Strophii filius, cognatus et amicissimus fuit Orestae, Agamemnonis filio, regi

Mycenarum, quem ob Clytaemnestrae matris caedem furiis agitatam atque exulantem secutus est in regionem Tauricam. Ibi cum iussu Thoantis regis ab Iphigenia Dianae immolandus esset Orestes, Pylades pro eo se obtulit mactandum non cedente Oreste, quod amicitiae nobilissimum certamen narrant Ovid. Pont. III, 2, 58. Cic. de Am. 7. de Fin. V, 22. — *Caris* sc. iuventutis omniaque vitae *germandus annis* h. e. his quodammodo fruiturus, ut in arcissima duorum coniunctione amicorum fieri et potest et solet. — v. 4. In *Phocidis* oppido, Orchomeni educatus est Orestes in Strophii domo una cum Pylade, huius filio, Cf. 23, 7. — v. 6. *Sacri caris*, i. e. aetatis integrae. Herderus: *Heilige Blüthe meines Jugendfrühlings*. — v. 10. *Ligustrum*, quod album Virgilius, Ovidius dicit niveum, frutex est nigras ferens baccas. *Vaccinia* sunt violae purpurei coloris, flores pulcherrimi, quorum succo tingebantur vestes. Cf. Virg. Eclog. II, 18: Alba ligustra cadunt, vaccinia nigra leguntur.

Ode XV. v. 2. *Curas* — *cuticulam*, cf. Hor. Epist. I, 2, 29. — v. 25. *Sabellionum* i. q. Sabellum vel Sabinum. — v. 27. *Trojanum corpus* h. e. morti destinatum. — v. 30. *Paphnutius* nobilissimus Aegypti eremita.

Ode XVI. *Jeremias Drexelius* Augustae Vindelicorum natus est a. 1581. Admodum adolescens in societatem receptus Iesuitarum primum magna cum laude docuit rhetoricam; deinde ab Electore Bavariae ad aulam vocatus orator a sacris, multos per annos eo munere egregie functus vita excessit Monachii a. 1638. aetatis vero LVII. Politiores, quibus pollebat, Musas ad sacra transtulit argu-



menta, quae plurima persecutus est felicissime. In his Zodiacus Christianus, quem ad exemplum Zodiaci vitae Marcelli Palingenii scripsit. — v. 1. *Ille et*, cf. Hor. Od. II, 43, 1. — v. 5. cf. Virg. Eclog. II, 18. et supra 14, 10. — v. 7. Verba *de matre cadentem* suam adipiscuntur elegantiam a praecedentibus *ligustris cadentibus*. — v. 11. *Astraea*, dea iustitiae, aurea aetate fertur demissa esse coelo, postea vero mox evanuisse. Est etiam sidus, quae vocatur Virgo. — v. 14. *Castalides* i. e. Musae a Castalia, Parnasi fonte, sic dictae. — v. 28. Constructio sic explicanda: *Hinc sc. ex scientiae melle, quod legisti, virgineo ore bibit charta replantis tot pocula favo, quem suae proptinave pennae*. Poculis significat poeta scripta Drexelii; propinare descriptoribus insolentius quidem, sed tamen non sine exemplo. Ita Ennius ap. Nonium C. I, 140 etc. c. II, 544: Enni poeta salve, qui mortalibus Versus propinas flammeos medullitus. *Orell.* — v. 30—40. In hoc loco difficiliore secutus sum interpunctionem Edit. Mon. princ. — v. 33. H. e. Heilsam erschüttert die Bewegten heiliger Schrecken. Cf. Senec. Hero. vs. 575: Mulcet non solitis vocibus inferos. — v. 35. *Coniunge*: Ad susurros Dei trepidare lene (h. e. lente vel parum) prona omnis aetas mox subsilit. — v. 40. *Pluvias* h. e. pluviae instar decedentes ac densas *kastas*, qualis scilicet in tempestate fulmina sequi solet. — v. 45. Qui (sc. Sol luminis aeterni) sole altero (h. e. isthoc naturali) tanto (i. e. mirum quantum) clarior, cursum suum tendit per duodena signa Zodiaci Christiani suum cuique beandorum locum assignans ac praedestinans *Illustrem* et aeternum. — v. 57. *Religiosius* h. e. veracius ac digni-

us reverentia. — v. 62. *Quo, Musa*, cf. Hor. Od. III, 3, 70: Quo, Musa, tendis.

Ode XVII. v. 4. *Falcata licentia* h. e. nulli parcens, saeva ut quadrigarum falcatarum caedes. — v. 5. *Sanguine plectrum* h. e. conchyliorum purpura. — v. 6. *Tyria* i. e. purpurea et pretiosa. *Sub tride* h. e. sub tecto aut velo iricolori. Epod. 7. 80. prata variis floribus ornata vocantur pratorum iris. — v. 8. *Ascanius*, Aeneae filius dilectissimus hic appellatur pro quovis principis filio.

Ode XVIII. v. 4. *Mentem tam solidam*; cf. Hor. Od. III, 3, 4: mente quatit solida h. e. de sententia certa ac firma demovet. *Dederunt syllaba secunda brevi*, ut apud Hor. Epist. I, 4, 7. — v. 11. *Errantem Venerem* sc. quaerentem Adonidem. — v. 12. 13. Loquitur poeta de tabulis votivis templorum h. e. *parietis sacri*. Cf. Hor. Od. I, 5, 13. — v. 14. *Venus* scilicet et dea marina et Cypri potens; cf. Hor. Od. I, 2, 1. — v. 15. *Fescennini versus* (Liv.) vel nuptiales (Plin.) carmina erant lasciva et obscena, a Fescennia, oppido Etruriae. — v. 28. *Uxoribus Romanorum* tradi claves solebant, cum ducerentur. — v. 30. *Biston*, populus Thraciae, passim vocantur Turcae; cf. 37, 12. — v. 34. Nota est Daedali pennis cereis volantis cum Icaro eius filio fuga ex Labyrintho, in quo ipse eius conditor et architectus a Minos rege Cretae inclusus erat. — v. 39. *Eumenidis* i. q. Furiarum pro: uxoris malignae. Furiarum una erat *Τισιφώνη*, necis ultrix. — v. 44. *Senonum* sc. Gallorum Brenno duce Romam vastantium. Cf. 36, 19.

Ode XIX. Godefridus Henricus Comes de Pappenheim natus a. 1594. in Suevia, clarissimus dux



bello tricenario ac religionis christianae propugnator fuit acerrimus constantissimusque. Occubuit fortissime proelians in inclyta pugna apud Luce-
nam, Saxoniae oppidum superioris, qua in pugna Gustavus quoque Adolphus cecidit. — v. 2. *Fuit*, cf. Virg. Aen. II, 325: Fuimus Troes, fuit Ilion. — v. 3. *Succus*, sic habet Edit. princeps; ceterae omnes *Franco*. — v. 17. *Duello* i. q. bello, ut Hor. Epist. I, 2, 7. — v. 21. *Qualis Alpino*. Cf. Hor. Od. IV, 6, 9: Ille, mordaci velut icta ferro Pinus aut impulsa cupressus Euro, Procidit late posuitque collum in Pulvere Teuero. Et Virg. Aen. IV, 441. — v. 25. *Idbycus Tonans* i. q. Iupiter Ammon, cuius haberi filius voluit Alexander M. — v. 26. *Danaum* h. e. Argivorum. Danaus enim, Beli filius, qui cum Aegypto fratre certavit de regno, victus fugit Argos. De *Tydeo* cf. 3, 8. cuius obitum in pugna Thebana canit Statius Theb. VIII, 720 sqq. — v. 30. *Fremat hostis arma*, h. e. cum fremitu vel clamore quaerat aut flagitet. Cf. Virg. Aen. VII, 460: Arma amens fremit, arma toro tectisque requirit (Turnus). — v. 41. *Fracta vetustas* h. e. rudera aedificii fracti aut turris. — v. 42. *Maiorem titulum* i. e. maius nomen famamve. — v. 47. *Rhodium monstrum* h. e. colossus aeneus, LXX, cubitos altus, qui terrae motu collabefactus cecruit. — v. 51. Notum est Rhodo insula anno Christi 653 a Saracenorum duce Moavvhia expugnata Colossi (teste Plinio Hist. Nat. XXXIV, 7.) iam aliquot ante secula terrae motu prolapsi fragmina Iudaeo cuidam mercatori vendita et 900 camelorum elitellis fuisse asportata. V. Okley Geschichte der Saracenen et Geschichte der Califen in Guthrie's Welt-

geschichte Tom. VI. Para. I. pag. 299. *Orell.* — v. 54. *Digitus columna* sc. statua Solis dei, artis sculptoriae.

Od. e XX. v. 1. *Quid fies*, cf. Hor. Od. III. 7, 1. *Maddum lumen* h. e. oculum, ut apud Ovid. Metam. IX, 537: *humida lumina*. — v. 8. *Pica* est avis avidior; dein puerperarum significat pruritum vel aviditatem rerum ineptarum. — v. 13. *Bromus* cognomen Bacchi. — v. 16. *Patara* (pl.) oppidum Lyciae maritimum, oraculo Apollinis famosum. — v. 17. *Anaxur* oppidum erat Latii maritimum, postea Terracina. Unde *Anxurus* qui ibi colebatur Iupiter imberbis. — v. 22. *Mytae* (μύσται) est barba labri superioris. Gall. les moustaches. Vocabulum linguae Doricae. — v. 22. *Caurus* s. Corus, der Nordwestwind. — v. 25. *Trifon*, cf. 5, 38. — v. 26. *Cymodoce* nymphea, Oceani et Tethyos filia. — v. 27. *Acte*, Fauni filius, pastor pulcher Siciliensis, quem amabat Galatea. *Palae-mon* deus marinus, antea Melicerta, Inonis et Athemantis filius. Ovid. Met. IV. 530. — v. 32. *Parthenopaens*, unus e septem ducibus adversus Thebas, cuius clementiam pudicitiamque laudat Eurip. Suppl. 893. — v. 33. *Steyphus*, impius rex Corinthi, quam condidit urbem, atque vaferrimus crudelisque latro. Atrocitate cum Polyphemo comparari posse videtur, quare hoc nomen in textu collocare libuit pro ignobili: Sympulus. — v. 42. *Aruncus* h. e. barba hirci aut capri. Alludit poeta ad tragoediarum originem sive ab immolando, sive praemio proponendo *πάγχα*, sive a caprinis canentium vestimentis dictarum. — v. 43. *Athenobartus* cognomen est Demitiae familiae plebeiae, ex qua Domitius Nero imperator. — v. 49. *Nestor*, quem

in consiliis capiendis habebat Agamemnon, tertiam aetatem vixisse fertur. — v. 62. *Dodona* urbs et nemus Chaoniae, v. infra 22, 6. — v. 65. *Barbarossa* cognomen Friderici I. imperatoris Germaniae. Obiit a. 1190. — v. 73. *Panaetius* Rhodius Stoicus nobilissimus. *Cleanthes* Stoicus, Zenonis discipulus.

Ode XXI. v. 13. *Pepo*. Melonium alloquitur poeta verbo Latino: Pepo (Pfebe). Sunt autem melones (*μηλώνες*) species pepenum. — Vers. ult. *Ventorum patriam* sc. insulas Aeolias prope Siciliam, quo vastis specubus oclusos Aeolas rex suo arbitrio continet vel emittit iterumque revocat.

Ode XXII. v. 2. *Humi cubans* i. q. amica latus, apud Hor. Epist. I, 2, 26. — v. 6. *Chaonia* est regio Epiri montosa, quercubus consita atque aprorum ferax. — v. 8. *Circe*, nympa marina veneficiis insignis, quibus homines mutabat in varias bestias. Cf. Hor. Epist. I, 2, 23. sqq. — v. 37. *Cecropidum* pro Cecropidarum h. e. Atheniensium. *Sophi*. cf. Phaedr. Fab. III, 14, 9.

Ode XXIII. v. 1. *Mnestheus* e ducibus Troianis, Virg. Aen. IV, 288. cet. *Antheus* (Aen. I, 181.) *Sergestus* (Aen. I, 5. 10. al.) *Lycus* (Aen. IX, 545.) Troiani. *Gyas* e ducibus Troianis, Aen. I, 222. *Sarpedon* ingens (Aen. I, 100.), rex Lyciae. *Butes*, Anchisae armiger. Aen. IX, 647. Alius *Bebryx* Aen. V, 372. *Bitias* (sic) Tyrius Aen. I, 798. Alius Troianus, Alcanoris filius, Aen. IX, 672—703. XI, 396. *Carys* e ducibus Troianis, Aen. I, 183. Alius rex Albanorum, Aen. VI, 768. *Pandarus* Troianus, Aen. V, 496. Alcanoris filius, Aen. IX, 672, sqq. — v. 4. *Maro* sc. Virgilius. — v. 7. *Culmen Phocidos*, regionis Graeciae inter Atticam, Boeotiam, Aetoliam

et Isthmum sitae, est Parnasus mons Apollini sacer, quae artis poeticae quasi sedes habebatur et patria. — v. 10. *Mantua*, Italiae oppidum superioris, fuit Virgillii patria, unde dicitur Pieria, h. e. Musis grata vel sacra. — v. 16. *Hypsiboas* (Altisonans), *Calaminthus* (ab arundine seu calamis), *Pelobates* (gradiens per lutum) et *Limnocharis* (palude gaudens) sunt nomina ranarum. — v. 22. *Sitologus* (Frumentator), *Troglodytes* (habitans in cavernis), *Tyroglyphus* (casci excavator), *Meridarpax* (particularum captor) nomina murium. — v. 32. *Sthenelus*, Capanei filius, una cum Diomede adversus Troiam profectus est. — v. 34. *Davidides* i. e. Salomo. — v. 41. *Cannense piaculum* h. e. calamitas Romanorum famosissima apud Cannas in Apulia, imprudenti C. Terentii Varronis audacia facta, dissuadente proelium L. Aemilio Paulo. — v. 46. Flavius *Philostratus*, sophista Lemnius, docuit Athenis Nerone imperatore. Scripsit Imagines sive pinacothecam Neapolitanam. — v. 47. *Culex* inscribitur carmen, quod Virgilii circumfertur nomine. — v. 48. *Lesbiae* amicae passerem mortuum cecinit C. Valerius Catullus Veronensis carmine elegantissimo. — v. 50. De Arachne Idmonis filia acu pingendi arte illustri, a Pallade, quam in certamen vocaverat, mutata in *araneam*, v. Ovid. Met. VI, init. — v. 55. *Phryges*, v. supra 8, 40. Sensus: Aut cives da bonos, aut morum malorum vindicem. —

O de XXIV. In titulo 1. *in corruptam* v. 2. *Iustinianus* Magnus Imperator Romanus auctor est Codicis veteris et Digestorum sive Pandectarum iuris enucleati ex omni vetere iure collecti. Usus maxime est opera Tribonianum, *Themis* est dea iustitiae atque iuris. —

v. 5. *Danaen*, v. supra 2, 26. — v. 16. *Ivo*, Carnuti episcopus, fervidissimus erat ecclesiasticae defensor disciplinae, pari virtute ac doctrina, sui temporis quasi quoddam oraculum. Auctor est Excerptorum Ecclesiasticarum regularum. Vivebat autem saeculo XI. et XII. — v. 29. *Exasperare* verbum proprium de morbis curatione perversa factis atrocioribus. — v. 33. *Bartholus* dictus Monarcha iuris et Petrus Baldus de Ubaldis, doctores iuris sec. XV. in Italia celeberrimi. Huldricus *Zastius* Constantiensis amicus Erasmi, iurisprudentiae sec. XVI. in Germania restitutor. — v. 37. *Podalyrius*, Aesculapii filius, medicus famosus. — v. 40. *Ausontius* i. q. Latinus vel Romanus. — v. 41. *Machaon*, Aesculapii filius, celeberrimus medicus, Creta commigravit ad bellum Troianum. — v. 42. *Causis tam capularibus* h. e. prope depositis. Cf. Plaut. Mil. III. 1, 353: senex capularis h. e. capulo vel morti proximus. Et infra 27, 2: Maturum capulo vidit. — v. 44. Codri pauperies abiit in proverbium ex Iuven. Sat. III, 208 sqq. Nil habuit Codrus; quis enim negat? et tamen illud Perdidit infelix totum nihil: ultimus autem Aerumnae cumulus, quod nudum et frustra rogantem Nemo cibo, nemo hospitio tectoque iuvabit. Vid. Erasmi. Adag. Chil. V. cent. VII, 12. Orell.

Ode XXV. v. 1. Imit. Hor. Od. III, 25, 1. et II, 19, 5. sq. — v. 2. *Aonides* h. e. Musae; nam in Aonia seu Boeotia Helicon mons est Musis sacer et fons Aganippe. Aonidum vero deus est Apollo, cuius mater (v. 10.) Latona. — v. 4. *Evoe* (trissyllabum) *εὐοὶ* exclamatio bacchantium; cf. Hor. II,

19, 5. 7. — v. 5. *Toto numine turgidus*, i. e. plenus; cf. Hor. II, 19, 6. et *targida vela* Hor. II, 10, 24. turgidi fluvii, Hor. IV, 12, 3, 4. Cf. II, 17, 61. — v. 10. *Surpuitt* pro surripuit; cf. Hor. Od. IV, 13, 20. — v. 14. *Butthicam* i. e. Suecicam, a mari Baltico, quod Suediam alluit. — v. 18. *Luna* insigne Turcarum, quorum fines (v. 18.) vocantur Odrysi h. e. Thracii; nam Odrysaе populus Thraciae. *Procus Lunae* i. e. amicus ac fautor Turcarum. Significari videtur Bethlen Gabor. V. Od. II, 26. 23. IV, 45, 46. — v. 20. *Pannonēs* i. q. Ungari. *Cursum* sc. Turcarum invadentium impedit. — v. 22. *De Tago* v. 13, 27. De pecuniis Hispanorum auxiliaribus adversus Turcas cogitandum est nunc cessantibus. — v. 28. *Victum*, quem arbitraris, *Saxonem* (sc. Vinmarium) ni properes, dux (lo. a Werth) cave. — v. 31. *Itatus* sc. Dux Savellius captivus (General-Feldzeugmeister, Herzog von Savelli) ex imperatoris exercitu. — v. 32. *Villae Theoniae* al. Theonis vel Theodonis Thionville, Diedenhofen, oppidum Luxemburgiae munitissimum ad Mosellam. — v. 34—39. *Hiss.* significari videtur pugna Witterweyeriana. — v. 38. *Lilium* insigne Gallicum. — v. 40. *Dunquercana classis*, sc. Hispanorum, in quorum ditione tum temporis fuit Dunquerca, maritima urbs Flandriae munitissima cum portu celeberrimo. — v. 42. *Cattigenae*; procul dubio significantur Principes Orangii Nassavi; cf. Od. IV, 41, 22. — v. 46. *Tartessiaci* i. e. occidentem spectantes aut pro expertis et celebratis. Tartessus enim celeberrima Hispaniae urbs ad mare Atlanticum sita. — v. 51. Loquitur de Brisaco, cf. Ode 36. — v. 56. *Cata-*

launum urbs Sequanorum (Chalon) illustris ingenti clade Attilae. —

O de XXVI. Warenberga, castellum supra Heseloni collem amoenissimum ad Isaram. Cf. Hor. Od. I, 22. — v. 1. Hor. Epist. I, 1, 61: Nil conscire sibi, nulla pallescere culpa. — v. 3, 4. *Potare non modica phaselo*, h. e. ingenti poculo vel amphora; cf. 15, 6: in amphora velut phaselo. Proverbium est apud Germanos: totas naves epotare. Ganze Schiffe austrinken. — v. 5. *Syene* urbs Aegypti superioris et (v. 6.) *Meroe* insula Nili in Aethiopia, utraque in calidissima coeli plaga sita; contraria est *Scythia* regio frigidissima. — v. 11. *Falerno*, v. 11, 1. — v. 13. *Cynthius*, v. 4, 16. — v. 14. *Neufracta coeli porta* etc. cf. Hor. Od. III, 3, 7: si fractus illabatur orbis, cet. — v. 18. *Volantets* insulas i. q. natantes, epith. ornans. Sine dubio significat poeta Cycladas insulas, Gyarum, Seriphum cet., in quas Romani noxios relegabant, neque confundit istas cum Cyaneis sive Planctis. — Corn. Sulla dictator primus etiam probissimos cives in exilium eiiciebat. — v. 19. *Lucrinus* lacus apud Baias in Campania amoenissimus, Romanorum deliciae; cf. Hor. Epod. 2, 49. — v. 23. *Civis sui* h. e. ipse sibi et patria et civitas.

O de XXVII. v. 2. *Aeacus* Aeginae rex, post mortem suae iustitiae gratia apud inferos factus iudex. — v. 21. *Vergiliae* nomen latinum Pleiadum sive Hyadum, quae afferunt pluvias. — v. 12. *Cervitus* h. e. mentis commotae, furore percitae. Cf. Hor. Sat. II, 3, 278. — v. 25. *Talpis* sc. caecis pro: caecitati cet.

O de XXVIII. v. 1. Venustas dicitur *mater ferociae* h. e. superbiae plena. — v. 2. *Crinita* —

annulis h. e. circinnis, comis arte crispatis. Ita Mar-
tial. Epigr. II, 66:

Unus de toto peccaverat orbe comarum

Annulus incerta non bene fixus acu. —

v. 11. *Iphis*, puella Cretensis diu sexum mentita
amavit Ianthen, Telestae filiam; sed sub ipsum nu-
ptiarum tempus mutatur in virum. V. Ovid. Metam.
IX, 735. sqq. — v. 13. *Utcunque* h. e. quacunque
ratione. — v. 14. Post alterum pone comma. — v. 30.
Breve illium h. e. brevis temporis; ex Hor. Od. I,
36, 16. et II, 3, 13: nimium breves flores — rosae.
— v. 34. *Tyndaris* i. e. Helena, ex ovo Ladae orta,
unde Ladaea dicitur. — v. 36. cf. Ovid. Metam. XV,
233: Flet quoque, ut in speculo rugas conspexit ani-
les Tyndaris, et secum, cur sit bis rapta, requirit.
— v. 37. *Multa putans* e Virg. Aen. VI, 332: Multa
putans sortemque animo miseratus iniquam. — v. 40.
Lais meretrix Corinthi infamis.

O d e XXIX. V. 3. *Stricta aure* h. e. arrecta,
attenta. Sic Hor. Serm. II, 5, 95: Aurem substringe
loquaci. — v. 9. *Mollis cathedrae* h. e. sellae mulie-
bris, pro mollitie; cf. Iuven. Sat. I, 65. VI, 91. Hor.
Sat. I, 10, 91: teque Discipularum inter iubeo plorare
cathedras. — v. 7. *Caystrus* fluvius Lydiae oloribus
abundans et celebr. Cf. Ovid. Met. V, 386: non illo
plura Caystros Carmina cygnorum labentibus audit in
undis. Cf. Hor. Od. I, 38. — v. 11. *Phryges* famosissimi
erant mangones apud veteres. Herder: Cybelens
Priester waren Verstümmelte. Ihr Gottesdienst war
in Phrygien; und die wilde Musik dieses Gottesdien-
stes behielt fortan den Namen *phrygischer Tonkunst*.

O d e XXXI. v. 6. *Putria* verba h. e. sepulta qua-



sique humo tecta eoque putrescentia: *lubrica* i. e. excrementa facile ac profluentia. *Destituunt* i. e. deserunt plane loquentes avolantque, ita ut retrahi revocarique nequeant. — v. 17. *Stigalton*, i. q. Harpocrates, deus Aegyptiorum vel statua imposito ori digito silentium commendans. Cf. Auson. Epist. XXV, 27: Tu velut Oebaliis habites taciturnus Amyclis, Aut tua Sigalion Aegyptius oscula signet, Obnixum, Pauline, taces. — v. 18. *Sub rosa* h. e. inter nos dictum sit, ut inter familiares secretum. — v. 19. *Nequidquam* i. e. plane non, nullo modo; Hor. Epist. I, 3, 32. — v. 21. *Auribus Arcadum*, i. e. imperitorum ac profanorum. Cf. Iuven. Sat. VII, 160.

O de XXXII. v. 3. *Conchae lapis* h. e. margarita, quae in conchis nascitur. — v. 4. *Iasps* lapis pretiosus subviridis.

O de XXXIII. v. 6. Publius Terentius Afer, natus Carthagine a. U. C. 561. Terentii Lucani senatoris Romani servus primum, deinde libertus, clarus comoediarum scriptor. Obiit supremum in Graecia XXXIX. aetatis anno. — v. 7. M. Attius Plautus, ignobili genere natus Sarsinae, oppidulo Umbriae, Romanae pater fuit comoediae. Is pecunia omni, quam in operis artificum scenicorum peperat, in mercationibus perdit, inops Romam rediens ob quaerendum victum ad circumagendas molas, quae trusatiles appellantur, operam pistori locavit. A. Gell. Noct. Att. III, 3. Vita excessit a. U. C. 570. h. e. a. Chr. n. 182. — v. 14. *Corduba*, Hispaniae oppido, nobilis Annaea familia fuit orta. Cuius duo sunt cognomine Senecae: M. Annaeus Seneca rhetor, eiusque filius L. Annaeus Seneca, clarus philosophus

Stoicus, qui iussu Neronis, quem a pueris informarat, in balneo dissectis venis periit. Chr. 65. Utrius vero, an alius sint tragoediae, quae Senecae circum feruntur nomine, non constat. Hic est proculdubio, quem significat Balde. Cordubae autem natus erat Marcus quoque Annaeus Lucanus, poeta heroicus, qui Pharsalica cecinit, idemque philosophus Stoicus, occisus a Nerone ob suspicionem coniurationis, aetatis anno trigesimo. Eius pater erat Mela, frater Senecae. cf. Martialis Epigr. I. 62: Duosque Senecas unicumque Lucanum Facunda loquitur Corduba. — v. 16. *Thymete* est pulpitum, theatri antiqui pars. — v. 20. *Speculum Othontis maius* videtur titulus esse alicuius libri de apparatu theatri. — v. 25. *Maspha*, castellum speculatorium. Aliquot erant huius nominis castella: hoc autem trans Iordanem in extremis finibus Galaad, versus montes Libanon et Hermon, ubi convenerant Galaaditae, ut contra Ammonitas (v. 30.) Iephthae confirmarent principatum. *Corn. a. L.* — v. 27 *Arnon* fluvius in Palaestinae finibus in meridiem spectantibus. — v. 49. *Iephthas* Iephthae filia. — v. 59. *Sed istud peragetur intus* h. e. in interiore theatri parte. — v. 63. *Flaccus* sc. Horatius, v. Od. I, 38. Colla in laetioribus conviviis coronabantur. Hor. Sat. II, 3, 256. — v. ult. *Mutta putans*, v. supra 28, 37.

Ode XXXIV. *Ebersberga*, v. ad III, 11. — v. 1. *Galenus* medicus erat celeberrimus tempore Traiani. — v. 25. *Praelargus* umbrae, ut apud Virg. Aen. XI, 338: largus opum h. e. dives; et Pers. I, 14: pulmo animae praelargus. Hoc igitur dicit, se paene umbram esse totum. — v. 33. Polyhymnia et Terpsichore, duae Musarum, illa grammaticae, haec saltandi artis prae-



ses et cuiuscunque laetioris doctrinae doctrix. Altera Pindari, altera Hesiodi tutrix.

O d e XXXV. v. 3. *Maculosa lacrima sensu activo*: quae faciem reddit maculosam. — v. 18. H. e. non leviter imbutus praeceptis stoeae, cui addictus fuerat Balde. Cf. 12, 9. Hor. Od. III, 21, 9: Socraticis madet sermonibus. — v. 21. *Sexu*, n. indecl. ex antiqua sed perquam dubia lectione in Sallust. fragm. ap. Macrobian. Sat. II, 9: sexu virile ac muliebri per vias ac tecta omnium viscebatur. Ubi nunc legitur *secus*. — v. 27. Fato omnia regi atque administrari voluerunt Stoici. Cf. Od. III, 7, 23: Animumque toto numine mergis. — v. 31. *Alcides*, h. e. Hercules, domitor leonis Nemei. — v. 43. *Rigidus* i. e. qui auro non capitur, incorruptus satelles Orci ex Hor. Od. II, 18, 34. Verum hic non de Charonte, sed de morte ipsa intelligendum. — v. 56. Nudus h. e. omnibus relictis vel omissis, etiam filio. *Aram* vero dicit filii tumultum. — v. 73. *Mene contemptam*? Sc. verumne, credibile est, me esse contemptam? Cf. Virg. Aen. I. 37: Mene incepto desistere victam? — v. 75. *Sipythus* mons Lydiae, in quo mutata in saxum esse narratur Niobe victa dolore liberorum amissorum. Cf. Hom. Il. XXV, 602. sqq.

O d e XXXVI. v. 4. *Menalcae* nomen pastoris ap. Virg. Ecl. X, 20. — v. 6. *Boeote*. Boeoti propter aeris crassitudinem tardioris esse ingenii credebantur, unde in proverbium abiit ingenium Boeoticum et auris Boeotica. V. Erasm. Adag. chil. III, cent. II, 48. — v. 13. sqq. Ex Ps. 126, 2. — v. 17. *Brisacum* (Breisach) vel Brisacus mons, valentissimum Alsaciae oppidum ac munimentum Germaniae eximium, a Duce Bernhardo Vinmario, Gallorum socio, occupatum est,

postquam diuturnam sustinuit famem, 17. Dec. 1638. — v. 19. *Brenno* duce Galli Senones fuso ad Alliam fluvium Fabii consulis exercitu Romam invaserunt et aliquamdiu Capitolium arcem obsederunt, donec auxilio adventante Camillo pellerentur maximaque clade delerentur. — v. 20. *Male feriato*; cf. Hor. Od. IV, 6, 14. — v. 22. *Natus ad Aufidum*; his verbis semet ipse significat Horat. Od. IV, 9, 2.

O d e XXXVII. v. 6. *Cerētis vitrum instgne nodis* h. e. pocula cerevisiaria nodosa, ventruosa scilicet vel ampullacea. *Struma* proprie est genus tumoris colli; hic vero scyphorum significat amplitudinem. — v. 11. *Gothunni* sive Gothini, item Gothones apud Tacit. et Claudian. populi sunt septemtrionales Silesiae ac Sueviae. Hic pro Suecis. — v. 12. *Gettici verpis* significantur eunuchi apud Turcas frequentes. Getae, Geloni, Odrysaee, Bistones (populi Thraciae), Thraces, Aemonii (i. q. Thessali), Alani (populus Scythiae) et Hunni passim vocantur Turcae. — v. 15. *Marsi* bellicosissimus Italiae populus. Hor. Od. III, 5, 9. I, 2, 30. — v. 16. *Pulydamas* (producta prima syllaba) s. Polydamas, Antenoris filius, Troianus fortissimus. Alius athleta apud Val. Max. — v. 17. *A nigro Qui monte nomen tulit*, h. e. Adolph von Schwarzenberg illustrissimae in Franconia familiae, propter eximiam, qua contra Turcas pugnavit, fortitudinem Comes imperii creatus a Rudolpho II. imperatore a. 1599. — v. 19. Seyfridus *Sueppermannus*, civis Norimbergensis rei militaris peritissimus, statura parvus ac provectior aetate, a Ludovico Bavaro Imperatore electus militum dux gloriosissimae prope Ampfingam victoriae causa fuit maxima. Cum igitur finito proelio in mensa imperatoris nihil praeter ova ap-

poni posset, Ludovicus, Iedem, inquit, ein Ei, dem frommen Schweppermann zwei. Quae verba sepulchrali eius lapidi insculpta leguntur Castelli prope Ambergam. — v. 24. *Soldat nitht ensis* h. e. virtutis verae opus nullum *audes*?

Ode XXXVIII. v. 6. *Bubonibus* significantur Turcae lucifugae. — v. 11. *Pharsalla* sc. planities, etiam pro Thessalia ponitur omni. Pharsalus enim est Thessaliae oppidum, in cuius planitie Caesar vicit Pompeium. — v. 13. *Finlandi* vel Finni populus Sueciae; item *Lappt* sive Lappones, qui appellantur milvi, corvi, ut supra vultur Suecus. Hoc dicit poeta: coelestibus auspiciis bella et pericula portendantur Suecis Turcisque. — v. 14. *Ora Stymphali* pro Arcadia vel Thessalia vel Graecia tota. Nam Stymphalus est lacus et fluvius Arcadiae. — v. 14. Iam aquila tutor angelis sociatur custodibus ac de triumpho cogitatur coelesti.

Ode XXXIX. *Scanderbegi* cognomen Castriotus accepit a Turcis, quorum lingua est Alexander princeps; erat enim eorum iudicio alter Alexander, non amplitudine imperii, sed virtutum rerumque praeclare gestarum merito. Ab Ioame patre cum quatuor fratribus Amurathi II. Turcarum tyranno obses datus ab eo solus natus minimus servatur Georgius, ceteris omnibus veneno sublati, atque in disciplina militari quam diligentissime eruditur. Postea vero quam adultus et aliquot pugnis de tyranno bene meritus est, ab eodem paterno Albaniae regno est restitutus a. 1443. At ille una cum sceptro fidem recepit Christianam acerrimusque Turcarum adversarius factus Croiam regiam urbem parvo militum numero fortissime defendit contra

copiosissimas legiones Amurathis II, qui sub ipsis moenibus nihil ultus morte occubuit, et qui illum secutus est, Mohameti II, qui de pace cum eo agere coactus est. Duo millia Turcarum cecidisse fertur sua manu nunquam vulneratus. — v. 6. *Bistonas*, v. supra 27, 12. — v. 11. *Molossis* h. e. Epirotis orientem spectantibus. — v. 12. *Macetum* i. q. Macedonum. — v. 13. *Geticos*, v. 27, 12. — v. 14. *Semifer* i. q. Centaurus. Cruentam Centaurorum rixam pugnamque cum Lapithis in ipsis Pirithei regis Lapitharum nuptiis subortam describit Ovid. Met. XII, 219. sqq. Cum his confundere videtur Balde *Labdacidas*, h. e. Labdaci, regis Thebarum, prolem aut Thebanos. — v. 18. sqq. Petierat Amurathes II Scanderbegi gladium; at contempsit missum. Cf. Sylv. lyr. V, 7, 13:

— — nam neque qui suum

Habere Turco misit acinacem,

Misisse Scanderbegus una

Ense manum memoratur usam. —

v. 32. *Aemoniasque*, v. 27. 12. — v. 35. *Arenas*, cf. Hor. Od. III, 4, 21: arentes arenae litoris; et I, 28, 1: arena numero carens. — v. 46. *Deliberata morte ferocior*, verba Horat. Od. I, 37, 29. — v. 48. *Freme miles arma*, v. 19, 30. — v. 68. *Decimo fluctu* h. e. validissimo, vehementi; cf. Ovid. Metam. XI, 530: decima unda, et Lucan. V, 672: decimus fluctus. Apud Sillum XIV, 121: Boreas decimo volumine pontum expellit in terras. Graecis *τηκυμνία* usurpatum pari modo. Aesch. Prom. 1015.

Ode XL. Ioannes Austriacus, ab Hispanis dictus Don Iuan, filius Caroli V. Imperatoris mortuus, natus fuit Ratisbonae anno 1547. Postquam in

regno Granadensi Mauros feliciter debellavit, anno 1571 praefectus est classi Christianorum principum foedere iunctorum adversus Turcas, e quibus ad *Ἐχινάδας*, quinque Ionii maris insulas prope Acarnaniam, die VII. Octobr. anni eiusdem gloriosissimam reportavit victoriam. Quo proelio navali Turcarum perierunt viginti quinque millia, praetores vero insignes paene omnes. — v. 14. *Concani* populus Cantabriae in Hispania Tarraconensi barbarus. Singularem vocis numerum habes apud Hor. III, 4, 34: laetum equino sanguine Concanum. — v. 17. *Lunae cornu* sc. Turcarum est insigne. — v. 25. *Thessaliae nurus*, h. e. foeminae sagae et veneficae vel praestigiatrices imprimis erant infames. Cf. Hor. Od. I, 27, 21. — v. 26. *Indiga petitis canorum tinnientis* h. e. barbara privata musica ac pompa sc. Luna. — v. 29. *Nereus*, Oceani filius, deus marinus. — v. 33. *Baetis* Hispaniae fluvius non procul Gadibus in Atlanticum mare incidens (hodie Guadalquivir). Ib. *Adria*, gen. masc. est mare Adriaticum, gen. fem. vero oppidum maritimum in Piceno. — v. 36. Venetorum insigne est leo alatus. — v. 39. *Triton*, v. 5, 38. — v. 40. *Anio* vel *Anien* (ēnis) Italiae fluvius apud Romam in Tiberim incidit. — v. 44. *Hippotades* i. q. Aeolus, Hippotae nepos, ut alii volunt, filius.

Ode XLI. Ioannes Corvinus Hunniades, praefectus Transylvaniae et dux militum Ladislai regis Ungariae eximia fortitudine ac summa gloria proeliatus est contra imperatores Amurathis anno 1442 et 1443, quem postseptem mensium obsidionem Alba Graeca (Belgrada) discedere coegit. Interfuit anno 1444. pugnae Varnensi, in qua cum Ladislaus fatali

Christiano nomini occubisset morte, Pannoniae gubernator electus est. Superatus a Turcis est die 17. 18. et 19. Octobr. anni 1448. Sua est opera impeditum, quominus expugnaret Mohametes II. Albam Graecam, quam urbem obsedit a. 1456. Vita excessit die 10. Septembr. anni eiusdem. — v. 4. *Odrysis*, v. 37, 12. — v. 38. *Pelasgos per saltus*, i. e. Graecos, a Pelasgo antiquissimo Graeciae rege. — v. 40. *Capaneu ptnus* i. e. hasta, ut 39, 16: ornus. Capaneus, Hipponoi filius, unus e septem expeditionem contra Thebas facientibus, quum moenia ascenderet scala, fulminis ictu extinctus est. *Explicit* sc. occidendo.

Ode XLII. v. 19. *Tillias* h. e. poema heroicum Tillium militum ducem celebrans.

Ode XLIII. Cf. Hor. Od. IV, 3, 1: Quem tu, Melpomene, semel. — v. 4. *Pegaseus fons* i. q. Hippocrene, fons Heliconis montis in Boeotia. — v. 7. *Pteris chelys* s. testudo i. q. lyra vel carmen. Pierus fuit Macedo dives, cuius filiae novem in picas mutatae sunt a Musis, quas cantu provocaverant. Est etiam mons Thessaliae Pierus, Musis sacer, unde Pierides dictae sunt. — v. 9. sqq. Lalage, Licymnia, Glycera ab Horatio cantatae foeminae. — v. 31. *Fides Teia* i. e. lyrica, a Teo oppido Ioniae, ubi natus est Anacreon poeta lyricus excellentissimus. — v. 36. Cf. Hor. Od. I, 1, 35: Quodsi me lyricis vatibus inseres, Sublimi feriam sidera vertice.

Liber secundus.

Ode I, v. 2. *Laudibus* (accipe de laudis vel gloriae signis, qualia sunt decora et insignia) *asperae* h. e. plenae. cf. Virg. Aen. V, 267: *aspera signis cymbia*, et IX, 263: *pocula signis aspera*; vel Ovid. Met. XII, 235: *signis exstantibus asper* Aniquus crater. — v. 5. *Chinarum* (s. Sinarum), ad quos Baldaeus aetate primum religionis lumen christianae erat perlatum institutis Iesuitarum missionibus, quas vocant. — v. 13. *Gratiarum plena* Virgo Galileis iam comparatur ipsa cum navi divitiis pibusque repleta in portum revertente. Cf. Pabb. Salom. C. 31, 14: *Facta est quasi navis instans de longe portans panem suum*. Et Od. III, 11, — v. 16. est versus hypermeter. — v. 26. *Saba*, pars Arabiae felicitis. *Sabaeus* i. q. Arabicus. — v. 28. *Thicia*, provincia Asiae inter Taurum montem et mare, loco fertilis, ex quo cocta aqua, quam in theatris Romanis instar imbris spargebant, vocatur ros Cilix, mibi Cilices. — v. 29. *Genista* est genus funiculi e cortice seu libro arborum facti. — v. 32. *Libanus*, mons Syriam inter et Palaestinam praecultus semper nive tectus, ferax cedrorum aliarumque arborum pretiosarum. — v. 34. *Sion* est summus Hierosolymorum collis. — v. 36. *Divina Cerere* significatur Eucharistia. — v. 42. *Uva Calena* sc. generosior vini Caleni in Campania. — v. 43. *Chrysolithus* est gemma aureis distincta venis. — v. 44. *Ignibus maris* significantur margaritae quasi maris sidera. — 19. De Salomonica classe aurum apportante v. Reg. 9, 26—28.

Ode II. *Milo*, athleta a Crotona in Italia inferiore, sexies Olympionices. Cf. Ovid. Met. XV, 229. — v. 1. *Iuvenile* i. e. more iuvenum, temere. — v. 3. *Tenuare* h. e. elevare, quo sensu usus est verbo hoc Hor. Od. III, 3, 72: Magna modis tenuare parvis. — v. 12. *Ligneus* i. q. fragilis, debilis. — v. 14. *Mea bella* vocat taurum, quocum pugnabat. — v. 15. *Indus Phaethon* i. q. oriens, Iberus vero occidens Sol. — v. 18. *Antaeus*, Vulcani et Terrae filius, gigas CLXIV cubitos altus, quem Hercules, quod ter prostratus surrexisset semper fortior Terra matre vires suppeditante, sublimem tenens tandem suffocavit. Huius se fratrem suo iure dicit Milo. — v. 30. *Immotis pedibus* stetisse sc. in disco oleo illito, ut traditur, nullius impetu depellendus. — v. 32. *Pomum* sc. Punicum. Pausanias L. VI. refert Milonem Punicum malum adeo firmiter manu compressa tenuisse, ut neque, quiconatus esset, extorqueret, neque ipse tamen illud elideret.

Ode III. v. 7. *Leo flavus* est insigne Bavariae; albus vero dicitur mons ad Pragam urbem situs, quem insederant hostes. — v. 20. *Maximum Aemilianum* honoris causa appellat Maximilianum I. Electorem Bavariae. Familiae enim Aemilianae erant P. Cornel. Scipio Africanus maior, qui bello Punico secundo Hannibalem vicit, et P. Corn. Scipio Africanus minor, illius nepos, qui Carthaginem delevit bello Punico tertio. Maximilianus I, caput Ligae, atque a. 1619 Ferdinando II. Imp. foedere iunctus, una cum Tillio, qui Bavaros, et Bucquoio, qui ducebat Austrios, in monte albo ad Pragam Fridericum V, Electorem Palatinum, hac ipsa hieme crea-



tum regem Bohemiae, magna clade stravit ac devicit d. 8. Nov. a. 1612. — v. 26. *Aemus* s. Haemus mons est Thraciae (Balkan). — v. 55. Christianus Anhaltinus Princeps, Bohemorum praetor, eo proelio fortissime pugnans vulneratus ex equo decidit. — v. 57. Henricus Matthias Comes de Thurn auctor erat rebellionis Bohemicae praecipuus bellique insequentis causa maxima. Alludit poeta ad Turnum, Rutulorum in Italia regem, quem superavit Aeneas. Cf. Virg. Aen. XII. fin. — v. 62. *Megalesta* fuere ludi, qui fiebant Romae honori Cybeles deae, Divorum omnium matris. — v. 73. *Pertscelis* (περισκελῖς) apud Romanos veteres aureum cruris vinculum (cf. Hor. Epist. l. 17, 56.), h. l. decus Anglicum ab Eduardo III, Britanniae rege, a. 1351 institutum: der Hosenbandorden. Dum enim proclium committeretur, ipse Fridericus in arce Pragae amplissime coenans exitumque exspectans, accepto cladis nuncio praecipitem sese in fugam dedit, in qua quidem fuga non arma, sed ornatum muliebrem abiecit. Diadema autem reginum Bohemiae, ab Imperatore donatum Maximiliano, etiam nunc Monachii in thesauro regio asservatur.

Ode IV. v. 5. cf. Hor. Od. 13, 5. — v. ult. *Iannitor Orci* est Cerberus, canis triceps.

Ode V. v. 5. Dele comma post patrimonium. — v. 6. *Maneis quisque cet.* cf. Virg. Aen. VI, 6: Quisque suos patimur manis, h. e. tormenta, supplicia. Cf. Ode III, 32, 85. — v. 10. *Notas* h. e. tintinnabula (Schellen) v. Burmann. ad Quintilian. Inst. VIII, 6. — v. 11. Verba Horatii Od. IV, 12, 28. — v. 15. *Midas*, Gordii regis filius, Apollinem inter et Pana constitutus arbiter de arte musica,

cum dixisset victorem Pana, ab illo inditus auribus est asininis. — v. 16. *Dandtra Dandirae* include commatis. — v. 18. *Borysthenes*, fluvius Scythiae s. Sarmatiae magnus, in Euxinum incidens (Danapris, nunc Dnjepr). — v. 19. *Isara* torrens fluvius Bavariae, Monacum urbem praeterfluens. — v. 23. *Imbrictor*, h. e. imbres ciens, pluviosus. Verbum Ennianum. — v. ult. *Gorgo* h. e. Medusa, cuius crines auro pulchriores ira Palladis, cuius templum violaverat, in serpentes mutati sunt, ita ut quisquis eius caput aspiceret, mutaretur in lapidem. Quod cum amputavit Perseus, eius e sanguine ortus est Pegasus. Igitur *Gorgone sibilat* i. q. poenas dat, furias patitur; cf. v. 6.

Ode VI. v. 5. sqq. Cf. Hor. Od. II, 10, 1—4. — v. 9. *Ceraunia*, montes Epiri in mare procurrentes, praealti et naufragiis famosi, — v. 12. *Emmanuel Sosa*, Lusitanus, rebus in India praeclare gestis repetens Lusitaniam egregio naufragio acerbissimam fortunae expertus est vicissitudinem. V. Ioan. Pet. Maf. hist. Ind. I. 16. Est etiam Baldaeae aetate tragoedia celebratus a Nic. Avancino. — v. 18. *Mentes hiulcas* i. e. ambitiosas, avidas gloriae. *Htulus* inhians alienis: ita Plaut. Trinumm. Act. II, sc. II, v. 9: hiulca gens. — v. 44. *Fremitt arma*, v. I, 19, 30. cf. Virg. Aen. IX, 453: Arma manu trepidi poscunt, fremit arma iuventus. Cf. Bentley ad Hor. Od. I, 35, 4.

Ode VII. v. 8. *Natas* est nympa fontium et fluviorum. Cf. Hor. Od. I, 2, 7 sqq. — v. 14. *Sic me Diva iuves*. Cf. Hor. Od. I, 3, 1—2.

Ode VIII. v. 1. *Magni carceris* h. e. palatii; cf. vs. 26, et vs. 6—7. — v. 3. *Seriphus*, una Cycladum,



insula petrosa, in quam Romani frequenter deportabantur tempore Caesarum. — v. 4. *Gyari* (s. Gyaros) insula sterilissima maris Aegaei, una e Cycladibus, multorum Romanorum exilium. Cf. Iuven. Sat. X, 170. — v. 7. *Maurorum columnae* i. q. ultima recisae Africa. Hor. Od. II, 18, 4. sc. e marmore Numidico vel Libyeo nigri coloris. — v. 9. sq. *Per quae milvulus* (rectius: miluus) *volans lassavit alas*. Vid. Erasm. Adag. Chil. III, cent. VI. 3. Cf. Persii Sat. IV, 26: Dives arat Curibus, quantum non milvus oberret. Et Iuven. Sat. IX, 54: Dic, passer, cui tot montes, tot praedia servas Appula, tot milvos intra tua pascua lassos? — v. 11. Construe: Ubi nunc nomen avitis bullis (h. e. ex avorum fonte diffusum vel) sparsum fluitare (ut fluitet)? ubi nunc sanguis originem eruenti tyranni foetens? — v. 19. *Gaurus* est mons Campaniae prope campos Massicos et Surrentinos. Ostrea Gaurana h. e. Lucrina: nam lacus Lucrinus alluit Gaurum montem. — v. 23. *Adamt poma* causa fuere mortis, unde funesta dicuntur. Ironice vero additur: *Insere nunc, Meliboeae*; e Virg. Eclog. I, 74: *Insere nunc Meliboeae puros, pone ordine vires*. — v. 29. *Tyrit comit spumas akent*, de purpurea veste intelligendum: *Spreitzt sich im Farbenschaum des Tyrischen Kessels*. — v. 32. *Heliades* sunt Solis filiae, quarum lacrimae de Phaethonte fratre in electrum (Bernstein) mutatae sunt. Ovid. Met. II, 340. Unde *crustae* h. e. caelaturae *Heliadum* sunt pocula electrina s. succinea. Cf. Iuven. Sat. V, 37: Ipse capaces Heliadum crustas et inaequales beryllo vitro tenet phialas. — v. 33. *Solutis Caecuba clavis*, sc. cellae, cf. Hor. Od. I, 37, 5—6. II, 14, 26. — v. 40. *Funereus triens* est naulum, quod Cha-

ronti, nautae umbrarum apud inferos, solvere debebant pro transportatione. Quare mortuis in os reponebatur. — v. 44. *Lethe*, inferni fluvius afficiens oblivione. — v. ult. *Porta eburnea* Averni, ex qua somnia vana emittebantur atque mendacia. Hom. Odyss. XIX, 562. sqq. Cf. II, 36, 1.

Ode IX. v. 11. *Galatea*, Nerei filia, nympa. Antiquus erat mos naufragorum suspendere vestes votivas in fanis deorum navigantibus propitiis. V. Hor. Od. I, 5, 14—16.

Ode X. Cf. Senecae Epist. LXII. — v. 7. *Libertas* h. e. civium ardor prava iubentium. Hor. Od. III, 3, 1—4. — v. 13. cf. 27, 29. sqq. et Seneca de Tranquillitate animi c. III. — v. 14. *Ausones* mediae et inferioris Italiae incolae, Itali et Romani. — v. 15. *Scong*a (B. Schonga. Schongau.) amoenum Bavariae oppidum ad Licum fluvium. — v. 37. *Tam curiosis luminibus vigil* etc. Cf. Hor. Epist. I, 6, 1: Nil admirari prope res est una, Numici, Solaque, quae possit facere et servare beatum. — v. 44. *Charybdis*, gurgis est in freto Siculo, e regione Scyllae, navigantibus infestissimus. — v. 50. sq. *Quam parum* minus recte pro quam non. Parum enim est non satis, minus. Corrige: quam nihil. *Segmenta tonsae sparsa barbae*. Metaphora minus pulchra, quamvis nervosa et evidens. — v. 62. *Luctator obstat laneus* h. e. patientiam opponet ac tolerantiam. — v. 66. *Maiores* i. e. superior ac victor uti sc. malis gaudet. Egregie Herderus: Er nützt die Pfeile des Schicksals. — v. 70. *Geta* pro milite capto, servo cf. I, 37, 12. — v. 72. *Ad populum silentem* h. e. umbras. Cf. Virg. Aen. VI, 432: concilium silentum.

— v. 84. *Cras aliam* etc. Cf. Hor. Od. I, 7, 32: *Cras ingens iterabimus aequor*.

Ode XI. v. 7. Cf. Hor. Od. I, 2, 7: *Omne cum Proteus pecus egit altos visere montes*. — v. 9. *Therapnae*, oppidum Laconiae prope Taygetum montem, ubi nata erat Helena. Nonnunquam pro Laconia omni. *Amyclae*, regia Tyndari urbs prope Spartam et Therapnas, unde Therapnae dictae sunt. Ibi vetustissimum Apollinis templum. Mart. Epigr. IX, 104.

— v. 10. *Cynthus* mons altissimus Deli insulae, in quo nati dicuntur Apollo et Diana. — v. 12. *Maenala* i. q. Maenalus mons Arcadiae altissimus, pinis consitus, ac venatu celeberrimus, h. e. *agitatus*. Ovid. Met. I, 218: *latebris horrenda ferarum Maenala*. — v. 22. *Nymphae* i. e. Virginis divae. — v. 32. *Oenus* est Norici flumen et alpium Tirolensium.

Ode XII. v. 1. imit. Hor. Od. III, 12, 1. — v. 4. *Proles Genttoris sine matre* i. q. Filius Dei Patris aeternus. — v. 5. *Libanus*, v. Od. II, 1, 32. — v. 10. *Proles Genitricis sine patre* sc. humano i. q. Matris virgineae. — v. 14. *Solya* i. q. Hierosolya, urbs Palaestinae regia.

Ode XIII. v. 2. *Mata*, Atlantis filia, ex qua natus Iovi Mercurius, umbrarum dux ad inferos Superumque nuncius. — v. 5. *Egra* (Eger) oppidum in finibus Bohemiae et Saxoniae situm, id temporis minutissimum, quo Wallensteinus Pilsna (Pilsen) sese recepit ab Imperatore proditoris causa honoribus privatus omnibus. — v. 7—9. Mercurius capite gestabat petasum sive pileum alatum, pedibus talaria h. e. calceamenta alata, manu caduceum h. e. sceptrum alatum in spiram euntibus serpentibus. — v. 13. *Fontem davis* vocat Wallensteinii refugium suo-

rumque concilium. — v. 14. *Mator audiri* i. q. vix fide dignus, incredibilia narrans. — v. 17. *Linguis favete*, cf. Hor. Od. III, 1, 2. — v. 26. *Galasus* (Galas) Imperatorem de Wallensteinii proditione atque nefariis consiliis certiores fecerat, in eiusque locum successit. — v. 31. sqq. Quam brevissimo tempore maximos facere delectus numerosissimasque cogere copias insignis erat Wallensteinii industria atque potestas. — v. 35. Exercitus s. acies militum ferata comparatur aciei aristarum sive segeti densissimae agri Medi, aut quae in Africa inundationis marinae aquam bibit, aut quae copiosis pluviis est saturata. *Amphitrite*, Neptuni uxor, ponitur promare. — v. 48. *Serae tempore brumae*: 13. Febr. 1634 Egram venerat odiosus Germaniae dictator ac die sequenti periit. — v. 49. *Sic Divi voluere*. Ferdinandus enim Imperator proditoris iusserat mortem, quam ut securi ac sine tumultu patrarent, coniuraverunt Io. Gordonus Scotus, praefectus Egrae, Butlerus et Walther Leslius centuriones. Cf. v. 3. 119. sq. 20. — v. 57. *Iste h. e. Gordonus Fridlandi negotium*. — v. 61. *Thyesteae victimae* i. e. mortem proditione merita, ut Thyestes adulterio cum fratris uxore inimicitiarum causa commisso filii necem. Thyesti enim Atreus frater filium ex adulterio illius natum coctum apposuit. Refugisse atque obscuratum Solem esse a tanto facinore aiunt poetae. — v. 62. *Ilo* praetor, *Terskius* comes, *Nyemannus* (Neumann) magister equitum, et *Wilhelmus Kinskius* coniunctissimi Wallensteinio. — v. 69. *Robertus Geraldini*, Butlerianorum equitum centurio unacum Deverone (Deveroux) magistro equitum in arcem immissus. — v. 84. *Medusa*, v. Od. II, 5, ult. — v. 93. *Lege*: Garamas. *Garamantes* populi Africae interioris ad fluvium Garamantem

et Ciniphem. — v. 104. *Cacus*, Vulcani filius, famosus Italiae latro, ab Hercule ob furtum boum occisus. — v. ult. *Pleiades* erant Atlantis filiae septem, unde Pleiade (sc. Maia) natus dicitur Mercurius; cf. vs. 2. *Fidicen* recte vocatur lyrae inventor.

Ode XIV. v. 1. *Maenalia* dea, i. q. Diana; cf. II, 11, 12. — v. 8. *Calydon* (ōnis) urbs Aetoliae, ubi aprum horribilem populatione occidit Meleager Oenei f., rex Calydoniae. — v. 21. *Oreades* sunt nymphae montium. — v. 23. *Amyctis*, v. 11, 9. — v. 26. *Nebrophone*, nympa et Dianae socia. — v. 27. *Lycaste*, meretrix Siciliae pro Venere culta; alia Priami filia, uxor Polydamantis. — v. 28. *Thero* (Θηρώ, ὄος v. οὓς) (us v. onis) nutrix Martis. Hes. fr. 21, 4.

Ode XV. *Minos*, Iovis et Europae filius, Cretae rex et legislator, post mortem factus inferorum iudex. — v. 2. *Iste* sc. reus ferro debilis h. e. sine potestate; *hic* sc. iudex ferox (violentus) argento, sc. quo est corruptus. — v. 5. *Sphinx* pro aenigmate vel arcano. — v. 12. *Tartareus hircus* i. q. diabolus, belluarum formas induere sollers. — v. 14. *Hermus* fluvius Phrygiae magnae aurifer. Alludit poeta, ut notat Orellius, ad Demosthenem poculo aureo corruptum ab Harpalo. Cf. Plutarch. vit. Dem. — v. 29. *Mantius* Torquatus proprium filium iniussu pugnantem hostesque vincentem morte mulctavit. Liv. Hist. l. VIII, c. 7. — v. 30. *C. Laetius* consul admodum indulgens fuit ac facilis. Cic. pro Murena c. 3. — v. 32. *Atticus* humanitate, *Cato* severitate insignes. — v. 33. Capitis damnatorum nominibus iudices apud Graecos primam vocabuli *δάματος* litteram praefigere solebant. Cf. Pers. Sat. IV, 13: Et potis es nigrum vitio praefigere Theta. Mart. Epigram. VII, 37. —

v. 35. Apud Romanos capita eorum, quos supplicio capitis afficerent, obnubebantur sacco. Liv. I, 26. — v. 37. *Scythico* pro barbaro. — v. 41. Procop. de Bello Goth. Lib. I, c. 1. haec narrat: Theodorico, postquam adulatorum calumniis inductus Symmachum (consulem Romanum, virum sapientem ac virtutibus illustrem) et Boethium iniuste necasset, caenanti cum piscis grandioris caput ministri apposuissent, visum id est Symmachi caput esse recens obtruncati, quod dentibus inferiori labro impressis et oculis torve truculenterque tuentibus graviter minantis haberet speciem, quo prodigio territus et animi dolore pressus paullo post obiit. — v. 46. *Ab tride* h. e. ex nubibus vel de coelo. V. Apocal. I, 7.

Ode XVI. Maria Aegyptiaca, quinto post Chr. nata saeculo, iuvenilem luxuriam diuturna ac rigidissima luit poenitentia.

Ode XVII. v. 1. *Lucretia*, matrona Romana, casta Collatini uxor, a filio Tarquinii Superbi violata, sceleris coram senatu a se facto indicio, pugione mortem sibi ipsa conscivit. Quo facto pulsus Roma ultimus rex. — v. 7. *Nympharum* i. e. virginum. — v. 8. *Strymon* Macedoniae et Thraciae flumen frigidum. Inde adj. i. q. Thracius, hic Amazonius. *Memoranda* h. e. describenda vel pingenda. — v. 9. *Hippolyte*, una Amazonum, Thermodontem fluvium Thraciae accolentium virginum bellicosarum atque fortium. — v. 12. *Penthesilea*, Amazonum regina, quae Priamo contra Graecos auxilio venit victaque est ab Achille. — v. 21. *Cloelia*, virgo Romana, Porsenae Thuscorum regi Romam obsidenti missa pro obside, clam e castris se subduxit Tiberimque tranans pervenit in urbem. — v. 22. *Angltpotts* (Ingolstadt) munitissimum

Bavariae castellum, bello triginta annorum saepius a Suecis frustra oppugnatum. — v. 26. *Phloe*, fictum nomen nymphe marinae, ut videtur, apud Horatium feminae, Hor. Od. I, 33, 6. Tibull. I, 8. — v. 29. *Nais*, i. q. Naias nympa vel dea fontium. — v. 30. *Triton*, Neptuni ex Amphitrite natus filius, deus marinus. — v. 39. *Rhenus exploravit*. Erat genus ordalii probatio aquarum sive immersio liberorum in fluvium apud maiores nostros aliasque regionis Aquilonaris nationes usitatum. *Sibyllam* i. q. virginem, sinceram. — v. 42. *Landsperga*, oppidum Bavariae ad Licum, a Suecis a. 1633 expugnata est crudelissimaque caede et igne vastata. Quo in tumultu agmen virginum insectante hoste de praerupto monte sese praecipites dare maluerunt, quam violari. Cf. v. 69. sq. — v. 43. *Landishuta* oppidum Bavariae ad Licum inferiorem. — v. 53. *Lacaena* sc. fuit Helene adultera. — v. 61. *Turgida Libero* i. q. Baccha; cf. Od. I, 25, 5. — v. 66. *Ionia* arte saltandi erat nobilis.

Ode XVIII. Herder: Mehreren Lesern werden Gemaelde bekannt seyn, wo dies sanfte Zusammenschmiegen der hl. Mutter und des Kindes, und das geistige Band, das beide zu Einem verbindet, unbeschreiblich schoen ausgedrückt ist. — v. 5. *Centimanus frutex* h. e. hederæ. — v. 6. *Illa* sc. quercus. — v. 14. *Coagulum* tropice pro causa, sc. vitae tuae Puer, tu vero vitae Pueri quasi vinculum.

Ode XIX. v. 12. Philippi II. regis Hispaniae imagine impressi nummi bello triginta annorum crebri in Germaniam transmissi sunt auxiliares. — v. 19. *Dipsas* (διψάς) genus serpentis veneno vehementem iniiciens sitim. Cf. Lucan. Pharsal. IX, 737. — v. 23.

Hebrus fluvius Thraciae aurifer. *Vagus error*; cf. Virg. Aen. VI, 532: erroribus pelagi actus. Aen. I, 755: errores tuos dic nobis. — v. 33. *Alba ales* h. e. laeta, felix, cf. Iuven. XIII, 141: galinae filius albae.

Ode XX. v. 3. *Nova Babylon* h. e. Monachium. — v. 8. *Lepidae* h. e. venustae, gratae, ut Plaut. Aulul. IV, 8, 4: lepida dies. — v. 11. *Flama* i. e. vividus color florum vernantium. — v. 12. Herder: Wie die Rose leuchtende Strahlen aus ihrem Kelche aushaucht. — v. 16. *Amellus* (Aster Amellus L.), Sternblume, cuius floris purpurei elegantissimam descriptionem leg. ap. Virg. Georg. IV, 27. sqq. — v. 24. *Asarota*. Intelligit poeta pavimenta tessellata e marmore picto vel alio lapide, quibus in hortis locupletiorum topiaria erant distincta et circumdata. *Orell.* v. 38. *Lyaeus* i. q. Bacchus amara curarum eluere efficax (Hor.) — v. 45. Describit poeta dietam in silvis abditam picturisque et cornibus cervinis exornatam. — v. 47. *Apelles*, pictor nobilis, pro pictura sive coloribus. — v. 49—50. *Canicula* (Sirius) et *Leos* sunt signa coelestia. — v. 53 *Cydnus* Ciliciae fluvius frigidissimae aquae, cuius prata amoena describ. Curt. L. III, c. 4. — *Antium*, oppidum Latii maritimum. — v. 54. *Tusculum* oppidum amoenissimum prope Romam, ubi Ciceronis praedium. — *Praeneste* templo Fortunae celebri sacrum, et *Tibur* (supinum Hor. Od. III, 4, 23.) oppida Latii prope Romam. Tibur in colle leniter assurgente positum et aquis ex edito desilientibus insigne. — v. 56. *Hesperidum*, trium filiarum Hesperii, erant horti poma aurea forentes in Oceani insula ad occidentem vergentis extrema. — v. 58. Phaethontis casum in Eridanum h. e. Padum de-

iecti plangentes sorores mutatae sunt in arbores ; cf. ad 8, 32. Ovid. Met. II, 323.

Ode XXI. *Pythagoras* Samius numerorum et intervallorum musicorum inventor cum philosophia coniunxit musicam iussitque discipulos suos ad sonum instrumenti musici ire cubitum ac surgere. — v. 26. *Hilarus* antiquae pro hilaris. Terent. Adelph. V, 3, 56. — v. 31. *Stygius tyrannus* i. e. Pluto, qui Proserpinam, Cereris filiam, in Aetna monte legentem flores rapuit. — v. 35. *Hymenaeus* est deus nuptiarum. — v. 41. *Siculae rupis* (Aetnae) *faber* i. q. Cyclops.

Ode XXII. v. 2. *Pygmalion*, Ageaoris nepos, cuius statuae eburnea in foeminam vivam mutata est. — v. 9. *Earinus* eunuchus, Domitiani deliciae, pulchris insignis comis, laudatur a Martiale. Epigr. l. IX, 12. et Stat. Sylv. III, 4. — v. 10. *Nisus*, Megarae rex, purpureos habuisse crines fertur. *Sus deceptus figura* h. e. Narcissus. Ovid. Met. III, 370. sqq. *Sangarius* i. e. Atys, puer formosus in Phrygia, quem amavit Cybele. — v. 12. *Latmius* i. q. Endymion, pastor Cariae formosissimus, a Latmo monte, in cuius spelunca a Luna sopitus est. *Idalius* et Cupido et Adonis vocatur, ab Idalo monte Cypri silvoso et Veneri sacro. — v. 14. *Praxiteles* nobilis statuarius. — v. 16. *Cytherea* (sic) i. q. Venus. v. Od. I, 7, 25. — v. 20. *Satyri* i. q. Fauni, silvarum dii iocosi ac lascivi. — v. 23. *Napaeae* nymphae silvarum vel fluminum. — v. 30. *Zephyritis* i. q. Flora. —

Ode XXIII. v. 22. *Obstetrix* ; cogitari potest Parca, Atropos. *Primaeva* coniunge *vincla peritura*. Correxī : *secet* pro *secat*, immutata interpunctione. Nam Ed. pr. habet duo puncta post *corpus*, et post

obstetric comma, clauditque apodosin voce *cultro*. Quod ferri potest, deletotamen post *obst.* commate. — v. ult. *Aeson*, rex Thessaliae, senio paene confectus rogante Iasone eius filio a Medea iuventuti est restitutus. v. Ovid. Met. VI.

Ode XXIV. v. 6. *Sara*, uxor Abrahae. *Rebecca* uxor Isaaci parit geminos Gen. 25, 24. Iacobi patriarchae uxorum altera *Lia* erat lippa, altera *Rachel*, pulchris oculis. Illa fertilis, haec partu difficilis. Gen. 35, 17. — v. 14. *Hesthera* s. *Esthera* sponsa Assueri, regis Persarum, venustate insignis. — v. 21. *Sulamitis* Salomonis regis sponsa. Cant. 6, 12. De qua ipse ib. c. 4, 9 canit: Vulnerasti cor meum, soror mea sponsa, vulnerasti cor meum in uno oculorum tuorum, et in uno crine colli tui. — v. 25. *Debora*, quae iudicio Israelitarum praeerat, una cum Baraco arma sumens devicit Sisaram ducem, quem fugientem label, matrona fortis, transfixit clavo. Cf. Iud. IV, 4 — v. 41. *Iessida* i. q. David. De improbo Nabale eiusque coniuge Abigaile v. I. Reg. 25.

Ode XXV. v. 4. *Poppilius* Laenas, tribunus plebis, quem Cicero in capitis accusatione defenderat, agentibus M. Antonio, M. Aemil. Lepido et Octaviano Augusto, triumviris rei publicae constituendae, percussor suo benefactori est subornatus a. 43. a. Chr. Octavianus vero, quem orationibus suis Philippicis contra Antonium aliisque rationibus Tullius multum adiuverat, non restitit Antonio suadenti caedem summi oratoris. — v. 6. *Nunquam curulem presserat auream*. Dio Cass. Hist. l. LIV, c. 10. haec habet: „Augustus a senatu rogatus magistrum se morum in quinquennium creari passus est; potestatemque censoriam in idem tempus, consularem autem,

quāmdiu viveret, accepit: ut semper et ubique fascibus duodecim uteretur, ac in medio consulum cuiuscunque temporis sella curuli sederet.“ At de aurea sella, qualem teste Suetonio (Caes. c. 76.) Iulius Caesar sibi decerni passus est, in Augusti vita nulla fit mentio, quin contra de industria id cavisse videtur Augustus, gratiae quippe popularis studiosissimus auceps, ne in suspicionem vel regni vel divini adeo cultus adfectati incurreret. Quid quod idem Dio memorat: sellam illam auream, Caesare extincto, statim in Capitolium reportatam et in perpetuum tempus ibi asservatam fuisse. *Orell.* Sed poeta usus est sua licentia. — v. 9. *Dardanius* i. q. Romanus. — v. 10. *Procacis leno Volumniae.* (Ex ed. Mon. alt.) Antonius luxuriosa cum Volumnia liberta consuetudine turpitudinis atque infamiae maculam sibi inussit. — v. 14. *Romulei potens alumnus ostræ.* Romuleo ostro videtur significari toga Romanorum praetexta, cuius alumnus dicitur Augustus ideo, quia illam nunquam deponebat, puerilem statim mutans cum Imperatoria. De usu praetextae locus classicus est ap. Liv. Hist. l. XXXIV, 7. *Orell.*

Ode XXVI. v. 11. *Arctous tyrannus* h. e. Gustavus Adolphus, rex Sueciae. Is cum Friderico V. Electore Palatino 27. Mai. a. 1632 Monachium veniens urbem occupavit, sed ingenti pecunia imperata mox VII. Iun. anni eiusdem discessit. — v. 13. *Balthis* i. e. copiae Suecorum (a mari Balthico), quae instar maris inundaverunt Bavariam. — v. 20. *Hunnus*; v. ad Od. I, 37, 11. — v. 21. Io. *Panertus* et Gust. *Hornius* praetores Suecorum. — v. 23. *Hebronus* quis fuerit non liquet. Verisimile est, a poeta significari Bethlen Gaborem Transsylvaniae principem (cf. IV, 45,

46.), qui bello per Germaniam flagrante *Iazygum* (h.e. Turcarum) *subnixus armis omnem Pannoniam turbavit*. An placet corrigere: Edonus? Cf. 30, 33. Hor. Od. II, 7, 27. — v. 47. *Faustina* i. e. faustos, felices reddens homines populosque, prosperos successus secundans. Orell. — v. 48. *Partus mons* i. q. marmoreus. — v. 50. *Latit* i. e. Romanis. — v. 57. Statua enim in memoriam victoriae Pragensis erecta orientem versus spectat vel auroram minorem i. e. naturalem. Generis nempe humani grandior aurora est Salvatoris Mater.

Ode XXVII. De *Brisaco* cf. Od. I, 38, 13. — v. 4. *Thracit barb.* i. e. Orphei s. lyrici. — v. 12. *Damastor* (δαμαστωρ domitor) sc. urbium, quod nomen erat Bernhardo Vinmario. Fuit etiam Damastor unus e Gigantibus. — v. 18. *Bromtus* (Βρόμτος, coelo natus tonante) i. q. Bacchus. — v. 23. *Maeotis* sc. palus, hodie mare Azovium, exilium Ovidii. — v. 24. *Sauromatae* i. q. Sarmatae, populi Scythici Europae et Asiae, circa pontum Euxinum, Borysthenem, Tanaim et mare glaciale habitantes — v. 25. *Phasidis*. v. Od. I, 1, 7. *Canae* i. e. niveae. Cf. Virg. Georg. I, 43: *Vere novo gelidus canis quum montibus humor liquitur*. — v. 28—29. Cf. III, 34, 51. — v. 36. *Ausoniac* i. e. Latii. cf. 10, 14.

Ode XXVIII. Est quinta libri V. Sylvarum, quam iuventutis gratia loco odae vigesimae octavae huius libri huc transposui. — v. 6. *Apollo turbidus* sc. propter oracula obscura explicatuque difficilia, unde a Graecis vocatur *Αολλίας*. — v. 7. *Brutus* sc. L. Iunius Brutus, qui Romam liberavit a tyrannide Tarquinii Superbi. Cf. Virg. Aen. VI, 818. seqq: *Vis et Tarquinius reges animamque superbam Ultoris Bruti, fa-*

scisque videre receptos? Consulis imperium hic primus saevasque securis Accipiat, natosque pater nova bella moventis Ad poenam pulchra pro libertate vocavit. — v. 8. *Sic oculos tulit*, cf. Virg. Aen. III, 490: Sic oculos, sic ille manus, sic ora ferebat. Et VI, 816: Quem iuxta sequitur iactantior Ancus, sc. Marcius, qui vivente Tullo aegre ferebat, cum e stirpe regia se iactaret (erat Numae nepos ex filia), praelatum sibi Tullum. Itaque statuerat, favore populari Tullum regem cum tota familia occidere. cf. Heyn. Com. — v. 9. *Egeria* nympa, qua Numa Pompilius ad sacra instituenda usus esse narratur. — v. 11. Cunctator i. e. Q. Fabius Maximus cf. 13, 85. *Camillus*, v. Liv. V, 37 et 49. — v. 13. *Dardanae* h. e. Romanae, cf. II, 25, 9. — v. 17. *Iuscus* sc. Hannibal; cf. Corn. Nep. Hann. c. 4. et Iuven. Sat. X, 157. sq: O qualis facies et quali digna tabella, Cum Getula ducem portaret bellua Iuscum. — v. 18. *Ruptis aceto montibus*, Aceti ea vis, ut torrida saxa dissolvat. V. Liv. XXI, 37, 2. — v. 21. De annulis v. 37, 30. — v. 32. *Asini umbra* et *lana caprina* proverbialia sunt de re inutili levisve momenti. Cf. Erasm. Adag. Chil. I. cent. III, 52, 53. Hor. Epist. I, 18, 15. Significantur his verss. Iulius Caesar et Cn. Pompeius. — v. 50. *Trotugena* i. q. Romanus, ut vs. 27: Tros. — v. 54. *Pileus* libertatis insigne apud Romanos, gestabatur a novis libertis, qui cum in servitute promissum capillum et nudum caput gererent, manumissi capillum statim radebant pileumque induebant. Vid. Serv. ad Virg. Aen. VIII, 564 et Nonius v. rado. *Orell*. — v. 59. *Capreae*, cf. Suet. Tiber. c. 40. — v. 65. *Scypho* sc. veneni. — v. 66. *Caligulae* pater fuit Germanicus. — v. 71. *Dittis* i. e. Plutonis. *Nate Maia* i. q. Mercuri, ductor um-

brarum. — v. 73. *Claudi* sc. Nero Imp. — v. 75. *Flari* sc. Domitiane. — v. 87. *Valeria Messalina* uxor fuit Claudii Imperatoris. — v. 89. *Livia*, uxor Tiberii Neronis et Augusti. *Iulia*, Augusti et Scriboniae filia. — v. 102. *Ulpus* h. e. Traianus. — v. 105. *Tholi*, v. IV, 45, 25. — v. 113. *Afer* sc. s. Augustinus episcopus Hipponensis, cui haec adscribitur sententia: O miser Aristoteles, qui laudaris, ubi non es, et ubi es, ureris!

O de XXIX. v. 4. *Ture Latino*, sc. orationibus Latino habitis sermone. — v. 22. *Nymphae* i. e. Virginis divae. Cf. Od. II, 38, 1 et 2.

O de XXX. v. 2. *Clamante Iano* h. e. populo Romano acclamante vel flagitante. cf. Hor. Epist. I, 1, 49: haec Ianus summus ab imo prodocet. — v. 12. *Palinurus*, gubernator classis Aeneae, in puppe dormitans impetu fluctuum in mare eiectus periit ad promontorium Lucaniae in Italia, quod postea dictum Palinurus est; v. Virg. Aen. III, 560. sqq. *Lycurgus*, rex Edonorum in Thracia, cum populum suum vino immoderate deditum videret, vites omnes toto regno excidi iussit. v. Mitsch. ad Hor. Od. II, 19, 18. — v. 50. Tollite barbarum morem, verecundosque cet. Ex Hor. Od. I, 27, 2.

O de XXXI. v. 6. *Inempta*, sc. dabatur gratis petentibus hoc oleum ex lampade Divi. — v. 18. *Pallas* olearum creatrix habebatur et patrona. — v. 28. *Achae-mentus* i. q. Persicus. cf. ad Od. I, 1, 7. — v. 29. *Clymene*, uxor Meropis Aethiopiae regis, Phaethontis mater. Unde adj. Clymeneius i. q. Aethiopicus. — v. 30. *Mitium dicerts humorum*. Ita Hor. Od. III, 13, 13: Fies nobilium tu quoque fontium. Cf. infra IV, 42, 21. — v. 32. *Hippocrates* Cous medicus illustris, artis medicae pater, vixit circa 436 a. Chr.

Ode XXXII. v. 1. *Coire* de luna se implente vel lenilunio dicitur, quum eius cornua clauduntur quaque coeunt. Quamvis fessa iam laboris sc. cursus nuunt tamen astra aspectum iuvantis Reginae amittunt. — v. 3. *Metuuntque pelli*. Cf. Hor. Od. II, 2, 7: *metuente solvi*. — v. 6. *Phalaris*, crudelis Agriginti tyrannus in Sicilia, qui homines tauro aeneo inclusos subiecto igne torrebat, quibus eiulantibus reddebat mugitus taurinos. Inventor tormenti Perillus, quem, ut experiretur instrumentum, tyrannus primum includi iussit. — v. 9. *Malea* (Μαλέα) promontorium Laconiae praealtum con Cytheram insulam, naufragiis infame. Cf. Stat. VII: *Raucae circumtonat ora Maleae*. — v. 11. *Phorci* coniectura legendum *cinctam* pro cinctum, habent edd. *Sicana nympa* i. e. Scylla, Phorci cuius pars inferior Circes veneficiis mutata est, quod sentiens in mare Siculum se egit, et nauco, qui eam deperibat, conversa est in scopum navigantibus periculosum; cui allisi fluctus nil videntur latratus esse, unde ortam Scyllae fabulam liquet. Cf. Virg. Ciris v. 59: *Candida latrantibus inguina monstris*. Senec. Med. 350 sqq.

Ode XXXIII. v. 3. *Cynthia* i. q. Luna, a Cynonte Delio, ubi nata est Diana. cf. 11, 10. Od. — v. 5. *Lodix*, alibi opertorium lecti, hic verocentum e densa lana vel pellibus consutum. Oper tenui cycladi, tunicae muliebri, cf. Iuven. I, 259: *Hae sunt, quae tenui sudant in cyclade*. — v. 7. *Post virgines* pone comma. — v. 7. *Instita* est a, quae stolam s. tunicam matronarum ambi-
ed Scholiastes ad Hor. Sat. I, 2, 29. interpreta-

tur fasciolam, quae praetextae, puerorum vesti, ad-
suebatur. — v. 11. *Tyrtis* i. e. purpureis vel pretio-
sis. — v. 16. *Nobilis*. Ex Ochsneri coniectura scriben-
dum: mobilis. cf. Hor. Od. I, 4, 14: Pallida mors ae-
quo pulsat pede pauperum tabernas Regumque tur-
res. — v. 30. *Elysus Polus* i. q. Elysii campi, regio
aurea, deliciarum plena apud inferos. — v. 33. *Ptaun-
dere* sc. pedibus choreas.

Ode XXXIV. Cf. Senecae Epist. 110. — v. 26.
sq. alluditur ad tritum sermone proverbium.

Ode XXXV. v. 2. *Cerberus*, v. II, 4, ult. — v. 4.
Pharius i. e. Aegyptius, a Pharo insula Aegypti prope
Alexandriam. — v. 8. *Eumenides* i. q. Furiae. — v.
12. *Erebus* (*Ἔρεβος*) i. q. Infernus vel Orcus. — v. 29.
Cymba vitae i. e. corpus, quod est quasi vehiculum
animae. — v. 35. *Portus sepulcr.* i. q. coemeterium
s. sepulcretum. — v. 40. *Virus equae* h. e. hippoma-
nes. Virg. Aen. IV, 513.

Ode XXXVI. v. 1. De *eburnea porta* cf. 8, ult.
— v. 6. *Somnus*, Erebi filius, pro deo habitus ab an-
tiquis, papaveream fascem et coronam gerebat. —
v. 13. *Ignis* h. e. astra. — v. 27. *Irretorta fronte*,
cf. Hor. Od. II, 2, 23: Quisquis ingentes oculo irre-
torto spectat acervos. — v. 34. *Siccum lumen*, sc. ocu-
los. V. Benth. ad Hor. Od. I, 3, 37. — v. 37. *Sic*, cf.
Hor. Od. I, 2, 1. *Tarquinius Superbus*, cum filio suo
tacite significare vellet, nobilissimos Gabinorum esse
tollendos, in horto summa decollavit capita papa-
verum; v. Liv. Hist. I, 1, c. 54. — v. 42. Antrum sc.
Averni. — v. 44. *Atlantides* h. e. Maia natus, At-
lantis filia, Mercurius umbrarum ductor, *Ψυχάρων-
ος*, qui, ut est ap. Hor. Od. I, 10, 18: Virga levem co-



et aurea turbam. — v. 46. *Apeliotes* (ἀπελιώτης) bsolanus sive eurus.

Ode XXXVII. v. 3. *Diota* (διώτη) genus amphoe. Hor. Od. I, 9, 8. H. l. de quavis re tenui. Her- r: wie du das kleinste Eigenthum zu verwenden isst. Cf. III, 3, 1. — v. 18. *Croesus*, rex Lydiae opu- tissimus. Post *habebitur* pone comma. — v. 21. *ugius portitor*, h. e. Charon — v. 25. *Eunuchum*. c verbo significatur Fl. Eutropius, qui Arcadii peratoris favore ad summos provectus magistra- , prospera elatus fortuna, tanta usus est super- ac violentia, ut non paucos viros probissimos ret in exsilium, omnibusque exosus fieret. Quare ntibus Tribigildo et Gaina ab Arcadio primum exsilium missus Cyprum, paulo autem post Chal- one supplicio capitis est affectus. Consul factus cum Fl. Manlio Theodoro a. Chr. 399. — v. 29. Licinius Crassus Dives, Consul, feneratione atque tiabili avaritia nobilitatus, in bello Parthico gla- periit. Eius caput abscissum cum afferretur, Oro- Parthorum rex auro iubet impleri liquido, et rare iam, inquit, auro mortuus, cuius famem is sedare non poteras. — v. 30. Hannibal, Hamil- s filius, dux Carthaginiensium, in pugna Cannensi annulorum aureorum, qui sunt insigne equitum anorum, modios occisis exuit. Qua victoria at- praeda elatus in Campania cum exercitu suo cor- us est luxuria. — v. 32. *Polycrates*, Sami insulae nus, quod nullam unquam expertus esset in- itatem, Amasis, rex Aegypti, renuit eius diutius socius, homines nimium felices tristem manere um arbitratus. Ille autem ipse tantae suae for- e diffidens, ut aliquo tandem afficeretur damno,

pretiosissimum annulorum suorum iussit in mare prolici. At is repertus in visceribus piscis. Non ita multo post Orontes Persarum dux Polycratem dolo captum in crucem egit. Herod. III, c. 41. — v. 38. *Aeltus Seianus*, Seii Strabonis Equitis Romani filius, Tiberio familiarissimus, cuius favore ad summos promotus honores maximam sibi arrogavit potentiam ac tyrannidem. Quo factum est, ut, quem Imperator statua posita in theatro honoraverit, populus paene adoraverit ut deum, cuiusque natalem publice coluerit diem, is tandem omnibus invisus, iussu Tiberii conspiracy accusatus, damnatus a Senatu, unco tractus ad scyllas Gemonias praecepsque datus tribus diebus plebis esset ludibrium. De quo Tacitus: Corpus illi laborum tolerans; animus audax sui obtegens; in alios criminator; iuxta adulatio et superbia; palam compositus pudor: intus summa adipiscendi libido, eiusque causa modo largitio et luxus, saepius industria et vigilantia, haud minus noxae, quotiens parando regno finguntur. Cf. Iuven. Sat. IX, 59., quem locum respiciebat Balde. Herder: Die Laufbahn dieses unternehmenden, glücklichen, stolzen, anmassenden Feldherrn (Wallenstein) im dreissigjährigen Kriege ist durch die Parallele mit dem Sejan, dem Lieb-linge des Tiberius, im Kurzen fest gezeichnet. Das Bild vom Pferde in der Rennbahn beider will sagen: eben so gross waren Sejans Anstrengungen, eben so schnell dessen Sturz und Ende. —

Ode XXXVIII. Cf. Proverb. 8, 24. sqq. cf. Hor. Od. I, 12, 1. sq. — v. 5. *Exulis prmi* sc. Adami. — v. 9. *Titan* i. q. Sol. — v. 10. *Aethon* equus Solis; item Plutonis. — v. 11. *Fratre plena* i. e. sole illuminata. Herder: Das Bild der berathenden, schaffenden Weis-

zeit (Sprüchw. 8, 24. u. f.) hat den morgenländischen und christlichen Dichtern zu sehr philosophischen Einkleidungen Anlass gegeben. Hier wird sie als Schutzgöttin und Retterin des menschlichen Geschlechtes beschrieben, die aus jeder Verwirrung eine höhere, edlere Ordnung hervorgebracht habe: *Felix culpa dami, quae talem Servatorem promeruit*, singen die christlichen Hymnen. — v. 18. *Nereus deus marinus, cuius filiae multae nymphae Nereides vocatae*, darunter una Thetis (*Θέτις*) vs. 19. *Saepe ista confunditur cum Tethye (Τηθύε) uxore Nerei*, qua non pro designatur mare. — v. 25. *De Gedeonts*, Israelitum iudicis, vellere cf. Iud. c. 6. — v. 44. De arca ae v. Gen. 6, 7., et de rubo ardente Exod. 3. — v. 49. *se pater Davidis, unde Iessaea gens regia dicitur*. v. 59. *Assueri sponsa* i. e. Esthera cf. 24, 14. — v. *Ammon* s. Aman Assueri regis socius et administrator omnium consiliorum, Iudaeorum vero crudelmus adversarius, eorumque omnium una die in rectionem tentans, principis iussu ipse laqueo est percussus. Cf. L. Esth. — v. 61. *Sion* v. 1, 34.

Ode XXXIX. v. 22. *Debere* subst: quod natum debemus, i. e. mortem, fatum. — v. 27. *Stamus asum* repentem; cf. C. Sarbiev. Lyr. I, 7, 5: *Stacibus*. — v. 34. *Ralla* vestis subtilis ac levis. t. Epid. Act. II, sc. II, v. 46. — v. 37. *Atropos*, triuna Parcarum, occans seu incidens filum; altera mesis nens; tertia Clotho colum baiulans. — v. *Proteus*, Neptuni filius, a quo in varias figuras utandi facultatem accepit. Lat. Vertumnus. — v. *ber*. Sulpicius Galba, Imperator Caesar Augusti. M. Salvii Othonis iussu a militibus suis ob detum donativum succensis ira iugulatus ac mu-

tilatus est. Suet. V. Galbae. Sed B. ante oculos habuisse videtur Iuven. Sat. VIII, 3: et Galbam auriculis nasoque carentem, sc. statuas Sulp. Galbae diurnitate temporis imminutas et truncas. — v. 50. *Pauper Ibycus* (sic l.) venit in proverbium ex Hor. Od. III, 15, 1. — v. 51. cf. Hor. Epist. I, VII, 23. — v. 53. *Lamus*, Neptuni filius, Laestrygonum rex. Hom. Odyss. XX, 81. cf. Hor. Od. III, 17, 1. — v. 54. *Inachus* priscus Argivorum rex. Virg. Aen. 7, 371. Cf. Hor. Od. II, 3, 21. — v. 55. *Hienus an aestas* h. e. senescens an adolescens. — v. 56. *Libitina* dea, in cuius fano vendebantur aut locabantur quae ad funus necessaria erant. Pro morte utuntur poetae. — v. 57. Cum Ochsnero scriberem: Qua dextra sceptrum, qua fuerit ligo, Qua falx et ensis, si per metrum liceret. — v. 73. *Idaltios tyges* h. e. Cupidinis, cf. 22, 12. *Caro*, sc. oculorum. — v. 81. *Fidella alba* h. e. vas aquae calcariae ad dealbandos parietes et sim. *Forma* i. q. imago, tabula. — v. 94. *Splenia* etc. H. e. optima vanae gloriae ac superbiae remedia sunt simulacra mortis atque monstra. *Simulacra sua vita functa* i. q. umbrae, manes. Ovid. Met. IV, 435 et X, 14: Simulacraque functa sepulchro. Splenia enim sunt emplastra, quibus rugas vel oris deformitates tegebant foeminae. Cf. Mart. Epigr. II, 29: Et numerosa linunt stellantem splenia frontem. — v. 95. *Lac asellarum*. Plin. Hist. Nat. XXVIII, c. 50: „Cutem in facie erugare et tenerescere, candorem custodire lacte asinino putant; nctumque est quasdam quotidie septingenties custodito numero fovere. Poppaea hoc Neronis Principis instituit, balinearum quoque solia sic temperans, asinarum gregibus ob hoc eam comitantibus.“

Ode XL. Imitatio odae Horatianae: Rectius vi-
s; L. II, 10.

Ode XLl. v. 1. *Tempus in ultimum* h. e. ad ul-
timum periculi (Liv. IX, 39.), in summo discrimine;
Hor. Od. II, 7. 1: O saepe mecum tempus in ulti-
m deducte.— v. 10. *Amara morborum*. Cf. Hor. Od.
12, 19: amaraque Curarum eluere efficax.

O d e XLII. v. 2. *Hydrochous* (ὕδροχόος) Aqua-
ri, sidus v. signum coeleste.— v. 12. *Leporum pulpa*
aro efficax venustatis habebatur. *Numida colu-*
h. e. gallina Numidica, quae inter cupedia nu-
abatur. — v. 15. *Cynthia*, v. 33, 3. — v. 19. *Ar-*
i. q. Mercurius in monte Arcadio Cyllene natus.
t. — v. 20. *Iupiter* patronus hospitum; adversa-
raptorum atque latronum. — v. 24. *Babylon* alta
illustris, *Chaldaea* et Aegyptus sunt patria
logiae. — v. 26. *Anubis*, rex et deus Aegypti, ca-
canino, unde rabidus et latrator vocatur. Li-
i. e. vestitus bysso. — v. 28. *Isis* (Io) dea Ae-
.— v. 31. *Memphis* urbs regia Aegypti mediae.

34. *Nazarenae* i. e. Mariae ortae a Nazaretho
lulo Palaestinae.— v. 36. *Syene*, urbs Aegypti
ioris.— v. 37. *Carctnus*, *Scorpius* et *Capricor-*
unt signa coelestia.— v. ult. *Lycius* i. e. Apollo,
erat oraculum Patarae in Lycia. *Petosiris*,
ogus et mathematicus Aegyptius. Iuv. VI, 500.

d e XLIII. In locum enthusiasmi in Neronem
rem substitui iuventutis gratia oden quartam
lylv. Lyr.— v. 5. Duro sc. genere molle, leni-
cro numeris asperos mutans varietatem efficiet
gratiorem.— v. 8. *Accidunt grattus* h. e. melius
t, venustius apparent, se offerunt.— v. 12. *La-*
antiquus poeta Satyricus Romanus. Cf. Hor. Sat.

I, 10, 64. I, 4, 57. I, 4, 6. cet. — v. 16. *Appulla* regio Italiae inferioris, ab Aufido fluvio divisa in Dauniam et Peucetiam, patria Horatii. — v. 20. *Quintilio*. Huius mortem deflet Hor. Od. I, 24. — v. 21. *Evae*, v. I, 23, 4. — v. 22. *Bassareus*, cognomen Bacchi, a *Βασσάρα*, pelli vulpina Baccharum. Cf. Hor. Od. I, 18, 11. — v. 25. *Orphee*, v. Epod. 12, 41. — v. 28. *Fumosum*. Cf. Hor. Od. III, 8, 11: Amphorae fumum bibere institutae. Colum. I, 6, 20: Apothecae recte superponuntur iis locis, unde plerumque fumus exoritur; quoniam vina celerius vetustescunt, quae fumi quodam tenore praecocem maturitatem trahunt. — v. 29. *Proteus*, v. II, 39, 46. *Aontus* i. q. poeticus cf. II, 50, 34. — v. 30. cf. Hor. Od. II, 20. — v. 31-32. Cf. Hor. Epist. I, 4, 15: Me pinguem et nitidum bene curata cute vises, cum ridere voles Epicuri de grege porcum. — v. 48. *Torti vorticis impetum*. Ita Virg. Aen. VII, 567: Dat sonitum saxis et torto vortice torrens.

Ode XLIV. v. 8. *Horae* finguntur esse deae vel nymphae, Solis filiae ac ministrae, spargentes rosas, candidis pictisque vestibus si felices sint, atris si infastae. Sed hoc loco redolens Hora dicitur Aurora. —

Ode XLV. v. 14. Is est L. Quintius Cincinnatus, ab aratro ad dictaturam vocatus, superatis hostibus reversus ad praediorum suum. Cf. Liv. III, 21.

Ode XLVI. Cf. C. Sarbiev. Lyr. I, Od. 16. — v. 2. *Tractis vultibus* h. e. imaginibus trucibus. — v. 5. *Sacri patris* i. q. avi defuncti: des seligen Ahnes. — v. 8. *Orichalcum*, (*ὀρίχαλκος*) genus aeris, et quae ex eo facta sunt, loricae, sim. *Peregrinis* i. q. remotis, ep. ornans. — v. 14. *Hunni*, i. e. barbari Germanorum hostes, etiam Turcae, cf. I, 37, 12. — v. 17.



ysen h. e. prudentiam astutiamque. *Briareus* pro-
tuosus, fortis. Fuit enim hic validissimus gigas,
buitque centum manus, Caeli ac Telluris filius. —
25. *Eous* (subst.) i. e. Lucifer, vel equus solis,
aurora, quod est quasi mare igneum, quod ex-
triendum Getis obtulerunt sc. peetora animosis-
a opponendo hostibus. Lyrica audacia. — v. 26.
ae v. 14. et I, 37, 12. — v. ult. *Vandall*, populi Go-
ae originis, inter Albim et mare Balthicum, bar-
ie, pervastandi libidine, depopulationibusque in-
atque infames.

O d e XLVII. v. 5. *Canopicus* i. e. Aegyptus, a
opo, Nili ostio et oppido. — v. 18. *Tabulis* pro le-
s. Duodecim enim tabularum leges apud Roma-
— v. 14. *Cippus* est columella, in qua fines vel
ini agri, communi sepulcreto dicati, descripti
signati fuerunt. Cf. Hor. Sat. I, 8, 12. — v. 20. *Ga-*
tenus h. e. usque ad humationem. — v. 22. *Syrus*
livite et luxurioso. *Malobathrus* arbor Syriae, ex
oleum fragrantissimum exprimitur. — v. 24. *In-*
romatum ferax atque odorum. — v. 30. *Neptunt*
naris vomitum. — v. 32. L. Cornelius Sulla di-
atrocissima innumerorum civium interneci-
probissimorumque expulsionem virorum infamis.
34. C. Fabricius Luscinus, Consul Romanus,
itum, Lucanorum, Bruttiorumque victor ac tri-
ator, abstinencia vitaeque innocentia illustris.
us ad Pyrrhum regem missus animum adversus
invictum gessit. — v. 36. L. Iunius Brutus, li-
or Romae a tyrannide Tarquini Superbi. P. De-
ires, pater et filius, consules Rom. bello La-
nus, alter Samnitico, morti se devoverunt ad
n patriae servandam. M. Porcius Cato, v. 15, 32.

— v. 37. *Britannicum* Claudii Messalinae filium veneno sublatum Nero parricida conspersit gypso, quo scelus occultaret. Dio Cassius Hist. l. LXI, c. 7. ed. Reimar. narrat Britannici veneno extincti corpus gypso multo oblitum a Nerone fuisse, ne livor appareret e veneno, sed pluviam coortam eluisse gypsum dum cadaver per forum efferretur, omniumque oculis scelus subiecisse.

O de XLVIII. Sub imagine ac nomine Sic. Bombycis alloquitur poeta hominem docetque vitae brevitate necessitateque mortis, simul laetiolem non obscure vitam significans alteram. — v. 7, : *Hinc est*, sc. ex necessitate.

O de XLIX. *Scaxon* (σνάξων i. e. claudicans) genus metri poetici, senarius iambicus, in ultimo pede (claudicante) admittens spondaicum vel trochaicum. Quo usus est Baldaeus in poemate de vanitate mundi, eumque agentem ac loquentem fingit. — v. 6. *Philemon* et *Baucis*, pauperes rustici in Phrygia, aliquando liberalissime piissimeque exceperunt Iovem, pro quo beneficio illorum casam commutavit in templum. Ovid. Met. VIII, 621 sqq. — v. 9. S. Simeoni, eremita Antiocheno saec. V. cognomen erat *Stylitae*. — v. 13. *Bilbilis*, Celtiberorum oppidum in Hispania Tarraconensi ad Salam vel Salonem fluvium, ubi olim equi et ferrum optimum. Patria est *Martialis*, poetae satyrici et obsceni. — v. 19. *Angelinus Gazey* (Gaseo) S. l., nobilis Arthesius et poeta religiosus, unde hic *Castaltus* (a fonte C.) est dictus. Obiit Leodii 1630. — v. 22. *Sole super* h. e. praeter solem, quod quoniam minus aptum, corrige: sole sub est. Sic Edit. Monach. 1729. — v. 29. Cf. Hor. Epist. l. 10, 24: Naturam expellas furca, tamen usque recurret. — v. ult.



atugenas i. q. Graii vel Graeci. Ad Calendas Graecis h. e. nunquam, quoniam Calendas non habent Graeci in Calendariis suis.

Ode L. Iac. Kellerus, natus Seecingae a. 1568, ingressus societatem Iesu a. 1588, clarus professor philosophiae ac theologiae et rector collegii primum tishonensis, dein Monacensis. Assumptus est non raro gravissima consilia atque negotia a Maximiliano I., etque Alberti Ducis confessarius. — v. 19. *Pharos* n insula prope Alexandriam, postea continenti iuncta, in qua Ptolemaeus rex turrim fieri iussit plurimissimam, in qua maximi nocte accendebantur res ad regendos adventantium navium cursus. — v. *Danubius* (Ister pro: Germana, Tyberis pro Latina lingua. — v. 28. *Pindarus* Lyricorum Graecorum primus. — v. 34. *Aenta* est pars Baeotiae montosa, torosa ac plena fontium, sacra Apollini Musisque. Fontes Aganippe, Dirce et Hippocrene, et Helicon iasusque montes. — v. 37. *Capaneus*, v. I, 41, 40. bratur scalarum inventor fuisse. — v. 40. *Phoebe* Apolline. — v. 44. *Caballo* h. e. Pegaso, cf. III, 1, v. 51. *Cirrho*, Delphorum portus ad sinum Crisum, pro Castalio fonteponitur: ut Cirrhaea unda. — v. 58. *Pontus Euxinus* exilium Ovidii, ad quem alii poetae. Cf. II, 27. — v. 63. *Succoprastore* h. e. regum Castavo. — v. 69. *Thebae*, urbs Aegyptiorum magnifica, centum habens portas. Significat poeta barbariem bellum Suecicum insecutam, etiam scientiarumque ruinam, subortum virorum et litteratorum pessimum, qui multa effutiebant sensu et elegantia, eruditorum sacrum sibi non arrogantes. — v. 71. *Pierides* i. e. Musae, cf. I, — v. 73. *Memphis* pro quavis civitate barbara.

Cf. 42, 31. — v. 74. *Fauni*, cf. 22, 20. — v. 77. *Sacrum culmen* h. e. Parnasus. — v. 80. *Permessis* fons et fluvius parvus ex Helicone profluens in Coparden lacum. — v. 81. *Phocis*, cf. I, 23, 7. — v. 85. *Daphne*, invita ab Apolline amata, fugiens mutata est in laurum. Usurpatur pro poeji. Cf. III, 38. 6.

Liber tertius.

Ode I. Cf. IV, 17 et 18. eidem Sabino Fusco inscript. et Sarbiev. Lyr. II, 5. — v. 2. *Nigredine* sc. comarum. Cf. IV, 17, 5. 18, 33 — 35. — v. 3. *Hala* (Hall) oppidum Tirolis situm ad Oenum fl. — v. 4. *Rumpe moras*, cf. Hor. III, 29, 5: Eripe te morae. — v. 9. *Pegasus* urgente siti in Helicone monte ungula excitavit fontem Hippocrenen floribus varii coloris coronatam. Ovid. Met. V, 264. Supervacua Orellius conjectura putat scripsisse poetam: Exsultat pro exsudat. Sudante enim caballo fontem prolicit ungula. *Nilo*, h. e. flumine largo, copioso. Est enim pro signo uber-tatis, copiae, multitudinis. — v. 13. *Copernicus* (nat. Thorunii a. 1473) illustris astronomus primus solem stare, terram vero circumagi docuit. — v. 14. *Archimedes* insignis mathematicus Syracusanus (Siculus senex 13, 18), qui sphaerae constructionem invenit. Syracusas a Marcello obsessas triennium defendit artificiosis suis instrumentis, quibus naves machinasque hostium exussit aut evertit. Denique capta per subitam impressionem urbe, figuras in arena describens a milite occisus est, quia immersus studio non responderat, quis esset. V. Claud. Epigr. 21. Silius l. 14, v. 342. — v. 16. Sensus est: Noli Archimedis in-

star incurvatus spectare circulos in arena descriptos; sed erecto corpore coelum suspice. — v. 17. *Vitreus Atlas* i. e. sphaera, in qua solis et lunae reliquarumque stellarum motus insunt. Cic. de Rep. I, 14, 22. Globus terrestris et coelestis. — v. 19. *Triones*, sidus magnae ursae septemtrionale (arctos) nunquam occidens. — v. 23. *Urante* et *Thalla*, duae Musarum, una astrologiae, haec commoediae praeses. — v. 27. *Lenus* fluvius Norici et Alpium Tirolensium. — v. 30. *Cornibus*, signo potentiae, ab antiquis induntur elineanturque dii fluviorum. — v. 34. *Briseacum*, v. 36, 17. II, 27. — v. 36. *Nuda seges* sc. tanto privata unimento patria. — v. 37. *Litta* Galliae, *aquilae* Imperii Germanici, *leones* Bavariae sunt insignia. — v. 40. *Noto* universe pro vento. — v. 45. *Iberia* i. q. Hispania. — v. 52. *Gange*, maximo Indiae flumine pro vitiis Orientis. — v. 55. *Vah bruta deformisque tellus*. Cf. Hor. Od. I, 34, 9. — v. 64. *Sicambri* v. Sygami populus Germaniae ad Segum et Lippam fluvios, cuius flavam caesariem laudat Claudian. de laud. Iulian. L. III. vs. 18: illinc flavente Sicambri Caesare, nigris hinc Mauri crinibus irent. — v. 66. *Solis* Phoebi Apollinis soror dicitur Diana s. Luna. — v. 71. *Gradivus* i. q. Mars. — v. 73. *Quercus* Iovi erat sacra. — v. 76. *Hyperboret* populi Scythiae ad septemtrionem, apud quos sex mensium nox esse dicebatur. Diutissime felicissimeque eos vivere fingunt poetae. — v. 77. sqq. Hor. Od. III, 4, 5: Auditis? an ludit amabilis Insania? — v. 80. *Pythagoras*, v. 81. De musica sphaerica v. Cic. Somn. Scip. et Plat. Rep. X. — v. 86. *Dum rota volvitur* sc. astrorum totius coeli, dum sphaeram stellae suam percurrit. — v. 89. sqq. *Cygnus*, *Lyra*, *Orion*, *Perseus*,

Andromeda et Bootes sunt signa coelestia s. astra. Lyra a Mercurio inventa atque Orpheo tradita eo mortuo petentibus Musis ab Iove inter astra est relata. *Dividit lessum*. Cf. Hor. Od. I, 15, 15: carmina divides h. e. modo huic modo alii carmen comes. Et I, 36, 5: dividit oscula. — v. 94. *Orionem* fortissimum quondam Boeotiae venatorem etiam nunc in coelo venantem fingunt poetae ingenti cinctum baltheo tresque gladios vibrantem. *Pyrrhicha* (πυρρίχη) est saltationis genus armatae. — v. 101. *Cepheus*, rex Aethiopum, in coelum translatus cum suis. Cassiope, eius uxor pulchra, ausa est Nereidas superare forma. Hae excitato monstro marino, quod totam vastaret Aethiopiam, hoc ediderunt oraculum: non desitutum pestem ante, quam Andromeda Cassiope filia eidem exponeretur. Ergo alligatur saxo: sed a superveniente Perseo liberatur. — v. 105. *Bootes* (bubulcus), Cereris filius, inventor aratri, quod bobus iunxit. Ob id inter astra relatus etiam Arctophylax (i. e. custos ursae) nominatur. *Neptidus*, cf. Ovid. Met. II, 176: Te quoque turbatum memorant fugisse, Boota; Quamvis tardus eras, et te tua plaustra tenebant. — v. 106. *Ferae* h. e. ursae. — v. 112. *Salii* erant genus sacerdotum saltantium, imprimis Martis. Hi armati galea et hasta per urbem saltabant, vario modo vibratis pulsatisque scutis. Cf. Hor. Od. I, 36, 12: Neu morerem in Salium sit requies pedum. — v. 118. *Phaethontis*, v. II, 20, 58. — v. 121. *Appia via*, inde a Roma usque Brundisium duicens, ampla et illustris, regina viarum dicta.

Ode II. v. 1. cf. Hor. Od. III, 22, 1.

Ode III. v. 1. cf. II, 37, 3. — v. 7. *Virile* sc. pectus.

Ode IV. v. 9. *Vesta*, Saturni et Opis f., dea Ro-



manorum ac reipublicae patrona, per caput levis uravit se mansuram esse virginem, estque symbolum ignis et foci. In eius templo erat collegium Vestalium virginum, a quibus focus seu ignis ab Aenea x Troiae excidio allatus perpetuo nutriebatur. — 15. Sine causa, quamvis ingeniose, ed. August. coninxit: si nescis in horto pacta. Nam Pacta (act. q. paciscens) coniung. cum Eva. — v. 25. *Larva* iago mortis. Cf. Senec. Epist. 24: Nemo tam puer t, ut Cerberum timeat et tenebras et larvarum hatum nudis ossibus cohaerentium. — *Iris*, arcus nuum, hic pro variis florum coloribus vel pratorum. — Epod. 7, 80. — v. 33. *Hesperus* vocatur Lucifer, m vespertinus videtur, utrumque est unum astrum entale atque occidentale, planeta Veneris. Hic finur surgere e sepulchrali fossa atque excitari a vellone. — v. 35. Dii Manes dicuntur *sarcophagi* (σαρφαγοι) quasi carnivori, condentes mortuorum cora. — v. 36. *Hymen* est deus nuptiarum. — v. 40. *thalami tumultusque nostri*, cf. Sophocl. Antig. v. : ὦ τύμβος, ὦ νυμφίον. — v. 41. *Solymitides* h. e. e Solymorum sive Hierosolymorum; respicit poetant. Salomonis. — v. 42. *Vaccinia*, v. I, 14, 11. — 3. *Nympha* h. e. sponsa obvelata vel nupta. — v. *Flammeolum* est velum sponsale, ignei coloris. — 1. *Libitina*, v. II, 39, 58. — v. 49. Infuneribus cantur carmen lugubre, qui dicitur Iesus, a mibus, quibus praeficarum nomen. — v. 53. Ubique moreris imperiumque exerceas splendidi, ne despicias tenuem casam humilis virginis icamque visere sponsam. *Pyramides* monumenta t sepulchralia regum Aegyptiorum. *Mausoleum*, lissimum Mausoli regis sepulchrum, Artemisia,

regina Cariae, suo marito aedificatum. — v. 64. *Vectus equo*. Cf. s. Io. Apoc. VI, 8. *Anhela*, trans. quae anhelare faciunt. Ovid. Epist. ex Ponto I, 10, 5: Nec dolor ullus adest, nec febribus uror anhelis. — v. 77. *Nemus atrum* i. q. Elysium, cf. II, 33, 30. — v. 78. Hor. Od. I, 37, 1. — v. 79. *Manes coronati* i. e. reges mortui. cf. II, 27. — v. 88. *Libani*, v. II, 1, 32. Alludit poeta ad Salom. cant. II, 8. — v. 91. *Myrtus*, arbor parva, semper virens, Veneri sacra. — v. 94. Cf. Claudian. de Rapt. Proserp. II, 92: Sanguineo splendore rosas, vaccinia nigro Induit et dulci violas ferrugine pingit.

Ode V. Die bekannte Vorstellung, da die Mutter mit dem Kinde triumphirend vom Glanze der Sonne umleuchtet wird (Offenb. 12, 1.), ist hier mit dem Moment, da sie im tiefsten Schmerz mit einem Blick der Liebe dem leidenden Sohn Tröstung sandte, schön gruppiert. Herder.

Ode VI. v. 3. *Lenaeus* (*Ληνᾱῖος* a *ληνός*) Torcularius, cognomen Bacchi. — v. 7. *Saturno*, prisco Italiae rege, fuit aetas aurea. Praetereuntis auri; cf. Hor. Od. IV, 2, 39: quamvis redeant in aurum Tempora priscum. — v. 10. Gothuni, v. I, 37, 11. — v. 17. *Corrigere est nefas*. Cf. Hor. Od. I, 24, 10: levius fit patientia, Quidquid corrigere est nefas. cf. vs. 44—45. — v. 21. *Duplicis Sueci* h. e. dolosi, perfidi. Cf. Od. II, 26, 25. sq. IV, 45, 52. Duplex Ulysses. Hor. Od. I, 6, 7. — v. 23. *Vicinus* (sc. nobis Suecorum) *amicus* h. e. Gallus, de quo alibi Baldaeus: Gallia omnium in Germania bellorum sinuosa causa. — v. 24. *Danaum* i. q. Graecorum pro hostium irruentium. — v. 25. *Dicere diem* h. e. accusare.

Ode VII. Herder: Das Gemälde Raphaels in Dresden ist in demselben Geist gedacht, wie diese Ode.— v. 6. *Auditum est resonare carmen dulce* sc. Salom. Cant. 8, 5.— v. 8. *Tesqua* sunt loca inhospita et deserta, Bergheiden, Steppen. Vet. Schol. ad Hor. Epist. l. 14, 19: *linguâ Sabinorum loca difficilia et repleta sentibus sic nominantur*. Vid. Festus h. v. et Varr. de Ling. lat. l. VI, 2. — v. 14. *Arctos*, ursa maior, v. 1, 19. — v. 15. *Arcturus* est stella Bootae ucidissima. cf. 1, 105. — v. 16. *Orton*, v. 1, 44. — v. 9. *Cristata* plura sunt avium genera, ut gallus. — v. 26. *Superfusum* i. e. abundans, abunde.

Ode VIII. Sub nomine Flavii Pollionis latet Andreas Brunnerus, natus Halae Tirol., professor, orator et historiae Bavariæ scriptor nobilis. Quos composuit Annales virtutis et fortunae Boiorum (1624—1637) magnopere laudavit Leibnitius. Cf. Od. I, 33. Inscript. Ingressus Soc. l. a. 1605, obiit Oenoponti 1650. — v. 1. sqq. Ex literis sacris Eccles. XI, 3: *ceciderit lignum ad Austrum aut ad Aquilonem, quocunque loco ceciderit, ibi erit*. Matth. III, 10. Luc. II, 9. XXIII, 30. Ies. II, 19. Apoc. 17, 16. — v. *Getboa*, mons Palaestinae, in quo ceciderunt Sauli cum universo exercitu ipseque rex necem sibi conscivit gladio. 1. Sam. 21. — v. 6. *Libanus*, v. II, 32. — v. 7. *Othrys* Thessaliae, *Rhodope* Thraciae mons. — v. 10. *Malea*, v. II, 32, 9. — v. 12. *Scopulosa* (e Stat. Achill. l, 55 desumta verba) i. e. scopulorum magnitudinem habentia, vel quia duritie poris certant cum scopulis. Schol. — v. 20. *Equitavit Auster*. Cf. Hor. Od. IV, 4, 44: *equitavit flamma taedas vel Euris per undas*. Equitare ut καθίπναι de omnibus, quae concitatiores impetu ferunt.

tur. — v. 60. *Araxes* fluvius Armeniae et *Aquarius* (v. II, 42, 2) pro Oeno, quo significatur orator ille copiosus.

Ode IX. v. 1. *Tantae molis erat*, h. e. laboris, operae. Cf. Virg. Aen. I, 33: *Tantae molis erat Romanam condere gentem*. — v. 6. *Carceris* i. e. corporis. Animae esse carcerem corpus dixerunt Pythagoras et Plato. — v. 12. Alludit ad servorum mercaturam Afrorum, quorum magnus in Brasilia usus ac numerus. — v. 15. *Mata satus* i. q. Mercurius, cf. II, 13, 2.

Ode X. Uterque Ragusius, Franciscus et Edmundus, populares scriptoris atque in Academia Angliopolitana sodales. Symbola Pythagorae collegerunt Diog. Laert. in vita Pythagorae l. VIII. segm. 17. Plutarch. in Symposiacis l. VIII, c. 7. et plenissime Iamblichus in Exhortatione ad philosophiam Pythagorae. p. 131. sqq. ed. Arcerii; explicavit Erasmus Adag. Centur. I. — v. 2. Cf. Hor. Od. I, 12, 17: Unde nil maius generatur ipso. — v. 3. Θεοῦ τύπον μὴ ἐκίγλυψε δακτυλίῳ (Iamblich. L. I.). Noli religionem ostentare, ne tibi et aliis vilescat. — v. 5. Χύτρας ἔχοντες ἀπὸ σποδοῦ ἀφάνιζε. Plut. in Sympos. L. I. H. e. Ne remanere sinas vestigia irae. — v. 6. Πῦρ μαχαίρα μὴ σκαλεῖν (Plut.) H. e. Ira inflammatis noli addere stimulos. Cf. Hor. Sat. II, 3, 275: Adde cruorem Stultitiae, atque ignem gladio scrutare modo, inquam. — v. 11. Deest hoc symbolum apud Plut., Diog. Laert. et Iamblich. — v. 13. Στέφανον μὴ δρυπίσθαι. H. e. interprete s. Hieronymo adv. Rufin. „Urbium leges observandas esse, nec violandas, nec reprehendendas; quod urbes legibus magis firmentur, quam turritis moenibus, quae coronarum speciem praebent.“ — v. 17.

Τὰς λευτέρους ἑδοὺς ἐκκλίνων διὰ τῶν ἀτραπῶν βάδιζε. (Iamblich.) H. e. Nimiam hominum consuetudinem devita. Cf. Matth. VII, 13. — v. 21. Hor. Epist. I, 2, 55: Sperne voluptates: nocet empta dolore voluptas. — v. 23. Μελανούρου ἀπέχειν· χθονίων γὰρ ἐστὶ θεῶν. (Iamblich.) H. e. Plutarcho interpretante: Impiis et qui male audiunt non sociare. Deducta esse similitudo videtur a sepia, pisce testaceo, qui persequentibus se e cauda succum obiiicit nigerrimum. — v. 25. Hor. Epod. III, 3: Cicutis allium nocentius. Condimenta enim accendunt, carnes nutriunt libidines, quarum omniumque animi perturbationum sedes esse iecur et cor arbitrabantur veteres. *Mycenae*, urbs Peloponnesi, Atrei regia, ad cuius Thyesteas alluditur epulas. Cf. II, 13, 55. Inest etiam hoc monente Iamblichio: Neve aliorum, neve tuum cor dilanies aegritudine nimisve curis. — v. 29. Alienis abstine, maxime amicorum. — v. 33. Ζυγὸν μὴ ὑπερβαίνειν. (Iamblich.) H. e. τὸ ἴσον καὶ δίκαιον μὴ ὑπερβαίνειν. Arbitraberis esto celer ac iustus. — v. 37. Vivere iubet Pythagoras cum Socrate tam caste ac bene, ut laetus inspicere speculum possis, neve sit, quod horreas. Et naturae defectum agnoscens noli incusare. — v. 39. Humanitatem ac reverentiam vel adversus hostem adhibe. — v. 41. Plutarchus: Τοῖς μὲν οὐρανίοις περισσὰ εὖειν, ἄρτια δὲ τοῖς χθονίοις. Rationem addit Theocriti epigramma: Κηδόμενοι γὰρ Ἀθανάτων αὐτοὶ πλεῖον χουσι βροτοί.

O d e XI. *Ebersperga*, ubi amoenam habebant esuitae Monacenses villam, oppidum Bavariae est superioris Monacum inter et Wasserburgum. Cf. , 34. et Silv. Lyr. VIII, 20. eius loci descriptionem. — v. 1. *Severis in exedra curis* i. e. orationibus de re-

bus sacris habendis. — v. 9. *Doris*, Nerei uxor aut filia, nympa marina; *caerulea Doridos* pro lacu, sc. Chiemio. — v. 11. Quotannis poeta, viso oppidulo, navicula tranare lacum quercea et annosa solebat. — v. 15. sq. cf. Parab. Salomonis, cap. 31, 14: Facta est quasi navis institoris de longe portans panem suum. Et Od. II, 1. — v. 22. *Nostrum stagnum* h. e. vita humana fluctuum ac procellarum plena. — v. 23. Sic, cf. Hor. Od. I, 3. — V. ult. *Cymodoce* nympa mar., Nerei filia.

Ode XII. v. 1. *Stoae* vel porticus Athenis erant plures, quarum una in primis illustris vocabatur pulchra (ποικίλη sc. στοά), in qua Zeno Cittiaeus Cypri insulae (nat. 340 a. Chr.) docebat, unde eius secta et philosophia dicta est Stoica. Antiquitate appellatur foetens et incuria. — v. 2. *Deucalionis suti*, i. e. durum et quodammodo saxum genus. Huius Thessaliae regis fabulam canit Ovid. Met. I, 316 sqq. cf. Od. IV, 9, 50. Priorem v. stoae syllabam producere solet poeta. Cf. 16, 21. 23, 1. 3. Ed. Monac. II. corrigi: latebrae foetentes. Frustra. An Baldaci est correctio? — v. 4. *Ogyges* conditor et rex Thebarum, quo regnante ingens in Thessalia diluvium fuisse perhibetur. — v. 5. *Amphion*, Iovis ex Antiopa filius, rex Thebarum, cum urbis moenia conderentur, cithara adeo suaviter cecinit, ut saxa accurrerent ultro inque murorum ipsa se disponerent ambitum. — v. 16. *Vigent*; cf. Tertullianus de Anima: prout aut Platonis honor, aut Zenonis vigor, aut Aristotelis tenor, aut Chrysippi stupor, aut Heracliti moeror. — v. 17. *Pisones*, nobilis familia Romana, inde a Numa Pompilio ducentes ortum superstitiosius. *Verpi* h. e.

Iudaei, cf. Hor. Sat. I, 5, 100: credat Iudaeus Apella, — v. 23. *Inane* subst. i. q. vacuum; cf. infra 16, 50.

O d e XIII. *Palamedes*, Nauplii regis Euboeae filius, prudens ac callidus, simulatam Ulyssis amentiam detexit, eumque ad bellum Troianum coegit proficisci invitum. Idem invenisse dicitur ludum latrunculorum, verius tesseram militarem. Cf. Plin. H. N. l. VII, c. 56: „Ordinem exercitus, signi dationem, tesseras, vigilias Palamedes invenit Troiano bello.“ Sed apud Romanos scaccho similis ludus latrunculorum vel calculorum erat imitatio quaedam belli, constabatque capiendo atque ligando. — v. 1. Nove et felici audacia Baldaeus dixit: dividere libros, quod nostrae librorum formae magis convenit, quam antiquum evolvere. *Spissos foliis*, cf. Hor. Od. II, 15, 9: spissa ramis laurea. Virg. Aen. 9, 508: corona non tam spissa viris. — v. 4. *Veritas volvitur* i. e. volvendis uno assere calculis explicatur ac docetur. — v. 6. *Imputet* h. e. attribuat, impertiat. Cf. Mart. XII, 48: imputet ipse Deus nectar mihi, fiet acetum. — v. 8. *Signis* sc. qualibuscunque, ut vexillorum, colorum, insignium. — v. 10. *Rutuli*, priscus Latii populus, adversus quos Aeneas cum Troibus bellum gessit. *Versicoloribus* h. e. colorum variorum, poet. pro diversorum. — v. 11. *Turrigeri boves* i. q. elephantes (cf. vs. 92): pro turribus. Cf. Plin. H. N. VIII, 6: Elephantes Italia primum vidit Pyrrhi regis bello, et boves Lucas appellavit, in Lucania visos, anno urbis quadringentesimo septuagesimo secundo. Lucret. V, 1302: inde boves Lucas, turrato corpore tetros. — v. 13. *Nec tuba protinus* sc. auditur. — v. 15. sqq. Construe: Patientia ducum et speratus honor secretos quos acunt dolos dispensat. — v. 18. *Diducere sonum* exqui-

site pro diffuderunt.— v. 23. Post *rustici* pon. comma.— v. 24. *Stat* i. q. constat. Cf. Liv. XXIII, 30: multo sanguine et vulneribus ea Poenis victoria stetit. — v. 26. *In vitulis arant* est Hebraismus. Nam ex literis Hebraeorum proverbium istud ducit originem. Iud. 14, 18: Si non arassetis in vitula mea, inquit Samson, non invenissetis propositionem meam. — v. 29. Hor. Epist. I, 2, 14: Quidquid delirant reges, plectuntur Achivi. — v. 31. *Corydon* pro quovis rustico paupere. — v. 32. *Sterilets* i. e. pauperes, vacuas; cf. Plaut. Truc. I, 2, 3: manus steriles. — v. 33. Post *hommunculo* pon. comma.— v. 35. *Quondam* i. q. quandoque; cf. Hor. Od. II, 10, 18. *Antmostor* h. e. munificentior; cf. Tac. Hist. I, 24: animosus corruptor. — v. 36. *Respicit* i. e. favet. — v. 37. *Idoneus permutare*; cf. Hor. Epist. I, 18, 12.— *Tamberlanus* s. Tamerlanus, Timur s. Timurlencus (h. e. Timur claudus), famosus Mongolorum Imperator saeculo XIV. — v. 38. *Frondes aureae*, i. q. laurus aurea, insigne imperatorum Romanorum. — v. 39. *Trabeas Ausonit impert* h. e. purpuram Romani imp. Cf. Plin. H. N. VIII, 48. IX, 39. — *Iustinus* I. Imperator Byzantii (ab a. Chr. 518—527) a patre ortus erat rustico, ut alii volunt, suario. V. Procop. de Bello Pers. I, I, c. 2. *Ausonit* i. q. Romani. — v. 41. *Capripedes* (non re, sed effectu) i. q. salientes, vel caballi, equites. — v. 43. *Transmissas obliquat salebras* i. e. obliquo saltu transmittit salebras. — v. 45. *Disstimulat fugam* i. q. speciem praese fert fugae, pro simulat. — v. 46. Cf. Hor. Sat. I, 4, 85: hic niger est, hunc tu, Romane, caveto. — v. 48. Cf. Virg. Ecl. III, 8: transversa tumentibus hircis h. e. inspectante grege, inter greges; v. interpr. ad l. c.— v. 50. *Aiax*, Telamonis filius, fortissimus inter



Graecos heroes, cum Hectore congressus. — v. 50. *Fatui cursoris* et v. 52. *morio* a designatione cursoris Gallica *fou*. *Vulnera dividit* h. e. dispensat. Hor. Od. I, 15, 15. 36, 5. et supra 1, 89. — v. 61. *Peditum phalanx* sc. rustici. — v. 62. *Elephas* sc. turriger, cf. v. 11. *Porus*, rex Indiae fortissimus, ab Alexandro M. devictus a. 327 a. Chr. n. — v. 65. Sensus: Quanta etiam valet (quantacunque), non tamen permittenda est semper, ut eat in gl. h. c. Cf. Senec. de Ira I, 7: animus non permittitur reprimere impetum. — v. 67. *Observatur* sc. clam, num cupidior proelii incauta procedit. — v. 68 *Aruns non datur unctus*. Plures in historia Romana occurrunt homines nominis huiusce. *Aruns* hic ex Etruscis, quos Tarchon Aeneae adduxerat, qui Camillam Volscorum reginam diu observatam multaque arte circumventam, dum Chloream Phrygem incauta persequitur, hasta traiecit. Virg. Aen. XI, 759 sqq. Nihil amplius, puto, poeta vult dicere, quam similitum huic insidiatorum saepe multa alia dari vel offerri exempla. Nec cogitavit de Tarquinii Superbi filio (Liv. II, 6.) nec de fratre Lucii Tarquinii Superbi (Liv. I. 46, 48.) a Tullia sua coniuge sublato. — v. 69. *Vertit* i. q. evertit. Cf. Virg. Aen. X, 88: fluxas Phrygiae res vertere fundo. — v. 70. *Nimius sut* h. e. non potens sui, impotens. Cf. Tac. Hist. IV, 23: rebus secundis nimii; et Fragm. Sallust: nimius animi; it. Liv. VI, 11. ubi Gen. redundat. — v. 75. *Tanaquil*, Tarquinii Prisci uxor, celebratae prudentiae matrona. — v. 76. *Fulvia*, uxor M. Antonii Triumviri, superba arrogantia ac tyrannide infamis, conspirasse cum Octaviano dicitur in suum maritum. — v. 77. *Adrastus*, rex Argi, caput expeditionis adversus Thebas fuit atque solus ex se-

ptem regibus evasit equi beneficio ereptus. *Pedem tu quoque promove.* Evocatio ultima ironiae plena, cum iam *Iacta est alea*; quasi diceret: Rex, nunc tu quoque imitans Adrastum progredere, ut rebus gerendis ipse intersis. Sed iam captus es; sero est. — v. 78. *Nocuit ἀόπιστος.* — v. 81. *Iustus* Caesar. — v. 82. *Επὶρρὶ potens* h. e. vel Pyrrhus, rex Epiri, fortissimus accerrimusque Romanorum hostis, vel G. Castriotus Scanderbegus, princeps Epiri, quod, si ordinem temporis spectas, verius est. Cf. Od. I, 39. — v. 84. *Carolus*, Burgundiae Dux et partis Belgii, cognomine Audax. Occidit in proelio apud Nanceium a. 1477. — v. 85. Quintus Fabius Maximus Cunctator, prudentissimus Romani exercitus dux bello Punico secundo, de quo Ennius: Maximus ille Unus homo nobis cunctando restituit rem. — v. 87. *Otia vendimus* h. e. tempus perdimus *unquentis rostrisque* i. e. luxuria. — v. 88. *Iacta alea est* Caesaris verba traicientis Rubiconem. Suet. 32. — v. 90. *Triarii* milites apud Romanos erant tertia acies veteranorum probatissimorumque militum, et in discrimine proelii *Res ad triarios rediit*. Liv. VIII, 8. Hic latrunculi significantur reliqui. — v. 92. *Laconicam* (h. e. militarem atque duram) *buxum* pro latrunculos buxeos, quibus constat *pompa ludicra* i. e. ad ludum pertinens; cf. Cic. Nat. D. I, 37. — v. 94. *Hic alveus* i. q. theca, quasi cymba Charontis vel capulus. Cf. Virg. Aen. VI, 412. — v. 98. *Sub vano nomine* i. e. sub nomine vanae gloriae. — Nisi divina respicias et quaeris aeterna, ludus vivitur et sumus. — Cf. Lechneri Progr. Gymn. Neoburg. a. 1843.

O de XIV. Fabula expeditionis Argonautarum navalis ad recuperandum vellus aureum factae notissima praeter Iasonem auctorem ac ducem nomi-

nat praecipuos heroes hos: Herculem, Castorem et Pollucem, Theseum, Telamonem, Pirithoum, Peleum, alios, qui quoniam a filiabus Minyae, regis Thessaliae, originem ducebant, etiam Minyae (v. 22.) appellantur. Fabricata in Thessalia (v. 3.) longa navi nomine fabri Argo dicta in Colchidem appulsi ab Aeeta rege benigne accepti aureum sibi vellus dari petierunt, quod ἐν Ἀρεὸς ἄλσει κρεμάμενον ἐκ δρυὸς ἐφρουρεῖτο ὑπὸ δράκοντος αὐπνου (Apollod. I, 9, 16.) et tauris aeripedibus atque ignivomis (v. 7—8). Promittitur Iasoni, si superaret custodes. Is opitulante Medea Regis filia venefica perficit quod erat imperatum, eamque una cum eius fratre Absyrtho sponsam secum abduxit. Quare *iustriidentis* i. e. tricuspidis Neptunisceptri laesum esse dicit poeta (v. 1.), sc. avaritia ac rapina. Cf. Hor. Od. I, 3, 9. sqq. — v. 13. *Lachesis* una Parcarum, cf. II, 39, 37. — v. 15. *Colum totam* sc. totam vitam.

Ode XV. *Maria Anna*, Ferdinandi II. Imperatoris filia, Maximiliano I. Electori Bavariae in matrimonium collocata a. 1635. Cf. Od. II, 26. — v. 1. Imitatus est poeta Hor. Od. III, 4, 1. — v. 3. *Vocatae* (dat.) h. e. invocatae sc. tibi tendit manus. — v. 6. sqq. Cf. Hor. Od. IV, 5, 16 sqq. — v. 11. *Naris emunctae* i. q. subtilis palati vel iudicii, sapiens. Hor. Sat. I, 4, 8. Bene hoc epitheton convenit Voluptati humana specie indutae. Contrarium *naris obesae* de homine stulto. Hor. Epod. 12, 3. — v. 27—28. Ex Isai. vatic. C. II, 4. cf. Hor. Od. I, 35, 1. — v. 29. *Massagetae*, populus Scythiae versus orientem maris Caspii. Hic pro Turcis. cf. I, 27, 12. — v. 44. *Choraulae* sunt tibicines chori. — v. 45. *Dimidti*, sensu eo, quo Hor. Od. I, 3, 8: animae dimidium meae appellat Virgilium. — v. 53. *Iuditha* Bethuliensis, matrona heroica, Holofer-

nis, ducis Assyriorum, triumphatrix.— v.57. *Gotthus* i. e. Suecus. Gothones enim, Guttones, Gutae, vel Gothi partem Sueciae incolebant; cf. I, 37, 11. Ib. *Mare Balthicum*, cf. II, 26, 13. *Marisque rector barb.* cf. Od. I, 40.— v. 60. *Utrumque solem* h. e. orientem et occidentem.— v. 63. *Syene torrida*, cf. I, 26, 5. Loquitur de propagata religione Christiana.

O de XVI. v. 7. M. Iunius *Brutus*, et M. Porcius *Cato* Uticensis, Stoici Romani. cf. II, 15, 32.— v. 9. *Duo Annaei*, v. ad. I, 33, 14.— v. 15. *Statuasc.* Marsyae pastoris, qui fistula ausus est Apollinem in certamen provocare. At iste victo et ad arborem victo pellem detraxit. Huius statua erat in foro Romano pro rostris, ad quam solebant convenire causidici, qui lites et negotia tractabant et componebant. Sublata manu funem gestabat, tanquam vindictam minitans litigantibus iniuste.— *Cecrops*, conditor et rex Athenarum.— v. 16. *Quirini* i. q. Romuli, cui id nomen honoris causa inditur.— v. 20. Permultas *Seneca* literas de moribus *Lucilio* cuidam scripsit.— v. 15. *Epictetus*, philosophus Stoicus atque illustris morum magister, natus est Hierapoli in Phrygia. Epaphroditi, carissimi Neronis liberti servus erat. Tota eius suppellex erat lucerna fictilis, quae eo mortuo mille drachmis est emta a quodam.— v. 35. *Siculo carcere* h. e. freto periculoso propter Charybdim et Scyllam, cf. II, 32, 11.— v. 40. *Vesecus* (Virg.) vel *Vesvius* (Mart.) vel *Vesbius* (Stat.) i. q. *Vesuvius*.— v. 44. *Cylindris* pro oculis volubilibus admodum.— v. 49. *Aristarchus* nobilis criticus Alexandrinus, nimius castigator Homeri.

O de XVII. In titulo I. *inconstantia*.— v. 6. *Charitum* i. e. Gratiarum erant tres sorores, Aglaia, Pa-

sithea et Euphrosyne, Iovis ex Eurynome filiae, pulcherrimae atque inter se coniunctissimae una saltant. Cf. Hor. Od. III, 21, 22. — v. 10. In edit. falso: Qui dulcis ori. — v. 13. *Alonius* ignotus. V. 17. *Scandola*, poetae popularis. Cf. Sylv. V, z. 21, 49: Scandola Pieridum coetu notissimus olim Alsaticae flos Scandola terrae. — v. 27. *Baccts* i. q. margaritis. Hor. Ep. 8, 14. Sat. II, 3, 241. — v. 29. *Thalassius* (s. Tal.) et Thalassio, praeses nuptiarum. Cf. Liv. I, 9. ubi est nobilis Romanus, cui raptarum una Sabinarum dabatur in matrimonium. — v. 30. *Enments* i. q. Furia, cf. ad IV, 3, 11. — v. 36. *Libitina*, v. II, 39, 56.

Ode XVIII. Laudat Divae Virginis misericordiam erga eos, quos culpa poenitet, eandem implorans. — v. 1. Imit. Hor. Od. II, 4, 1. — v. 3. *Secundus Adamus* dicitur Christus, ut Maria secunda Eva, (v. 6.) mater generis humani.

Ode XIX. Cf. Tibull. IV, I, 7. sqq. — v. 4. *Phocis*, v. I, 23, 7. — v. 5. *Melpomene*, una Musarum, praeses tragoediae. — v. 8. *Pindus*, Thessaliae mons altus, Musis sacer. — v. 11. *Erecti Phoebi* h. e. entusiasmus poetici. — v. 14. *Echo*, nympa Narcissi capta amore, neque audita a iuvene casto prae moerore contabuit et in nudam est conversa vocem. *Alipes* i. e. Pegasus, quem aureo Minervae freno domuit Bellerophon, Glauci filius, heros ac rex Lyciae. — v. 16. *Cedit alas* h. e. Pegasus cedit alatum. — v. 19. *Hippocrene*, fons Musis sacer in Helicone monte. cf. I, 9. — v. 25. C. Valerius *Catullus Veronensis*, poeta elegiacus Romanus. Celebrata est eius elegia in passerem Lesbiae suae. Andibus, suburbano oppido *Mantuae* natus est P. Virgilius Maro poeta. — v. 29. *Appulla* Italiae regio inferioria, quam Aufidus fluvius in Dauniam dividit et Peucetiam.

Ode XX. v. 1. *Mitte* h. e. relinque. Despice terrena, suspice coelestia. — v. 10. *Stante Neptuno* h. e. mari immoto. — v. 18. *Phrygia* sylvosa, maxime consita pinis ad aedificandas naves idoneis. Cf. Hor. Od. I, 14, 11: Quamvis Pontica pinus, silvae filia nobilis. — v. 21. *Getulia* (s. Gaet.) est regio Africae interioris iuxta Garamantes. Ponitur pro Africa vel Libya; cf. I, 1, 3. — v. 23. *Gades*, insula cum oppido nominis eiusdem extra fretum Herculeum et columnas Herculis ad ostium Baetis fluvii. Ponitur pro ultima terra. *Triton*, cf. II, 17, 30. — v. 31 sqq. Elegans descriptio catarrhactae Rheni in confinibus urbis Scaphusiae. *Colostrum* propr. lac primum post partum: Priemst, h. l. tralatum ad spumam lacteam undarum torrentis impetu raptarum. Orell. — v. 45. *Trionum*, v. 1, 19.

Ode XXI. v. 2. *Baucids*, v. II, 49, 6. *Acronius* lacus Alpium, quem transit Rhenus, inferior pars est Brigantini lacus. Zellersee. *Sedit in cineres*; cf. Prop. III, 9, 37: Non flebo in cineres arcem sedisse paternos Cadmi. — v. 5. *Boii Romuli* h. e. Maximiliani I. Electoris Bavariae, regia urbs, Monachium. — v. 6. *Attilae* pro rege Suecorum Gustapho Adolpho. cf. Od. II, 26, 11. — v. 7. *Librare* i. e. tentare, corrumpere, cf. II, 26, 25 sqq. — v. 8. *Senonum* sc. Gallorum Brenno duce Romam vastantium. — v. 9. *Atsattcas alpes* h. e. mons Iura. Hannibal Romam petens Alpium saxa rupesque, ut patefieret via, dissolvisse fertur ferventi aceto. Cf. Liv. XXI, 37, 2 et infra 28, 18. *Hannibale novo* significatur Bernhardus Vinmarius Dux, cf. I, 36, 17. II, 27, 12. — v. 12. *Ad Tyberim* sita est Roma, qua urbe procul dubio ostenditur Vienna urbs imperatoria. — v. 13. *Carthago*

triplex i. e. hostis triplex, Suevi, Galli et Vinmarius consociati. — v. 14. *Scipio Balthicus* fortasse Bannerus Suecorum dux. — v. 15. *Numantia*, urbs Celtiberiae in Hispania, nec muro nec turribus munita, et quatuor tantum militum millibus instructa quatuordecim annis fatigavit magnos Romanorum exercitus. Tandem Scipio Africanus minor eam fame devicit (133 a. Chr.). Numantinis similes Germaniae significantur civitates. — v. 18. *Tenedos*, insula maris Aegaei prope Troiam, quo occultarunt classem Graeci, cum relicto equo ligneo simularent obsidione solutam Troiam deserere. Significantur adversariorum insidiae ac machinae. Priamo, rege Troiae, notatur Ferdinandus III, Austriacus Imperator. — v. 17. *Dardani* i. q. Troiani pro Austrii. — v. 18. De *Dyma*, *Iphito* et *Pelia*, sociis Aeneae excidio Troiano v. Virg. Aen. II, 428 sqq. — v. 21. *Cassandra*, Priami et Hecubae filia, vates. *Polyxena*, eiusdem filia formosissima severaque insignis castitate. De *Deiphobo*, Priami filio, et *Ucalegonte* sene cf. Virg. Aen. II, 310: dum Deiphobi dedit ampla ruinam Volcano superante domus, iam proximus ardet Ucalegon.

O d e XXII. v. 8. *Iniquos Soles* i. q. dies pestilentes. Cf. Hor. Od. IV, 2, 48. Sat. I, 9, 72: solem tam nigrum.

O d e XXIII. v. 3. *Stoa*, v. 12, 1. Ed. Monac. II: sectae. — v. 4. *Clazomenae* oppidum Ioniae maritimum, ubi fanum erat Apollinis. Igitur Clazomenes (i. q. Clazomenius) pro Apolline. — v. 5. Miseram Stoicorum conditionem et vitae asperitatem simili modo describit Baldaeus in Encomio Torvitatís: Tales producit sessores porticus alta Tres cubitos, sex lata pedes, oblonga trecentos. Quanquam autem ob-

stipos angusto limite sepsit Parva domus, tamen et gelidum Praeneste Neronis Et Tibur Memphinique ipsam transcendit honore. Hic homines fiunt, hinc sacra oracula manant. Appellent alii mandram stabulumque caninum: At tu delubrum venerabile dixeris esse, Quale nec in Libya possedit corniger Hammon. Huic mandrae Senecam debes, proh quanta sonantem Ausculta, excusso si forte rubore salubri Stoica perfrictam pingant conchylia frontem. Vera quidem loquitur, sed non et grata prementi Vellus Amyclaeum, spondae vel in otia merso. — v. 7. Liburna. Leg. *Liburno*. Ex Iuven. Sat. III, 240: vehetur Dives et ingenti curret super ora Liburno. Liburnum sc. vehiculum est lectica vecta a servis Liburnis. — v. 8. *Manlius*, v. II, 15, 29. — v. 9. L. Licinius *Lucullus*, Consul et Mithridatis regis Ponti victor, insatiabili avaritia immensisque, quas in Asia collegit, divitiis nobilitatus. In luxuriam effusus incredibilem tandem in podagrae morbum incidit adeo, ut hexaphoro, quod est genus lecticae, ferretur. *Mecetum* (v. ad I, 39, 12.) *deus* h. e. Alexander Magnus, qui victo Persarum rege Dario deus haberi voluit (Ael. Var. Hist. II, 19.). A quo Diogenes apricans nihil petiit aliud, quam ut Alexander nonnihil recederet, ne umbra corporis sibi lucem solis adimeret; alio enim se non indigere. — v. 14. *Foetere docte*, cf. Bald. Encom. Torvitatis: Sacer est cibus iste Sophorum Pythagorasque facit vel saltem Pythagoreos. Foetent et ducunt foetorem talia, dices, Fercula. Pone metus, indignas mitte querelas. Hic odor est proprius doctorum, altasque cathedras Pressantum... Diogenes certe nullum spiravit amomum. — v. 16. *Cynicus* i. e. Diogenes, patria Sinopensis, auctor



philosophorum Cynicorum, vixit Athenis libere nimis ac impudenter canis instar. Diog. Laert. VI, 22: Διογένης ὁ κύων ἐπικαλούμενος παντὶ τόπῳ ἐχρῆτο εἰς πάντα, ἀριστῶν τε καὶ καθεύδων . . . Καὶ πῆραν ἐκομίσσατο, ἐνθα αὐτῷ τὰ σιτία ἦν. Obiit Corinthi in Achaia. — v. 17. *Trinodi fuste* i. e. baculo, cui innitebatur Diogenes aegrotans. Diog. Laert. VI, 22. Idem solebat habitare in dolio. — v. 19. *Testam* i. e. concham. Senec. Epist. 15. ad Lucil: Quantum potes, circumscribe corpus tuum. Animo locum laxa. Id bonum cura, quod vetustate fit melius. — v. 22. *Conviciator*, cf. Encom. Torv. I: (Diogenes) per plateas gradiens, veluti latrator Anubis, Publica mordaci laceravit rictu. — v. 23. *Impepus*; cf. Sen. Epist. 124. ad Lucil: Quid excolis formam? Cum omnia feceris, a multis animalibus decore vinceris cet. — v. 26. *Ceres*. Crambe et pane hordeaceo plerumque Diogenis constabat coena, ad quam interdum mures ibant, quos parasitos suos vocabat. Diog. Laert. VI, 40. Ael. Var. Hist. XIII, 26. — v. 27. *Farris canini*. Prandium caninum vocat Plautus, in quo vinum non bibitur. H. l. in universum: victus non mundus. — v. 30. *Contemptus auri*. Seneca: Indiotum argento odium. Ep. V. ad Lucil. — v. 34. *Lucernae*. Diog. Laert. VI, 41: Διογίνης, λύχνον μεθ' ἡμέραν ἄψας, ἄνθρωπον, φησί, ζητῶ. — v. 36. *Aristoteles* Stagiritis, clarissimus Platonis auditor, eruditissimus philosophorum, corpore erat gibbosus. — v. 41. *Stupere*, hoc verbo Stoicorum significatur ἀπάθεια, immota animi tranquillitas. *Hic labor, hoc opus*, cf. Virg. Aen. VI, 128. 29. — v. 44. *Patimurque manets*, h. e. tormenta, cf. Od. II, 5, 6. III, 32, 87. — v. 56. *Hermes* est rude statuarum genus, inprimis Mercurii. — v. 58. *In antecessum prae-*

ctpus h. e. praeveniando, praeoccupando, e Seneca pettum. — v. 66. *Chrysippus*, Solensis e Cilicia, Cleanthis, qui Zenonem audierat, discipulus, philosophus stoicus magnae severitatis et acerrimo vir ingenio. Cic. de Divin. I, 3. *Speusippus* Atheniensis, discipulus Platonis, quo mortuo in Academia docuit philosophiam. — v. 72. *Pelorus* s. Pelorum est promontorium Siciliae, versus Italiam. — v. 84. Proverbium est Nodum in scirpo quaerere h. e. difficultates, ubi res plana. — v. 88. *Nimbo scaphii*; cf. Bald. Encom. Torv. IV: atqui hic (Socrates) croceo perfundi rore putabat, Cum scaphii nimbos bene loto vertice sensit, Xanthippeque super portas, illa inclyta Iuno, Tempestate potens rapida de nube tonaret Valvarum. — v. 90. *Andabatae*, genus gladiatorum s. pugilum, qui obligatis oculis certamen inibant. Cic. ad Div. VII, 10, 2.

Ode XXIV. v. 2. Editt. habent *suos*; sed opp. *castis solibus* flagitatur: *suo igne*, quod dedit Orell. — v. 5. *Idalis* pro Idalia vel Idalie i. e. Venus, cf. II, 22, 12. — v. 12. *Scipionum* familia virtute ac fortitudine illustris, cf. II, 3, 20. — v. 17. *Cynthia* i. e. Luna, cf. II, 33, 3. — v. 19. *Diurna Cynthia* est amica Sexti Aurelii Propertii, poetae elegiaci, immane obsceni.

Ode XXV. v. 8. *Olympus*, altissimus Thessaliae mons, sedes Superum. — v. 10. *Herms*, v. II, 13, 14. — v. 11. cf. Hor. Od. III, 16, 28. Bald. Od. II, 19. — v. 14. Post *nunquam* duo puncta exciderunt.

Ode XXVI. v. 4. *Sandapila* est feretrum ignobilium. — v. 8. *Opis*, Boreae filia, nympa, Dianae socia ac nuncia. *Clio*, una Musarum, praeses historiae. — v. 10. *Attilae*, v. III, 6, — v. 16. *Getici*, v. I, 37, 12. — v. 24. *Amaryllis* nomen puellae vel ancillae

rusticae. Virg. — v. 31. *Indulge* i. e. confide, crede. — v. 57. *Bellis* (idis) Masslieben. — v. 58. *Persia* ferax odorum. — v. 60. *Amarantus* (ἀμάραντος h. e. immarcescibilis) Tausendschoen, Sammtblume. — v. 64. *Rubra dona maris* h. e. coralia. — v. 65. *Thyrianthinus* i. e. purpureus et violaceus simul. — v. 70. *Norum* sc. sertum. — v. 71. *Clotho*, una Parcarum colum baiulans.

Ode XXVII. *Spinulus* (spinus) genus oscinum (Zeisig) — v. 5. *Pythagoras* invento *Σωφῆματι*, quod Pythagoreum vocatur, perfusus gaudio Iovi, qui in Attica religiosissime colebatur, victimam centum bouum immolasse dicitur. — v. 6. *Magna parte mei*, cf. Hor. Od. III, 30, 6. — v. 11. *Caeli Musa beat*, cf. Hor. Od. IV, 8, 28, 29. — v. 20. *Simias volucres* vocat ob vocis imitationem humanae psittacos. — v. 26. Post *histrionem* dele duo puncta. — v. 27. *Bistonium* i. q. Thracicum, cf. I, 37, 12. — v. 28. *Ityn*, Prognés filium parvulum a matre necatum a Philomela in lusciniam mutata assidue deplorari fingunt poetae. Utraque autem erat Pandionis regis Atticae filia; et illa Tereii, regis Daulidis in Thracia, uxor. Ovid. Met. VI, 412 sqq. — v. 32. *Fies nobilium* h. e. sacrarum, immortalium arborum; cf. Hor. Od. III, 13, 13.

Ode XXVIII. De aurea B. Virginis statua v. Od. II, 26.

Ode XXIX. v. 2. cf. Hor. I, 16, 1.

Ode XXX. *Dies Alcyonii* vel Alcyonei vocantur ii, quibus alcyones s. alcedines ovis incubant, quo tempore mare tranquillum esse atque iacere dicunt. — v. 1. *Columbus* (Colombo) et Nonius Blascus (Nunjo Vasco) illustres orbis novi inventores. — v. 5. *Prometheus*, Iapeti filius, Iovi furatus est ignem, quo

hominem ex limo et aqua fictum animaret. — v. 6. *Iovis secundus* i. e. Neptuni. Cf. I, 5, 21. — v. 15. *Neptunus*, Oceani filius. — v. 21. *Tethys* eiusdem uxor. *Minerva* praeses scientiarum atque artium. — v. 24. Frequens Iberus h. e. tot Hispani immolant Neptuno boves nigros, coloris marini. — v. 46. *Tiphys* gubernator Argus, navis Minyarum. — v. 53. *Murice* i. q. purpura. — v. 72. *Tridentum* urbs Tirolis. — v. 74. Orbem dividam, cf. Hor. Od. III, 27, 75: tua sectus orbis Nomina ducet (h. e. dimidia pars orbis). — v. 79. *Thespie* oppidum Boeotiae praecipuo Musarum cultu nobile.

Ode XXXI. v. 7. *Conciscus tyrannus* h. e. numi veteres forma Caesarum percussi. — v. 9. *Sic oculos*, cf. Virg. Aen. III, 489: Sic oculos, sic ille manus, sic ora ferebat. *Nero*, v. II, 43. — v. 10. P. Aelius *Hadrianus* Caesar Romanus. a. 117. p. Chr. — v. 12. *Titus* Flavius Vespasianus pater et filius Imperatores bello Iudaico illustres eversisque Hierosolymis (a. 70. p. Chr.). — v. 13. *Iulianus* Apostata, Christianorum adversarius, imperium tenebat ab a. 360—363 p. C. — v. 14. *Phocas* Imperator Graecorum crudelissimus, improbiissimus (602—610 p. C.). — v. 19. *Stellae capilli* erant bracteolae s. lamellae aureae, genus ornamenti. — v. 20. *Contus* est sceptrum triumphantis eburneum, in quo summo aquilae signum. — v. 22. M. Ulpius Traianus *Nerva* clavum imperii tenebat ab a. 98—117. p. C. — v. 24. *Minto pictus*; cf. Plin. V. 33, 7: „triumphantium ora minio illimi solita et sic Camillum triumphasse, quod tamen posterioribus temporibus exolevit.“ Anachronismus. — v. 25. *Iucunda pl. turgita* h. e. athletarum certamina, spectacula, ludi publici. — v. 27. *Dact*, populus Scythi-

us ad sinistram Istri ripam, Romanis diu formidolus, a Traiano demum devictus ac subiugatus. —

.34. *Boethius*, Senator et Consul Romanus, generosissimus atque eximiae vir sapientiae, a Theodorico Ostrogothorum rege, una cum Symmacho socero suo iniustissime crudelissimeque est interfectus; cf. II, 8, 41. — v.35. *Gracchorum* et *Fabiorum* familiae Patriciae summis insignes virtutibus. M. Porcius *Cato* *Usculanus*, Consul et Censor, in omnibus rebus angulari prudentia et industria, agricola sollers, reipublicae peritus, iuris consultus, magnus imperator, robabilis orator et cupidissimus literarum. Corn.

ep. — v. 43. M. Aemilium *Scaurum*, hominem gravissimum, civem egregium, fortissimum senatorem compellat Cic. pro Mur. 17. — v. 44. *Thraseas* Paetus egnante Nerone senator Romanus, probissimus vir et incorruptissimus. Cf. Tac. Annal. 14, 48 sqq. 16, 33 sq. — v. 50. *Polluce Delphico* h. e. arte vaticinandi.

O d e XXXII. v. 3. *Punicas aures* i. e. assuetas conviciis calumniisque, et hostiles. In proverbio est des Punica. Cf. Plaut. Poen. prol.: Poenus plane est; quid verbis opu't? — v. 5. Dec. Iunius *Iuvenalis* *quinas* (nat. 38. p. Ch.) acerrimus poeta satyricus. — v. 8. *Volsci* populus Italiae inter Latium et Campaniam. *Mimallones* (μυμάλλones) sunt Bacchae, a Miantante Lydiae monte nivoso, ubi Bacchi sacra. — v. 10. Qu. Horatius *Flaccus*, poeta satyricus salis Attici. — v. 11. Aulus Flaccus *Persius* (nat. Volaterris 0. p. Ch.) satyricus acerbissimus. Caius *Lucilius* (nat. 45. a. Ch.) princeps et pater Satyrae Romanae severissimus. — v. 15. *Zoilus*, Amphipolites, rhetor traecus, malignus ac nimis scriptorum calumniator, maxime Platonis et Homeri, unde 'Ομηρομάστιξ ap-

pellatur. — v. 21. *Iamborum* inventor Archilochus *Pari-*
us, satyricus acerbissimus, quibus *Lycamben* cum
 filiabus eius ob acceptam repulsam ad laqueum com-
 pulsit. Cf. Ovid. *Ibis* v. 51. — v. 29. *Muffo*, *Nellus*,
Maracipsa, *Vappius* sunt nomina ficta adversariorum
 et obtreptatorum *Baldaei*. Cf. *Sylv. Lyr.* V, 21. — v.
 36. *Vincula surae* pro caligis. — v. 50. *Genuinus* sc.
 dens. *Plin. Hist. Nat.* XI, 37: Homini novissimi, qui
 genuini vocantur, dentes circa vigesimum annum
 nascuntur in extrema gingiva. Graecis dicuntur *σω-*
φρονιστήρες. Cf. *Juven. Sat.* V, 65. — *Exermt* nove pro
 inermi, metri gratia. — v. 55. *Ardus Sabini* i. e. mon-
 tosam Italiae regionem incolentes inter Latium, Um-
 briam, Picentes et Samnites. Naturali rigore ac pro-
 bitate morum laudati. — v. 60. *Gratta*, v. 17, 6. *Hor.*
 III, 21, 22. — v. 81. *Androchus* servus Romae fugitivus
 a domino persequentem declinans in speluncam se
 recipit, ibique leonem invenit vulneratum pede, quem
 cum evulsa spina sanasset, ab eo diu nutritur. Po-
 stea vero uterque captus in arena exhibentur, ser-
 vus nempe leoni obiectus; at leo ferocissimus servi
 se pedibus subiiciens blandiebatur ei. Re cognita uter-
 que dimissus est, ac leo tenui vinculo per urbem
 cum omnium admiratione ductus a servo. cf. *A. Gell.*
Noct. Att. 5, 14. — v. 87. *Manes*, v. II, 4, 6. — v. 90.
Momus (*Μῶμος*), Noctis filius, dicitur numen, quod
 vitia, quae insunt operibus Deorum et hominum,
 callidissime animadvertit. *Lucian.* Deinde ponitur
 pro quovis reprehensore nimio et obiurgatore. Cf.
 IV, 9, 73.

O de XXXIII. v. 22. *Charon*, filius noctis, nauta
 apud inferos, a poetis fingitur sordido habitu truci-

ue vultu senex. — v. 24. *Euclio* est sordidi et avari
enis nomen apud Plautum in Aulularia.

O d e XXXIV. v. 14. *Cereris lacuna pallentis*
. e. cerevisia alba. Cf. I, — v. 18. *Rangensis vinea*,
enerosioris ferax vini in Alsatia celebrata. — v. 19.
Usculum, municipium Latii prope Romam, locus
moenissimus, ubi multi Romanorum horti et prae-
dia. — v. 22. *Saguntum* (Cic.) vel Saguntus et Sagun-
tum (Morviedro) oppidum Hispaniae Tarraconensis
trans Iberum, quod Hannibal diuturna obsidione ad
tantam famem compulit, ut cadavera hominum com-
derent, alia indigna. Sil. It. c. I. et II. *Numantia*,
f. 21, 15. — v. 25. *Vinmaris*, cf. I, 36, 17. II, 27, 12.
— v. 26. *Lucretilis*, mons in Sabinis villae Horatii
nominens; cf. Hor. Od. I, 17, 1. — v. 37. *Niobe*, uxor
Amphionis regis Thebarum, visa liberorum morte
trae dolore in saxum obrigit. Ovid. Met. 6, 148 sqq.
f. Od. I, 35, f. — v. 47. *Entellus* Siciliensis validissimus,
quo Dares Aeneae socius et pugil gloriosior vi-
tus est. Virg. Aen. V, 417. sqq. — v. 53. *Ithaca* insula
arva et inops maris Aegaei, patria Ulyssis. — v. 55.
Penates, cf. Virg. Aen. II, 293. 717. III, 148. IV, 598.
— v. 58. *Telamonius* h. e. Teucer Telamonis filius,
qui a bello Troiano redux non receptus a patre ob
agnitionem non vindicatae fratris iniuriae Salamine
transmigravit Cyprum, ubi urbem condidit cognomi-
nem. Cf. Vellej. Paterc. Hist. 1, 1. Hor. Od. I, 7, 21.
q. — v. 59. *Anchises*, pater Aeneae, qui post Troiae
excidium primum delatus est Carthaginem, Tyriorum
coloniam, deinde ad Italiam appulsus Rutulos debel-
avit. Cf. 13, 10. — v. 67. *Brisacum*, v. I, 36.

O d e XXXV. *Utopia* nomen terrae fictum ex
omni parte felicissimae, quales sunt Insulae fortu-

natae, Pindari Hyperborei, Platonis res publica, Thomae Mori Utopia et aurea aetas veterum. Ovid. Met. I, 89 sqq. Pind. Olymp. II, 67 sqq. III, 17 sqq. — v. 7. *Epicurus* Atheniensis philosophus, homo admodum continens ac rigidus, docebat in amoenissimo Athenarum horto, summum bonum consistere in voluptate, sed animi dicebat voluptatem et quietem. Cf. Sen. Epist. 21. — v. 13. *Veneremque* h. e. flores; cf. vs. 57. — v. 19. *Lesbos* insula maris Aegaei fertilissima vini generosioris. *Rhodos* insula celebris maris Carpathii, ubertate et serenissimo coelo insignis. *Tarentum* opulentissima Italiae inferioris urbs, luxuria ac mollitie incolarum notata. — v. 48. *Napaea*, v. II, 22, 23. — v. 52. *Sideris* h. e. solis. — v. 54. *Argus*, custos Ionis, centum praeditus oculis. — v. 57. *Cypri* i. q. Venus, quae Adonidis apri dente caesi cruorem in anemonen mutans spina rosae ipsa vulnerata albas ad id tempus rosas convertit in rubras. — v. 62. *Daulias* (ita scribendum pro Daunias monente Orellio) *ales* i. q. Philomela, lusciniā, a Daulide, opido Phocidos sub ditione Terei. Cf. Albinovan. Eleg. I, 105, cf. 27, 28. — v. 65. *Ariadna*, Minois regis Cretenensis filia, cuius filo usus Theseus Minotauro interfecto Labyrinthi inexplicabiles evasit ambages; cf. II, 15. — v. 67. *Nomadum* h. e. Numidarum pro Libyci marmoris columnis, cf. Od. I, 13. II, 8, 7. — v. 71. *Charites*, v. 17, 6. — v. 74. *Hermo* pro auro, v. II, 15, 14. — v. 80. *Morpheus*, Somni filius ac famulus, qui dormientibus varias affert species, figuras, et somnia fingit pictoris instar. Ovid. Met. XI, 635. — v. 83. sq. Pind. Pyth. 8, 96: ἐν δ' ὀλίγῃ βροτῶν τὸ τροπὸν αὐξέται. οὕτω δὲ καὶ πιτνεῖ χαμαὶ ἀποτρόπαια γυνῆμα σείσεισμένον. Ἐκάρμοι τί δὲ τις; τί δ' οὐ τις; σκυῖα δ' ἄρ' αἰσθάνονται.



Ode XXXVI. v. 1. *Iethe*, v. II, 8, 44. — Ib. *Styx*, fluvius Arcadiae aqua virulenta; item apud inferos. — v. 8. *Hippomanes* (m.), virus ex equarum inguinibus profluens, veneficium. *Medea*, v. ad III, 14. — v. 9. *Parce tenactibus*; Herder: Halte die Wunde nicht mit scharfen Nägeln offen. — v. 17. In triclinium deorum, cum Pelei ac Thetidis celebrarentur nuptiae, ab Eride, litium dea, immissum pomum aureum *Putscherrtmae* inscriptum, a Paride, Priami filio, adiudicatur Veneri, ex quo superba Iovis uxor Troianis irata, Venus contra amica. — v. 18. *Manserat altius* cet. E Virg. Aen. I, 26: Manet alta mente repostum Iudicium Paridis spretasque iniuria formae, Et genus invisum, et rapti Ganymedis honores. — v. 27. *Cordis insanum leonem*. Cf. Hor. Od. I, 16, 15: Fertur Prometheus insani leonis Vim stomacho adposuisse nostro. — v. 30. Ferdinandus I. Imperator pari clementia ac iustitia illustrissimus (1558—1564), cuius haec tessera: Fiat iustitia, aut pereat mundus. Pacis amator et auctor. — v. 33. *Aspera* h. e. calumnias.

Ode XXXVII. v. 5. cf. Hor. Od. II, 2, 2: inimice lamnae Crispe. — v. 9. *Molorchus*, pauper Cleonaeus in Argoli, qui excepit Herculem hospitio. Stat. Theb. IV, 170 sqq. Tibull. Eleg. IV, 1, 12 sqq.

Ode XXXVIII. v. 6. *Daphne*, Penei fluvii filia, nympa, Apollinem fugiens amantem conversa est in laurum (δάφνη). Ovid. Met. I, 452 sqq. — v. 11. *Tethys*, v. III, 30, 21. — v. 16. *Nats*, v. II, 17, 29. — v. 30. sqq. Caecilia, Basilissa, Margarita, Musa, Costis, Agnes et Ursula sunt ss. martyres; Clara, Euphrasia, Walpurgis ac Teresa divae virgines, e quarum nominibus aut historia a poeta diversa derivantur dona speranda. — v. 35. Pergamenas *pumice* ra-

dendi vel purgandi, titulosque *minio* vel purpura inscribendi mos apud antiquos. — v. 62. *Cunque* h. e. quacunque ratione. Cf. Hor. Od. I. 32, 15.

O de XXXIX. v. 2. *Servilis* erat conditionis Epictetus, cf. 16, 25. — v. 9. *Phrygis*, h. e. Epicteti, cf. 16, 25. Is humanae subsidia vitae cochleolis, quibus ludunt pueri, comparavit. — v. 16. *Tiresias* vates Thebanus, visu orbatus a Iunone aut Pallade. Ovid. Met. III, 318. *Pythagoras*, v. II. 21. — v. 17. *Pittacus* Mytilenaeus, unus e septem Sapientibus Graeciae. — v. 18. *Cecropitis* (h. e. Atheniensibus) *sordibus* significatur Diogenes, cf. III, 23, 16. 16, 15. — v. 32. *Sirtus*, stella maior Canis sideris; dein pro ipso sidere. Iunge: *Intra tabificavit scera bile nigrantia Strius, canis vindictae appetens, exercet rabiem.* — v. 42. *Icarus*, Daedali filius, quem pater e Labyrintho secum avolare docens alis ei cera applicatis monuit, neque alius volandum, ne pennarum solveretur ligamen, neque profundius, ne plumae tingerentur aquis. At temerarius iuvenis praealte volans solis calore liquescens pennis praeceps actus est in mare, quod Icarium vocatur.

O de XL. Cf. Hor. Od. I, 21: In Dianam et Apollinem. et Sarbiev. Lyr. II, 18. — v. 15. *Novo nomine*, cf. Apoc. s. Ioan. 3, 12. 21, 20.

O de XLI. Alberti VI, Ducis Bavariae, filius primogenitus obiit anno aetatis vigesimo secundo, 1640. — v. 6. Oetinga vetus, peregrinationibus B. Virgini sacrae celeberrimum Bavariae oppidum ad Oenum fluvium. — v. 13—14. Cf. Hor. Od. I, 24, 9. 10: Multis ille bonis flebilis occidit; Nulli flebilior quam tibi, Virgili. — v. 18. Cf. ib. vs. 2: Tam cari capitis. —

v. 20. *Miscuerunt* corripitur. — v. 28. cf. Hor. Od. I, 24, 17: Non lenis fata recludere.

Ode XLII. v. 2. *Tessera* militaris apud Romanos certa erat nota, qua noscerentur milites. — v. 14. *Capaneus*, v. I, 41, 40. — v. 18. *Polis* h. e. urbi Thebis. — v. 20. *Ogygias* h. e. Thebanas, v. 12, 4. — v. 22. *Bistona* i. e. Thracium poeta vocat Gradivum h. e. Martem, cui Thracia sacra. — v. 39. *Hunnt*, v. I, 37, 11. 12. — v. 43. *Pampelone*, s. Pompeiopolis, quae urbs Navarrae munitissima, quam defendens Ignatius vulneratus est saxo. — v. 47. *Beltrontades* forsitan a matre dictus Ignatius Bertrandi filius, Loyolae in Cantabria natus. — v. 50. *Orion*, v. I, 94. — v. 55. Mons Serratus Barcinonensis Comitatus celeberrimo ordinis s. Benedicti monasterio illustris, quo profectus Ignatius suspensis ante aram beatae Virginis armis sacrae militiae se dicavit, cingulum et vestem viatoris assumens. — v. 58. *Finnt*, v. I, 38, 13. — v. 61. *Sic*, cf. Hor. Od. I, 3, 1. *Gedeon*, v. II, 38, 25. *Tholo* sc. in templo. — v. 67. *Alani*, v. I, 37, 12.

Ode XLIII. Cf. Catulli carmen in passerem, quod imitatus est Baldaeus, et Ovidii in psittacum. — v. 2. De *phoenice* v. Herod. II, 73. Plin. H. N. X, 2. — v. 4. *Iunoni* sacer est pavo. — v. 11. Catull. vs. 3: Quoi primum digitum dare adpetenti Et acres solet incitare morsus. — v. 17. *Lyra* h. e. cantus vel vox oscinis. — v. 18. *Plumae* (dat.) *redeat veteris metri temperies* i. e. pristina venustas et comptus. — v. 33. *Atropos*, v. II, 39, 37. — v. 35. *Smyrna* urbs Ioniae, Homeri, ut fama fert, patria. Respicere videtur poeta ad locum illum de Argo cane Ulyssis Odyss. XVII, 326: Ἀργὸν δ' αὖ κατὰ Μοῖρ' ἔλαβεν μίλανος θανάτοιο.

— v. 36. *Pierides*, v. I, 43, 7. — v. 38. *Melpomene*, v. III, 19, 5.

Ode XLIV. v. 5. Cf. Erasm. Adag. Chil. 1. cent. IV, 73. *In aere serere* vel *piscari*, proverbium in eos, qui frustra laborant. — v. 15. *Cristae* dicuntur surgere iis, qui mirifice sibi placent atque superbiunt. Iuv. IV, 70.

Ode XLV. v. 1. *Phrixus*, Athamantis regis et Nephelae filius in Boeotia, Iunonis novercae devotans odium, aurei velleris (χρυσόμαλλον) arietem, cui insidens transportatus est in Colchidem, immolavit Iovi, eiusque vellus in Martis nemore suspendit. Huius soror Helle simul cum fratre transmigratura mare de ariete decidit in Helles pontum. Cf. Ovid. Her. ep. XVIII. Herder: Der Sinn der ersten Strophe ist: ehe es den in der Fabel berühmten Widder des Phrixus mit dem goldenen Felle gab, gab es natürliche und schönere Wollenheerden. — v. 8. cf. Hor. Epod. 2, 5. — v. 13. Hor. Epod. 2, 7. — v. 15. Hor. Epod. 2, 23. — v. 17. *Rota fervida* sc. solis. Ita Senec. Herc. Oct. vs. 1022: Testor nitentis flammeam Phoebi rotam. — v. 23. Cf. Hor. Od. I, 1, 21. — v. 25. Hor. Epod. 2, 48. — v. 29. *Sylvanus*, deus agrestis et tutor finium. Hor. Epod. 2, 22. Od. III, 29, 23. — v. 35. Apud Hor. Od. II, 6, 10. oves dicuntur pellitae, quia oves agri Tarenti, ne sentibus et dumetis corrumperetur earum lana praestantior, pellibus velari solebant. Colum. VII. 2. Varro R. R. II, 2. Idem adhuc fieri solet in iis regionibus, ubi lana praestantior gignitur. Boer. — v. 42. *Filia carminis* h. e. oecan. Cf. Ecclesiastes c. XII, 4: Obsurdescent omnes filiae carminis. — v. 50. *Vocalis sanguinis*, cf. Gen. 4, 10: Vox sanguinis fratris tui clamat ad me de



terra. — v. 52. *Quem decora facies Rachelis*, filiae Labani nimio amore torsit, sc. Iacobum, qui etiam Israel vocabatur, unde vs. 54. binominis gener appellatur; cf. Gen. 29. — v. 53. Cf. Virg. Aen. IX, 185: an sua cuique deus fit dira cupido? — v. 60. *Bidentes* h. e. oves. Phaedr. I, 17, 8. Ex Virg. Ecl. X, 77: Ite domum saturae, venit Hesperus, ite capellae. — v. 62. *Avenam disparem*, cf. Tibull. Eleg. II, 5, 31: Semper decrescit arundinis ordo; Nam calamus cera iungitur usque minor. Virg. Ecl. I, 2. — v. 68. *Mae-naltum* h. e. Arcadium, pastoritium cf. Od. II, 11, 12. — v. 81. H. e. Verbis sacris cohibere vitia. — v. 82. Carolomannus Ludovici Germanici f. rex Bavariae aliarumque provinciarum tum temporis coniunctarum. Pari sanctitate ac fortitudine clarissimus. Cuius in templo Benedictinorum Oetingae veteris sepulcræ hoc est: Anno Domini DCCCLXXX. Cal. April. Carolomannus Rex Bojoariorum obiit, Filius Ludovici Regis Orientalis Franciae, ac Nepos Ludovici Pii Imperatoris, Fundator huius Ecclesiae hic sepultus. — v. 85. Menalcas, Corydon et Thyrsis poetica pastorum nomina. — v. 87. *Celticae* esse originis dicuntur Boii. — v. 88. *Sideret hortii*, Sternenau. Cf. Od. II, 20. — v. 89. *Taygetus* Libero sacer et *Amyclae*, v. II, 11, 9. — v. 91. *Pales*, dea pastorum apud Romanos, cuius Palilia festa cantantur Ovid. Fast. IV. *Pan*, pastorum sive ruris deus, Mercurii filius, maxime cultus in Arcadia. — v. 93. *Cedrintis* i. e. mansuris, perennibus; nam resina cedrina vel cedrium arcet putredine. Hor. Ep. ad Pis. 332. Plin. H. N. XIII, 12. — v. 94. *Phylagnes* nomen fictum, quo se ipsum significat poeta tanquam ovium amantem. — v. 96. *Parthenia* (i. q. virgo) saepe vel de Diana vel

de Maria usurpatur, ut hic. — v. 99. *Supremus Daphnis*, h. e. summus Pontifex. Daphnis, Mercurii et nymphae filius, pastor formosissimus. — v. 100. *Purpuream lanam* i. e. pallium Cardinalium.

Ode XLVI. v. 5. *Splendens murice* (i. q. purpura) *pagina* h. e. nomina et tituli inscripti libris vel diplomatis vel codicillis. cf. 38, 35. — v. 14. Nonnulli spretis honoribus publicis et ambitione, clam tamen vehementissime cupiunt honores et gloriam. — v. 18. Alii vel deferri calumniarique se callide patiuntur, ut maiorem inde gloriam sibi comparent. — v. 20. Observant alios h. e. sunt alii, qui (sic leg. puto pro: ut) crimina sua tegere iocis aut dolis studeant. — v. 24. Doctores et oratores sacri, nimium sui studiosi, adduci nullo pacto possunt, ut locum cedant alteri. — v. 32. *Etesiae* (*ἐτησίαι ἀνέμοι*) ventus placidus, qui tempus observat. — v. 34. *Naxos* insula cycladum maior ac longe fertilior, vino potissimum, in mari Aegaeo. — v. 40. *Libero* i. q. Baccho, cui sacra Naxos. — v. 45. *Claves* insigne sunt potentiae. — v. 48. *Triennia* (sc. sacra) i. q. trieterica orgia, genus Bacchanalium. Ovid. Met. IX, 641. — v. 55. Hor. Od. II, 2, 9: Latius regnes avidum domando spiritum.

Ode XLVII. v. 7. *Stylites*, v. II, 49, 9. — v. 13. *Tybris* deus amnis. — v. 18. *Adriani* (cf. 31, 10.) *moles* i. e. Mausoleum permagnum ad Tiberis ripam situm, quae nunc arx S. Angeli appellatur. *Titi* (cf. 31, 12.) sc. arcus triumphalis in foro Romano. — v. 19. *Magni* h. e. Constantini Magni triumphalis arcus prope forum Romanum. *Traiani* (cf. 31, 22, 27.) sc. columna in foro Traiani a Senatu erecta in memoriam victoriae e Dacis reportatae. — v. 29. Describitur

Altitudo Pyramidis physicorum more. *Sagittam si tenero* sc. linea directa vel horizontali, ut aiunt. Umbra vero sagittae aut propter altitudinem loci terram tangere non potest, aut in pyramidis umbram aut lucem incidit. — v. 38. *Erythrus* (ruber), Persei filius et rex Erythraeae orae s. maris rubri fuisse perhibetur. — v. 45. *Thetis*, v. I, 5, 39. — v. 51. *Armati* h. e. falcati *currus*, quibus utebantur veteres. — v. 54. *Lagus* Macedonius est pater Ptolemaei I. Soteris et Magni, unus e ducibus Alexandri M. ac deinde regni Graeci in Aegypto conditor. Ptolemaeus (XII) *Dionysus* est Ptolemaei (XI) Auletae filius et frater Cleopatrae, quacum de imperio dimicavit, pessimae notae tres omnes. — v. 56. *Ingens Ptolemaeus* h. e. procul dubio Ptolemaeus Physcon, Ptol. Epiphanis filius, cui tam vastum erat abdomen (*φύσκη*), ut sine baculo incedere non posset. — v. 70. *Xerxes*, traiecto Hellesponto, incredibilis magnitudinis splendidissimique ornatus exercitum ex edito loco spectans dicitur lacrymasse. — v. 76. Narrant, Cleopatram, ut effusis sumptibus superaret Antonium, pretiosissimam margaritam aceto resolutam hausisse. — v. 77. *Ptolemaidōs* sc. foeminae h. e. Cleopatrae. Lucan. 10, 69. Est etiam urbs Aegypti Ptolemais. — v. 79. Coptos, Abydus, Tentyra, Syene et Diospolis magna h. e. Thebe celebres urbes Aegypti superioris; Arsinoe (Alfium h. t.) et Memphis regia (v. 90) in Aegypto media; Bubastis et Sais et Pelusium (v. 99) et Canopus (v. 111.) inferioris Aegypti urbes. — v. 85. *Memnon*, Tithoni et Aurorae filius, rex Aethiopiae, ante Troiam, cui auxilio venerat, ab Achille occisus et in campis Troianis sepultus est. Eius saxea effigies, ubi radiis solis icta est, vocalem sonum reddere credebatur. Tac.

Ann. II, 61. Est autem, ut Plin. H. N. XXXVI, 2. narrat, in Serapis templo forma colossi, quem quotidiano solis ortu contactum radiis crepare dicunt. Cf. Pausan. I, 42, 2. — v. 91. Alexander M. Macedoniae rex ad ostium Nili condidit Alexandriam urbem amplissimam a. 330 a. C. — v. 92. Ptolemaeus (II) Philadelphus, Ptolomaei I. filius, amator literarum ac munificentissimus bibliothecae Alexandrinae auctor, felicissime regnavit ab a. 284—246 a. Ch. — v. 98. *Meilampus* (Μελάμπος), Amythaonis filius, nobilis medicus et vates, qui Proeti Argorum regis filias in insaniam versas sanavit helleboro (μυλαμποδίω). — v. 102. *Sisyphus*, Aeoli et Enaretae filius rex Corinthi rapax, perfidus et crudelis. Dicitur vel a Theseo ob latrocinia et fraudes necatus, vel quod Iovis prodidisset arcana fulmine deiectus ad inferos, ingens ibi saxum in montis cacumen volvere usque relabens. *Sisyphium* igitur *saxum* est non permanens. — v. 104. *Pharos* h. e. Aegyptios; cf. II, 50, 19.

Liber quartus.

Ode I. v. 27. *Chaldaei tyranni* h. e. Nabuchodonosoris regis Assyriorum somnium de grandi statua, cuius membra essent ex diversis fabricata metallis, interpretatur Daniel. c. II. — v. 37. *Septemviri* i. q. unus e septem S. R. I. Electoribus, h. e. Maximilianus I. — v. 49. *Cannae*, oppidum Apuliae Romanorum clade nobile. — v. 50. *Wimpfen* (Wimpina Cornelia), oppidum Sueviae (nunc Hassiae Darmstadt-

ensis) victoria Tillii gloriosa ex Georgio Friderico Marchione Badensis *Turlaci* a. 1622 reportata illustre. Unde Turlacia clades dicta est. — v. 54. *Luthera* est oppidum ad Barum montem prope Goslarium, ubi a Tillio stratus ac devictus est Christianus IV, rex Daniae a. 1626. — v. 55. *Cimbrorum* h. e. Danorum. — v. 67. *Ianus*, antiquissimus Italiae rex, praecipue cultus a Romanis, qui cum bellum decernerent, aperiebant Ianitemplum, nec claudebant prius, quam bellum erat finitum. — v. 68. *Rhombis* i. q. insignibus vel clipeis, vel labaris. — v. 69. *Pragensis regulus* h. e. Fridericus V. Cf. II, 3, 20. 73. — v. 73. Hercules conceptus est ex Iove et Alcmena Thebis. Eodem vero tempore conceptus erat etiam Eurystheus, iuraveratque Iupiter, eum qui prior nasceretur, alteri imperaturum. Iuno favens Eurystheo volebat impedire partum Herculis. Quare Eurystheus ut iam septimo nasceretur mense, Hercules autem decimo, effecit. Prima deinde qua natus est nocte duos angues Iuno huius immisit cunis; quos infans compressit palmis. Deinde Pallas, vel ipse Iupiter rogavit Iunonem, ut Herculem lactaret, quo fieret immortalis. Sed cum sugeret violentius, Iuno impatiens eum abiecit. Hercules, ut Iovis iusiurando satisfaceret, traditus Eurystheo in servitutem duodenariam singulis annis singulos ingentes labores ab hero sibi impositos feliciter absolvit, in his leonem in Nemea silva manu discerpit inermi, hydram duolécem caput in Lerna palude occidit, terribilem taureum ignivomum a Neptuno immissum Cretae ligavit. Praeterea *Nessus* centaurum Aetoliae Deianiram ponsam trans fluvium Evenum non fideliter ac aste portantem Hercules sagitta transfodit. —

v. 86. *Antaeus Balthicus* h. e. Gustavus Adolphus rex Suecorum; cf. II, 26, 11. 2, 18. Periit in *Lycto campo* i. e. in proelio ad Lucenam oppidum prope Lipsiam a. 1632. — v. 89. *Cacus*, Vulcani filius, famosus Italiae latro, qui Herculi in Italiam venienti boves surripuit, quos caudis retro in speluncam traxit, ne vestigiis proderentur. Sed Hercules mugitum audiens, Cacum ignivomum iniectis rupibus suffocavit. Virg. Aen. VIII, 193 sqq. *Cacus Egrae* i. e. Wallensteinius, cf. II, 13. — v. 100. *Basiliscus* genus lacertarum. — v. 159. *Finnus*, v. I, 38, 13. — v. 167. *Pomum* Imperatorum et Regum insigne (Reichsapfel). — v. 171. *Hetdelberga*, olim regia Palatinatus Rhenani urbs.

Ode II. v. 16. *Rhodope*, mons altus ac nivosus Thraciae, quae sacra est Marti. De *Hebro* v. II, 19, 23. — v. 25. *Itata marmora* h. e. ex Etruria vel Tiroli apportata. — v. 26. Lege: rubet. — v. 33. *Myron*, statuarius Syracusanus optimus. *Corinthium aes* est temperatum ex variis metallis et notae pretiosioris. Cf. Muret. Var. Lect. III, 5. — v. 35. *Mentor* sculptor insignis vasorum, hic pro ipsis vasis. — v. 36. *Par-rhasius* Ephesinus pictor insignis, Evenoris filius. — v. 45. *Scytham* (adj.) i. e. barbarum ac militarem cultum. — v. 68. *Aemus*, v. II, 3, 26. — v. 79. In fine versus dele comma.

Ode III. v. 9. Cf. Hor. Od. I, 3, 25. 26: *Audax* omnia perpeti Gens humana ruit per vetitum nefas: — v. 11. *Dtrae* i. q. Furiae, vel Eumenides vel Erinyes, vindices criminum; ab Ovidio nominantur tres: Tisiphone, Alecto et Megaera. — v. 16. *Sudant*, h. e. maxima contentione laborant. Cf. Lucret. V, 1128: incassum defessi sanguine sudant. — v. 21. *Cydon* s. Cydonia, antiquissimum Cretae oppidum, sagittandi



te nobilissimum; cf. Virg. Ecl. X, 59. — v. 29. *Quam aefortuna posset concoquere*. Cf. Pindari verba haec: δὲ δὴ τιν' ἄνδρα θνατὸν ὀλύμπου σκοποῖ ἐτιμάσαν, ἣν ἱνταλος οὔτος. ἀλλὰ γὰρ κατακίψαι μέγαν ὄλβον οὐκ ἠύσθη. V. Muret. Var. Lect. V, 15. — v. 32. *Athos Ἄθως* vel Athon (nis) mons praealtus Macedoniae in isthmo, quem perfodi iussit Xerxes, interium Strymonicum et Singiticum. — v. 33. *Nepheias* i. e. Nephelae filia, cf. III, 45, 1. — v. 37. Imensus Xerxis, Darii Hystaspis filii, exercitus Echeorum fluvium Macedoniae exsiccasse fertur. Hellespontum, propterea quod coorta tempestate pontem ipisset, Xerxes flagellis caedi iussit (v. 39.). — v. 38. *Hybrida* s. hybrida appellatur, qui est naturae vel virginis duplicis, ut equus Alexandri Bucephalus, cui put erat tauri, si famae est fides. Is praeter Aleandrum sessorem admisit nullum, eique genua flectit. Ab Indis in pugna occiso rex monumenti loco Bucephalon oppidum condidit. — v. 44. *Macetum*, I, 39, 12. — v. 49. *Bactra* metropolis regionis Bactrianae, inter Indiam et Scythas. *Susa* urbs Susianae et sedes regum Persarum hiberna. — v. 50. *Taurus* mons Asiae altissimus, latissimeque patens. *Persepolis* s. Persaepolis urbs Persiae nobilissima. — v. 51. *Sogdiana* regio Indiae inter Iaxartem et Oxum amicos. — v. 53. *Arachosia* regio regni Persici in India. — v. 55. *Tethys*, v. III, 30, 21. — v. 58. *Cava* nge cum vorago v. 60. — v. 62. *Porus*, rex Indiae. Cf. Curt. VIII, 13. sq. cf. III, 13, 62. — v. 68. *esta* sc. sepulchralis vel sarcophagus testaceus. — v. 71. Cf. Hor. Od. III, 4, 65: Vis consili expers mole nit sua. — v. 82. *Irus* pauperrimus Ithacensis opioni solet Croeso ditissimo regi Lydorum. — v. 94.

Pompeii socer factus est C. Iul. Caesar Iuliam filiam suam ei in matrimonium collocando. — v. 95. Cn. Pompeius Magnus a Ptolemaeo Dionyso, ad quem confugerat, suadentibus Pothino (sic scrib. pro Phot.) et Achilla eunuchis, cum in navi veheretur, interfectus est. Plut. V. Pompei. c. 77.

O d e IV. v. 1. Cf. Hor. Od. IV, 1, 1: Intermissa, Venus, diu cet. — v. 6. *Veris comites* h. e. Zephyri (v. 8.), qui secum ferunt volucres ridentes in cavea hyemis fugam. Sed cf. Hor. Od. IV, 12, 1: Iam veris comites, quae mare temperant, Impellunt animae lintea Thraciae; h. e. aquilones. — v. 29. *Indigetes*, ἰνδύγῃες, (Virg.), dii indigites (Liv.) sunt maiores deorum instar culti, hic vero pro Sanctis.

O d e V. v. 3. Coniunge: coronae civium sunt foecunda alvearia. — v. 6. *Daedalea* i. q. artificiosa; Daedalus enim erat architectus, ut est in fabula, nobilissimus. Cf. III, 39, 42. — v. 7. *Hybla* mons Siciliae, in quo multi flores, thyma, salices et apes. Sunt etiam tria huius nominis oppida in eadem insula. — v. 10. *Stimul* pro simul ac. Cf. Hor. Od. I, 4, 17. 9, 9. et saepius. — v. 12. *Memnonis mater* i. e. Aurora; cf. III, 47, 85. — v. 33. *Corycus* promontorium et oppidum in Cilicia, optimo croce et specu Musarum mobile. Cf. Virg. Georg. IV, 125: Namque sub Oebaliae memini me turribus arcis Corycium vidisse senem et quae paulo post sequuntur. — v. 38. *Massici*, montis Campaniae, vina generosa.

O d e VI. v. 4. *Pontificum* hic sensu literali accipiendum: ποντοφύλων.

O d e VII. v. 3. *Lachests*, v. II, 39, 37. — v. 20. *Nestor*, Nolei filius, rex Pyli, aetatem vixisse fertur tertiam. Unde triæclisenex Ennio dictus. — v. 25. Tri-

n est sermone proverbium: Ein Krug geht so ge zum Brunnem, bis er bricht.— v. 27. *Mala lussuatur*. Respicitur ad Ecclesiasticis c. XII: Memento eatoris tui in diebus iuventutis tuae — antequam nebrescat sol et lumen et luna et stellae, et retantur nubes post pluviam.

O de VIII. v. 3. *Atlas*, Iapeti filius, rex Mauriiae et astronomus, quem Perseus capite Medusae altissimum convertit montem, qui sustinet coelum, per quem dei descendunt et ascendunt. Hunc oneliquantulum liberavit Hercules.— v. 6. *Stdat* sc. las.— v. 11. Herder: Und deckt im Kampf vergene Schand auf.

O de IX. v. 1. *Dryades* sunt nymphae arborum acesides.— v. 3. *Faunus*, v. 11, 22, 20.— v. 4. *Isara*, II, 5, 19.— v. 18. *Ister* septem ostiis in Pontum xinum incidens in Germania ad fontem versus catur Danubius.— v. 22. *Philoxenus* philosophus tavit sibi collum gruis, ut voluptate ciborum fructur diutius. Aristot.— v. 26. *Daedalo*, v. 5, 6. v. 27. *Cornicibus* et *cervis* (v. 41.) diuturna adibitur actas.— v. 29—32. *Seu Rheam* cet. Cf. Hor. rm. Saec. vs. 15.— v. 32. *Cybele* (Κυβέλη) dea Phry-, Graecorum Rhea, Iovis mater Cretensis, Latirum Ops, uxor Saturni, pro matrerum omnium bebatur.— v. 38. *Literam* sc. Delta, sive triangum. Cic. de Nat. Deor. II, 49: Ab Aristotele animadrsuum, grues, cum loca calidiora petentes maria nsmittant, trianguli efficere formam. Cet.— v. 39. Plin. H. N. I. X, c. 23: Grues excubias habent icturnis temporibus, lapillum pede sustinentes, qui catus somno et decedens indiligentiam coarguat. aeterae dormiunt capite subter alam condito, al-

ternis pedibus insistentes. Dux erecto providet collo ac praedicat. Cic. Tusc. III, 28. et Plin. H. N. I. VII. c. 48. — v. 50. Deucalion et *Pyrrha* eius uxor ingenti in Thessalia coorto diluvio soli superstites oraculum Themidis in Parnaso rogabant, ut genus propagaretur humanum. Responsum est, ut matris suae ossa post tergum iacerent. Igitur saxis tanquam costis terrae omnium matris post terga iactis extemplo exortum est durum hominum genus. Cf. Od. III, 12, 2. — v. 53. *Getuli*, v. III, 20, 21. — v. 55. sq. Fabulam de primo hominum genere e quercu progenito v. ap. Hesiod. Op. 45. et Stat. Theb. IV, 339. — v. 61. *Prometheus* ob furtum ignis iussu Iovis in monte Caucasus est alligatus, ubi a vulture perpetuo exeditur eius cor semper renascens. Cf. III, 30, 5. — v. 73. *Momus*, v. III, 32, 90. — v. 91. *Captunt* i. e. explent, satiant. — v. 100. Dis i. q. Pluto, Saturni filius, frater Iovis alter, cui sorte obtigit inferorum imperium, cf. II, 21, 31. — v. 101. *Lyaeus* (α λύω) i. q. Bacchus, Hor. Od. III, 21, 16: tu sapientium Curas et arcanum iocoso Consilium retegis Lyaeo. Cf. Virg. Aen. I, 686. — v. 102. *Thyas* s. Thyias (Θυάς, Θυιάς) i. q. Baccha. — v. 107. *Phrygia*, quae complectitur Troadem, Mysiam, Bythiniam, partem Lydiae, Galatiam, Paphlagoniam, Ioniam, Cariam, mangonum famosa negotiationibus. Cf. Od. I, 29. — v. 110. *Catamitus* nomen Ganymedis, pincernae Iovis, latinum. — v. 131. Cf. Martialis Ep. VII, 37: Turpis abinviso pendebat stiria naso. — v. 134. Setia oppidum Campaniae, unde vinum *Setinum* optimaе notae. Cf. Iuv. Sat. V, 33, 34. — v. 135. *Cara pocula et ipsa sunt capri*. Intelligenda pocula in figuram caprorum caelata. — v. 139. *Gemmae bibuntur*, cf. III, 47, 66. — v. 141. lunge: *La-*

num marmor. In Laconia marmor praestantius. — 143. *Volitant sylva*, cf. II, 20. — v. 145. *Rex* sc. persarum Xerxes, v. 3, 37. — v. 147. *Aeoli* cf. II, 43, — v. 157. *Themis*, dea iustitiae, cf. 9, 50. — v. 158. *emesis* dea iustitiae ac vindictae. — v, 163. *Cantis* capillis. Cf. Ovid. Met. XIII, 465. VI, 26. VIII, 568: iris canis tempora sparsus.

Ode X. v. 1. *Pharos* pro Aegypto, qua in terra anquam pluerè aiunt (v. 4, 37.); cf. II, 50, 19. — v.

Seque clepit h. e. subducit vel abdit. Sic ap. Senec. trag. — v. 9. *Anubis*, v. II, 42, 26. *Tergemino Ioni*, uippe qui duos haberet fratres, Neptunum et Dionem; cf. 9, 100. — v 19. *Cancer*, signum coeleste, per quod sol transit tempore aestatis. — v. 23. *Simul* promul ac; cf. 5, 10. — v. 31. *Canopus*, v. II, 47, 5. — v. 32. *Ausoniae*, v. II, 10, 14. — v. 38. *Thraces*, v. 37, 12.

Ode XI. v. 1. *Tillius*, v. I. 42, 19. — v. 2. *Mars contux* est Venus, adultera uxor Vulcani. — v. 3. *Hannibal*, v. II, 37, 30. cf. Hor. Od. III, 4, 69. 70: testis mearum centimanus Gyges Sententiarum. — v. 14. *Capua* urbs Campaniae felicitis, ut est apud Livium, omnium urbium Italiae secundum Romam princeps. — v. 15. *Cannae*, v. IV. 1, 49. — v. 18. *Turris* v. II, 3, 57. *Amazonas*, v. II, 17, 9. Significatur hero hic Camilla, Volscorum regina. Cf. III, 13, 68. — v. 22. *Thuscia* sive Etruria arte haruspicina famosa; *Chaldaea* (v. 23) astronomia. Cf. II, 42, 24. — v. 27. Respicit poeta ad Virg. Aen. IV, 462: Solaque pulminibus ferali carmine bubo Saepe queri et longas in fletum ducere voces. — v. 28. *Dirae*, v. 3, 11. — v. 29. *Vulnera* meton. pro instrumentis, quibus infliguntur vulnera. V. Virg. Aen. II, 529: infesto

vulnere insequitur. *Pacti* coniunge cum v. *militent*, et *palmae* cum *florent*. — v. 41. *Fabius*, v. III, 13, 85. — v. 45. *Duella* opposita bello publico hoc loco sunt certamina singularia, sensu non classico. Nec *Cadmi nepotes* i. q. Cadmea seges (v. II, 28, 55.), sed Eteocles et Polynices, quorum proavus fuerat Cadmus ex Laio Oedipi patre, intelligendi. — v. 56. *Nemest*, v. 9, 158.

Ode XII. v. 9. *Diana*, gemella Apollinis soror, aemper virgo.

Ode XIII. Carmen amoebaeum. Cf. Hor. III, 9. — v. 49. *Parrhasius*, v. 2, 36.

Ode XIV. *Tratanus*, v. III, 31, 22. 27. 47, 19. *Pugilo* insigne erat imperatorium dependens a cervicibus ante pectus. Cf. Sueton. Galba c. 11. Cf. vs. 14. — v. 2. *Iustus Lipsius* Bruxellensis (nat. a. 1547) iuris peritus ac philologus clarissimus. — v. 14. *Licinto Surae*, qui Traiano imperatori indicatus ab aliquibus erat tanquam clandestinus eius insidiator, ille gladium porrexisset nudum narratur, Accipe, inquit, gladium, quem pro me, si bene atque cum ratione imperavero, distringes; sin minus, eo ad interitum utere. — v. 15. Cinctus Gabinus dicebatur, cum lacinia togae extrema laevo brachio subducta in tergum reiciebatur ac retrahebatur ad pectus atque ita in nodum colligebatur, ut togam brevior, adstrictiorem et ad pugnandum magis expeditam redderet. Hoc autem habitu utebantur consules bellum indicturi vel vota facientes, omnesque, qui se devovebant pro patria. *Orell.* Cf. Drakenb. ad Liv. Hist. I. VIII, 9. *Gabina cum cap.* h. e. cum Gabinorum more arma cap. pro patria morti se devovens. Quare nil mutandum puto, nec scribendum

radente Orellio *Gabino* sc. cinctu. Traianus Consul factus est Domitiano regnante a. C. 91. una cum I. Acilio Glabrione. — v. 23. *Noctu senat. citant. sc.* d. epulas. Significatur Domitianus; cf. Iuven. Sat. V, 38. 39: spatium admirabile rhombi, h. e. immensus rhombus, piscis genus. — v. 25. *Thracia*, regio Asiae, confinis Macedoniae, quam Edoni, Bistones, Tricones, Odrysae, Getae, Scythae, Sithonii, Bisalae, Bessi incolunt. — v. 26. *Taurica aulaea* h. e. apertia fabricata vel acu picta in Taurica Chersoneso sive Tauris. — v. 33. *Iras tyranni cet.* Alludit Valde ad fabulam illam de Diomede, rege Thraciae, qui cum equos suos humana carne aleret, ab Hercule victus ipse suis equis in pabulum est obiectus. Cf. Ovid. Met. IX, 194. sqq. *Orell.* — v. 41. Cf. Ovid. Met. I, 190: immedicabile vulnus Ense recidendum, ne pars sincera trahatur. — v. 50. *Tanais* (Don), flumen inter Asiam et Europam grande, ex Iphraeis ortum montibus incidit in pontum Euxinum. *Padus*, olim Eridanus, fluvius Italiae maximus, in mare Adriaticum incidens. Cf. Hor. Od. II, 2, 9—11: *latius regnes avidum domando Spiritum, quam si Libyam remotis Gadibus iungas.* — v. 51. *Gades*, v. II, 20, 23. *Dedecorum proci* h. e. laudatores quasque matores. — v. 61. *Pellaeus* h. e. Alexander; cf. Od. I, 46. Alluditur ad necem Cliti. — v. 69. *Halyatticis* q. barbaris. Alyattes (g. is et ei) erat rex Lydiae, Croesi pater. Cf. Hor. Od. III, 15, 41. — v. 75. In conchis nasci ex pluviae vel roris gutta decidentis margaritas, notissima fabula est. — v. 86. *Molli lupato* fortius attrahit. *Ὠζύμωρον*. — v. 90. *Tagus*, fluvius Hispaniae auriger. cf. I, 13, 27. — v. 91. Pharon, v. 10, 1.

Ode XV. Duntenhusa (Duntenhausen) oppidulum Bavariae superioris b. Virgini sacrum crebrisque peregrinationibus celebre. Situm est Eberspergam inter et Rosenhemium. — v. 3. *Factoque* sc. sacra, ut Gr. *πίθειν*, sacrificare.

Ode XVI. v. 9. *Charon*, v. 11, 8, 40. *Hamum* (sic Edd. oo.) accipe de obelo Charontis vel naulo. Orellius dedit *ramum* (sine auctoritate) sc. Proserpinae deferendum munus. Cf. Virg Aen. VI, 135 sqq. — v. 15. *Morus*, v. 1, 3. — v. 37. *Camerarius*. Intellegitur Ludovicus Camerarius Iurisconsultus Norimbergensis, Cancellarius et a secretis Frederici V. Electoris Palatini, et Gustavi Adolphi ad Batavos legatus. Isto significantur nomine perturbationes religionis; civiles vero Nicolai Macchiavelli (v. 40), literatissimi Thusciae hominis ac rationis civilis peritissimi, sed rerum novarum studiosi et doctrina liberiore. Natus est Florentiae a. 1467. — v. 45. *Achitophel*, Davidi a consiliis, Absaloni adversus patrem coniuranti ac rebeli impiissimum dedit consilium. II. Reg. 16, 21. — v. 51. sqq. Cf. Cic. de Off. II, 12: Vera gloria radices agit atque etiam propagatur; ficta omnia celeriter tanquam flosculi decidunt nec simulatum quidquam potest esse diuturnum.

Ode XVII. v. 14. *Diris*, v. IV. 3. 11. *Thessalica ratis*, cf. III, 14. — v. 17. *Hispatis* Iberorum oppidum, hic pro Hispanis vel Hispania nova. — v. 35. *Aeoli*, v. II, 43, 8. — v. 36. *Mextcum* amplissima Indiae occid. urbs ac metropolis.

Ode XVIII. v. 9. H. e. Sollicitudinem ac operam, quam impensurus novo eras orbi, Germania sibi poscit patria. — v. 13. *Insulae Philippinae*, regnante in Hispania Philippo II. inventae, versus orientem Asiae inter Chinam et Moluccas sitae sunt. —

15. *Aeacides* i. e. Aeaci nepos, Achilles, Pelei filius. Huius mater Thetis oraculo docta, Achillem iunem moriturum in bello, ne ad bellum Troianum roficisceretur, foemineis indutum vestibus inter Lyamedis regis filias occultavit in Scyro, insula maris Aegaei prope Euboeam. Latentem dolo detexit tque extraxit Ulysses, rex Ithacae insulae, institoris orma. — v. 21. Decimus Magnus *Ausontus*, poeta heroicus, praeceptor erat Gratiani Imperatoris. Natus est Burdegalis in Gallia a. 309. p. C. — v. 22. *Arseius* Senator Romanus e nobili genere ortus, filium Theodosii M. educator praeceptorque. — v. 26. *Novem* sc. Musae. — v. 27. *Caducifer Ales* i. e. Mercurius, cf. II, 13, 2. 7.

Ode XIX. v. 6. *Nemesis*, v. 9, 158. — v. 10. *Anserum* ecur in deliciis erat mensae Romanae. — v. 11. *Gutkata Phasis*, sc. avis; v. I, 1, 7. — v. ult. C. *Marius*, septies Consul, Cimbrorum victor, homo ambitiosissimus crudelissimusque adversariorum vindex Bullanorum, Romae, quod adventanti Sullae non posset resistere, dolore confectus obiit a. 85. a. C., postquam aliquamdiu noctu a larva exagitatus est inreperante, Terribile absentis etiam esse cubile leonis.

Ode XX. v. 5. *India* pro oriente, et v. 6. *Tartessus* fluctibus pro Oceano occidentem solem spectante. *Tartessus* enim celeberrimum Hispaniae est oppidum maritimum. — v. 9. *Hesperii*, v. III, 4, 33. — v. 20. *Tiresias*, v. III, 39, 16. — v. 32. Cf. Hor. Od. III, 30, 7: pars multa mei vitabit Libitinam. — v. 33. *Atropos*, v. II, 39, 37. — v. 37. *Carcere*. Animae esse carcerem corpus dixerunt Pythagoras et Plato.

Ode XXI. v. 1. Porta Orci altera *adamantina*,

per quam intrant umbrae, altera eburnea; cf. II, 8, ult. — v. 3. *Orpheus* v. Epod. 12, 41.

O de XXII. v. 1. *Cythera*, v. I, 7, 25. — v. 3. *Argolicum mare* h. e. Aegaeum. — v. 5. *Aphrodisia* (ῥὰ Ἀφροδίσια) sunt festa Veneris, hic pro Ἀφρογύνῃ (ῥ) vel Ἀφρογυνῆς (i. e. spuma prognata) vel Aphrodite, cognomen Veneris. — v. 9. *Venetum mare* h. e. Adriaticum — v. 12. *Diva Cypri*, vs. 48. — v. 10. *Priamides* i. e. Paris, filius Priami. *Lacaenis* pro Laconibus; a scriptoribus aetatis aureae Lacaena solummodo gen. fem. usurpatur. — v. 12. *Leandrum lucenem*, ut viseret Hero amicam, Abydo frequenter Sestum transisse Hellespontum, donec in fluctibus periret, narrat Ovidius. — v. 15. *Europa*, v. I, 2, 27. — v. 18. *Neridas*, v. II, 37, 18. — v. 19. *Tritone*, v. II, 17, 30. *Doris*, v. III, 11, 9. — v. 21. *Naiades*, v. II, 7, 2. *Tridentis*, v. III, 14, 1. — v. 22. *Pistrix* s. pistris, monstri genus marini. — v. 23. *Sirenes*, Acheloi fluvii filiae, cum Musis ausae certare cantu, in monstra conversae sunt vultu virgineo, reliquo vero corpore primum avium, deinde, postquam se in mare praecipitavere, piscium. In mari Ionioprope Siciliam dicuntur praeternavigantes dulcissimo cantu mulcere, obtemperantes vero lacerare. — v. 28. *Mulctber* (h. e. qui mulcet ferrum) cognomen Vulcani. Eius uxor Venus. — v. 35. *Dione*, Oceani et Tethyos filia, mater Veneris. — v. 38. *Pimpha* est mons, oppidulum, et fons Pieriae Musis sacer. — v. 40. *Bathiae*, amoenissimum oppidum Campaniae maritimum cum thermis salubribus. — v. 42. *Actis*, Fauni et Symaethidis filius, Galateam nympham amavit; sed a Polyphemo rivali obrutus saxo, a nympha mutatus est in fluvium. Ovid. Met. XIII, 750. sqq. — v. 43. *Byblis*, v. II, 28, 10. —

. 44. *Narcissus*, Cephisi et Liriopes filius, adolescens formosissimus, ad fontem sedens cum forte in qua imaginem vidisset suam, sui ipsius amore exart, quo lente contabescens periit et in florem est conversus. Ovid. Met. III, 346 sqq. — v. 46. *Alpheus*, uivius Elidis in Peloponneso, dicitur amasse Arethum nympham, eaque mutata in fontem Siciliae, occulte sub terra et mari illuc profluxisse, et cum Areusa mixtus in mare Siculum cadere credebatur. f. Ovid. Met. v. 487 sqq. — v. 48. *Paphos*, oppidum ypri Veneri sacrum, unde appellatur Paphia. — v. 4. *Thetis*, v. II, 38, 18. 19. — v. 57. *Charybdis et cylla*, v. II, 32, 11. — v. ult. cf. Proverb. Salom. I, 15, 16.

Ode XXIII. v. 12. *Rubentis terrae*; Adam Heraeorum lingua significat terram rubram. — v. 18. *Isuritor*, i. q. avidus, cupidus (propr. Hungerleider). Iart. III, 14, 1. — v. 27. *Eryx*, Rex Siciliae robustissimus, ab Hercule victus ac necatus in monte sui ominis est sepultus; in quo celeberrimum Veneris templum. *Amathus*, urbs Cypri, metallis abundans, Veneri sacra. — v. 28. *Ida*, mons Troadis in Phryia, fontibus scatens, sacer Cybelae; aut Cretae Iovicer. Ex illo raptus Ganymedes est. — v. 31. *Aconius* in Delon insulam profectus ad sacra Dianae, more captus Cydippes, qua ut potiretur, usus est ac fraude, Scriptis in pomo his versibus, Iuro tibi me per mystica sacra Dianae, Me tibi venturam omitem, sponsamque futuram, pomum ante pedes uellae proiecit. Quae lecta ac temere a Cydippa oram ara pronunciata fas erant servari. V. Ovid. Ieroid. 20. — v. 35. *Dryades*, v. 9, 1. — v. 36. *Fauus*, v. II, 22, 20. *Napaeae*, v. II, 22, 23. — v. 37.

Erycina i. e. Venus in Eryce monte culta, cf. V. 27. — v. 41. *Clio*, v. III, 29, 8. — v. 45. *Pyramus*, iuvenis Babylonius, Thisben amabat puellam domo vicinam. Sed a parentibus uterque sollicitis caute custoditi clam ad certam extra moenia morum decreverunt convenire. Prior aderat Thisbe ut foemina, sed adveniente forte leone relicta fugit veste, qua iste lacerata discessit. Paulo vero post allapsus Pyramus ut vestem conspicit laceram, discriptam a fera existimans Thisben, suo se gladio perimit. Non ita multo post reversa Thisbe cum palpitantem adhuc reperisset Pyramum e vulnere tractum ferrum suo pectore condit. Ovid. Met. IV, 55. sqq. — v. 47. *Myrrha*, filia Cinyrae, patri carior iusto conversa est in myrrham arborem. Ovid. Met. X, 310 sqq. — v. 49. *Hyacinthus* iuvenis formosus Spartaе ortus, amatus ab Apolline, disco a terra repperusso ictus periit atque in florem est mutatus. Ovid. Met. X, 162. sqq. *Adonis*, v. III, 35, 57. — v. 52. *Natas*, a Neptuno donati. v. 22, 21.

Ode XXIV. v. 2. *Arionis*, equi sui velocitate Adrastus, Talai et Lysimachae filius, unus e septem heroibus Thebas aggressis incolumis evasit. Cf. Hom. Il. II, 572. XXIII, 346. — v. 3. *Aethon*, v. I, 5, 32. — v. 5. *Cyllarus*, equus Castoris et Pollucis, Xanthus Achillis, ei redditus a Iunone. — v. 15. *Argaeus* mons Cappadociae altissimus, pascuis equorum nobilis. cf. Claud. in Rufin. II, 30. — v. 16. *Hebri*, v. II, 19, 23. — v. 20. *Pholoe*, mons Arcadiae silvosus, quo venerunt Centauri ex Thessalia depulsi. — v. 23. *Pilenum* vehiculi genus, quo vehebantur matronae, duabus libratum rotis. Orell. — v. 29. Cf. Iob. XXXIX, 19 — 25. — v. 35. *Clangorque cet.* Orellius de tintinnabulis collo

opensis accipit. — v. 48. *Remora*, antiquioris verum Latinitatis Plauto tantum et Lucilio usurpatum, q. retardatio. — v. 54. *Ex stabulo—micans*. Haec verba tanquam parenthesin uncis includenda esse recte utat Orellius. Nam praecedens *tyrannis* cohaeret cum sequentibus *Decioque dicit* cet. — v. 56. *Decius* et *Maximinus* imperatores Romani, crudelissimi Christianoque nomini inimicissimi. — v. 58. *Ditis*, v. 9, 100. *Iastor* et *Orpheus* equi Plutonis. Cf. Claudian. de apt. Proserp. I, 282. — v. 62. *Scribitque gyros*, h. e. circulos breviores. Cf. Senec. Hippol. Act. I, 313: Ille octurnas agitare bigas Dicit et gyro breviora flecti. — v. 63. *Elea palma* s. corona i. q. Olympica; nam Olympia (sc. certamina) celebrabantur in Elide Peloponnesi regione, ad eiusdem nominis urbem. — v. 64. *Hippomedon*, ἵππομίδων, i. e. dominator et princeps equorum, nomen a poeta fictum.

Ode XXV. 2. *Mercuriales* sunt viri docti et poetae, quorum Mercurius patronus. Cf. Hor. Od. II, 17, 9: Mercurialium custos virorum (Faunus). — v. 4. *Cervix* pro homine, ut apud Ovid. captiva cervix pro captivo; et Iuven. locata c. pro baiula. — v. 5. *Cybele* pro natura, cf. 9, 32. quasi omnium rerum mater. II, 3, 62. — v. 10. *Cantis* sc. capillis. — v. 17. *Claudia* sc. eius mater e gente Medicea Florentiae. — v. 24. *Leopoldus* Rom. Imperator, Ferd. pater. — v. 38. *Ascanius*, Aeneae et Creusae filius. — v. 39. *Sic itur ad astra etc.* Ex Virg. Aen. IX, 641 sqq.

Ode XXVI. v. 6. *Iovis satellites* i. e. aquila. — v. 9. Illius nobile pabulum est labor. — v. 15. *Lustrati sulphure*; Veteres in lustrationibus utebantur sulphure. cf. Hom. Od. XXII, 481. Οἷσε δέσιον, γρη῏, κακῶν ἄκος, οἷσε δέ μοι πῦρ, Ὅπρα δεινώσω μέγαρον. Cf.

Od. IV, 2, 5.— v.27. *Arcus tota cet.* ex Pind. Olymp. IX, 8—12.

Ode XXVII. v. 1. *Orsa* i. q. initia. Liv. — v. 9. *Hermon* mons Palaestinae superioris Antilibano contiguus. *Sabamaea prata*, sc. oppidi Sebam vel Sibmae in tribu Rubenis, consita vitibus. Cf. Ies. 16, 8. 9. — v. 10. *Engaddi*, oppidum in tribu Iudae non procul a fine maris mortui inferiore situm, fertilitate palmarum insigne. Cf. Salom. Cant. I, 14. — *Bat-hamon*, e Salom. cant. VIII, 11. petium nec lactum alibi. Verisimiliter est Syriae oppidum, Heliopolis, cuius amplae exstant ruinae. — v. 11. *Carmel* est mons Palaestinae fertilissimus atque amoenissimus ad mare mediterraneum situs, ubi latuit Elias propheta. — v. 14. *Libanitis* sc. cedrus. — v. 17. *Terebinthus* (hebr. elah), Pistacia Terebinthus (Lin.), arbor praealta semperque virens ac longaeva, in Palaestina frequentissima. — v. 21. *Phogor* mons terrae Moabiticae. Mos. IV, 23, 28. — v. 22. *Cadanae*. Cades vel Cades Barnea est vicus deserti Idumaeam inter et Aegyptum. — v. 23. *Amana* est pars Libani montis. Sal. Cant. 4, 8. — v. 25. *Iordans* fluvii in ripa altera posita erat Hesebon, urbs Amoritarum antea, post Israelitarum. — v. 39. De rubo ardente v. Mosis I, II, c. 3. et de scala coeli (v. 41) Gen. c. 28. — v. 45. *Cynosura* (κυνοςούρα canis cauda) est septemtrionale sidus, Ursa minor, secundum quod Tyrii et Sidonii nautae suum iter dirigere solebant. — v. 48. *Nobitis* *Eos* sc. dici mavis. — v. 49. *Captivi* sc. in arca Noe. — v. 54. *Santri* h. e. Hermonis montis; cf. Pentat. V, 3, 9. et Salom. Cant. 4, 8. — v. 86. sqq. *Nireis Ulis* h. e. castitate virgineus excellit venter fructu plenus divino.

Ode XXVIII. v. 3. *Molesquē i. m.* Cf. Hor. III, 65: Vis consili expers mole ruit sua. — v. 8. *Pelicae valles* i. q. Pharsaliae ad Pelion (Πήλιον) montem Thessaliae altum, pinis et quercubus consitum. — v. 17. *Altera Catonis uxor* erat Marcia, M. Philippi filia, postquam priorem Atiliam Sorani filiam legit. — v. 18. *Marmaricas arenas*. Marmarica est regio Africae, nunc Barkan; unde Marmaricus etiam vocatur Africanus. Respicit poeta ad Lucani Phars. IX, 6 sqq. — v. 20. Cato eiusque uxor ipsi mortem evitari consiscere maluerunt, quam hostium videre triumphum. — v. 26. *Thracibus* ac *Dacis*, cf. III, 31, IV, 14, 25. — v. 27. *Crassus*, cf. II, 37, 29. — v. 28. *Carrhae*, s. Carrae in literis sacris vocatur Haran, civitas Mesopotamiae, Crassiana clade, in qua viginti Romanorum millia et M. Licinius Crassus Dives a Parthis caesi sunt, nobilitata. Cf. Lucan. Phars. I, 104: miserando funere Crassus Assyrias Latio maculavit sanguine Carrhas. Herder: Der Streit zwischen Pompejus und Cäsar kann wohl für den, der in unserer Geschichte zwischen den zwei grössten Männern über die grösste Sache geführt ward, gelten. Die Ode, obwohl ohne Vorbereitung geschrieben, ist in einem grossen Sinne gedacht. Jenen beiden steht Cato entgegen, ein grösserer Weltüberwinder.

Ode XXIX. Cf. III, 12. 16. 23. 39. — v. 13. *Bithynia*, *Virula* (sic), *Bascaudus*, et *Riverna*, Stoici; cf. III, 30, 35. II, 10, 37. IV, 37, 38. quibus adde Wernerum Nusium II, 34. Marcum Labienum IV, 30. Chrioph. Immolam IV, 31. — v. 15. *Thraseae*, v. II, 43, III, 31, 44. — v. 16. *De Helvidii Prisci moribus* ingenio v. Tac. Hist. IV, 5. — v. 51. *Cockleolas*

Phrygis, v. III, 39, 9. — v. 53. *Cordaba*. v. I, 33, 14. — v. 54. *Zenonis*, v. III, 12, 1. 16, 25.

Ode XXX. v. 4. *Umbra iuventae* i. q. lanugo. Cf. Stat. Theb. IV, 336: Dum roseis venit umbra genia. Orell. — v. 29. cf. Hor. Od. II, 10, 1 — 4. — v. 58. Nereus, v. II, 38, 18. — v. 67. *Sinistri pollicis unguem*. Inversus sc. pollex apud Romanos denegati favoris et adversi animi signum. Cf. seq. Od. 13—14. et Iuvenal. Sat III, 37. *Orell.*

Ode XXXI. v. 14. *Suburra*, vicus Romae, ubi forum venalium, et habitatio meretricum. H. l. in gen. de vili popello, faece vulgi. Orell. Premere pollicem favoris indicium; contrarium, vertere; cf. 30, 67. Plin. Hist. N. XXVIII, 2.

Ode XXXVI. v. 2. *Immani Latiae Urbis templo* h. e. S. Petri Romae. — v. 12. *Entheus* (*Ἐνθεος*) i. e. divino spiritu vel numine afflatus. Mart. — v. 13. Oetingae, v. III, 41, 6. — v. 15. Helvetarum Eremus h. e. Einsiedeln in pago Suitensi, celeberrimum Benedictinorum monasterium B. Virgini dicatum. — v. 17. *Cedarena pellis*. Cf. Salom. Cant. I, 5. — v. 31. *Mihi ridet iste angulus*, ex Hor. Od. II, 6, 14.

Ode XXXV. v. 1. *Palilia* sc. festa, v. Od. III, 45, 91. et Ovid. Fast. IV. — v. 12. *Terrificant classico* sc. impetu aestuque, quo in mare influunt. *Orell.* — v. 13. *Attricis infans uberibus lupae pastus* h. e. Romulus, Rheae Sylviae filius, expulsum ab Amulio fratre Numitorem regem Latii regno restituit. Quum novae urbis muros et fossam duceret, ludibrio transsilientem Remum fratrem hasta transfodit (v. 15). — v. 20—21. *Consul ante boves*, Cf. II, 45, 15. — v. 22. *Falisci* populus Etruriae. — v. 23. *Fidenae*, et Gabii oppida Latii. — v. 25. De *Pyrrho et Fabricio* v. II,

7, 34. — v. 31. *Veiente*. Veii vel Veientes civitas Etruriae. M. Furius Camillus captis Veiiis curru equis albis iuncto triumphans urbem ingreditur. Liv. V, 41. — v. 33. *Alba* (Longa) urbs Latii regia. — v. 36. *Curibus*., Cures Sabinorum oppidum, patria Numae Pompilii, qui teste Virgilio Aen. VI, 812: Curibus parvis et paupere terra Missus in imperium magnum. Cf. I, 2, 3 — 4. — v. 37. *Sabaeas*, v. II, 1, 26. — v. 40. *Si modico cet.* Duxeris refertur cum ad tecta tum ad vitam, at diverso sensu. Ducere tecta, muros, est exstruere, erigere; Ducere vitam i. q. degere. Cet. in his et seq. poeta Horatii vestigia premit III. Od. VI. *Orell.*

Ode XXXVI. v. 1. Cf. Iuv. Sat. I, 1: Semper ego auditor tantum? — v. 7. *Graeculus*, h. e. Icarus, effugiens Cretam et Minois Labyrinthum.

Ode XXXVII. v. 1. *Byzas* (*Búzās*) Poseidonis et Ceroessae filius, Byzantii conditor. Coniunge: hoc mare habitavit, — v. 4. *Memnonius* i. q. orientalis. cf. 5, 12. — v. 6. *Libarnica* (sc. navis) genus naviculi. cf. Hor. Epod. I, 1. — v. 20. *Palaeologus* hic est Andronicus II, qui unionem diremit ecclesiasticam. — v. 25. *Gelonos*, v. I, 37, 12. — v. 27. *Tethys* pro mari; cf. III, 30, 21. — v. 29. Crimina pro signa criminum, sc. capta arma, insignia, similia. — v. 35. *Dragoses*, v. Drages, cuius pater Zarcos vocatur, princeps ad Rhodopen montem, irrudentibus Muradi ducibus parum restitit atque ita Macedoniam patefecit.

Ode XXXVIII. v. 3. *Niobe*, v. III, 34, 37. — v. 16. *Thraciae*, v. IV, 14, 25. — v. 19. *Getula*, v. III, 20, 21. — v. 44. *Gathana vestis* (Iuv. II, 97.) est viridis et flavi coloris, mulierum, ac mollis. — v. 54.

Muffius h. e. summus apud Turcas pontifex sive popa. — v. 52. *Bistontos*, v. I, 37, 12. — v. 58. *Petusi-
acis*, v. III, 47, 79. — v. 68. *Saliti*, v. III, 1, 112. —
v. 70. *Berecynthiae deae*, h. e. Cybeles, a monte Be-
recyntho, in quo templum Cybeles erat celebre. —
v. 93. *Sinon*, v. I, 8, 36. — v. 97. *Phinees*, v. Moisi
lib. V. c. 25, v. 6. sqq.

Ode XXXIX. v. 4. *Flavius*, sc. Marc. Flav. Val-
ler. Constantinus, v. 37, 3. — v. 23. *Gelonorum*, v. I,
37, 12. — v. 24. *Dardantus* i. q. Romanus, quod a
Dardanis s. Troianis originem suam duxerunt Ro-
mani. — v. 29. *Rhodon* et *Cyprum*, v. I, 11, 2. III, 35.
— v. 30. *Bosporus* sc. Thracius. — v. 33. *Propontis*,
mare inter Hellespontum et Euxinum, hodie mare
marmoreum. — v. 40. *Geticus*, v. I, 37, 12. *Sybarita*
pro homine molli. — v. 51. *Argo*, v. I, 5, 15. III, 14.

Ode XL v. 2. cf. Hor. Od. I, 1, 2. — v. 9. *Depe-
ctit mobilis radios* h. e. chordas pectine pulsat. Virg.
Aen. VI, 647. — v. 14. *Aonitis*, v. I, 25, 2. — v. 17.
Auritus nemus; cf. Hor. Od. I, 12, 11: auritas fidibus ca-
noris ducere quercus. — v. 19. cf. Hor. I, 19, 1: Mater
saeva Cupidinum. — v. 20. *Pteridum*, v. I, 43, 7.

Ode XLI. v. 14. *Adolphus*. v. II, 26, 11. — v. 16.
Nubigenas amnets, *Διυγενεῖς ποταμοί*. Hom. Ita Stat. Theb.
I, 365. — v. 19. Belgarum insigne est Leo. — v. 22.
Cattigenae, v. Od. I, 25, 42.

Ode XLII. v. 5. *Zoilos*, v. III, 32, 15. — v. 6. cf.
Catull. 22, 21: non videmus manticae, quod in tergo
est h. e. vitia nostra. Et Pers. 4, 34: praecedenti spe-
ctatur mantica tergo, i. e. vitia aliena. — v. 9. *Darda-
nos*, v. 39, 24. — v. 10. *Momus*, v. III, 32, 90. — v.
19. *Harpyiae*, monstra vultu virgineo, uncis et alis
instructa, *Phinei*, regis Arcadiae divitis atque avari,

nensam eibosque foedare solebant aut diripere, parricidii filiorum ultrices. Cf. Virg. Aen. III, 211. — v. 21. *Talium Censorum fieri*. Cf. Od. II, 31, 30. — v. 25. *Epidaurius serpens* i. e. Aesculapius, deus medicorum, qui Epidauri Peloponnesi praecipue colebatur, unde a Romanis tempore pestis advectus est hominem forma serpentis. Cf. Ovid. Met. XV, 640. — v. 38. *Nasica*. P. Cornelius Scipio Nasica Serapionum D. Iunio Bruto Consul erat a. 136 a. C., adversarius Tib. Gracchi, quem in Capitolio iussit occidi. Cf. Cic. pro Milone c. 30. Od. III, 16, 7. — *Numa Pompilius*, v. 35, 33. — v. 53. *Antonius*, v. II, 25, 4. 10. 14. — v. 52. *Pinnirapus* h. e. qui pinnam galeae prendere vel rapere studet gladiatorum more. Iuvenal. Sat. I, 158. — v. 68. *Fulvia* est M. Fulvii Bambalionis filia, primum P. Clodii, deinde C. Curionis, denique L. Antonii uxor, inimicissima Ciceroni. Cf. III, 13, 76.

O d e XLIII. v. 2. *Sarmatae*, v. II, 27, 24. — v. 4. *Summo tholo*, v. 45, 25. — v. 5. *Polont* gentis eiusdem. — v. 8. *Pannonies* i. q. Ungari. — v. 9. *Dalmatia*, regio Illyrii inter alpes Noricas, m. Adriaticum et Macedoniam. — v. 20. *Aemi*, v. II, 3, 29. — v. 22. *Tanais*, v. IV, 14, 50. — v. 23. *Orontes* fluvius Syriae. — v. 26. *Heu nimis*; ita scripsi pro: haud parum, quod minus est Latinum. Cf. Epod. 4, 57. — v. 5. *Bistones*, v. I, 37, 12.

O d e XLV. v. 1. *Amystidem ducere* (ἀμυστι πίνειν) h. e. avidius uno haustu bibere et poculum exaurire Thracum more. Amystis enim Hesychio interprete est συνεχῆς πόσις. Cf. Hor. Od. I, 36, 14. — v. 5. et 9. cf. 9, 55. — v. 6. *Scinis* vel Sinis famosus Corinthiae regionis latro, qui hospites curvatis arboribus alligans discerpere solebat. A Theseo vi-

ctus atque artificio est necatus eodem. — v. 7. *Sciron* latro Atticae prope Megaras, qui solebat hospites cogere, ut sibi in scopulo maritimo sedenti pedes lavarent, atque inter lavandum eos in mare proculcare. A Theseo interfecti cadaver in mare deiectum mutatum est in scopulos. — v. 10. Pro Epimethea scribendum coniecit Orellius: *Epimethida* i. e. Pyrrham, quae uxor Deucalionis, filia autem erat Epimethei. Accusativum Epimethida Ovidius quoque habet Met. I, 390. — v. 17. *Genus durum*, cf. Ovid. Met. I, 414. — v. 21. *Quanquam-ranas*. H. e. quamvis illi minere vel minatus fueris nigras ranas. Respicit sc. poeta Iuvenalis locum Sat. II, 149: Esse aliquos Manes, et subterranea regna, Et contum, et Stygias ranas in gurgite nigras Nec pueri credunt, nisi qui nondum aere lavantur. Orell. — v. 23. *Pachynus* (*Πάχυνος, ἡ*) vel Pachynum promontorium Siciliae Graeciam spectans, nunc *Capo Passaro*. — v. 24. *Caledonia* i. q. Scotia, quae est pars Britanniae, cf. Tac. Agric. 10. 11. — v. 25. *Avito tholo*. Tholi Romanis dicebantur erectiores testudines templis vel aliis aedificiis addi solitae, in quibus deorum deorumque imagines ponebantur. Cf. 44, 3. 4. Vid. Sulzer Theorie d. sch. K. v. Giebel. Giebelfeld. Orell. — v. 33. *Paenula foetens eodem stillat ab ulcere*. Cf. Mart. X, 56, 5: (de pituita) multo stillaret paenula nimbo. — v. 42. *Typhoeus*, (g. ei v. eos) vel Typhon, unus gigantum, vertice coelum tangebatur. — v. 43. *Odrysius* i. q. Thracias pro immanibus. — v. 46. *Turnus*. Henricus Matthias Comes de Thurn, auctor praecipuus turbarum Pragensium, quae funestissimo illi bello 30 annorum ansam dederunt. Cf. II, 3, 57. *Bethlen Gabor*, princeps Transylvaniae, maximos eo

tempore in Hungaria circaque motus excitavit, Imperii Germanici partem orientalem infestans. *Orell.* *Laxyges* populus Scythiae vel Transylvaniae. — v. 49. *Mansfeld*, Ernestus de Mansfeld, frater Caroli Principis de Mansfeld naturalis, fortissimus vir et Domus Austriacae acerbissimus adversarius, multis proeliis insignis. Obiit a. 1626. quadragesimo vitae. — v. 50. *Walesteinius*, v. II, 13. — v. 52. *Duplex Sueus*, cf. III, 6, 21, — v. 53. *Balthis*, v. II, 26, 13. — v. 58. *Hecateide in herba*: h. e. medicamine venefico (qualia sunt aconitum et cicuta). Nam Hecate invocabatur a veneficis; cf. Ovid Met. VI, 139. — v. 65. *Parella* h. e. soles luplices, quos vocamus Nebensonnen. Cf. Cic. de Rep. . Senec. Quaest. Nat. I, 11. — v. 71. *Grando diversis coloris*. Intelligit poeta duplicem grandinem cum pluviae congelatae, tum glandium iactarum e tormentis bellicis. *Orell.* — v. 73. *Rudentum incocta cano vinula sulphure* h. e. pyroborati sulphurati, Pechkränze. *Orell.* — v. 75. sq. *Cocytus*, *Acheron*, *Styx* et *Phlegethon* (φλεγέθων) sunt quatuor flumina apud inferos, quorum ultimus igneas volvit undas.

Ode XLVI. v. 3. S. Bernardum aliquando coeesti gratiarum quasi lacte a Matre divina esse reffectum, nota est historia. — v. 65. *Guillemus* sc. Aquitaniae dux. — v. 10. *Tyrrhenum* (Etruscum) sal i. q. mare inferum. — v. 33. *Cuteo* plectebantur apud Romanos parricidae. — v. 39—40. *Marpesus* est mons marmoreus in Paro insula. Cf. Virg. Aen. VI, 471. — v. 45. *Thais*, famosa in Aegypto meretrix, a s. Paphnutio ad poenitentiam conversa severissimam. Vixit medio saeculo quarto.

Ode XLVII. v. 1. *Noëmus* i. q. Noë vel Noachus. — v. 7. In *Hymetto* monte Atticae prope Athenas

caedebatur marmor praestantius. — v. 8. *Scopas*, insignis sculptor in marmore, artifex Mausolei. — v. 9. *Eburnum* appellat poeta Mentorem sculptorem vel caelatorem in argento, quoniam in ebore eum sculpsisse existimavit. Cf. Plin. Hist. N. XXXIII, 12. XXXV, 5. — v. 13. *Sabaeo*, v. II, 1, 26. — v. 26. *Palpo*. Palpus i. e. fucus, blanditiae. Vocabulum Plautinum, qualia noster valde amat. Orell. — v. 30. *Bracteas* pro re levi vel inani fuco. — v. 37. *Laureatas Uteras*, h. e. cum victoriae nunciis. — v. 38. *Sparte relicta*. Videtur Balde ante oculos habuisse locum Ovidii Heroid. Epist. I, 67: Misimus et Sparten, Sparte quoque nescia veri. Orell.

Ode XLVIII. v. 7. *Remos lentabimus*, i. e. ducemus. Remi enim, dum impelluntur, in aqua videntur curvari. Cf. Virg. Aen. III, 384. — v. 9. *Mergi* et *fulces* pluviam et procellas praesagiunt. Cic. de Divin. I. 8. — v. 17. Orion, v. III, 1, 94. — v. 19. *Gladto findat*, ut III, 1, 96: rutilique flammam educit ensis (sc. Orion). — v. 25. *Parrique* sc. solis faber.

Ode XLIX. v. 6. *In mare Creticum*: epitheton ornans, pro quovis mari; cf. quem imitatus est poeta Hor. Od. I, 26, 1: Musis amicus tristitiam et metus Tradam protervis in mare Creticum Portare ventis. — v. 10. *Tres fabulosae unus* h. e. Parcae, v. II, 39, 37.

Liber Epodon.

Ode I. v. 7, *Thraces*, v. I, 37, 12. IV, 14, 25. *Bosporus*, sc. sinus maris Thracius. — v. 20. *Gelont*, v. 37, 12. — v. 23. *Pindus et Othrys* etc. cf. III, 19, 8. V, 38, 8. 3. 32. — v. 25. *Hellcon*, v. I, 25, 2. — v. 27. *Orpheus*, v. Epod. 12, 41. — v. 29. *Eurotas* fluvius iuxta Spartam ex Maenalo monte lapsus *Alphaeo* coniungit, iterumqueseccedit, sacer Apollini, consitus oleis et oleis. Cf. IV, 22, 26. — v. 30. *Peneus* fluvius inter et Othrym fluit, iuxta quem *Daphne* in laurum mutata. — v. 31. *Inacht filia* i. e. Io (v. sis) quae ab Iove conversa in vaccam, eoque in furorem acta totum pervagata est orbem terrarum. Cf. I, 39, 54. — v. 33. *Achelous* fluvius e Pindo vel *Laphiaso* labens tangit Aetoliam, transit Epirum et Acarnanes. Hic in taurum se vertens cum Hercule certavit pro obtinenda Deianira sponsa. Sed Hercules ei alterum evulsit cornu. — v. 34. *Concano*, v. I, 10, 14. — v. 35. *Lemnos* cet. insulae maris Aegaei, *Rhodos* vero Carpathii, *Cyprus* prope Syriam. — v. 38. *Chalcedon*, urbs Bithyniae exadversus Byzantium. — v. 44. *Tithonus*, coniux Aurorae. — v. 45. *Memnona* v. II, 47, 85. — v. 55. *Buda*, metropolis Hungariae (Ofen). — v. 56. v. IV, 35, 33. Ibid. *Strigontum* (Gran) oppidum Ungariae munitum ad Danubium. — v. 65. *Niopolis* urbs Turciae Europaeae. — v. 67. *Antiochia* et *Damascus* urbes Syriae nobilissimae. — v. 94. *Strymon*, v. II, 17, 8. — v. 106. *Flavius* h. e. Constantinus. Cf. IV, 39, 4. — v. 135. *Alcides* i. q. Hercules; cf. V, 1, 73. — v. 145. *Naupactaeus gurgis*, a Naupacto

urbe Locrorum, nunc Lepanto. — v. 148. *Nereus*, v. II, 38, 18. — v. 149. *Toto patre* h. e. Aeolo sive vento. — v. 154. *Castor et Pollux* propitii navigantibus dii credebantur. Cf. I, 5, 17.

Ode II. v. 4. *Zotte*, v. III, 32, 15. — v. 21. *Formiano humiore* pro vino generosiore; Formiae v. Formii oppidum Campaniae. — v. 23. *Tuccius* quis fuerit, non constat. Orellius putat poetam fortasse memoriae lapsu Tuccium confudisse cum Furio illo, quem festive consolatur Catullus Carm. XXIII. — v. 24. *Luculli*, v. III, 23, 9. — v. 25. *Catonis*, cf. II, 15, 32. — v. 27. *Theon*, poeta maledicus in omnes; cf. Hor. Epist. I, 3, 13: Theonino dente. — v. 26. *Manlianis Coss.* sc. Manlio Torquato et L. Aurelio Cotta anno U. C. 689. praestantissimum vinum nascebatur, quod reconditum fuerat a locupletioribus. Vid. intpp. ad Hor. Od. III, 21, 1. — v. 31 — 34. *Gobtus* piscis et gammarus cancri marini species inter vilissimos cibos referuntur a Columella IX, 7. et Iuvenali Sat. V, 82. XI, 37. *Orell.* — v. 38. *Phasidis*, v. I, 1, 7. — v. 39. *Nase* cognomen Ovidii, qui exemplo Callimachi diras scripsit in malevolos, quas Ibin inscripserunt ambo. — v. 43. Ex Virg. Aen. II, 682 sqq. — v. 50. *Nasica*, v. IV, 42. 38. et Valer. Max. III, 7, 3. — 56. *Orpheus*, v. Epod. 12, 41. — v. 57. *Mome*, v. III, 32. 90. — v. 62. *Intonatus* i. q. attonitus, sensu veteribus non usitato. Cf. Hor. Epod. 2, 51. — v. 67. *Benigna, tacere carb.* Alludit ad s. Pauli Epist. ad Rom. 12, 20.

Ode III. Cf. Hor. Epod. 11, 1. 2. 3. — v. 8. *Tago*, v. I, 25, 22. — v. 20. *Arsacti tort* i. e. Parthici vel regii, ab Arsace, primo Parthorum rege. Parthicae pelles, de quibus ut pretiosissimis et pulcer-

rimis tam frequens in libris mentio, pantherarum et pardorum erant pelles et tigrum. *Salmas.*

Ode IV. v. 3. *Ianus*, rex antiquissimus Italiae, cui sacratus est mensis Ianuarius, deus anni et pacis, Saturnum ad se confugientem benigne excepit. Hic igitur eiectus regno ab Iove filio suo latuit in Latio. Sub eodem aurea dicitur aetas fuisse. Pingitur ut senex nudus, instructus falce, vorans puerum. Habebatur deus temporis. — v. 13. *Alvarus*, Don Alvaro de Sandi Hispanus, praefectus militum in navali expeditione adversus Dscherben (insulam Lotophagorum Homeri) a. 1560. Cf. Hammeri Hist. R. Othm. vol. II. p. 300 sqq. — v. 25. *Partumeia* h. e. facilis ad pariendum. Hor. Epod. 17, 50. *P. servitus* i. q. ars obstetricia. — v. 30. *Alcmene*, v. IV, 1, 73. — v. 39. *Statorius* vocatur Iupiter, ut narrat Liv. 1, 12. propterea quod fugere prohibuit Romanos ac stare coegit. Cicero vero Cat. I, 13. Statorem appellat ut servatorem vel salvatorem. — v. 45. *Vespastanus* (Titus Flavius) septuagenarius correptus febri moriturus in Sabinis Caesarem, ait, decet mori stantem. — v. 54. *Sarranus imber* pro purpura. Sarranus enim antiquum est nomen Tyri. — v. 57. Scripsi: *minus* pro: *parum*; cf. Od. IV, 43, 26. — v. 69. *Metaili mugientis* h. e. tauri Phalarei. — v. 70. Busiris, tyrannus Aegypti, qui sterilitatis tempore deis mactavit peregrinos, in his primum eius facinoris suasorem. — v. 77. *Prensare cristas cet.* cf. Od. IV, 42. 52. (III, 44, 15.)

Ode V. v. 40. Tillius, v. I, 42. 19.

Ode VI. v. 5. Praxiteles statuarius, (v. 6.) Zeuxis Heracleensis pictor nobilis. — v. 7. Antoninus Pius, Caesar Romanus, ab a. 138—161 regnavit.

— v. 18. *Rupertus*, Bavarorum apostolus, a quo baptizatus est Theodo, Bav. dux. — v. 18. *Titan* i. q. Sol; cf. I, 3, 2. — v. 21. *Dardanis* i. q. Romanis, cf. IV, 39, 24. — v. 22. *Phanes* (Φάνης numen mysticum in sacris Orphicis), hic pro Sole. — v. 23. *Aviſque probrum* i. e. Saturnus, Iovis pater.

Ode VII. Herder: Der Dichter, wetteifernd mit Ovid, malt sowohl eine fliehende als eine verwandelte *heilige* Daphne. — v. 10. *Tabernae* (sc. *Alsatiae*) h. e. Elsasszabern, oppidum. — v. 12. *Paris*, v. III, 36, 17. — v. 14. *Pallas* s. Minerva pro sapientia s. prudentia. — v. 17. *Morus*, v. I, 3. eiusque Epistolam ad Gonellum liberorum suorum praeceptorem in I. M. Sailer's Briefe aus allen Jahrh. fascic. V. — v. 19. M. Tullii Ciceronis filia *Tulliola*, *Terentia* uxor. — v. 27. *Divae novenae* i. q. Musae. — v. 31. cf. Ovid. Met. I, 481: Saepe pater dixit: Generum mihi filia debes. Saepe pater dixit: Debes mihi, nata, nepotes. — v. 37. *Peneta* Daphne, v. 13, 51. — v. 38. *Naxio deo* i. e. Baccho, a Naxo insula Cyclade, ubi Ariadnen a Theseo relictam Bacchus duxit. — v. 48. *Noricum* regio Germaniae montosa, complectens partem Bavariae, Austriae, Tirolis. Eius ferrum et chalybs sunt celebrata; cf. Hor. Od. I, 16, 9. — v. 49. *Hyrkania* regio montosa Asiae prope mare Caspium, abundans tigris. — v. 58. *Faunos*, v. II, 22, 20. — v. 62. *Iugt lumine*, ut Hor. Serm. II, 6, 2: iugis aquae fons; i. q. perenni, perpetuo. — v. 66. *Crinatis*, sc. fascia; cf. Ovid. Met. V, 53: curvum crinale. — v. 131. *Iolas*, (Ίόλαος dor. Ἰόλας) vel Iolaus, Herculis comes coniunctissimus. At hic est pro quovis pastore, cf. Virg. Ecl. II, 57. III, 76, 79.

O d e VIII. v. 6. *Carystos* urbs Euboeae marmore nobilis. — v. 8. *Aquosa* i. q. alma, prospera, munifica. — v. 13. *Bandustiae* (Edd. Blandusiae) fons amoenissimus prope Venusiam. Hor. Od. III, 13, 1. — v. 14. *Lycormas* fluvius Aetoliae, flavae arenae; alibi *Evenus*. — v. 15. *Ladon*, fluvius Arcadiae placidissimus, lauris consitus, Apollini sacer. — v. 16. *Langta* fons in silva Nemeae. — v. 19. *Iacchus* i. q. Bacchus, a vociferando.

O d e IX. v. 2. *Chamaeleon* genus lacertae mutans colores. — v. 30. *Myrtilus*, Mercurii f., auriga Hippodamiae, uxoris Pelopis. — v. 35. *Nocte suda* h. e. serena; cf. Apulei Met. lib. XI: Coelum autem nubilosa caligine disiecta, nudo sudoque luminis proprii splendore candebat. — v. 39. *Cithaeron* (Κίθαρων) mons Boeotiae sacer Baccho. *Ida* mons Phrygiae Cybeles cultu celebratus. — v. 43. *Moeris* nomen pastoris. Cf. Virg. Ecl. VIII, 95: Has herbas atque haec Ponto mihi lecta venena Ipse dedit Moeris: nascuntur plurima Ponto. His ego saepe lupum fieri et se conderesilvis Moerin (vidi). — v. 46. *Ogulnia* gens Romana. — v. 65. *Anticyra* oppidum Thesaliae ad Maliacum sinum, ubi nascuntur herbae medicae, praesertim helleborus ad curandam insaniam. Hinc adagium: pete Anticyram, h. e. fac ut cureris ab insania. Cf. Hor. Sat. II, 3, 83. Est etiam Anticyra oppidum Phocidis maritimum, ubi sesamo condiebant helleborum. *Ἀντικύρα* et *Ἀντικύρρα*, unde Gr. proverbium: *Ἀντικύρας σοι δεῖ*. — v. 67. *Canaria* sc. insula. — v. 68. cf. Hor. Od. I, 38, 1. — v. 70. *Ledae filia* (abl.) h. e. Helena. Cf. I, 2. — v. 105. *Funis Spartanus* h. e. sancta paupertas.

Ode XI. *Stagtra* (orum), Macedoniae oppidum Aristotelis natale. Cf. Hor. Od. I, 3: sunt quos curriculo pulverem Olympicum Collegisse iuvat.

Ode XII. v. 7. *Lamiae* gens Romana Aethiorum, unde apud Iuven. Sat. VI, 384: Quaedam de numero Lamiarum: pro quavis Romana foemina illustri. *Metellus* cognomen Caeciliae familiae Romanae clarissimae. Cf. Iuv. Sat. VI, 265: Dicite vos neptēs Lepidi caecive Metelli. — v. 10. *Gracchi Cornelia*, P. Corneli Scipionis filia, T. Sempronii Gracchi uxor, mater generosa generosae prolis, Titi et Caii Sempronii Gracchi. Cf. Iuv. Sat. VI, 167: Malo Venusinam, quam te, Cornelia mater Gracchorum, si cum magnis virtutibus affers Grande supercilium, et numeras in dote triumphos. — v. 17. *Tricta* i. q. Diana (gr. *Τριτοδος* vel *Τριτοδης*). — v. 18. *Lacaenas* h. e. Helenas. — v. 22. *Sithonia* i. q. Thracia, a Sithone monte. *Lac ungentis asellae*. V. Od. II, 39, 95. — v. 25. *Brisaeis*, filia Brisae, i. e. Hippodamia ab Achille capta et amata. — v. 32. *Indubito*; cf. Virg. Aen. VIII, 404: absiste precando Viribus indubitare tuis. Stat. Sylv. III, 5, 110. — v. 33. *Calpurnia* alia Antistii uxor, quae occiso marito sibi conscivit necem; alia Iulii Caesaris uxor quarta. Herder: jene dreiste Römerin, die das Edict veranlasste, dass künftig kein Weib in Person ihre Sache vor Gericht treiben sollte. — v. 36. *Pentheus*, rex Thebarum, Cadmi nepos, qui ob contemta Bacchi sacra a matre Agave eiusque sororibus vivus discerptus est. Ovid. Met. III, 514, sqq. — v. 41. *Orpheus* Appollinis, et Calliopae filius a matre accepit artem musicam, in qua adeo excelluit, ut arbores et saxa et feras ad saltandum commoveret, ventos ac flumina sisteret. Is Eurydice uxo-

re ex morsu serpentis mortua inferos adiit tamque dulciter cecinit, ut omnes inferi obstupescerent, et Pluto illi redderet umbram seu animam Eurydices; hac tamen lege, ut si Orpheus respiceret antequam egressus esset orcum, illa remanere cogeretur. Orpheus vero ductus amore et curiositate respexit et uxorem denuo perdidit. Postea coepit omnes odisse mulieres, et solus in Rhodope, Haemo aut Pangaeo montibus habitans musicam exercere, aliosque dehortari viros ab amore mulierum. Hinc Thraciae mulieres Bacchae furentes in eum irruunt ac discerpunt. Ovid. Met. X. et XI. Hor. Od. I, 22. — v. 46. *Aontis*, v. I, 25, 2. — v. 51. *Peneida* i. q. Daphnen, a Peneo fluvio, qui inter Ossam et Othrym fluit, et ad quem Daphne in laurum mutata est. — v. 52. *Pierides*, v. I, 43, 7. — v. 59. *Sabinas* (v. III, 32, 55.), exempla fidei ac obedientiae. — v. 62. *Echo*, v. III, 19, 14 — v. 64. *Hecube*, uxor Priami, Troia capta prae dolore mutata est in canem. — v. 75. *Infringo*, dextrum pollicem. Cf. Stat. Achill. 575: digitosque sonanti Infringit citharae. — v. 78. *Sappho*, nata Mitylenes Lesbii, poetria aequalis Alcaeï. — v. 84. *Penelope*, uxor Ulyssis, constantia et castitate insignis. — v. 98. *Lucina*, h. e. Diana vel Iuno, quae partibus adest. Cf. Hor. Od. III, 22, 3. Epod. 5, 6.

Ode XIII. Herder: Dieser stille Schmerz, diese hohe Ergebung sammt dem Blick, der beide Leidende verbindet, hat in Poesie und Kunst unter dem Namen der *mater dolorosa* den stärksten und zartesten Ausdruck gefunden.

Ode XIV. Cf. Apocal. c. XII. — v. 8. *Atreus*, v. II. 13, 61. — v. 9. *Colchicae* sc. veneficae, qualis Medea. — v. 18. *Apellarum* i. q. Iudaeorum, cf.

Hor. Sat. I, 5, 100. — v. 21. *Gyges*, pulcher iuvenis Gnidius. Hor. Od. II, 5, 20. III, 7, 5. — v. 22. *Hylas* iuvenis Herculis Argonautae socius, qui ex fonte hauriens aquam a Nymphis arreptus est in undas. — v. 23. *Crispus* filius erat Constantini M. Tentatur a Fausta noverca adolescens. Repulsa vero a castissimo lata iuvene ira inflammata incusat eum apud patrem de libidine. Is causa incognita praeceps iubet natum occidi. Comperta vero falsitate splendendum adornari balneum, in eoque uxorem Faustam suffocari iubet. — v. 24. *Phaedra*, uxor Thesei, Hippolytum privignum pulchritudine insignem amat impure. Illo flagitium detestante vindictam quaerens impudica noverca apud maritum libidinis accusat insontem, qui iratus a Neptuno petit, ut ab equis discerpatur marinis iuvenis. — v. 25. *Getae*, v. I, 37, 12. — v. 41. *Cretatus* h. e. ornatus ut victima vel ad immolandum. Etiam i. q. candidatus. — v. 80. *Thyesti*, v. II, 13, 61. — v. 90. *Antiochus*, Selcuci f. secundus, Syriae rex, crud. Iud. tyr. — v. 92. *Sorores* i. e. Furiae tres. — v. 95 *Tityus* Latonae tentator in orco laniatur a vulture aut aquila. Cf. Virg. Aen. VI, 596. et Hor. Od. II, 14, 8. *Phleggyae satus*, h. e. Ixion, cf. Epod. 16, 36. Sic emendavi Baldei *Phleggyae* pater sine dubio volentis significare Ixionem filium. Phleggyae enim pater est Phorbas. — v. 97. *Steyphus*, v. III, 47, 102.

O de XV. v. 1. *Gustavi* sc. Adolphi, v. ad IV, 1, 86. II, 26, 11. 2, 18. — v. 3. *Octavus* sc. Urbanus Pont. Max. — v. 4. *Tertius* sc. Ferdinandus Imperator. — v. 7—8. *Dorstensonius* et *Hornius*, praectores Suecorum; cf. II, 18, 36.

Ode XVI. v. 15. *Adeodatus*, Augustini filius. — v. 17. *Aliptus* eiusdem sodalis atque amicus coniunctissimus. — v. 24. *Aegides*, h. e. Theseus, Aegei filius; cf. Epod. 7, 38. — v. 31. Cf. Hor. Epod. 17, 64: *Novis ut usque suppetas doloribus*. — v. 36. *Ixion*, Phlegyae filius, ausus Iunonem tentare a Iove ad tartara missus est, ubi rotae volventi alligata eius membra perpetuo laniantur. — v. 38. *Tantalus*, v. I, 9, 30. — v. 60. *Aglata*, *Thalia* et *Euphrosyne* nomina sunt trium Gratiarum vel Charitum. — v. 1 *Canidia* saga, anus libidinoso; v. Hor. Epod. 12, 17. — v. 4. *Alcides* i. e. Hercules; cf. IV, 1, 73. Huic Deianira uxor vestem cruore Nessi venenatam muneri misit, qua indutus mox vi veneni confectus ac rogo a se ipso structo impositus in flammis exspiravit. — v. 6. *Iolcos* urbs Thessaliae, patria Iasonis. Thessalia veneficiis celebris. Cf. vs. 38. *Circe*, v. I, 22. 8.

Ode XVII. v. 5. *Nisa* pulchra quaedam puella, Damonis amica. Virg. Ecl. VIII, 18. Item *Pholoe*, cf. Hor. Od. I, 33, 9. Od. II, 5, 17. III, 15, 7. *Amyntas* pastoris nomen apud Virg. *Phyllis* puellae nomen fictum, ut et Mopsi pastoris, apud eund. et Hor. — v. 18. *Deianira*, v. Epod. XVI, 2. 4. — v. 29. *Sticanos Molossos*; cf. II, 32, 11.

Ode XVIII. v. 5. *Sophos*, cf. Phaedr. fab. III, 14, 9. — v. 64. *Libitina*, v. II, 39, 56.

Ode XIX. v. 6. *Agathyrus* est titulus poematis Baldae, encomium Macilentorum. Agathyrsi caeterum sunt populus borealis Scythiae, ubi hodie Transsilvania. — v. 45 *Hoc opus*; cf. Virg. Aen. VI, 128. 29. — v. 45. *Trade Nottis* cet. cf. Hor. Od. I, 26, 2: *Tradam protervis in mare Creticum portare ventis*.

Ode XX. v. 10. *Fratres* sc. Eteocles et Polynices. — v. 12. *Proteus*, v. II, 39, 46. Cf. Hor. Od. I, 2, 7 sqq. — v. 13. *Tritonum*, v. I, 5, 38. *Satyri bimembres*, pedibus sc. caprinis. — v. 14. *Scylla*, v. II, 32, 14. — v. 15. *Arion*, natus Methymnae Lesbii, cantus sui suavitate allexit delphines. Cf. Herod. Hist. I. et Ovid. Fast. II. — v. 16. *Orpheus*, v. 12, 41. — v. 31. *Bootes*, v. III, 1, 105. — v. 37. *Hercynio lupo* vel saltu Germaniae latissime patente; v. Tac. Germ. 30. Ann. II, 45. Caes. B. G. VI, 24, 25. — v. 38. *Moravas urbes* sc. Moraviae (Maehren) provinciae vicinae Bohemiae, cui Moravus fluvius nomen indidit. — v. 41. *Enceladus*, unus gigantum. Virg. *Tri-nacria* antiquiss. nomen Siciliae (τρίσις ἄκρα). — v. 43. *Vesuvi*, v. III, 16, 40. — v. 45. *Catabria*, provincia Italiae inferioris inter Adriaticum et Ionicum mare. — v. 51. *Amphiaraus*, vates et rex Argivorum, ante Thebana moenia unacum curru suo et equis a terra absorptus est vivus. — v. 57. *Arcton*, v. III, 1, 19. 7, 14. — v. 58. *Erigone*, v. I, 5, 40. — v. 98. *Histrioniam facit*. Plaut. Amph. prol. 90.

Ode XXI. *Minoressa* vel Minorissa est Manresa parvum Cataloniae oppidum, ubi s. Ignatius annum commoratus Deo sese devovit. Alloquitur poeta divam societatem mortaleis miseratam casus, quam prima Minoressa parvis cepit cunis Hispani patris (h. e. Ignatii) ex flagranti vulnere natam. Eadem porro appellatur pulcer Ignatii Mariaeque sanguis (i. e. filia) unde diffusum (h. e. propagatum est) sociale (Iesuitarum) foedus in hanc usque aetatem universumque paene orbem terrarum. — v. 22. *Herculis Calpe*, altera columnarum; hodie Gibraltar. — v. 40. *Thule*, v. I, 9, 7. *Peuce* insula ante ostia Istri.

— v. 41. *Mons iunge cum tamen ambulatur.* — v. 44. *Gryphes* fabulosae aves quadrupedes. Virg. Plin. — v. 47. *Sola* sc. virtute. — v. 54. *Moluccae* insulae Asiae in Oceano orientali, quas invenit Ferdinandus Magellanus (Magelhaens) Lusitanus. — v. 56. *Maeotis*, v. II, 27, 23. Niphates mons inter Armeniam, Mediam et Assyriam, unde Tigris fl. oritur. — v. 61. *Iapyx*, Westnordwestwind. — 63. *Seres*, populus Asiae orientalis, unde vestes sericae Romanorum. — v. 65. *Inversae pellis* i. e. mutatae, aliter coloratae. Cf. Sil. XVI, 569: Albentes invertere lanas Murice Gaetulo. — v. 87. *Sacra Cosmae et Damiani astra* h. e. dies festus, qui celebratur 27. Septembris. Herder: Ein grosses Stück, das die ganze Geschichte des ersten Jahrhunderts der Gesellschaft (imaginem primi saeculi) in lyrischem Fluge darstellt: eben diese ganze Geschichte ist also Commentar des Liedes. Der letzte Wunsch ist des Dichters würdig. Cosmas und Damianus waren beide Liebhaber der feineren Wissenschaften, und dabei voll Eifer für Religion und Sitten gegen herrschende Missbräuche und freche Lebensart. Solche wiederkehrende Sterne, die den Eifer fürs Gute mit dem Geschmack fürs Schöne verbänden, wünschte Balde seiner Gesellschaft.

Ad Lectorem epilogus.

Dedecori Christiano esse nomini si nostra aetate clarissimus unus Latinitatis arbiter*) asseverare ac de cathedra praedicare academica non dubitavit, non lectitari explicarique Christianis in scholis Lyricorum huius nominis praeclara poemata, Horatium aequiparantia: quid est, quod haec carmina, quae quum gravitate ac venustate rerum, tum poeticae dictionis elegantia et gratia tantopere excellant, nostrae tradere iuventuti haesitemus? Nimirum integrum iuvenis pectus ex fonte purissimo sapientiae verba adhibere desiderat: antiquos vero poetas non rarius libidinum iaculari ignes, quam semina spargant virtutum, constat inter omnes. Quamobrem Archilochum poetam egregium, sed impudicorum scriptorem versuum Lacones una cum libris eius urbe expulisse legimus. Atqui maxima certe debetur reverentia puero. Nec eadem est quam laudant illi probitatis ratio atque nostrorum. Nam si causam quaeras unde virtutes commendentur ab istis, nunquam non naturalem reperies; persaepe quae est vitiorum ac sceleris eadem radix, idem fons. At enim vero hoc longe secus est apud eum, modo quem illustravimus, poetam. Huius enim laudationum omniumque causa actionum suprema semper ipsum est summum Numen, quae est omnis verissima una laudis nobilitas atque praestantia. Age assuescat sacra progenies amare coelestia divinisque accendi virtutibus. Non

*) Carolus Fried. Heinrichs prof. in academia Bonnenai anno superiore defunctus.

loquar hic de tanti ingrata atque iniuriosa patrii poetae oblivione. Non hic eorum demirabor errorem, qui quum divites sint margaritis, gaudeant ornenturque lectis de torrente silicibus. Mitto praeterita. Neque enim facile quisquam veterum vivus in scholis tritus est poeta. Falernum probatur vetustate. Nos vero non ad usum scholarum tantummodo Horatium Germanicum, ut merito est dictus, nova hac resuscitavimus editione, verum etiam ad eorum, qui quae quondam in ludis didicerunt pueri, horis subsecivis libenter recolunt, vel delectationem vel animi consolationem. Tironum servituras studio atque literarum amantium otio adiectas habes annotationes breves; enodandas vero poetae sententias non placebat exercendis iuvenilibus praeripere ingeniiis. In illis nihil, quod usui esset, neglexi eorum, quae ante me annotaverunt Herderus, Orellius, Neubigius, ne quid in hac editione desideraret lector. In constituendo textu usus sum antiquioribus editionibus omnibus, Monacensi utraque scilicet et Coloniensi, quarum Monacensis altera nonnullas praebet emendationes probissimas; utrum vero Baldaeï manu scriptas, an Societatis non liquet. Expungenda interpunctione vetere multum scriptori affudisse lucis mihi videor. Vale iam tibi dicens, Lector benigne, ex eadem illa Societatis editione Monacensi a. 1729. propter fidem historicam adiungam vitae descriptionem poetae.

Vita Baldaci.

Jacobus Balde, celebre Musis nomen, superioris seculi anno tertio aspexit lucem. Ensis hemium illi natale solum fuit, nobilis Alsatie civitas, ex alumno suo etiam nobilior futura. Suprema philosophiae et artium laurea donatus, ad lus civile primo applicuit animum; dein vero rebus spebusque, quae affulgebant, haud vulgaribus, mundo relictis, divino motore Spiritu totum se Christi dedicare servitio constituit ac sequelae. Superioris Germaniae provinciam elegit, ubi in Societatem nostram admitteretur et tyrocinium. Patuit egregio iuveni Landspergae aditus, annum aetatis vigesimum primum agenti. Post iacta religiosae vitae principia ad humaniorum litterarum tractationem tum Superiorum voluntate, tum suo apte quodam genio applicatus, ea continuo edidit specimina eminentis ingenii, ut facile, in quantum Musarum antistitem evasurus esset, pateret observantibus.

Rhetorices praecepta tum Ingolstadii, tum Monachii cum plausu ingenti fructuque praelegit, a magnis etiam viris et Principibus excepta discipulis; adeo ut vel procul remotos ab ipsa Polonia exciret fama tanti magistri, tanquam novum aliquem Quintilianum audituros. Eo tempore lephtiadem in theatrum produxit Anglipoli, versuum gravitate et affectuum dexteritate admirabilem. Calybitam non minore artificio compositum et Monacensibus ludis datum nescio quae plagiaria manus invidit posteris; iactura tanto tristiore, quanto uberiores erant

lacrymae, cum spectaretur, septem omnino horis et motu et gustu auditorum sine fastidio perdurante.

Neque tamen in hoc officii genere solum tanta cum laude versatus est. In exedra etiam ecclesiastica annis aliquot potens orator ad potentes dixit. Biennio admodum ad Maximilianum I. Bavariae Ducem et Electorem eiusque aulam Monachii. Inde eiusdem Principis voluntate ad proseguendam Boicarum rerum historiam a Brunnero ultra umbilicum iam productam admotus equidem plus annuo spatio haud perduravit: sed ob eiusmodi causas, quae Iacobo tam erant honorificae, quam aliis ut affricentur non necessariae. Collegit nihilominus copiosam rerum eo facientium sylvam, quae etiamnum Monachii asservata insigne testimonium dat Baldeanae non minus industriae, quam prudentiae.

Quanquam alio teste opus non est, quam multiplici laboris fructu oculis subiecto. Lege eius Poematum tomos, lector optime, si otiosus es; et quam otiosus esse potuerit auctor, intelliges. Nullum certe inter Latinos poetas hactenus extitisse scio, qui Baldeum et multitudine poematum, et diversitate vicisset. An vero ille plerosque non vicerit ingenio, alterius iudicium esto. Quod inter alia singulare habuit, erat haec ipsa ingenii felicitas coniuncta cum admirabili industria et laboris patientia. Nihil effudit in publicum entheus. Omnia ad limam plus quam decies revocabat et poliebat ita, ut omnino effusa viderentur facilitate naturae, non artis labore. Non sine veneratione inspexeris chartas illas ad posterorum memoriam in Monacensibus scriniis repositas, quae poeticos Iacobi partus primitus exceperant. Pluribus saepe lituris ornantur quam

lineis. Nec grave illi fuit tertium quartumque verbum periclitari, dum prodiret aptissimum. Una nunquam linea sustulit, quod hora plus quam una parturiit. Alienissimus nempe erat a simiarum indole, nihil eorum, quae aliquando protulere, non basiantium. Aetatem latura in annum premenda monebat; saepe auctoris virgulam subire debere, quod posteritatis oculos olim auderet subire. *Ut male parta, aiebat, male: ita cito parta dilabuntur cito.* Unde ferre non poterat, qui Musas ad turpissimam servitutem cogerent, et nunc ad sistendos puerorum vagitus, nunc ad pingenda sponsarum flammeola, nunc ad sepelienda magna cadavera, extemporali promptitudine accinctas vellent; tanquam versus ut fungi unius noctis spatio innumeri protrudi possent. Legi ea propter meretur elegantissima *de studio poetico Dissertatio*, quam *Torritatis encomio* praefixit.

Caeterum argumenta elegit plerumque sterilia tanquam solum ab omni colono destitutum. Sed nihil tam saxosum fuit et aridum, quod inventionum foecunditate non ad elegantias usque excoleret; nihil tam humile, quod ille non magnum redderet et Apolline dignum. Nullum poetices genus intactum reliquit. Ex omni partus vere nobiles produxit, ad ipsa adeo Romanae poeseos adhuc balbutientis incunabula eluctatus, cum *Enniis*, *Lactis*, et *Pomponiis Atellantis Osce* et *Casce* non obiter ausus colloqui. Multum delectari videbatur Satyricis. Iuvenalem et Persium tam clarum nobis reddidit, quam innoxium. Ea vi genuinum in rebus ludicris sine ullius damno exercebat, tanquam serio irasceretur; et ridendo tam valentes veritates imprime-

bat moribus, ut omnibus prodesset. In Lyricis tamen omnium aestimatione dominari est visus; et inter eos, qui in hoc carminis genere versati sunt, tanquam modimperator quidam habitus. Unde a clarissimis Viris non nisi *Germaniae Horatius*, honorificentissima compellatione dicebatur. Huic equidem, ut principi, etsi Baldeus nunquam non assurgeret, fuere nihilominus, qui dubitarent, an Flacco plus concedere deberet, quam temporis praerogativam. In primaria Romani imperii civitate a Senatoribus ambitiose certatum est pro calamo, quo usus est Iacobus. Qui obtinuit, argento inclusum suae in virum aestimationis perpetuum monumentum esse voluit. Itali, Galli, Belgae optassent civem. Ipse Pontifex Alexander eo nomine VII. *Urantiam* extremis equidem optimi senis laboribus concinnatam adeo probavit, ut missa ad ipsum aurea sui effigie, quo animo dedicatum sibi opus vatemque susciperet, testari publice sit dignatus.

Iacobus Pontificium munus Deiparae Virgini anathema Neoburgisuspendit, ut intelligeres, quam Palладem coleret, a qua laurum speraret. Mariana lilia et verecundas rosas spirant ubique versus Baldeani. Alias fides eius lyra ignorat, quam quas castissimus Agnus suffecit. Septuaginta omnino odae solum in Lyricis et Sylvulis reperiuntur, quibus Superum Reginae amores canit et laudes, tam foecundo semper ingenio quam pio; ut erubescere discerent lascivi oscines et infames poetae, quibus continuo vox haeret, nisi prostibula cantanda sint; et vena exarescit, nisi describendae sint Cynthiae, aut pingendi Adonides. Unde non minorem e laboribus suis utilitatem collegit, quam famam; cum

non pauci fuerint, qui profiterentur, se vel singularia pietatis virtutisque incitamenta, vel rerum humanarum contemptum non sine voluptate hausisse e Poematum ipsius sacrationem utique Phoebum spirantium lectione.

Inter applausus tam communes quam sibi non ignotos sui ipse semper memor, modestiae oblitus nunquam, despiciere solebat neminem, colere omnes; et ut erat, amoenissimi ingenii conversatione demereri; laudum tamen aequae ac vituperiorum Stoicus contemptor. Uti censuris sua scripta subiiciebat lubens, ita, si iniquiores ferebantur, non irasci solebat invidiae, sed misereri ignorantiae. Corpori indulgebat nihil, parcus cibi potusque, eiusque admodum vulgaris. Cultus externi negligens, interni studiosissimus. Nunquam id magis patuit, quam decrescente paulatim aetate, et increscente, ad quam pronus erat, hectica. Subtrahere se tunc consortiis hominum; suspirare coelestia, et solis colloqui Superis. Pedes sustinendo corpori penitus fracto exhaustoque neutiquam pares erant. A patrando igitur ad aram sacrificio abstinere cogeatur. Trahebat nihilominus collectis, quae supererant, virium reliquiis corpus debile in templum publicum, ad ipsam usque sacrificantis aram, ubi divinae quotidie rei genibus innixus tanto cum pietatis sensu intererat, ut qui spectarent viri sanctimoniam, ingenii dotibus, etsi maximae fuerint, longe haberent maiorem. Ultimo biduo nulli mortalium nisi quae parando ad coelum viatico conducerent, loqui voluit. Eo, ut confidimus, abiit V. Id. Aug. Ann. MDCLXVIII. Neoburgi ad Danubium.

*Metra Horatiana, quibus in Odis usus est
Jacobus Balde.*

- I. Metrum Asclepiadeum primum, μονόκωλον μονό-
στροφον, versum Asclepiadeum minorem usque
repetens.

— — — υ υ — || — υ υ — υ $\frac{υ}{—}$

I, 1.

IV, 38.

- II. Metrum Asclepiadeum secundum, δίκωλον δίστρο-
φον, quod ex versu Glyconico et versu Ascle-
piadeo minori alternatim se excipientibus com-
positum est.

— — — υ υ — || — υ υ — υ $\frac{υ}{—}$
— — — υ υ — || — υ υ — υ $\frac{υ}{—}$

I, 9. 13. 18. 21. 23. 25. 27. 30. 43.

II, 5. 7. 18. 27. 47.

III, 27. 33. 39. 43. 46.

IV, 4. 17. 40. 42.

- III. Metrum Asclepiadeum tertium, δίκωλον τετρά-
στροφον, constans ternis versibus Asclepiadeis mi-
noribus, quos subsequitur versus Glyconicus.

— — — υ υ — || — υ υ — $\frac{υ}{—}$
— — — υ υ — || — υ υ — υ $\frac{υ}{—}$
— — — υ υ — || — υ υ — υ $\frac{υ}{—}$
— — — υ υ — || — υ υ — υ $\frac{υ}{—}$

I, 6.

II, 33.

III, 13. 41.

IV. Metrum Asclepiadeum quartum, *τρίκωλον τετράστροφον*. Constat ex Asclepiadeo versu minori bis posito, versu Pherecratio et Glyconico.

— — — υ υ —	— υ υ — υ <u>υ</u>
— — — υ υ —	— υ υ — υ <u>υ</u>
	— — — υ υ — <u>υ</u>
	— — — υ υ — υ —

I, 4.

II, 14. 37. 43.

III, 9. 40.

IV, 5. 13. 20. 28.

V. Metrum Asclepiadeum maius, *μονόκωλον μονόστροφον*; versum Asclepiadeum maiorem usque repetens:

— — — υ υ — || — υ υ — || — υ υ — υ υ

I, 17.

IV, 6.

VI. Metrum Sapphicum, *δίκωλον τετράστροφον*. Ter repetit versum Sapphicum minorem sequenti Adonico.

— υ — — —	υ υ — υ — <u>υ</u>
— υ — — —	υ υ — υ — <u>υ</u>
— υ — — —	υ υ — υ — <u>υ</u>
	— υ υ — <u>υ</u>

- I, 2. 7. 10. 14. 19. 29. 32. 35. 38. 42.
 II, 2. 4. 9. 11. 13. 19. 21. 24. 29. 32. 38. 40. 45.
 III, 2. 5. 7. 10. 14. 18. 20. 22. 25. 28. 32. 35. 38.
 44. 48.
 IV, 7. 9. 12. 15. 21. 27. 30. 32. 34. 43. 46.
 Epod. 21.

VII. Metrum Sapphicum maius, *δίκωλον δίστροπον*.
 Habet versum Aristophanicum et Sapphicum
 maiorem alternatim positos.

— υ υ — υ — $\overline{\text{υ}}$
 — υ — — — || υ υ — || — υ υ — υ — $\overline{\text{υ}}$
 II, 42.

VIII. Metrum Alcaicum, *τρίκωλον τετράστροπον*. Bi-
 nos exhibet versus Alcaicos hendecasyllabos,
 versum Alcaicum enneasyllabum, denique ver-
 sum Alcaicum decasyllabum.

- $\overline{\text{υ}}$ — υ — — || — υ υ — υ $\overline{\text{υ}}$
 $\overline{\text{υ}}$ — υ — — || — υ υ — υ $\overline{\text{υ}}$
 — — υ — — — υ — υ
 — υ υ — υ υ — υ — υ
 I, 3. 5. 8. 11. 12. 15. 16. 20. 22. 24. 26. 28.
 31. 33. 34. 36. 37. 39. 40. 41.
 II, 1. 3. 6. 8. 10. 15. 16. 17. 20. 22. 23. 25.
 26. 28. 30. 31. 33. 34. 35. 39. 41. 44. 46.
 48. 49.
 III, 1. 3. 4. 6. 8. 11. 15. 17. 19. 21. 23. 24.
 26. 29. 31. 34. 36. 37. 42. 43. 47.
 IV, 1. 2. 3. 8. 10. 11. 14. 16. 19. 24. 25. 28.
 31. 33. 35. 37. 39. 41. 44. 45. 47. 49.

- IX. Metrum Archilochium primum, *δίκωλον δίστρο-
φον*. Hexametro heroico subiectus est versus
Archilochius minor.

— υ υ — υ υ — || υ υ — υ υ — υ υ — υ
— — — — — || — — — — —
— υ υ — υ υ ^υ —

III, 12.

IV, 18, 48.

Epod. 19. Addito versu iambico dimetro acata-
lecto s. quaternario: Epod. 5. 6, 10. 12.

- X. Metrum Archilochium secundum deest in Bal-
dae Lyricis.

- XI. Metrum Archilochium tertium, *δίκωλον δίστρο-
φον*. Post versum iambicum senarium sequitur
versus elegiambus.

— υ — υ — υ || — υ — υ — υ ^υ —
— υ υ — υ υ ^υ || — υ — υ — υ — υ ^υ —

Epod. 3, sed alia divisione. Cf. Hor. Epod. 11.

- XII. Metrum Archilochium quartum, *δίκωλον δίστρο-
φον*, compositum ex versu Archilochio maiori
et versu iambico trimetro catalecto.

— υ υ — υ υ — || υ υ — υ υ || — υ — υ υ —
— — — — — || —
υ — υ — υ — υ — υ — υ
— — — — —

IV, 22. 23.

- XIII. Metrum Alcmanium, *δίκωλον δίστροφον*. Hexa-
metro heroico subiectus est versus dactylicus
tetrameter catalectus.



— υ υ — υ υ — || υ υ — υ υ — υ υ — υ
 — — — — — || — — —
 — υ υ — υ υ — υ υ — υ
 — — — —

II, 50.

III, 16.

IV, 29. 36.

Epod. 17.

**XIV. Metrum iambicum primum, μονόκωλον μονό-
 στροφον, quod semper versum senarium repetit.**

υ — υ — υ || — υ — υ — υ —
 — — — || — — —

Epod. 16.

**XV. Metrum iambicum secundum, δίκωλον δίστρο-
 φον, in quo versus iambicus senarius et qua-
 ternarius alterna vice se invicem sequuntur.**

υ — υ — υ || — υ — υ — υ —
 — — — || — — —
 υ — υ — υ — υ —
 — — — —

Epod., 2. 4. 8. 9. 11. 13. 14. 18.

**XVI. Metrum pythiambicum primum, δίκωλον δι-
 στροφον. Hexametrum heroicum (qui et versus
 pythius nominatur) excipit versus quaterna-
 rius.**

— u u — u u — u u — u u — u u — u
 — — — — — — — — — —
 u — u — u — u u
 — — — —

Epod., 7. 15.

XVII. Metrum pythiambicum secundum, δίκωλον δί-
 στροφον. Hexameter heroicus cum versu se-
 naris.

— u u — u u — || u u — u u — u u — u
 — — — — — || — — — — —
 u — u — u || — u — u — u — u
 — — — || — — — — —

Epod., 1. 20.

XVIII. Metrum trochaicum, δίκωλον δίστροφον. Ex
 versu constat trochaico heptasyllabo et iam-
 bico trimetro catalecto, quos, si ἀσυναρτήτως
 connectis, tamquam seriem trochaicam novem
 pedum recitare potes.

— u — u — u — u
 u — u — u — u — u — u — u

III, 30.

XIX. Metrum ionicum a minore, μονόκωλον μονό-
 στροφον, usque revolvens versum ionicum a
 minore tetrametrum.

u u — — u u — — u u — — u u —

Metrum hoc alii alio modo dividunt; Balde sic:

u u — — u u — — u u — —

u u — — u u — — u u — —


u u — — u u — — u u — — u u — —

II, 12. —

*Syllabus Odarum adiecto metro, cui
quaeque convenit.*

Lib.	Od.	Metr.	Lib.	Od.	Metr.
I.	1.	I.	I.	20.	VIII.
	2.	VI.		21.	II.
	3.	VIII.		22.	VIII.
	4.	IV.		23.	II.
	5.	VIII.		24.	VIII.
	6.	III.		25.	II.
	7.	VI.		26.	VIII.
	8.	VIII.		27.	II.
	9.	II.		28.	VIII.
	10.	VI.		29.	VI.
	11.	VIII.		30.	II.
	12.	VIII.		31.	VIII.
	13.	II.		32.	VI.
	14.	VI.		33.	VIII.
	15.	VIII.		34.	VIII.
	16.	VIII.		35.	VI.
	17.	V.		36.	VIII.
	18.	II.		37.	VIII.
	19.	VI.		38.	VI.

Lib.	Od.	Metr.	Lib.	Od.	Metr.
IV.	22.	XII.	IV.	47.	VIII.
	23.	XII.		48.	IX.
	24.	VIII.		49.	VIII.
	25.	VIII.	Epod.	1.	XVII.
	26.	IV.		2.	XV.
	27.	VI.		3.	XL
	28.	VIII.		4.	XV.
	29.	XIII.		5.	IX.
	30.	VI.		6.	IX.
	31.	VIII.		7.	XVI.
	32.	VI.		8.	XV.
	33.	VIII.		9.	XV.
	34.	VI.		10.	IX.
	35.	VIII.		11.	XV.
	36.	XIII.		12.	IX.
	37.	VIII.		13.	XV.
	38.	I.		14.	XV.
	39.	VIII.		15.	XVI.
	40.	II.		16.	XIV.
	41.	VIII.		17.	XIII.
	42.	II.		18.	XV.
	43.	VI.		19.	IX.
	44.	VIII.		20.	XVII.
	45.	VIII.		21.	VI.
	46.	VI.			



This book should be returned to
the Library on or before the last date
stamped below.

A fine is incurred by retaining it
beyond the specified time.

Please return promptly.

OCT 17 '66 H

1182-181

MLb 48.33

Jacobi Balde Carmina lyrica /

Widener Library

003951224



3 2044 088 818 901